

The Ohio State University



3 2435 01528 5778

PL248V33B31928

001

BALTACI IYLE KATERINA

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	04	28	02	8	02	004	4

بِالطَّهِّجِيِّ اَيْلَهٗ قَاتِلَهٗ رُسُوْنَا

محرری :

(وایه نو)

طابع و ناشری

کتابخانهٔ علمی

استانبول

کتابخانهٔ علمی — باب عالی جاده‌سی

۱۹۲۸

معرفت مطبعه‌سی

PL 248
V33 B3
1928

رومانتيك مملكتىزك ايلك رومانتيك اثرى اولان
(قاراداوود) ك مؤلفى دوستم ، فكر ومسلك آرقاداشم
(نظام الدين نظيف) . اتخاف .

مقدمه

موسقووا دارالفنونی تاریخ فاکولته سنده ، مستشرق شهر
پروفسور « توغان توغانوفسکی » نك درسند ايدك .
پروفسور ، شرق قریب تاریخی ، - بو تاریخده ، بالخاصه ،
شرق قریب مملکتلریله روسیا آراسنده کی مناسباتک تدقیقی ، -
کندینه اختصاص ایدئمش اولدیغندن ، درسارینه بویوک بر
خواهشله دوام ایدیوردم .

« سومه ستر » ك [۱] صوكنه ككشدك . هم ده بو « سومه ستر » ،
دارالفنونك صوك « سومه ستر » ی ایدی . واقعا شهادتنامه
آمامزه داها بر سنه واردی ؛ فقط بو بر سنه بی مکتبه دوام
ایله دكل ؛ « تهز » لریمزی [۲] حاضرلامقلا کچیره جكدك .
« توغان توغانوفسکی » ، پك مشهور بر پروفسور اولدیغی

[۱] آلتی آیلق مدت تدریسیه

[۲] دارالفنوندن مأذون اولورکن طلبه نك اثبات اهلیت ایچون

حاضرلادیغی اثر .

ايچون، درسخانه من خنجا خنيج قالا بالقدي . حتى ، دارالفنونده
مقيد بولونمايانلر بيله ، - سامع صفتيله ، - بو مفرط مليتيجي
پروفسوري ديكه مكه كليورلردى : ايشته شوراده مشين جاكتلى ،
مشين قاسكه تلى بر قاج قومونيست ؛ و ايشته اوتوده ، سياهلر
كينمش بر مادام ؛ و تا قارشى كوشه ده ، - چار اردوسنك
جنراللرندن اولديغى يوزندن آقان، پوص قيرانتا بيغلى، سرت
و خائن باقىشلى بر آدام او طورويور و نوط آليوردى .

پروفسور حقنده «مفرط مليتيجي» ديدم . فى الحقيقه ، غوسپودين
[١] «توغان توغانوفسكى» مدهش و مفرط بر روسيجى ، بر
«پان سلاويست» دى [٢] ؛ و چارلق زماننده شرق قريبي اله
كچيرمك مقصد سياسيله احداث ايديلن «شرق قريب» تاريخى
كرسينك مثل و مندى بولونماز بر مدرسيدى . كرسينك ايلك
و صوك مدرسى او اولمشدى .

واقعا بولشه ويكلر ، على العموم «پان سلاويست» لردن

[١] « غوسپودين » ، روسجه موسيو ديمكدر .

[٢] سلاو اولان بوتون ملتلك ، - مثلا كوچوك روسلك ،
بويوك روسلك ، بياض روسلك ، مالوروسلك ، صربلك ، چه قلك ،
سلاوا قلك ، پولونيا لىلك ، خروا تلىلك ، سلاووه نلىلك ، حتى اصلاً
سلاو اولماقلا برابر بولغارلىك يكنسق بر ملت حانه كلوب دولت
قورمالرينى ايسته ين بر جريان : تورانجيلق جريانك بوتون تورك - تاتار
عناصرينى برلشديرمك ايسته ديكي كبي .

خوشلانمازلر ؛ لاکن ، پروفیسور «توغانوفسکی» اعصار ایچنده
 اوپله نادر یتیشیر بر «توغانوفسکی» ایدی که ، قولای قولای
 قالدیریلوب دارالفنوندن قاپی دیشاری ایدیه مزدی ؛ زیرا ،
 اونک یرینه کتیر یله جک ألیق بر آدام بولونمادیغی ایچون، تاریخ
 فاکولته سنده کی « شرق قریب » کرسیسک نا اهل اللرده
 قالماسندن قورقورلوردی .

بناءً علیه بولشه ویکلر ، اونی داریلتماق و بر چوق پروفیسورلر
 کی «توغان توغانوفسکی» بی ده مملکت خارجه قاچیرمامق ایچون،
 حقنده مسامحه کار داورانیورلر ؛ بیلدیکی ، دیله دیکی شکله
 فکرینی سویله مسنه مساعدده ایدیورلردی .

پروفیسور ، یالکنز ذهنیتی اعتباریله دکل ، - عینی زمانده،
 چاتال صاقلی ، دارما داغنیق اوزون ، یاغلی صاحب لری ،
 « تولستووقا » دینه ن بلی کمرلی روس مینتانی ، بول کولوتی،
 قوجامان ، کویلو چیزمه لیلریله ده روسدی ؛ حتی، عجائب طور
 و جرکتلریله ده روسدی .

درسک صوکنه دوغرو ، تقریرندن یورولمش کی ،
 کرسیدن ایندی .

ایکی ألی پانطالوننک جیننده ، - « آنفی ته آتەر » بیچیمی
 درسخانه نك آلت صحنلغنده دولاشدی ؛ اوزون و کیرلی طیرناقلی
 پارماقترینی یاغلی صاحب لرنده کزدیردی .

دقت ايتمشمدم : - نه زمان بويله ياپسه اورثينال بر شي
سويله ردي .

ايچمدن كندى كنديمه :

« ينيه پيكي بر فكر بولاجق ! » ديهه دوشوندم . داهاده
برشيلر دوشوننه جك ، تخمين ايده جكدم ؛ لكن دوشونمه
امكان قالمادى .

زيرا ، چاتال صاقللى پروفيسور « توغان توغانوفسكى » ،
الماجيق كميكلىرى ايكي يانه فيرلاق يوزيني بكا چويردى . آچيق
ماوى كوزلريله كوزلريمه باقدى واوزون پارماغنى بكاوزاتدى :
— سز ! — ديدى .

اياغه قالقدم .

وحيرت ايتدم .

هر كس ده حيرت ايتدى .

بر بكا ، برده پروفيسوره باقديلر . چونكه ، منسوب
بولونديغمز دارالفنونده تقرير اصولى جارى اولديغندن ، پروفيسور ،
يالكنز آكلاتير ؛ طلبه يه بر شي صورمازدى . مدرسلر ،
دارالفنونلريلر شخصاً طانيمازلردى بيله ... « تهز » لره كوره
اجازت ويريرلردى .

بناءً عليه ، « توغان توغانوفسكى » نك بكا خطابنه حيرته
حقلى ايدم .

- سز تور كمشسكنز ، اويله مي ؟
- اوهت ، غوسپودين پروفيسور ، تور كم !
- درسليريم سامع صفتيله مي ، يوقسه فاكولته نك طلبه
- اصليه سي صفتيله مي دوام ايدييورسكنز ؟
- فاكولته نك طلبه اصليه سي صفتيله دوام ايدييورم ،
- غوسپودين پروفيسور !
- «تهز» يگزي هانكي موضوع اوزهرينه حاضر لاياجقسكنز ،
- تورك كنيجي ؟
- « بالطه جي ايله قاتهرينا » حادثه سي اوزرينه حاضر لاياجغم ،
- غوسپودين پروفيسور !
- « بالطه جي ايله قاتهرينا » حادثه سي اوزرينه مي ؟ اوووو..
- آئي بولمشسكنز .. بو مسئله جدا ائته ريسان .. هم روسلري ،
- همده توركلري فوق العاده علاقهدار ايدەر ...
- « توغان توغانوفسكي » ، سوزلريني اكمل ايدهمه دي .
- زيرا ، « آنفي ته آثر » درسجانه مزك تا اوته طرفنده بر
- كورولتودر قويدى .
- بو كورولتو ، بن « بالطه جي ايله قاتهرينا » سوزيني تلفظ
- ايدهر ايتمز باشلامشدي ؛ پروفيسور بنم « تهز » يمي موافق بولديغي
- صيراده صوك پرده سنه واردى .
- دوندم ، كورولتودن يانه باقدم .

فیل دیشی کیبی بیاض ایکی آل ، - سوویت موداسنه تبعاً
قیزیل بر باش اورتو ایله اورتولش ، فقط شاققلرندن لیسقه
صاچلری فیرلایان ، - برکنج قیز باشنک چهره سنی قاپاتمشدی ؛
بو فیل دیشی آلک اینجه پارماقلری آراسندن کوز یاشلری
صیزیوردی ؛ و بومینی مینی آلک آووجلری کنج قیزک هیچقریقلرینی
بوغمغه اوغراشیوردی .

پروفسور « توغان توغانوفسکی » ، بندن آیریلدی . ایکی آلی
حالا بول کولوتنک جییلرنده ، - آغلایان کنج قیزه دوغرو
ایلریله دی :

— نه اولدی قیزم ، نهك وار ؟ نه آغلایورسك ؟
کنج قیزده ایکی کوز ایکی چشمه ؛ - جواب یوق !
— سویله سهك نه ، یاوروم ! بر یرك می آغرییور ؟ نهك
وار ؟ دردك نه ؟

قیرمیزی باش اورتولو قیز ، فیل دیشی آللرینی بردن بره
یوزندن چکدی . باشنی ، حدتلی برحرکتله کری فیرلاتدی .
او زمان کوردیم و طانیدم :

« یه قاتهرینا پاولوونا » ایدی بو !
یعنی ، موسقو وادارالفوننک اک کوزهل قیزی ! خایر ،
دارالفوننک دکل ، موسقو ووانک ؛ - موسقو ووانک ده دکل ، بوتون
روس عرقنک اک کوزهل قیزی ! ...

ماوی کوزلو ، لپسقه صاحلی ، پنبہ بیاض تنلی ، موزون
انداملی ، ایری یاری حاصلی ، متار که زمانلرنده ، «ورانکل»
هزیمتنی متعاقب ، بوتون استانبولی چيله دن چیقاروب بوزغونه
اوغراتان ، دہلی دیوانہ ایدہن تیپ !... او تیک دہ اُک کوزمل
أنموچی ، شاه - اثری !

« یه قاتہ زینا پاولوونا » ، بکا باقیوردی ؛ - بنی ییہ جک کبی ،
کینلہ ، حدتلہ ، غیظ و غضبہ باقیوردی .. حایقیردی :

— خرسز !!

الله الله ...

نہ اولویوردی ؟ نہ واردی ؟ ..

نہ دن بن خرسز اولویوردم ؟

اساساً کنديسنی پک از طانیردم . آرامزده کی مناسبت ،
اونک بکا یولده راست کلدجہ خفیف بر باش سلامیلہ اوکمدن
کچمه سی ؛ و بنم ، او کچوب کیتد کدن صو کرا اونک باش سلامی
قادر خفیف ، - حزین حزین ایچ کچیرمه مدی ؛ - اوهت ،
آرامزده کی مناسبت بوندن عبارتدی .

هایدی قیزدی ده آغزینہ کلن ایلک کفری صاووردی
دیہ لم ؛ فقط بن ، « یه قاتہ زینا پاولوونا » یه برفنالق یا پامشدم کہ ...
بوکا رغماً او ، مینی مینی یومروقلرینی صیقوب اوچ کره
داها حایقیردی :

— خرسز !! خرسز !! خرسز !!

حدتي پنه ده يکه مه دي. او کنده کي قورو تما کاغدي «تامپون» ني
ياقالا ديني کي اوزه ريئه فيرلاتدي. لاکن بن، — غايت اي
باسکت بول بيلديکمدن، — «تامپون» ک وجوديئه چارماسنه
مانع اولدم؛ اوني، بويوک برصوغوق قانليقله هوادن ياقالايوب
يانمه قويدم.

پروفيسور «توغانوفسکي»، مداخله ايتدي:

— بوقادار عصبيتکه سبب نه، قيزم؟ تورک کنجنه نيچون
خرسز دنيورسک؟

— نيچون اولاجق ... «بالطه جي ايله قاتهرينا» يي «تهز»
اولارق بن حاضر لايوردم؛ حالبوکه اوده حاضر لايورمش ...
محقق موضوعي بندين چالمشدر! خرسز !! خرسز !!
پروفيسور «توغان توغانوفسکي»، صاغ ايله چاتال صافالک
صاغ چاتالي، — صول ايله ده صول چاتالي طوتدي؛ و«آني ته
آتر» درسخانه مزي کومبور کومبور کومبورده تن برقهقهه
قويوردی.

— نه غريب برتوارد! — ديدی. — نه غريب برتوارد!..
باريشنيا [۱] «يه قاتهرينا پاولوونا» حالا عصيدي. بکا بر
کرم داها:

[۱] باريشنيا، روسجه مادمازهل ديمکدر.

— خرسز !! — دییه حایقیردی .

صوگرا ، یرینه اوطوردی ؛ قولی ، تورکجه ۸ شکلنده ،
صیراسنک اوستنه یاتیردی ویوزینی بو ۸ ک زاویه سینه قاپاتارک
هیچقیرمغه باشلادی .

« توغان توغانوفسکی » ، ساده جه « شرق قریب تاریخی »
متخصصی اِدکل ، عینی زمانده روحیات متخصصی ایدی
غالبا که ، — بویله « ایستهری » نوبتترینه طوتولانلرک ، —
سینیرلری یاتیشمق ایچون ، — بر مدت یالکیز قالمالری ایجاب
ایتدیکنی بیلیوردی .

بناءً علیه ، باریشینیا « یه قاتهرینا پاولوونا » یی اوحالده ترک
ایدوب بکا دوغرو ایلریله دی :

— نهههه ، تورک کنجی ! — دیدی . — « تهز » ک هر نه
ایسه شونک زبده الزبده سنی ، خلاصه الخلاصه سنی آکلات باقالم .
چوق شکرکه ، وثائقمک اهمیتی بر قسمی یانمده ایدی :
بو وثائق ، جا کتمک و پالطومک جییلرینی ، — تراموای قوندو-
کتورلرینک چانطه لری کبی — شیشیرمکده ؛ و « سه رویه ت » می
[۱] پوفلا بر یاصدیغه دوندورمکده ایدی .

تیز بر حرکتله ، « سه رویه ت » محتویاتی اوکمه دوکدم ؛
جییلرمدنه نه وار نه یوقسه هپسینی بوشالتدم ؛ و بونلرک ایچنده کی

[۱] اکثریا دارالفنونلیرک قولاندقلری بر نوع چانطه

نوٽ دفتر ۾ بولارڻ ايلڪ صحيفه سٺي چوڀر دم ؛ باشلادم آڪلاٽمغه :
 — بالطه جي محمد پاشا ، قسطنطيني سنجاعنڪ عثمانجق
 قصبه سنده دوغمش و اوراده بويومشدر . اقرباسندن تبردار
 (= بالطه جي) حاجي سفر آغا واسطه سيله بالطه جيلر اوجاغنه
 قبول اولونارق « خوب نفس » و « تحصيل علم موسيقي به
 پرهوس » اولديني ايجون ، ايلڪ اوڳه مؤذنلڪ ايتمش وبالاخره
 يازيجي خليفه لڪي ايله تلطيف ايديشدر ... سلطان احمد خان
 ثالثك جلوسنده ، چوڀرديڪي انٽريقه لرله ايلڪ اوڳه « ميراخور
 اول » وصوڪراده ، « بالوزاره مسند قيوداني ايله ميجل » اولوب
 « قلالي احمد پاشانك صدارتن صرف وتحويل وعزل وتبديلي
 اراده بيورلدقده اون آلتى سنه شعبان المعظمنك يكرمي اوچنجي
 كوني مهر وكالت كبرى ايله تجيل » ايدلشدى . بالطه جي محمد
 پاشا « صورت اعتباريله » هر نه قدار پك كوزهل بر ذات ايسه ده ،
 سیرتی صورتيله معكوساً متناسبدى .. بر طاقیم انٽريقه لر چوڀر درك ...
 « توغان توغانوفسكى » صوراتنى اڪشيتدى . آلنى « ستوب »
 معناسنده اوزاتارق :

— دور ! — دیدی .

— نيچون غوسپودن پروفيسور ؟ افاده مده بر خطامى وار ؟

— دور ! .. فضله اوزاتما ... دور ! .. مسئله خطامسئله سى

دكل ؛ لا كن ، تام جان آلاجق نقطه به دو قوناماق مسئله سى !

خاتمر ، افنديلر ! بيليرسكيز كه علمده ايكي اصول واردر :

بري ، « بسيطان مركبه » ؛ ديكرى ، « مركبدن بسيطه »

دوغرو كيمكدر . مثلاً ، علم حيوانات تبغنده بولونور كن ،

بر حجيره لى الـ بسيط عضويتلردن ايشه باشلانوب عمود فقريلي

حيواناته دوغرو كيديله بيله چكى كى (= بسيطان مركبه) ؛

بونك عكسنه اولارق عمود فقريليلردن باشلايوب بر حجيره ليلره

دوغروده (= مركبدن بسيطه) توسيع تدقيقات ايله مكده

قابلدر .. كذا ، فلسفه دهده بوكا بگزهن ايكي اصول واردر :

برى inductif ، يعنى استقرايى ؛ ديكرى deductif ، يعنى

استدلالى اصوللردر . بونلردن برنجيسى ، برطاقيم و ثائق طوپلا-

يارق ، بو و ثائقه استناداً بر نتيجهيه وارمى ؛ ايكنجيسى ده ،

الده موجود مثبت ، معين و مقنن بر نتيجهيه تحليل صورتيه

عناصر بسيطهيه بولمى الزام ايدهر . . . ايمدى يى ، كلم

مانحن فيهمزه !... « بالطه جي ايله قاتهرينا » مسئلهسى تدقيق

ايديليور . اورتاده « پروت » محاربهسى وار ، - معلوم محاصره

وار ، - « قاتهرينا » نك درايت و كياست و حسن تدبيرى وار ،

۲۳ تموز ۱۷۱۱ ده بالطه جي محمد پاشا ايله بويوك پترو آراسنده

امضالانان مشهود معاهده نامه وار ؛ - حاصلى معين و مقنن بر نتيجه

وار ؛ - بنا برين ، بوراده تاريخچينك وظيفهسى ، بر جامعه ،

بركل ، بر هيئت عموميه تشكيل ايله ين بو نتيجهيه تحليل ايله مكدر ؛

عناصر بسيطه سنه آيبرمقدر ... اويله دكلى تورك كنجي ؟

جواب ويردم :

— اوت ، غوسپودين پروفيسور !

— حالبوكه سز نه ياپديكز تورك كنجي ؟ ... سز، معين

ومقنن اولان برنتيجهدن ، — يعنى « بالطه جي ايله قاتهرينا » نك

تلاقي آنندن ، — ايشه باشلايوب « استدلالى » بر اصول ايله

عناصر بسيطه يي آرايوب بولا جفكـزده ، يعنى « مركبدن بسيطه »

دوغرو كيدجكـزده ، — ياكلش طرفدن تدقيقاته باشلا ديكز !

« بسيطدن مركبه » كيتديكز ... بالطه جينك كويندن پروت

محاربه سنه دوغرو كليورسكـز ... پكى آما ، حادثه نك نتيجه سى

اولان پروت محاربه سى و ۲۳ تموز سنه ۱۷۱۱ مصالحه سى تاريخ

نظر نده معلومدر ، مثبتدر ... مظلّم قالان نقطه لر محاربه دن اولكى

جهتلردر . او حالده اولاً ، محاربه ايله مصالحه آراسندن تدقيقات

وتعميقاته ابتدار ايله مهلى ؛ بالاخره موضوعه دال بوداق صالماليسكـز !

— يك اعلا غوسپودين پروفيسور ! تام ايسته ديكـز كى

ياپايم — ديدم . — تقريرمه محاربه ايله مصالحه آراسندن (تام بو

نقطه دن !) باشلايورم ...

« معلوم عاليكـز ، محاربه ايله مصالحه نك تام آراسنده » قاتهرينا

نك بعض تدابيرى وار :

« روس اوردوسى تماميله محاصره آلتنه آلتشمى . » قاتهرينا نك

عاشقی اولان چار « پترو »، عسکرینک اطرافنی احاطه ایدن
یکچیریلر اورتاسنده هرتورلو وسائطدن کلیاً محروم، پک فجیع،
پک الیم کیجه لر کچیر یوردی... صباحلره قادار اویویا مایوردی...
پورتاتیف یاتاغنده بریاندن بریانه دونویور؛ متره سی « قاتهرینا » به
« آه، نه در باشمزه کلن بو فلاکت ! ؟ » دیوردی .
« قاتهرینا » ده اوکا جواباً

پروفسور « توغانوفسکی » نك چاتال صاقالی حدتله تیترو دی؛
کوزلری فال طاشی کی آچیلارق :

— بویه آتماسیون تاریخیجیلکمی اولورمش ؟ — دییه
حایقیردی . — محاصره اثناسنده بویوک « پترو » نك یاننده میدک،
تورک کنجی ؟ ! « پترو » ایله متره سی « قاتهرینا » یاتاقدہ قونو-
شورلر کن چادیرلرینک قاپوسندنمی دیکله دک ؟ !

— غوسپودین پروفسور! — دییه نزا کتله ایکیلدم . — متهادیا
سوزیمی کسوب دورویورسکیز . اکر بونجه سنه دریتیشدیر دیککیز
بر طلبه نك فیکرینه آزیحق حرمت ایدیورسه کز ، — بیر اقیکز،
سوزیمی نهایتنه قادار سوبلیه یم . . عاجزانه تدقیقاتم بالخاصه عثمانلی
تاریخیلرینه استناد ایدر ؛ اونلردن آلدیغم انطباعی سزه عیناً نقل
ایده جکم . . تقریرمدن صو کرا کرک سز ؛ کرک باریشنه یایه
« یه قاتهرینا پاولوونا » حتی دیگر آرقاداشلرم، مسئله حقنده آرزو
بیوردیغکیز اعتراضلری سرد ایدر سکیز . . هم سوبله دیکم

سوزلرده پك آقیری جهت یوقدر صانیرم. زیرا ، دهمین، بالذات
 کندیکیز ، « نتیجه لردن تفرعات استدلالی » نى اصل اولارق
 قبول ایتهمی سویله مشدیکیز . ایشته شمعی بنده اویله
 یاپیورم ؛ « نتیجه » سویله : محاصره ده پك فنا بروضعیتده قالان
 برچار وار.. چار ، متره سنی پك سه وییور؛ حتی اونی آیارتارق ،
 اسکی عاشقی ، « منچیقوف » دن آلمشدر ... اودت افندم ...
 بو جهت تاریخجه معلوم . بناءً علیه چار ، فلاکت زمانلرنده
 متره سنی یاتاغندن قوغمایوردی یا ... بالعکس اونکله داها صیقی
 فیقی آکلاشوب قونوشمالری لازمدی ... « پترو » نك محاصره
 اثناسنده اویقوسنر قالدینی ایسه درکاردر .. اویله دهشت انکیز
 برزمانده هانکی بابا یکیت اویاییلیر ؟ او حالده کورو یورسکیز که
 توصیه ایتدیکیز « استدلالی اصول » ، بنی ، « پترو » ایله
 « قاتهرینا » آراسنده جریان ایتدیکنی سویله دیکم محاوره یه
 کتیردی ... افندم ، اساساً بنده کز استانبول غزته لرنده
 انتشار ایدن تاریخی تفرقه لری تدقیق ایدیورم ... بو اثرلرک
 محررلری « استدلالی » اصولک پك کهنه وارمش اولاجقلر که
 دائماً اوندن استعانه ایتمکده لر . تاریخی قهرمانلرک حاشا من
 حضور آبدستخانه یه کیرمه سنه قادار بوتون یاپدقلرینی آکلا تمقده لر ..
 مساعده بیورورسه کیز ، - یعنی سوزیمی کسمزسه کیز ، - دوام
 ایدهیم . اکر سوزمی کسمزسه کیز فکریمی سویله ملک ایسته مم .

درسخانه ده خفيف بر کولوشمه ايشيديلدي .
 پروفيسور « توغان توغانوفسکي » ده کولدي .
 — سوزيکزي کسمه م، تورک کنجي ! نه سويليه جکسه کز
 سويله ييکيز ! — ديدى .
 بن ده دوام ايتدم :

برنجي قسم

ياتاقره بر محاوره

— ... اوهت ، غوسپودين پروفيسور ! « بويوك پترو » ،
 ياتاغنده اويويامايور ؛ عذاب ايچنده متاديا صاغه صوله دونوب
 آهلايور، پوفلايور؛ ومتره سي « قاتهرينا » يه . « نه در باشمزه کلن
 بوفلاکت ! ؟ » ديوردى .
 « « قاتهرينا » ده اوکا جواباً :

« — « پترو » ... « پترو » ... — ديدى . — بنم حشمتا بنم ! ...
 بنم کوزهل کوکرجينم [۱] ! ... چوق اوزولويورسک دکلې ؟

[۱] کوکرجين، روسجه ده سه وکيليلرک برى برلرينه قارشى صرف
 ايتدکاری کلمات تطبييه دندار؛ عيني زمانده، تورک سرائيلرنده کی « آرسلا نجه م »
 سوزينه تقابل ايدەر .

« — بن اوزوليه یمده کیم اوزولسون ، « قاتهرينا » ؟ .. ألمم
 اوزولمکله دکل ، خدمدن و تائرمدن قودورمقله افاده ایديله بیایر ..
 « — حقك وار ، « پترو » م ... چوق فنا وضعیتده سک ...
 چوق فنا وضعیتده یز ... اوردومز چوق فنا وضعیتده ...
 « — محو اولویورز ...
 « — بلکه قورتولورز ، « پترو » ... اللهك کرمندن امید
 کسيلمز !

« — اللهك کرمندن می ؟ .. بن ، الله بل باغلامنی ، —
 « توکل » ی — تخته کچدیکم کوندن اعتباراً روسیادن قوغدم ! ..
 « توکل » ، — دوشمانمز « ده میر باش شارل » کبی ، [۱] — سنك
 ، سابق قرالك کبی — عثمانلی قرارگاهنده در شیمدی ... قورتولوق
 ایچون معجزه بکله میورم ... بن ، متفسخ کلیسا ذهنیتندن تمامیه
 مجرد ایتش ، یپیکی و آوروپائی بر قافا ايله تخته جلوس ايله مش
 بر حکمدارم ... آنجق کندی قومه اعتماد واردر ... فقط
 آرتق کندمدن ده صدقم صیریلدی « قاتهرينا » ! محو اولدق ، محو ..
 « — بر خروج حرکتی یا پامازه امکان یوقی ؟
 « — یوق ، « قاتهرينا » ...

[۱] ایسوه چ قرالی « اون ایکنجی شارل » ۱۷۱۱ ده ، « بویوک
 پترو » یه مغلوب اولوب عثمانلیلره التجا ایتشدی . « قاتهرينا » اصلاً
 ایسوه چلی اولدینی ایچون « پترو » بوراده بر تلخیص یاپیور .

... — »

« چار » پترو « ایله مترهسی « قاتهرینا » ، محاوره نك بو نقطه سنده بر مدت صوصدیلر . بری برلرینه یاقین بوتون انسانلرک یایدقلى انسیاقی برحر کتله صارماشوب دولاشدیلر .
« قاتهرینا » ، عاشقنك آلمان موداسنه تبعاً اوجلری هوایه قالدیریش بینقلرینی اوقشادی ... »

بیفکرک اوقشانریفی حقیقت تاریخیه در !

تقریرم بو نقطه یه ککنجه ، درسخانه مزده بر کولوشمه اولدی .

طلبه دن بر قاجی ، سوز سویله مک اوزره ، پروفیسور « توغان توغانوفسکی » دن مساعده ایسته دیلر . لاکن پروفیسور ، سوزیمی کسمه مک خصوصنده بکا ویردیکی وعدی خاطر لایارق ؛ — « بن قاریشام ، اوکا سوریکیز ! » معناسنده اوموز قالدیردی .
بن ده ، سؤال صور مق آرزوسنده بولونان طلبه آرقاداشمه مساعده ویردم . بو ، الی — الی بش یاشلرنده ، صاقللی بر دارالفنونلی ایدی . شویله صوردی :

— عفو ایده رسکیز ، تورک ککنجی ! فقط سوزلریکیزده بر قیمت تاریخیه کوره میورم ! « استدلال اصولی » ایله بیان مطالعه ایده جکدیکیز . حالبوکه (« قاتهرینا » ، عاشقنك هوایه قالدیریش

بيقاريني اوقشادي!) ديورسكيز. بوني نره دن چيقارديكيز؟
بوسوزك قيمت تاريخيه سي اولابيليرمي؟

كولدم؟ وديدم كه:

— بالطبع اولابيلير... اولابيلير دكل، واردر!! سويله ديكيم
سوزلرك هر بري آلتده، حتى سزه صاچما كورونهن بو سوزده
بيله، مهم بر تاريخي حقيقت كيزليدر.. اونو تماييكيز كه «پترو» نك
زمان سلطنته قادار روسياده صاقالسز تك اركك يوقدي! كذا،
بيقاري هوايه قيوريلش اركك ده موجود دكلدي... بيق
موداسني، همده زورله، داياقله، سهپا ايله مملكته صوقان
«پترو» در. «پترو»، بالذات كندى بيقارينده اهميت مخصوصه
عطف ايله ردی. بوني رسمنه باقار باقماز در حال آكلايورز.
بناءً عليه «پترو» نك الكجاذب طرفي «آلمان» بيغي در. ومادمكه
محاصره كيجه سي، «قاتهرينا» نك عاشقي «پترو» ايله برابر بولونديغنه
اعتراض ائمه ديكيز؛ اوحالده يك مودايه موافق اولان بيغئك،
او كيجه، متره سي طرفندن اوقشانماسني ده بر حقيقت تاريخيه
صورتنده قبوله مجبورسكيز.

بومنطقي وتاريخي استدلاله قارشى آقان صولر دوردي.

صنف، طس س س كسيلىدى.

بنده، مظفريتمدن جسارت آلارق، سوزيمه داوم ايتدم:

«قاتهرینا» بسمه کبشی به منزه سلاک ایتمشدر!

— اوهت غوسپودین پروفیسور! اودت «غوسپوژا» [۱] لر،
«باریشنیا» لر، «غوسپودین» لر... محاصره کیجه سی، چارله
معشوقه سی، یاتاقلرنده بویله قونوشیورلردی.

«قاتهرینا»، بردنبره یورغانی آچدی و بلورکی ده قولته
وجودیله اورتایه چیقدی.

«اواشاده»، یعنی «قاتهرینا» نك یورغانی آچدیغی اشاده —
بران «پترو» نك وجودی ده کوروندی.

«بووجود»، قادینککنک عکسنه، باشدن باشنه قیلملرله
اورتولو ایدی؛ وعادتا، غریب و افسانوی بر حیوانك وجودینی
آکدیریوردی.

«واقعا هوا صیجاقدی؛ — (چونکه معلوم یا: «پروت»
محاربه سی یازین جریان ایتمشدر!) — فقط «پترو»، عصیت ایچنده
تیتهدیکی ایچون، ینه یورغاننه بوروندی؛ «قاتهرینا» ایسه،
شمال مملکتلرینک فجر دائمیلرندن تقطیرایدیلوب خلق اولونمش
قادر کوزهل وجودیله یاتاغك کنارینه اوطوردی؛ و آحیق
نك ماوی کوزلرینی، قارشى تپه ده چادیر قوران، چادیری
اطرافنده بویوک آتشلر یاقدیروب شهر آینلر یاپدیران «عثمانلو»

وزیری بالطه جى محمد پاشانك بولونديغى استقامته چويردى .
 «—» «پترو» !... «پترو» !... — دیدى .— بىم حشمتا بىم !... بىم
 كوزەل كوكر جىنم ... بىن ، سىنك مترەسك اولمازدىن اول ،
 داھا ايسود جەدە ايكن ، پروتستان مذهبىنە سالك راعب «غلوق» ك
 خدمت جىسى ايدىم . بوپاپاس ، ھنوز بىن اون دورت ياشمىدە بولونديغى
 بر صيرادە ، — باباسى مجهول بر قىز اولديغىدىن بالاستفادە ، — بكرىمى
 جالدى ... سىن بونى بىليورسك ... وبى اوپاپاسك خاطرە سىندىن
 قىصقانيورسك ... اوت حشمتا بىم ... سىن بى باشقەلرىنك
 خاطرەلرندە قىصقانمقدەسك !... قىصقانمقدەسك ، حشمتا بىم !
 زىرا ، اون سىكىز ياشمىدە ايكن ، «اون ايكنجى شارل» ك
 اوردوسىنە منسوب بر ضابطە اولنديكىمى ، و زوجىك ، بر
 محاربە اتناسىندە روسلر طرفىندىن اتلافى اوزەرىنە سىزە اسىر
 دوشدىكىمى ، اوندىن سوكرامى ، اصلاً آلمان اولان جنرال
 «باوئەر» ك ؛ ديركن ماردشال «شەرمەتيف» ك ؛ و نهايت ،
 «مچنيقوف» ك ائە كچدىكىمى ؛ — و شىمدى تعبد ايدەرجەسىنە
 سەودىكك بو وجودە بوتون بو اسمى كچن انسانلر طرفىندىن
 تصاحب ايدىلدىكىنى بىليورسك !...

«پترو» ، قىللى وجوديله ، ياتاغىندە دوغرولدى . معارضلرىنك

اعدامى ايچون جلادلرینه امر ويردىكى سىسلە حايقيردى :
 « — سكا بىندىن اول باشقەلرىنك دە صاحب اولدقلىرىنى

مع الاسف بيليورم ۱۰۰۰ کر بو دنيا يوزندن اونلرک وجودلريني
قالدير مقله ، سنک باشقه سنه عائد اولديغکه دائر خاطر دلري سيلمک
ممکن اولسه ایدی ؛ جلادلريمه («باوئر» ی «شهرمه تيهف» ی ،
«منچيقوف» ی اعدام ايديکيز !) امريني ويريردم ؛ زوجک
اولان اسودجلی ضابطک مزاريني خاک ايله يکسان ايدردم ؛
وتا ازلدن بکا موعود بکريکی چالان پروتستان پاپاسی «غلق» ی
چارميخه کرهردم .

« — فقط دست قضانک مقدراتمه يازديغي بو يازی يي سيلمک
الکدن کله يور ، دکلی حشمتمايم ؟ !
« — کله يور ، « قاهرينا » !

« — اويله ايسه ، سکا خبر ويرديم که ، ينه عيني دست قضاء ،
ني ، بالطه جي محمد پشانک وصاله کونده ريبور . وجودي
بالطاجيه ويره جکم ، « پترو » !

« « دهلي پترو » ، دهليجه برحر کتله ، يورغاني صرندن
آتدی و « قاهرينا » نک براق بر شمال فخرندن تقطير ايديلوب
تکشيف اولونمش بر افق پارچاسی کي کوزمل وجودينه ، —
قاصيرغه ، شيمشک وييلدیرم دولو بر قارا بولوط قادار قارا
و قيللی وجوديله چوللاندى ...

« — نه ؟؟ — دیدی . — نه هدم ؟؟ ... » دهلي پترو « ني
بر داهامي دليرته جکسک ...

» — « پترو » ... « پترو » ... حشمت مائيم ... بنم کوزدل
کو کر جيم ! .. براق بني ... براق .. براق « پترو » جغم ...
براق « پتروشقا » جغم ... [۱]

شُرر رراق !! شُرر رراق !! شُرر رراق !!

» لا کن « دهلي پترو » ، « قاتہرينا » يي بيراقمادی .
» دیو — پری مصال لرندہ دیولرک پريلره ياپدقلری بوتون
اشک کنجہ لری « قاتہرينا » يه ياپاجقدی .
» متره سنی ، بر أليله ، اوزون ، دالغالی صاحبلرندن ياقالادی ؛ —
متره سنک صاحبلرينی بوردی ، بوردی ؛ — متقاص پارماقلری
آراسنه ساردی ؛ — وصو کرا ، « قاتہرينا » يي عصبي برحر کتله
چکوب ، ياتاغندن يره دوشوردک ، — يوموشاق وقوملو
طوپراغه سريلی قافقاس خاليسي اوزرندہ سوروکلهدی ، —
سوروکلهدی ، — سوروکلهدی بونکلهده قائمادی . —
بوش قالان ايله « قاتہرينا » نك چيپلاق تنه ياپيشديردي سامارلری ، —
ياپيشديردي توقاتلری ، — شرر رراق !! — شرر رراق !! —
شُرر رراق !!

» — قالتاق !!! سن ها ؟ ... سن ها ؟ ... داهاشيميدن ...
داها محاصره ده ايکن ... داهاصولک وقطعی محاصره يه کيريشمه دن ..

[۱] « پتروشقا » ، روسجه « کوزدل پترو » ، « جي جي پترو »

نوعندن بر لفظ التفاتيدر .

داها بن اولمه دن . . . داها سن ، « عثمانلو » نك پنجه سنه اسير
دوشمه دن . . . داها بوراده ، بنم قوينده ، بنم يورغانمك
آلتنده ياتاركن . . . وجود كده بنم وجودلريمك صيجاقلغنى
دوياركن . . . بندن صوكر اكي عاشقى ، او صاقالى كوبكنه
قادار وارن مسلماني . . . او قاپو قولنى . . . او قاپو قولنك
قوينى . . . او قسطنطينلى آينك اوستكده صولوماسنى . . . او
پادشاه وزيرنك نجه آيدر قارى كورمه يوبده شاخه قالقان
احتراسنى دوشونويورسك ؟؟ .. سن ها ؟؟ . . . سن ها ؟؟
بنم طاينديغم ، وبكا صايننيور صانديغم « قاتهرينا » ؟ . . . قالتاق !!!
« شررراق !! - شررراق !! - شررراق !! »

صنفده يكي دن كورولتواولدى . اوتهدن بريدن « هشت » لر ،
قلم طيقيرديلري يوكسلدى . آكلادم كه ، بو صوك جمله لريمى
درسخانه داخلىنده سويلنمه يه جك براسلوبده بولمشردى .

بناء عليه ، ايضاحات ويرمك اضطراريني دويدم :

— « غوسپودا » [۱] ! - ديدم . - بوسويله ديكم سوزلري علم
نامنه سويله يورم . بناء عليه بنى علم نامنه ديكلاهه جكسكز .
زيرا بوسوزلرك هپسى تاريخى حقيقتلردر ؛ - اودت ، تاريخى

[۱] روسجه ده ، هم قادينلره ، همده اركلره قارشى خطاب
ايديلير بر تعبيردر .

حقيقتلر ... حتى صوك جملهم بيله ؛ - سزى اوطوردىڭىز
 یرده خومور خومور خومور داتان ؛ - هيگىزى «هششت»
 ديه حايقيرتان ، - بنى سكوته دعوت ايچون سزه قلم طيقير -
 داتديران سوز بيله ؛ - (او پادشاه وزيرينك نيجه آيدر قارى
 كورمه يوبده شاخه قالقان احتراصنى دوشونويورسك !)
 سوزى بيله ، - بر تاريخى حقيقته مستنددر ؛ - زيرا، جمله كزده
 بنم كې پك اعلا و پك رعنا بيليورسكيز كه ، سفر اشاسنده
 ايكن اوردويه « عورت » آياق باصامازدى ؛ - حتى ، وزيرك
 چادريه كيرمك شرطيله بيله بوكاپك جواز يوقدى ... اوردوده
 يالگىز « جيوهلك » لر [۱] واردى . . . جيوهلكلر ايسه
 قادين دكلدر ... بناءً عليه ، اى غوسپودلر ، كورويورسكيز كه :
 سوزلرمده علم خارجى ككاه واحده يوقدر ؛ - علمه موافق
 شائيتلر ايسه ، ظاهراً نه درجه ده قولته اولسه لر ، دارالفنون
 كرسيلرنده آچيقدن آچيغه سويله نه بيليرلر ؛ - تورجه ده ، بنم
 آنا لسانمده (بر حقيقت قالماسين عالمده اللهم نهان !) ديه برده
 مصرع واردر كه ، بو مصرع ، ضرب مثل حكمنه كچمشدرا . . .

[۱] يكيچريلرله سپاهيلرك ، - يوزلرينه ياريم پچه اورتدورمرك . -
 يانلرنده كزدير دكلرى ، وسقيم اعتيادلرينه آت ايتدكلرى اركاك
 چوجقلىرينه « جيوهلك » تعبير اولنوردى كه ، - بو « جيوهلك » لر ، حين
 سفرده ، يوزلرنده كى پچه يى ده چيقارير حرب قيلغيله سفرده اشتراك
 ايدهرلردى .

ساخته و يا پما جقلي اوتانوب صيقيلمال اوغرينه حقيقتلر قربان
 كيمه سنه ، مسكوت قالماسنه راضي ميسكنز «غوسپودا» ؟
 اينجه لي قاليني ، قادينلي ار ككلي :
 — راضي دكلرز ز ز ...
 — دوام ، دوام ...
 سسلري يوكسلدي .
 دوام ايتدم :

« — اوت غوسپودين پروفيسور ... اوت ، «غوسپوژا» لر ،
 « باريشنيا » لر ، « غوسپودين » لر .

« « دهلي پترو » ، متردي « قاتهرينا » يه :

« — قالتاق !!!! — كفريله حايقيردي .

« واوني كوپلره ينمش غضبنك بوتون قودوزاغيله آلا بيلديكينه

شامارلادي : — شرر رراق !! — شرر رراق !! — شرر رراق !! ...

« — سن ها ؟ ... سن ها ؟ ... — ديه بوييه باغيروب

دورو يوردي . — سن بنم فلاكتمي سزينير سزينمز ، بنان

صو كراكي عاشقك كيم اولاجغني تخمينه يويوردك ، اويله مي ؟ ...

كوزلريكي بالطه جينك چادرينه ديكك . . . بن اولنجه ، بنم

اوردوم محو اولنجه ، اسير حرب دوشه جككي ، و بوقادار

كوزمل ، بوقادار موزون ، بوقادار خارق العاده وجود كله

ألبته وزیرك شهوتی غیجیقلا یا جنکی تاسارلادك . . . بونی
 عقلكدن کچیردك . . . و بونی عقلكدن کچیرمکله ده قالمایوب ،
 بکا ، آچیقدن آچیغه سویله دك : (سندن صو کرا ، بالطه جینك
 متره سی اولاجغم !) دیدك . . . قالاالتااق . . . قالاالتااق . . .
 ققققااللااللتااق ققق . . . ! . . . اوله یا . . . سر قایلر هپ
 بویله سکیز . . . هپکیز بویله سکیز . . . ارککلره آنجاق موقع
 اقبالده ایکن کولومسه رسکیز . . . حالبوکه صو کرا ، سهو کیلریکیز ،
 یاخود ، قوجالریکیز موقع اقبالدن دوشدیلمی ، — بر بالطه -
 جی یه ، بر « تاتاروا » [۱] یه رام اولورسکیز . . .

« — وورما ، وورما « پترو » م . . . [غریب شی !
 « قانه رینا » ، بو « وورما » یی « وور ! » دیر کی تشویقکار بر
 طرزده سویله یوردی : طبقی ، ایستهریک قدینلرک احتراض
 آنلرنده « یاما ! » دیدکلری طرزده . . .
 « — ققققااللااللتااق ققق . . . ! . . .

« — وورما ! . . .
 « — شامارلایاجغم !! ووراجغم !!
 « — پکی ، وور .. فقط دیکله . . .
 « — حالا سویلیه جک لافک می وار ؟؟ ..

[۱] اسکی مسلمانلرک خرسیتیانلره « کاوور » دیدکاری کبی ،
 اسکی ذهنیتده کی روسلرده مسلمانلرک جمله سنه بردن مقام تزییفده
 « تاتاروا » دیرلر .

» — وار ، « پتروشقا » جغم !

» — سویله !

» — سویلیه یم ...

» — سویله قاتاق سویله !! ... سویله قاتاق !! ...

قاتاق قاتاق قاتاق قاتاق ...

» شرررراق !! — شرررراق !! — شرررراق !!

» — وورما ، « پترو » ...

» — پکی ... وورمایورم ، سویله ! ...

» — پارمقلریکه دولادیغک صاحلریمی براق .

» چار ، صول ألینک پارماقلىرىنى آچدى ؛ — کنج قادینک صاحلرىنى بیراقدى ؛ — لا کن ، خینجینی حالا آلاماش کبی ، « قاتهرینا » یی کوکسندن ایتهرک ، چادیرک تا اوته طرفنده ، یرده سریلی دوران قوجامان و بیاض بر شمال آیسی پوستی اوزهرینه دوشوردی .

» اسوه جلی قادینک ایری یاپیلی ، اتلی بودلی ، بيم بیاض وجودی ، بوشمال آیسنک اوزون ، بیاض قیللری آراسنده بردنبره وحشی بر منظره آلمشدی .

قادین ، دایاقره خورشید یوردا

» « قاتهرینا » ، — بیلینه منیچون ، — احتمال « دهلی پترو » نك

النان قورتولدیغی ایچون ؛ - وینه احتمال ، اوزرینه ییقیلدیغی
بوغمشهری جاناوارک وحشت تلقین ایدیجی دیک وسرت قیلار یله
بلا واسطه تماسه کلوب جاناوارلاشدیغی ایچون ، - هجوم وضعیتی
آلای : - باجقلری اوستنده ، آتیلغه مهیا بر یابان کدیسی
چو یکلکیله طوپارلاندی ...

« و او زمان « پترو » صانابیلردی که ، « قاتهرینا » ، یرندن
سیچرایوب ، آل چادیرک صاچاقلی پرده سنده آسیلی دوران
یدی ، صیریملی ، و صیریمارندن هر برینک اوجی قورشونلی
« قنود » ی [۱] - بویامان قازاق « قنود » نی ، - آلنه کچیره جک ..
« فقط خایر !! - « قاتهرینا » نك مقصدی « پترو » ایله
بوغوشمق دکلدی ! - « قاتهرینا » نك مقصدی : - بو هجوم
وضعیتنده ، وجودینک حرکتیله افاده ایتدیکی کیننی ، نفرتی ،
غیظنی ، - « دملی پترو » نك شامار ، کفر و نعره حالنده
اندفاع ایدن کینیه ، نفرتیه ، غیظیه تانیس ایلیه رک ، - « عثمانلو » یه
قارشی چویرمکدی .

« « عثمانلو » یه ...

« « عثمانلو » اردوگاهنه ...

« « عثمانلو » اردوگاهنك قلبگاهنه ...

« « عثمانلو » اردوگاهنك وزیرینه ...

[۱] قنود ، بر نوع روس قیرباجیدر .

» بالطه جي محمد پاشايه ...

» او قسطنطينيلي به ...

» ايشته ، بونك ايجوندرکه ، چارك اسودجلی مترهسی ،
آل چادرک صاچاقلی پرده سنده آصیلی دوران یدی صیریملی
و صیریملی قورشونلی قازاق «قنود» ینه صاریلاجق یرده ، -
غایت مشفق ، غایت ملتفت بر سسله ، - روس چارینه :
» — «پترو» جغم .. «پتروشقا» جغم .. بنی حشمتما بم ..
دیدي .. سن بنی دو کدک ؛ فقط بن ، سنی ، بوقابا بوخشین
حالکه او قادار سه ویورم که ، بو کیجه دن تیزی یوق ، اوردو کی
قورتاراجغم !

» — !!!

» — تعجب ایتمه «پتروشقا» ... سوریه لی «سه میرامیس»
آئوریلره ناصل برقلعه فتح ایله دیسه ، ایسوه جلی «مارط» [۱] ده
روسلره بر مظفریت بخش ایده جکدر .

» — پیغمبرلرک وعزیزه لرک معجزه یاپدقلری دورلرچوقدن
کچدی ... عیسی دیریلسه ، بلکه تکرار بر اولویه جان ویره
بیلیر ؛ فقط بنم بو بیتکین ، بو پریشان اوردومی قورتاراماز .
» — بن قورتاریرم !

» — ناصل ؟؟

[۱] «مارط» ، «قاتهرینا» نك ایسوه جده کی اسمی ایدی .

» — « عثمانلی وزیر ی ایله خصوصی صورتده آکلاشارق ...

» — نه ده ده ؟ ینه می اولاف ، قاتالالتا ااق ..

» « ده لی پترو » ، آل چادیرك صاچاقلی پرده سنده آسیلی دوران یدی صیریمی وصیریملرندن هر برینك اوجی قورشونلو « قنود » ، — ده مین ، « قاتهرینا » نك قاپاجغنی صاندیغمنر قازاق قیرباجنه ، — بوسفر کندی صاریلمقده ایدی که ؛ — بیاض قیللی آبی پوستی اوزدرنده کی اسوه جلی قادین ، — بر آن اول ، شامار لرله پنجه پنجه قیزارمش بیاض وجودینی نیازکار بر انخنا ایله قیوراندیزدی .

» — دوشون ، « پتروشقا » ! — دیدی . — باشقه چاره یوق ، باشقه چاره یوق ! ... بو کون دکلسه یارین ، اسیر اولاجغز ؛ « بالطه جی » نك آلینه کچه جکیز ؛ — واو زمان « بالطه جی » بکا بوسبوتون بالطه یی آصاجق ؛ — بن بوسبوتون اونك اولاجغم ! — قابا صاقالی ، کوکسنك یاریسنی پرده له یین بو « تاتاروا » یه بنی بوسبوتون قایدیراجقسك ... حالبو که شیمدی ، ساده بر کره ایله ، — ساده بر کیجه ایله ، — قورتولا بیلیرم ؛ — بن قورتولوب اوردوده کی قورتارا بیلیرم واو زمان « بالطه جی » نك خاطره سی اسکی عاشق لریمك : — پروتستان راهی « غلوق » ك ، قوجامك ، جنرال « باوئر » ك ، مارده شال « شاره تی هف » ك و « میچنی قوف » ك — خاطره لری آراسنه

قاریشیر ؛ - سندن غیری بش کیشینک اولشدم ؛ - شیمدی ده،
 یکی بر ضرورت قارشیدنده ، آلتنجی کیشینک اولاجغم ؛ -
 دوشون که ، بویله لکه ، اوردوی قورتاراجغم ؛ - اوردوی
 قورتاردقن صو کرا ، « بالطه جی » نك چادیرندن ینه سکا ، ینه
 سنك یاتاغکه ، ینه سنك یورغانكك آلتنه ، ینه سنك
 « آستراغان » لر [۱] قادار قیویرجق قیلای کوسکه دونه جکم .
 » — آخ خ ...

» — بیلورم : - چوق اضطراب چکیورسك « پتروشقا » ..
 چوق اضطراب چکیورسك .. فقط اضطرابكك دینه سی ایچون
 بر نیشته ر لازم ، - بر نیشته ر ضربه سی لازم ! - بو نیشته ر
 ضربه سندن صو کرا ...

» — ییلان زن ... بی نیشته رله مک ایسته ییلان !!
 » — ینه نه اولدك « پترو » ...
 » — بی آلداتیورسك !
 » — بوکا نره دن حکم ایتدك ؟
 » — بی بیراقوب قاچاقسك .

[۱] روسیاده « آستراغان » ده موجود بر نوع قویونك ، - کبه
 ایکن ، - قارنی یاریلارق ایچندن قوزو آلینیر ؛ بو قوزونك ده ریسندن
 قیویرجق تویلو روس قالپاقلری یاپیلیر که ، « قاتهرینا » سه وکیلپسك
 قیلای کوسنی بومقبول روس متاعنه ، « آستراغان » ده ریسنه ، بکزه تیور .

« — نه صورتله ؟! »

« — « عثمانلو » اردوگاهنه کیدوب اوراده قالا جقسک؛
اورایه یرلشه جقسک... سن ذاتاً دوشمانمز « ده میرباش شارل »
تبعه سندنك ، — ایسوه جلیسك ! — شیمدی ایسه « شارل »
دوشمانده مسافر ... بلکه ده دوشمان قرارگاهنده .
اونلره التحاق ایده جقسك ... حتی بزم اسراریمزی اونلره
سویلیه جقسك ...

« — ایسودجده ، پروتستان پاپاسی « غلوق » ك اوند
سوردیکم سفیلانه حیاتدن غیری نه کوردم که ایسودچ قرالی
« شارل »ه قارشى قلبمده منتدارلق دویایم ...
« — سن بزم یا چوق دوشمانم ، یا چوق دوستمك ،
« قاتهرینا » ..

« — سنك دوستکم ، « پتروشقا » ..
« — بکا اویون اوینامیورميسك ؟
« — سکا اویون اوینایورسهم بنی اولدورورسك ، « پترو-
شقا » ..

« — سنی اولدورورمى يم ؟ نرده ؟؟
« — « عثمانلو » اردوگاهنده ..
« — « عثمانلو » اردوگاهنه بن ده می کله جکم ؟
« — سن ده کله جقسك ...

ساريزم و نماز و عييزم

« دهلي پترو » ني بر دوشونجه آلدی . ياتاغنك كنارينه
 اوطوردی ، - قاشلريني چاڌی ، - عقلندن بر سورو شيلر
 كچيرمكه باشلادی :- بوقاڌينه اينائق جائزمیدی ؟ بوقاڌين اونی
 آلا تمايورمیدی ؟ - آلا تماسی ، محتمل دكلیدی ؟ - « پترو » نك ،
 كندی ذكاسنه ، كندی بندكنه فوق العاده اعتمادی واردی :-
 اوهت او ، كندی ذكاسنه كوودنه رك روسیاده بونجه يكيكلكری
 بونجه انقلاباتی ميدانه كتيرمشدی ... - لا كن « ڦاٽه رينا » نك
 ذكاسی ده يابانه آتيليرلر ذكالردنمیدی با ؟ - فی الحقیقه ، ايسو جده ،
 بر پروتستان پاپاسنك اونده شم التدارك يتيشيورمش نه ايدوكی
 بليرسز بر قیز اچون ، - پيچ بر قیز اچون ، - اسارت حياتنه
 دوشد كدن صو ٽرا بيله ، - چار سراينلرينه قادار يوكسه ليويو یرمك ،
 اهميتسز ايشلردن دكلیدی ! ... - واقعا ، « ڦاٽه رينا » نك « پترو » يه
 حلول ايتمكده كوزللكی پك بويوك بر عامل اولمشدی ؟ - لا كن
 بونده ، كوزدلكی ايله برابر ذكاسنك ده دخلی يوقمیدی ؟ -
 شبهه سز كه واردی . - « ڦاٽه رينا » ، بر چوق سراي انتريقه لرینی
 « پترو » نك لهنه اداره ايتمشدی . - « پترو » ده ، « ڦاٽه رينا » يه
 از نفوذ و یرمش دكلیدی هانی ... - اونی سراي كوز ببيكي
 حالنه كتيرمشدی . - « پترو » ، « ڦاٽه رينا » نك « ضعيف

دامارینی « یاقلامش اولدیغنی صانیوردی : - « قاتهرینا » یی
 کندینه بند ایتک ایچون ، - یاورلره یوز ویرمه مه سنی تأمین
 ایچون، - بر قولانی بولمشدی : - « قاتهرینا » نك خسته لغندن
 استفاده ایدیوردی ! - اوت ، « قاتهرینا » خسته ایدی ؛
 « قاتهرینا » ، روحی بر خسته لقله معلودی ؛ - وجودی عذاب
 آلتده قالمق سزین ، - توقاتلامق سزین ، قامچیلانمق سزین ، -
 احتیاصی دینه یوردی ؛ - « پترو » ، بونك فرقنده ایدی ؛ -
 بونك فرقنده اولدیغندن دولای عشق و محبت فصللرنده ، -
 مطلقا برصودن بهانه ایله حدتله رك ، - بوفصللری دایاق فصله
 تحویل ایدیویریردی . - دائما بویله ، « قاتهرینا » یی یاتاغندن
 یره یووارلار ، - متره سنك چمپلاق وجودنده شامارلری
 شررور اقلاتیردی !... - « قاتهرینا » ، خیرپالاندقجه ، شامارلاندقجه
 قیرباجلاندقجه « پترو » یه قیزاجق و نفرت بسلیه جك یرده ،
 بالعکس ، - داها بند اولور ، - اونك قابا ویرتیجی ارککلکینه
 حیران قالیردی . - احتمالکه ایسوه جلی قادین ، بو غیر شعوری
 انهماکنك ، - (یکرمنجی عصرده « مازوخیزم » اسمنی آلان
 خسته لغنك) - فرقنده دکلدی ؛ - احتمالکه او ، « پترو » نك
 کندینه قارشى درشت معامله سنی ، - کندینی توقاتلایوب
 سیلله له مه سنی ، « قنود » لاماسنی ، - طبعنده کی خوشونته ، -
 بو خوشونتك اندفاعلرینه عطف ایدیوردی ؛ - لاکن بوبدنی

عذاب، ایسوه جلی قادینی روس چارینه باغلا یوردی... «پترو» -
 متره سنک ضعیف دامارینی بیلدیکی ایچون، - و بو «مازوخیست»
 قادینک، کندیس قدار «سادیست» [۱] برارکک بولا مایاجغنی
 آکلادیغی ایچون، - «قاتهرینا» پی کندی اردوگاهنده
 کیمسه دن، - اما هیچ کیمسه دن قیصقانما یوردی؛ - «پترو»،
 «سادیزم» ک، «مازوخیزم» ک اسملرینی بیلمه یوردی؛
 لاکن بونلرک نه اولدیغنی بیل یوردی!! - اودت «پترو»،
 مکمل بر «سادیست» دی؛ - اونده، «سادیزم» ک بوتون
 تظاهرلری واردی: - سهودیکی قادینی ایصیرمق، توقاتلامق،
 قیرباجلامق، - سهودیکی قادینک صاحبینی قوپاریرجاسنه بورمق
 اوننی ذوقیاب ایله یوردی! - صوکر، داها عجائب شکلده،
 داها مفرط شکلده بر «سادیزم» ه مبتلا ایدی: - تبعه سنه
 اشکنجه یاپدیرمق؛ - تبعه سنه یاپدیردیغنی اشکنجه لرده بالذات
 حاضر بولونمق؛ - حتی بالذات اشکنجه یامق؛ - اعداملری
 بالذات اجرا اتمک! - ایشته «پترو» ده کی مفرط «سادیزم»
 تظاهرلری... [بر حقیقت تاریخیه در بو، «غوسپودا»!

[۱] «سادیزم»، «مازوخیزم» ک عکسیدر. «سادیست» لر،
 باشقه لرینه بدن اشکنجه سی یامقلا؛ - «مازوخیست» لر ایسه،
 کندیلرینه بدن اشکنجه سی یاپدیرمقلا ذوقیاب اولورلر؛ - احتراصلرینی
 تطمین ایدهرلر.

« پترو » ، اعدام محكوملريني بالذات ايله چكيور ، - اعدام محكوملرينك قافاسني بالذات كندى ايله كسيوردى ؛ - حتى ، او دورك رساملرندن « غريغوريه ف » ك موسقو واده كي « تريتيا قوفسكي غالورى » اسملى رسم مشهرنده بونقطه يي تثبيت ايدن برلوحه سي واردر ! حاضر موسقو واده يز ، لطفاً « تريتيا قوفسكي غالهري » يه قادار اختيار زحمت بويوزارق ، - تابلوده ، « دهلي پترو » نك يوزينه بايكيكز : - كندى ايله انسان اولدورور كن ناصل ذوقياب اولديغني ، - بوندن عادتاً ناصل بر شهوت دويداغني گوره جكسكز ؛ - صو كرا ، داهاسي ده وار ، « غوسپودا » ! - « پترو » نك قادينلره قارشى پك قابا حركت ايتديكي ، - حتى سو كيلى « قاتهرينا » سني بر ضيافت اثناسنده دو ككه قالميشديغي ، او كا « دورا » [يعني آبدال] ديه حايقيرديغي مشهور درر . [حاصلي « پترو » ، متره سنك كندينه نه درجه باغلي اولديغني و روس اردو كاھنده قلقلري مدتجه كندندن داهاسا يامان بر « ساديست » بولو ناما ياجني ايچون ، ابدى باغلي قالا جغني بيليوردي ! - لا كن بو ، روس اردو كاھنده .. پكي ، « عثمانلو » اردو كاھنده ؟ - عجباً « بالطه جي » طبعاً ناصل بر آدامدى ؟ .. يا « ساديزم » خصوصنده چاردن داهاسا بچقن چيقارده « قاتهرينا » يي كندينه رام ايددرسه ، باغلارسه ؟ ؟ ... - بالخاصه ، « اون ايكنجي شارل » لده « عثمانلو » اردو كاھنده بولونماسي احتمالي واردى .

— «اون ایکنجی شارل»، «قاتهرینا» یه بلیکده مؤثر اولوردی؟... فقط «دهلی پترو»، دهلیشمه نلکی بیراقوب صوغوق قانلیقله دوشونمکده دوام ایتدی: — اوردو محو اولمشدی، کندی ده محو اولمشدی؛ بو تقدیرده ایسه «قاتهرینا» نك بالطه جی یه نصیب اولماسی مقدردی؛ — حالبوکه شیمدی، آتیلایق برقوز ایشته: — «قاتهرینا» نك اوردوی قورتارماسی!... — متره سی اوکا اهانت ایدجك اولورسه، دیمك، انتقام آلماسی ده قابلدی: زیرا، بالذات ایسوه جلی قادین اوکا: (سن ده بنمله برلکده «عثمانلو» یه کل، «پتروشقا»!) دیمشدی. — «پترو»، «قاتهرینا» ایله برلکده «عثمانلو» اردوگاهنه کیده جك اولورسه متره سنك اهانتی سه زینیرسه زینمز اونی درحال کبرته بیلیردی؛ — بونی هر حالده ایسوه جلی قادین ده بیلسه کر کدی. — «پترو» نك ناصل یامان بر آتیجی اولدیغنی روسیاده بیلمه یین یوقدی.

« — «قاتهرینا» ...

« — نه وار حشمتمایم؟ نه وار «پتروشقا» م؟

« — «عثمانلو» یه برلکده کیده لم... لا کن بر شرطله: سن، بندن بر سلاح منزلی آیریلغه قالقی شیرسهك سنی ووراجغم!

« — سنی دائما یقینمده بولوندیراجغم، «پتروشقا» .

« — نه زمان کیده جکمز؟

« — همان بو کیجه!

« — ديمڪ ڪه بو ڪيجه ، بنمله سن ؛ — روس چاري
 « پترو » ايله متره سي « قاتهرينا » ، — « عثمانلو » اردوگاهنه ،
 — « بالطه جي محمد پاشايه ڪيده جگيز ؟. ديمڪ ڪه بن ، — ڪبر
 وغيره ري ، ظلم وجبروتی ايله دنيايه شان ويرهن « پترو » ،
 — سني ، — متره سمی — ڪندي اُملة وزيره تسليم ايدہ جگم ؟!..
 — واقعا ، قورتولوش-مزر ايچون ، — منطقاً ، — بوني دوغري
 بولمقدم ، « قاتهرينا » .. — لا ڪن سني ، بالطه جي يه پيشڪش
 چڪد ڪدن صو ڪرا ، آرقامزده اوغولدا ياجق شوم ديدی قوديلري
 دوشون !!.

« — ايشڪ او طرفنی بکا بيراق « پتروشقا » ... بن
 مسئلہ يي قولايجه حق حل وفصل ايدہ رم ! لا ڪن نه دير سه م
 اوکا انقياد ڪوستر .

« — پڪي « قاتهرينا » ...

« — ڪين !

« — چار اُلبسه لريمي مي ؟

« — خاير ، قيافت ڪدن چار لغ ٻللي اولمامالي ، حشمت مأم !

« — پڪي آما ، اونوتد ڪمي ڪه بوتون اشيامز ضياعه

اوغرا دی . محاصره داخلنده هر ڪس صرتنده ڪي البسه لر ايله در !

« — اويله ايسه معيت بلو ڪندن بريني صوي ، اونڪ

الېسه سنی کین . سنی محافظم دییه « عثمانلو » یه کوتور دیم ...
 « — بوکا امکان کوره میورم .

« — نیچون ؟

« — زیرا ، معیت بولو کندن هر کیمه : « سن صویون !
 الېسه کی بن کییهیم ! » دیسه هم نظر دقتی جالب ایدو جکیز .
 مسئله بلای اولاجق . حالبوکه بن ، بو ایشک تمامیه کیزلی
 قالماسنی ایسته یورم .

« — بن بونک ده بر چاره سنی بولورم . لیکن ، دههین
 سویله دیکم کی ، بوتون دیدکلریمی یاپاجقسک .
 « — اولور .

« — دقتلی دیکله : — چادیریمزک اوتو کی طرفنه کچه جکسک ...
 و بن : — « هایدی چابوق اول ... صوغوقده او شویه جکسک ! »
 دیدیکم زمان ؛ سن بکا « یانکه کلیورم ، « قاتهرینا » ! « دییه
 سسله نه جکسک !

« — بویله سسله جکمشم ده نه اولاجقمش ...
 « — آرتق سن اوجهتلره قاریشما ؛ — یالکیز ، سویله دیکمی
 یاپ !

« — هایدی باقالم ، اویله اولسون ! »

او ائنادو ، دارالفنونمزک بویوک قامپاناسی چالیدی . درس ،

نهایتہ ایرمشدی . قوریدور نوبتجیسی ایچری یه کیردی .
 لاکن پروفیسور « توغان توغانوفسکی » ، نوبتجی یه :
 — بز بر مدت داها صنفده قلا جغز ! — دیدی .. اکر
 طلبه دن چیقماق ایسته یئر وارسه بویورسونلر !

حیرت !!

یرندن قیپیردایان اولمادی .

موضوعک هر کسی صاردیغنی کوردرک سهویندم . فقط
 ینه ، احتیاطه رعایه :

— اساسایک فضلہ سویلیه جک دکم ، غوسپودین پروفیسور !
 — دیدم .. شوچادیر مسئله سنه قادار قیصاجه آکلاتایم اوراده
 کسه رم ..

اوتهدن آپاش قیلیقلی بر طلبه نک سسی یوکسلدی :
 — چادیر مسئله سنی ده آکلات ! ... همده « قیصاجه » دکل !
 بوتون تفصیلاتیه ؛ — یاغلانندیرا بالالاندیرا ... لاکن « قاتهرینا »
 چادیردن چیققدن صوکر فضلہ تراش ایسته مز !! او زمان
 قیصا کس !

قاشلریمی چاتدم ؛ بویوک بر جدیتله :

— بوایشک یاغلانندیرماسی ، بالالایرماسی یوق ! — دییه
 حایقیردم . — هر جمله م بر تاریخی وثیقہ یه مستنددر ! بونی اثباته
 آماده یم !

و دوام ایتدم :

آی، یالدریزی قیوریه بر بونوزه بکزه بور !

« دهلی پترو » ، صرتنه جا کتنی آلدی .

« ایچ چاماشیرلریله پانطالونی و چیزمه لرینی قوجاقلادینی کی چادیرک اوته طرفه کچدی .

« قاتهرینا » ، چیپلاق و جودینه روب دوشامبرینی اورتوب ،
آیاغنه اسقارپینلرینی کچیردی ؛ و چادیرک اوکنه چیقدی .

« مهتاب واردی .

« خایر ، مهتاب دکلدی ؛ بدر تام دکلدی بو ..

« آی ، کوکده ، اینجه وقیورلق یالدریزی بر بونوزه
بکزه یوردی .

« قاتهرینا » اوزاقدن اوزاغه « عثمانلو » لری کوردی .

« عثمانلو » لر ، بویوک آتشار یا قشاردی ؛ حالا شهر آیینلرینه
دوام ایدیورلردی . روس اردوگاهی ایسه ماتملی ، بر سکوت
ایچنده ایدنی .

« ایسوه جلی قالدینک کوزینه ، بردن بره بریر یلتی ایلیشدی ؛

— بریر یلتی یاقینده ایدی ، — و بر قیلنج بریر یلتیسی ایدی ...

« قاتهرینا » ، کوزینی بریر یلتیدن طرفه چویردی ؛ و صوگرا ،

ياواش ياواش ايله رله يهرك پارلايان قيليجه دوشرو يورودي و محافظ
آلاينه منسوب نوبتجي بي درحال طانيدي !

» — « ايوان ايوانوويچ .. »

» — امر ايدك « غوسپوڙا » !

» — نه ياپيورسك اوراده ؟

» — نوبت بكليورم .. »

» — واه زواللي واه .. اوردو ، قطعي انهمامه اوغرا دي ؟

محاصره آلتنده قالدق .. حالامي نوبت بكه يورسك ، ياوزوجاق ..

دوشونسه كه كه صوك كونلريمزي ، بلكه ده صوك ساعتلريمزي

ياشايورز .. طوپمزد بردن « عثمانلو » نك آلاينه كچه جكيز .

» عثمانلو « بزي كسه جك .. »

» — سزي كسمز « غوسپوڙا » .. »

» — كسمز ده نه ياپار ؟

» — بيلمم كه ... شي ... »

» — نه ي ؟ ؟

» — هيچ يعنى ... »

» — نه ديمك ايسته ديكي آكلايورم ... لا كن دوشون ،

« ايوان ايوانوويچ » : — بن ، اهل ايمان برقادين ، بر مسلمانله ،

بر « تاتاروا » ايله ... الله اسير كه سين « ايوان ايوانوويچ » ،

الله اسير كه سين.. قرار یمي ويردم: «عثمانلو» يه تسليم اولاجغمنز
صيراده كنديمي اولدوره جكم...

« — بن ده بويله دوشونمشدم. «غوسپوڙا» !

« — «عثمانلو» يه اسير دوشه جكمز محقق ، «ايوان

ايوانوويچ» !

« — اودت «غوسپوڙا» !

« — او حالده ايکيمزك اوله جكي ده محقق !

« — اويله کورونيور ..

« — شو دنيا ده صاييلي ساعتريمز قالدی .

« — دوغرو سويله يورسكز ، «غوسپوڙا»

« قاتهرينا » ، نوبتجي يه بوسبوتون ياقلاشدي .

« اونك نوبت بكه ديكي يرده كي تومسهكك اوزهرينه چيقوب

باجاقلريني آشاغي يه سالانديردي .

« — سن ده يانمه اوطورسهك آ ، «ايوان ايوانوويچ» ! —

ديدي .

« — اوطورامام ، «غوسپوڙا» !

« — نه دن اوطورامايورمشسك ؟

« — نوبت بكه يورم ده اوندن .

« — غريبسك يوقى هاني... يارين او بركون «عثمانلو» نك

الينه اسير دوشه جكمزي قبول ايديورسك ؛ حتى بوني محقق

کورویورسک؛ حالاده نوبت بکله مکده سک!... ده لیمیسک نه سک
سن؟.. صاییلی دقیقه لریمز قالدی، «ایوان ایوانوویچ».. بو
صاییلی دقیقه لردن سوکرا سن ده، بن ده آخرتی بویلا یا جغز..
ایسیمی، حیاتدن کام آلوب او یله اوله لم..

«... نه دیمک ایسته دیککیزی آکلامایورم، «غوسپوژا»!
«... شونی دیمک ایسته یورم که، چار، مغلوب اولدیغی ایچون
چادیرینه چکیلدی؛ سومورتوب او طورویور. کوزلری، بنی
دکل آ، دنیایی کورمه مکده.. دوغروسنی ایسته رسه ک بنمده
اوکا آرتق اهمیت ویردیکم یوق، «ایوان ایوانوویچ»... چونکه
شیمدی یه قدار چاری ساده جه چار اولدیغی ایچون سه و مشدم...
آکلامایورمیسک؟ یعنی چارک عشقنی بر باصاماق اتخاذا یله یوب
اقباله یوکسلیمک ایسته یوردم... حالبو که آرتق اقباله احتیاجم
قالمادی! اقباله احتیاجم قالما نجه ده، بوتون صمیمیتله، صمیمتمک
بوتون عریانلغی ایله سکا براعترافده بولونا جغم...»

«... بنی هیجانه دوشورویورسکز «غوسپوژا».

«... سن ده بنی هیجانه دوشورمکده ایدک، «ایوان
ایوانوویچ».. تندرست اندامکله سرایمزلک اوکنده نوبت بکله دیکک
صیراده، پنجره دن سنی کوزه تلیه رک آزمی کوکس کچیریردم؛
حتی آزمی کوز یاشی دو کردم؟ لاکن نه یلیه بیلیردم که موقع
اجتماعیم یانکه کله مه مساعد دکلدی. حالبو که شیمدی، مقدر

أولوم موقع اجتماعی دینه ن قدمه لری آرا مزدن ییقدی. عزرائیلک حضورنده ایکی میزده عینی سویه یه کلدک . او پوشه بیلیرز .
« زاواللی عسکر جک، - بویته « قاتهرینا » نك ایکی بیاض وده قولته قولى صاریلنجه اولیه شاشیردی که ..

« ناصل شاشیر ماسین؟ ... » ایوان ایوانوویچ، موسقو واده قاریسنه وداع ایتدیکی تاریخدن اعتباراً، آنجاق بر کره دنیا اوینه کیرمشدی ! اوده : - « قورسق » ولایتی کوپلرندن برنده ، چاردن جنرال « قامیشه فسکی » یه مکتوب کوتوردیکی صیراده ، - بر دره کنارنده یتمشلک بر قوجا قاری یه راست کلک صورتیله ...
« ایوان »، آتی دور دورمش و بوبویوک آناسی یاشنده کی خاتونه یاقلاشارق ، اوندن ، اون یدی یاشنده کی بر کنج قیزدن آلینان ذوق ولذتی دویمشدی .

« حتی ددمین - « قاتهرینا » یانه کلزدن اول ، - پروت نه ری ، اوکا « قورسق » ولایتنده قوجا قاری ایله قارشیلانیدیغی دره بی خاطر لایتمشدی ده ، دلیقانی او طاتلی دملری دوشونوب حزن حزن آه ایتمشدی .

« اودت ! داها اون دقیقه اولنه قادار ، یتمشلک بر عجوزه « ایوان ایوانوویچ » ک نظرنده ، « قورسق » ولایتی قادار اوزاق بر ایده آلدی . قاریسنک یانه بر داها دونه میه جکنی بیلدیکی ایچون اونی عقلندن دخی کچیر میوردی .

« حالبوکه شیمدی قولاقلری نه‌ر ایشیدیوردی ؟ چارک متره‌سی « قاتهرینا » ، یانی باشنده ایدی . قوللرینی بویننه دولامشدی و « ایوان ایوانوویچ » اونی اوتهدن به‌ری دوشونوب سه‌ودیکندن بحث ایدیوردی .

« بیچاره نوبتجی ، نوبت یرنده او یویا قالدیننه و او طاتلی ده‌لیقانلیق رۇیالرندن برینی کوردیکنه ذاهب اولدی .
« لاکن خایر !

« کوردیکی رۇیا دکلدی ...

« زیرا ، ده‌لیقانلیلرک رۇیالرینه کبردن قادینلر قوللرینی اصلا بو احترامله انسانک بویننه دولایامازلر ؛ انسانک دوداقلرینی اصلا بو قادار شهوتله اوپه مزلر ؛ ورؤیاده کورونن قادینلر ، بو قادار بارز برسسله شو سوزلری سویله‌یه مزلر :

« — « ایوان ایوانوویچ » بن سنک اولمغه قرار ویرمشم . فقط اردوده‌کی رتبه‌کی یوکسه‌لتوب آرامزده موجود اجتماعی اوچورومی ازاله ایده‌جک ، اوندن صوکر سنک اولاجقدم . حالبوکه بوکا وقت قانادی ... فلورت ایتمه‌مزه ، قوریا پامزده ، عشق وسودا مردیوه‌نی باصاماق باصاماق یوکسلمه‌مزه امکان یوق ! عمرمز قیصا ... بوتون مرحله‌لری چابوجاق آتلا یوب اک' صوکر مرحله‌یه وارمالی‌یز ...

« اوهت رۇیاده‌کی قادینلر انسانه بویله شیلر سویله‌مز !

« رۇيادە ايكن انسانك كوزلرنده اصلا بويلە شيمشكلىر چاقماز... »
 « رۇيادە ايكن انسانك اللرى اصلا بويلە تيتره مز . »
 « رۇيادە ايكن انسانك تيتريمىن ألندن قىليج يره دوششه
 بيله طاشلرك اوزرنده بويلە سس چيقارماز . »
 « ديمك اولويوركه » ايوان ايوانوويچ « رۇيا كورميوردى . »
 « ياننده كى جداً » قاتهرينا « ايدى ، چارك متره سى » قاتهرينا « .. »
 « واقعا چاره عائد بر قادينى اويمك ، چاره عائد بر قادينى
 حريمه آلق ، » ايوان ايوانوويچ « ك نظرندە ، كليسادن مريم
 هيكلنى چاق قادار كباثردن بر كناهدى .. لا كن آرتق اوق
 يابندن فيرلامشدى . »
 « زيرا » قاتهرينا « ، چيلاق قوللرني عسكر جكل بويىندىن
 چكمه يوردى . »

« دوداقلرينى ده دوداقلرنىن آيرمايوردى . »
 « يالكىز بر كره سنده دوداقلرينى دوداقلرنىن آيىردى . »
 فقط اوده :

« — بنى قوجاغكه آل ، » ايوان ايوانوويچ « ! — ديمك
 ايچون ... »

« او زمان » ايوان « ، چيلدير اجق كى اولدى ، چارك متره سنى
 صاغ قوليله اويلوقلرينك آلتىندن ، صول قوليله ده صرتىندن
 ياقالادى ؛ واونى اولديغى كى قوجاغنه آلدى . »

« قاتهرینا » نك كوزلری حظ ایچنده قاپامشدی. قوللری،
- سانكه مفصللری كهوش كبی - یره دوغرو صارقشدی .
دیز قاپاقلرندن اعتباراً باجقلری ، « ایوان » ك صاغ قولندن
آشاغی یه دوغرو صالانیوردی .

« ایسوه جلی قادینك روب دوشامبری آچیلیمشدی، «ایوان» ،
بو آچیق روب دوشامبرك آراسندن قادینك وجودینی كوردی .
« قاتهرینا » چیریل چیپلاقدی .

« چارك مترهسی ، كندی نی نوبتچینك قوجاغنده حس ایدر
ایتمز ؛ یاری ایشیدیلیر بر سسله :

« — بوراده اولماز ، كورولور ! — دیدی . — چادیره . . .
« ایوان ایوانوویچ » ك عقلندن، برآن، او مدهش «دهلی
پترو » ایله قارشیشمق كچدی. لاكن بواحتمال اوكاویظكلدی.
« ایوان » ه قوجاغنده كنی بیراقدیراجق ، اونی نوبت یرینه
دوندورهك هیچ بر قوت یوقدی .

« كنج قادینله برابر چادیره كیردی .

« دهمین ، « پترو » نك چیقدیغی یاتاغه » قاتهرینا » یی

یاتیردی .

« شیمدی، روب دوشامبر تمامیه آچیلیمش ، ایسوه جلی

قادینك بوز كبی وجودی داها كوزمل كورونیوردی .

« ایوان ایوانوویچ » ، بوتون مرحلهلری بردن آشمق

خصوصنده کی امره اتباع ایچون ، صرتنده کی البسه یی و آياغنده کی
چیزمه لری بیله چیقارما یا جقدی .

« لا کن » قاتهرینا :

« — خایر ، خایر ! — دیدی . — او یله اولماز ! صویون !

» — اردوگاهده صویونمق یاساقدرا ! » عسکرلر کیجه لری

یاتارکن صویونمایکنز ! » دییه امرنامه چیقدی .

« قاتهرینا » کولدی :

« — بوا امرنامه نك برده ذیلی واردی آما ، یازمغه اونو تمشلا !

— دیدی . — چارک متره سی » قاتهرینا « نك قویننه کیره جك

اولانلر ایچ چاماشیرلرینه قادار صویونا بیلیرلر . زیرا ، « قاتهرینا » ،

عاشق لرینی عریان کورمکدن خوشلانیر ! هایدی باقالم ، صویون

» ایوان ایوانوویچ ! قالپاغکی ، جاکتکی ، چیزمه لریکی کولوتکی

چیقار .

« عسکر ، بوتون بونلری چیقاردی و یاتاغك یاننه آتدی .

» « قاتهرینا » ، کوزلری یاری آچیق ، نفرک چاماشیرلرینی

چیقارماسنی بکله یوردی .

« ایوان ایوانوویچ » ، چاماشیرلرینی ده چیقاردقن صوکر :

« — هایدی ، چابوق اول ! اوشویه جکسك ! — دییه

سسلنه جکدی .

« لا کن » ایوان ایوانوویچ » چاماشیرلرینی چیقارمغه صبر

صبر ايدمه دن ياتاغه آتيلدى . بوسه سيلاه « قاتهرينا » نك آغزيني
قاپاتيو يردىكى ايجين ، ايسوه جلى قادين ، « هايدى چابوق اول !
اوشويه جكسك ! » ديمكه وقت بوله مادي .

« مع مافيه ، او آراق ، چاديرك اوته كي قسميله بو قسمنى
برى برندن آيران پرده قيميلداندى .

« « ايوان ايوانوويچ » ، پرده نك فلان قيميلداندىغنى فرق
ايدمه مدي .

« « ددلى پترو » ، باشنى ، پرده نك بو طرفه اوزاتدى .
« اكر باشقه زمانلر اولسه ايدى ، كوردىكى منظره قارشيسنده
كندىنى طوتاماز ؛ ييلديرم كى ايجرى يه آتيلير ؛ - اورتالغى
آلاق بوللاق ايدردى ! - لا كن شيمدى زمان اوزمان دكلدى !
« قاتهرينا » يى كندى ايله « بالطه جي » يه تسليم ايدمه جكدى . بناءً عليه ،
بو منظره لر نوعندن منظره لر بر آزالشماسى لازمدى . ايجرى يه
اوزون اوزون باقدى . باقدقه منظره يه آليشدى . حتى ،
غريبدر : - كوردىكى تابلودن ذوق بيله دويدى ! - اوت ،
ذوق بيله دويدى . چونكه او ، ساديستدى !

« مع مافيه ، بر كره او كسوردى .

« « قاتهرينا » ده او آراق آغزىنى « ايوان ايوانوويچ » دن

قورتاراق ، نفس نفس :

« — قاچ ! — ديه بيلدى . — قاچ ...

« عسکر وردی :

» — قاچایم می ؟ نرهیه ؟ نه دییه ؟

» — حالا « نرهیه ، نه دییه » دییه صورویور... نه دییه

اولورمی آیول... « پترو » ایچریکی طرفده اویقودن اویاندی،
او کسوردی . شیمدی بورایه کلیر . قاچ ..

» — قاچوبده قورتولاجق دکلم که « غوسپوژا » . . .

طیشاریدهده اولوم وار، بورادهده ... بن بورادهکی ، — سنزک
یانکیزدهکی — اولومی طیشاریدهکی اولومه ترجیح ایدهرم .

» « ایوان ایوانویچ » ک بوصول جمله سی اوزهرینه، « دهلی

پترو » نک مدھش سسی ایشیدیلدی :

» — « قاتهرینا » نک یاننده اولمکی می ترجیح ایدهرسک؟

بنده سنکله عینی فکردیم ، « ایوان » ! بوصول آرزوکی
یرینه کتیره حکم .

» « دهلی پترو » نک قان دوکمکدن ذوقیاب اولدیغنی

یوقاریدهده سویله مشدم !... کفر ایتک ، جان آجیتقمق ، قان
دوکمک . . . بوتون بونلر ، روس چاری ایچون احتراصک
تماتنددی ...

» ایشته بو سببله ، « پترو » ، — آئنده ایگری بر قازاق

قیلیجی ، — چادیرک پرده سنی آرالایارق متره سیله « ایوان » ک
بولوندیغنی طرفه کیردیکی زمان حالنده حدتن زیاده نشئه جانلاندي .

«ایوان» ه دوغرو ایلرله رکن ، یوزی کولویور، - کوزلرینک
ایچی کولومسه یوردی . اوقادار که ، زوالی عسکر جک چارک
حرکتی شاقاصندی اولدیغی یردن تیرمه دی، - یاتاغک کنارنده
اوطورا قالدی ، - صیریتا قالدی .

« قاتهرینا » ، « ایوان » ک اوطوردیغی یاتاقدہ یاتیوردی .

« کوزلرینی چاره چویرمشدی .

« چارک ، ذوق ایچنده ، کولومسیهرک ، «ایوان» ه دوغرو
ایلرله مه سنی سیر ایدیوردی . « پترو » ، آئنده کی قلیتجی ،
صانکه برظلم وعذاب آلتی ایمش کی دکلده ، صفا و شهوت
آلتی ایمش کی نوازشکارانه طوتویوردی . کوزلری پارلایوردی :
- فقط بو پاریلتی ، کین ونفرتک چلیک پارلیتیسنی آکیران
پارلیتیسندن زیاده ، - کیفی تطمین ایدیلمکده اولان ارککلرک
کوزلرندہ کی بال رنکی لزوجتلی پاریلتی به بکزدیوردی .

« فی الحقیقه « پترو » ، مرضی ذوق وشهوتک نقطه قصوا-

سندہ کیدی .

« ایشته سهو دیکی قادین وجودی اوراده ، - ایکی آدم
اوتده ، - قابا آتلیرینک ، و مدور بیاض قالجهرینک بوتون
چیپلاقانی ایله یاتیوردی . « پترو » جه ، سهویلن وجودک ذوقنی
آلق ، اونک قویننه کیرویورمکه قائم دکلدی : - بو ، ناتمام
برایش اولوردی ! زیرا « پترو » ، سانیست ایدی . اونجه

عشق و معاشقه نك تام و اولغون برشكه كله سی معشوقه یی استحقار
و تزییفه باغلیدی ؛ - معاشقه اشناسنده کفر ایتمه که جبر و شدت
کو سترمه ، قان دو که که باغلیدی .

« اودت ، « پترو » ، - آئنده قیلیج ، - چادیر ایچنده
ایله لرلرکن ، - مرضی ذوق و شهوتنده نقطه قصوایه وارمشدی !
« « پترو » نك بوندن داها فضله ذوق دو یا بیلمه سنه امکان
یوقدی :

« چونکه او ، - سه و دیکی قالدین ، تحقیر و تزییف ایدیلدیکی
نسبتده ذوقیاب اولوردی . ایشته « قاتهرینا » ، کندی چادیرنده ،
کندی یا تاغنده ، کندی او کنده و کندی معلوماتی داخلنده ، -
باشقه برار ککک ، - چیپلاق برار ککک ، - بر نفرک قویینده
یاتوردی .

آقیف ماریت

« « پترو » ، چادیرک قاپوسندن باشنی ایلک ایچری یه اوزا-
تدیغی آن ، حدتله جکنی ، حدتندن کوپلره بینه جکنی صائمشدی ؛
بو منظره یه تحمل ایدمه یه جکنی صائمشدی . زیرا او ، سادیزمک
کندینی نره لره کوتوردیکی بیلمه یوردی . حالو که ، چادیرک
قاپوسندن ایچری یه باقدیغی مدتجه ، - (یوقاریده ده سویله دیکم
کی) - بو منظره یه آلیشیدی - بو منظره یه آلیشمق له قالمادی ؛ -

سه وديكى قادينى تحقير و تزييف ايتمك صورتيله كندى مرضى
حسنى اوقشاين بومنظر ددن ذوق آلدى؛ - ذوقلرك ان بويوكنى
آلدى .

« لا كن چار، » پاسسييف بر ساديست « دكل ، آقتيف
بر ساديست ايدى .

« [بلكه بو تعبير لرم آكلاشيلمامشدر ؛ قيصاجه ايضاح
ايديم ، غوسپودا !

« ساديست لردن بعضيلرى ، سه و دكلرى قادينك باشقهسى
طرفندن تزييف و تحقير ايديلديكنى كورهرك تظمين اولونورلر .
بونلره پروفيسور روزنه به رغ ، پاسسييف ساداستلر (غير فعال
ساداستلر) اسمنى ويريور ... ديكرلرى - يعنى ساداستلرك
قسم اعظمى ايسه سه و كيلى يى بالفعل تحقير و تزييف ايله مك
ايستهرلر . بونلره آقتيف ، يعنى فعال ساديست ياخود ،
دوغرودن دوغرويه ساديست دينيركه ، « بويوك پترو » بو
ايكنجى جنسدندى .]

« بناءً عليه او ، سه و كيليسى « قاتهرينا » نك « ايوان ايوانوويچ »
طرفندن تحقير ايديلمش اولماسيله تظمين ايديله مزدى .

« اوده ، بو تحقير درجه سنده بويوك برايشه كيريشمهلى ؛
تحريك اولونمش اعصابنى بوييله لكه ياتيشدير مالىدى .

«اساساً، ایگری قازاق قیلیجینی، النده بومقصدله طوتویوردی:

— قان دوکمک مقصدیله ..

« لا کن بوقانی، — ایوان ایوانوویچ » ه قیزدیغی — « ایوان

ایوانوویچ » ی قیصقاندیغی ایچون دکل، — بالعکس — شهوی برانسیاق ایله دوکه جکدی . ایشته بوسبیلهدرکه، ایگری آغیزلی قازاق قیلیجینی، النده برظلم وتضییق آلتی کبی دکل، بر ذوق وشهوت آلتی کبی طوتویوردی .

« « پترو »، متره سیله « ایوان » ک یاتدیغی یاتاغه دوغرو

ایله رله رکن، او قادار کوزدل، او یله جانہ یاقین بر تبسمله کولومسه یوردی که، زواللی نوبتجی، بو ایله یله یشی، بر تورلو فنا بر مقصده حمل ایدمه دی .

« ییلان طرفندن بویولنش طاوشان کبی اولدیغی یرده، —

یاتاغک کنارنده، — اوطورا قالدی .

« دهلی، پترو » قیلنجینی قالدیردی، — قالدیردی .

« کوز قرار یله « ایوان ایوانوویچ » ک بویینده کی الک ایجہ

یری تاصارلادی؛ — وکیجیلکده کوردک چکه شیشهن

بازولرینک بوتون قوتیله، قیلیجی نوبتجینک بویته ووردی .

« قیلیج، بوینی، برباشدن برباشه او یله بویوک بر مهارتله

کسوب کچدی که، « ایوان ایوانوویچ»، یرندن قیمیلد امدادی بیله ..

کسیک قافاسی یره دوشمه دی، کوکده سنک اوزدرنده دورا

قالدى .. حتى بدنى موازنه سنى غيب ايتمه دى .. «ايوان ايوانويچ»
 او طور مقده اولديغى ياتاق كنارندن يره يو وارلانمادى .

« بويوك پترو » بو عمليه يي ياپاركن يوزنده كي تبسم
 سيلنمه مشدى . سه و كيليسي له دوداق دوداغه او پوشور كيي كوزلري
 سوزولمشدى .

« قاتهرينا » ياتاغنده حيراندى ، مستدى .. ار ككنك بويله
 ار كك اولديغى سير ايده ركن اونك ده مازوخيست دامارلري
 خوشلانيوردى .
 « كنديني طوتامادى :

« — بكاده وور ، « پترو » ! — ديهه حايقيردى . — او
 قيليجله بكاده وور !

« لا كن چار ، قان دو كمشدى .
 « آرتق اعصابى سكون بولمشدى .

« بناءً عليه ، « قاتهرينا » نك قاتنى آقيماسنه محل قالمادى .

« — سنى داها دهمين دو كدم يا ... — ديدى . — بويينه مى
 دو كه جكيز ؟ نه در بو ؟ هايدى قالق كيمن !

« — «ايوان ايوانويچ» ك اثوابلري ياتاغك ديبينده
 دورويور ! اونلري يردن چابوق قالديرده قانلانماسيندر : ابدال
 موژيك ! بنم مقصدم ساده جه اونك البسه سنى آلمقدى . حالو كه

او، البسه سيله برابر جاني ده ويردي... فضله قونوشا جق زما نمر
يوق ! هایدی کی شو البسه لری ...

چار ، « ایوان ایوانوویچ » ك البسه لری نی کیدی .
« بیچاره نفر ، حالا ، یاتاغك کنارنده ، — کیلن قافاسی
کو کده سی اوزنده ایگه رتی ، — اوطوروب دورویوردی .
« اولدیکی حالدہ یاشایور کیدی !

« چارله متره سی ، آرقالرینه بیلہ باقمادن ، چادیردن چیقوب
کیتدیله !

« اوطوران اولو ، چادیرده یالکیز قالدی .

« وبکله دی ، — بکله دی ، — بکله دی ..!

« صانکه ، دهمین طیشاریده بکله دیکی نوبتی شیمدی ایچریده

بکله یوردی !!

« بکنزی موم کبی صارارمشدی .

« کسیك بوینندن آشاغی برقان شریدی آقش ، — وبوشرید

یرده کی قافقاس خالیسی اوزهرندن سوزوله رك ، کوشه ده دوران

شمال آیسی پوستنك اوکنده برقان کولی میدانه کتیرمشدی .

« «ایوان ایوانوویچ» ك کوزلری حالا آچیق دی ؛ — یوزنده

قورقاق بر تبسم طوگا قالمشدی ؛ — چارك ، آئنده قیلججه ،

کندینه دوغرو ایلریله دیکنی حالا کورویور ، حالا اوکا شاشقین

شاشقین صیریتور کیدی ؛ — چیقیق آماجیق کیکلری اسکینندن

داها زياده ايڪي يانه فير لاشدي؛۔ متخلص دودا ڦلري، صولو جانلري
آڪديران بر صولو ڦلقله، اوست اوسته دورو يوردي؛۔ بوايڪي
صولو جان دودا غڪ آراسندن «ايوان ايوانو ويچ» ڪ بياض ديشلري
ڪورو نيوردي؛۔ اللري، «آمان يا تما ! بن ايتدم، سن ايتمه !»
معناسنده،۔ ڪوڪسي خدا سنده هوايه ڦلقمشدي . «ايوان
ايوانو ويچ» ...

بورڦا بوره ڪليمه !

— ها ااااا ح

بن، چارڪ اولدورد يڪي نفري بويه تعريف ايدوب دورور ڪن،
صنفڪ اوتہ طرفنده ڪي بر ڦيز غروپي اچندن : «هااااا ح !»
دييه بر صدا يو ڪسلدي .

ڦيرمیزی باش اور تولو بر ڪنج ڦيز، دوشوب بايلمشدي.
بران، اور تالقدہ بر ڦارغا شالق اولدي .

طلبه دن بري، پروفيسور «توغان توغانوفسڪي» نڪ ڪرسي سي
اوزرنده ڪي سوراخي بي يا ڦالادي؛ ڪنج ڦيزڪ يوزينه صوسر پديلر .

اوآرالق، ڪوزم، بنماه عيني «تهز» ي۔ «بالطه جي ايلہ
ڦاٽه رينا» «تهز» ني حاضر لايان باريش نيايه،۔ «يه ڦاٽه رينا
پاولوونا» يه ايليشدي. ڪوزلري عجائب بر پيريلتي ايلہ پارلا يوردي.
به دن عجبا؟

باييلان ڪنج قيزي طيشاري چيقارديلر . اليڪٽريقلري
ياقديلر . وقت اڃهه ڪڇيڪم شدي .

«ڦاٽه رينا» نڪ « بالطه جي » يه ناصل ڪيتديڪني آڪلاتارق
حڪايه مي تيز آلدن برنتيجه يه باغلاماليدم . بوخصوصده «يه ڦاٽه رينا
پاولوونا» نڪ فڪريني ده ديكله يه جڪ ؛ - اونڪ « تهز » يني
ديڪله دڪن صوڪرا ، - دنيا نڪ اڪ مشهور مستشرقلرندن وعيني
زمانده اڪ بويوك تاريخشناسلرندن بري اولان « توغان توغانو-
فسكي» نڪ صوڪ وقطي دلائله مستند فڪريني او ڪر نه جڪدڪ .
بناء عليه ، داها سريڪ آڪلاتماليدم .

باييلان قيزك آييتيلماسي وطيشاري يه نقلي معامله سي دوام
ايتديكي مدتجه ايلڪ اوڪجه قارغاشالقدن طرفه ، صوڪرا «ڦاٽه رينا
پاولوونا» يه باقمشدم .

هر نه دنسه ؛ ڪوزلرم ، او آراق ، پروفيسور « توغان توغا-
نوفسكي » يي آرا دي .

« توغان توغانوفسكي » ، ڪرسي سنده اوطورمايوردی ؛
اوده ، « آنفي ته آتر » درسخانه مزده كي طلبه مياننه قاريشمش ؛
حتي ، بنم او ڪمده كي صيرالردن برينه ڪلوب اوصوله چو ڪم شدي .
صاغ ألنڪ پارماقزليه چاتال صاقلنڪ صاغ چاتالني ، صول
ألينڪ پارماقزليه ده صول چاتالني طاراقلايور ، او ڪنه سرديكي
ڪاغدلره بويوك بر دقتله باقارق ، آرا ده صيراده ، ألنه ماويلي

قيرميزيلي قورشون قلمني آلوب بعض نوطر قارالا يوردي .

پك سه ويندم :

ديمك كه پروفيسور نطقه اهميت عطف ايتمش ، اوده طبقي
باريشنيا « يه قاتهرينا پاولوونا » كجي نوط آليوردي ها ...

عجبا نوط آلدغي شي نه ايدى ؟

دقت ايتدم .

واي !!

پروفيسور « توغان توغانوفسكى » نك نوط فلان آلدغي
يوقدى .

او كنه بر پلان وبر خريطه سرمشدى .

پلانك ده ، خريطه نك ده اوزه رينه بعض حرفلر وبعض رقلر

قوندورويوردي .

دقتمى دها زياده آرتديردم :

پلان ، برما كينه پلانيدي .

لا كن بوما كينه ، نه بر ديتامو ، نه بر موتور ، نه بر آكومولاتور ،

نه بر توربين ، نه بر غراموفون ، نه بر تلفون ، نه بر تلغراف ،

نه بر راديو ، نه ده ، نه ده . . . هيچ بر ما كينه نك پلانسه

بكزه ميوردي .

بو ما كينه ، نوعى شخصه مخصوص برما كينه نك پلانيدي .

خريطه ايسه ، پروت نهري كنارينك خريطه سيدي .

الله الله ...

ما كینه ایله پروت نهری كنارینك علاقہ سی نہ اولاییلیر۔
دی كه ؟... پروفیسور « توغان توغانوفسکی » ، پلان اوزرنده
موجود حر فلرك بعضیلرینی پروت نهری طوپوغرافیاخریطه سنك
شوراسنه ، بوراسنه نه دن سرپیشدیریوردی ؟...

بوکا برتورلو عقم ایرمه دی .

ونه قادار دوشونسه م ؛ ینه عقم ایرمیه جکدی .

برکت ، فضولی یره دوشونمه دم ؛ زیرا بوکا امکان قالمادی .

باییلان طلبه طیشارییه چیقاریلمش ؛ درسخانه سکون

بولمشدی .

اورته لقدمه چیت قالمامشدی .

هر كسك بنی تکرار دیکله مکه حاضر لاندیغی بللیدی ؛ -

سوزیمه دوام ایتدم :

« عثمانلویه دوغرو » ...

« -- اوهت ، غوسپودا ...

« روس چاری « بویوك پترو » ، معیت نفری البسه سنی

کیهرك ، متره سی « قاتهرینا » ایله چادیرندن طیشارییه

چیققلری زمان ، « ایوان ایوانویچ » ك نعشنی ، یاتاغك كنارنده ،

اوطورور حالده بیراقشلردی .

« عاشق له معشوقه بش اون آدیم یورودیله . ده مین ،
معیت نهرینک نوبت بکله دیکی سدی ریمسی طاشک یانه کانجه
دورارق اطراف دیکله دیله .

« بوطاش ، بیاض برطاشدی .

« چار » پترو ، بونک اوستنه چیقوب درت بریانه باقیندی .
« اوزاقده کی تک توك نوتجیلردن ماعدا جوارده هیچ
کیمسه کورونمه یوردی .

« پروت نهری قیسینده محاصره ده قالان روس اوردوسی
داها شیمیدین اولمش کییدی .

« اهدت ، روسلر طرفنده حیات یوق ، قیملدانیس یوقدی .
« روس اردوگاه ، قانادلری قیریلارق ، قارا براوچورومک
دینه یووارلانش قارا بر قارتالی آکدیریوردی ؛- اوچورومک
دینده ، اضطراب ایچنده ایکله ین قارا بر قارتالی ...

« چار » پترو « ایله متره سی ایسوه چلی « مارط قاتهرینا ،
تومسه ک حالنده کی آق طاشک اوزرندن اینه رک کیجه نک
قارا کلقلرینه دوغرو ایله رله دیله .

« ده مین ، یالیزی بر بوینوز کی کوکده پارلایان آی ،
باتمق اوزره ایدی .

« جوارک سازلی باتاقلردن هوالانان تجرات مساماته
ایشله یوردی .

« پترو ، قاپوتنك ياقاسنى قالدیردی .

عاشقانه معشوقه ، قول قوله کیروب ، هیچ لاف ایتهدن خیلی

یورودیلر .

« آرقالرنده نهر واردی : - « پروت » نهری !

« نهرك تااوته طرفلرنده دورت تاحتا کوپرو کورونیوردی .

« ایشته ، » بالطه جی « نك قومانداسنده کی اوردو ، - بر

کیجه ایچنده یاپدیرویوردیکی بو کوپرولردن کچهرک ، بوراده ،

- بو « فالچی » اوواسنده - « دهلی پترو » نك اوردوسنی احاطه

ایدیویرمشدی .

« نهرك قارشى طرفنه اصابت ایدن داغلر یوز قرق بیک

« عثمانلو » ایله دولو ایدی ؛ - و « عثمانلو » ، بویوک آتشلر

یاقیوردی ؛ - صانکه مقدر ظفرینی داها شیمیدین تسعید

ایله یور کی ایدی !

« بوکا مقابل « فالچی » باتاقلقلری آراسنده « دهلی پترو » نك

کنج وکندی کی دینج اوردوسی ، معرفت یاپارکن قیص

قیوراق قایانه یاقالانمش دهلیشمن بر شکاره بکزدیوردی : -

سرنکوندی

« محاصره نك شرق طرفنده ، قریم تاتارلرینك چاقال

اوولومالرینی آکدیران شرقیلری ایشیدیلیوردی .

« غریبه ، بالقانلیلر غایدا چالیوردی .

« ددی پترو » ، بر آن ذور اقلادی . بو غایدا سسنی دیکله دی ،
دیکله دی ده ، دیشلری آراسندن ، احتراصله :

ب. کفر ایت

« — « سوقکین صین » [۱] ! — دییه سویله ندی .
« ایسوه جلی مازوخیست « قاتهرینا » ، بو کفردن صوک
درجه متحسس اولدی .
« — بن می « پتروشقا » ؟ بن می ؟ — دییه ایچی تیتره یه رک
عاشقنک کوزلری ایچنه باقدی . — بن می « سوقکین صین » ؟ ..
« سوقکین صین » کفرینی بکامی ایدیورسک .. آه ، سنک
کفرلر کدن او یله متحسس اولورم که ؛ — سنک بکاصاووردیغک
کفرلر او قادار خوشمه کیده رک .. نه اولور « پتروشقا » ، نه
اولور بنم کوزدل کووهرجینم ؟ .. بکا بر داها « سوقکین صین »
دییه کفر ایت !! .. لا کن دیشلریکی داها فضله غیجیرداتارق ...
دها فضله خوموردایارق ... سویله ، — سویله !! ... غیظ و کینه ،
قابالق و خشونتله سویله : — « سوقکین صین » دی بکا ...
« « دلی پترو » ، دیشلرینی غیجیرداتا غیجیرداتا ، کنز
دولوسی خوموردانا خوموردانا :

« — « سوقکین صین ! » — کفرینی تکرارلادی .

« فقط ، کفره شو سوزلری علاوه ایتدی :

[۱] روسجه بر کفر در .

« — پکی آما بن ! » سوقکین صین « دییه سکا کفر
ایتمه یورم که ... »

« قاتهرینا » ، عاشقنک کندندن غیری بر سه و دیکی موجود
بولوندیغنی او کردنمش بر معشوقه انکساریله :

« — ااا — دیهرک شاشدی و حزنله دوداق بوکدی . —
بکا کفر ایتمه یورمیسک ؟ .. بنی سه و میورمیسک یوقسه ؟ ..
» « دهلی پترو » :

« — سنک کفر دیدیکک یالکیز سه و کیلیرد ایدیلز ! —
دیدى . — انسان اکر برینه بل باغلا یوب ، او بل باغلا دیغی
کیسه طرفندن آلا تیللاجق ، قازیقلا ناجق اولورسه ، — اکر
قچه جه بر معامله یه اوغراسه ، — ینه کفر ایدر ! .. ایشته
کفر ایدیورم : « سوقکین صین » !! .. و بو کفرم بتون
بالقانیلر راجعدر ؛ — تا ااا « آدریاتیک » قیلرندکی قارا
طاغلیلردن باشلا یارق روملرد ، اولاحلرد ، بولغارلرد ، صربلرد
راجعدر ! .. »

« — نیچون ؟ »

« — چونکه بن ، « بالطه جی » نك افندیسی اولان « احمد
ثالث » ایله حربه طوتوشمازدن اول ، مرخصم « میلورداویچ » ی
« عثمانلو » حدودینک اوتیه یانه کچیرمش ؛ و (« اورتودوقس »
خرستیانلرینی اسلام حاکمیتندن خلاص ایچون حربه کیریشه جگمی ،

هر کس وظيفه سني حسن ايفا ايله ديكي تقديرده وحشي محمد يارک
 حجاز چولارينه قادار دفع و تبعيد اولونا جغني) ما کدونيا و هر سگ
 صر بلرينه ، قارا داغلياره خبر و ير مشدم ؛ - رومانيا يه ده بر چوق
 مامور لر کونده روبرو بيا نامه لر نشر ايتدير مشدم ؛ بوبيا نامه ارد
 طونه ايا لار ننده کي اهالي نك حریت دينيه نائل اولاجقاري ،
 « عثمانلو » تحکمندن ابديا قور تولاجقاري يازيلدي ؛ - حق ،
 بر قدس يسقو پوسنک پارا ايله فکريني چام مشدم ده ، حريف ،
 سوزده ، « قسطنطين » ک مزار ي اوزرنده بر کتابة کشف
 ايتديکني ، - بو کتابة ده ، تورکلرک ، آوروپادن صاري بر قوم
 واسطه سيله طرد ايديله چکي خط جلي ايله يازيلي بولونديغني -
 اور تالغه ياي مشدي .. حاصلی « عثمانلو » دولتي کندی ايچندن ،
 کندی عناصر يله حقلامق اوزره هر تورلو تدابيرده باش وور مشدم ،
 « قاهرينا » ... بو عناصر دن : بوتون بو دينداش اقليتلردن
 يارديم بکليوردم ؛ - و يارديم کوره جکمه دائر وعد آلمشدم ؛
 قطعي سوز آلمشدم .. حالبوکه ، ايشته باق ، نتيجه نه اولدي !! ..
 سانکه ، آلتش بيک کيشيلک يپ يکي ، تاب تازه اوردومزه
 قارشى چيقان اوتوز بيک مقشر يکيچري ، بيک جبهه جي ، يدي
 بيک طومجي و اوچ بيک مصر عسکري قوه معاونه سني حائر
 « عثمانلو » اوردوسي - و بو اوردونک آمرنده کي اوچيوز شاهي
 و ضربن ، يکرمي هاون طوي ، شايقه لر ، بال يمز لر ؛ -

وقپودان دریا محمد پاشا معیتده آزاق قلعه سنک ضبطی ایچون
قره دکنزه کونده دریا قوۋۋۋ بحریه کافی دگلش کی ، — بنم کندیلرندن
مدد اومدیغم خرسیتیان عناصردہ دوشمانہ التحاق ایدیوردی :
رومانیالیلر ایکی یوزلو داورانیدیلر ؛ اولاح بکی یکر می بیت
کیشی یه یاقین بر قوتله حرکاتمه مانع اولدی . بونک اوزهرینه
هر تورلو امداددن محروم قالدیم ... شیمدی ده « سوقکین صین »
لر ، صانکه بنمله آلا ی ایتک ایسته یورلر مش کی ، قارشیمه
چیمش ، « غایدا » چالوب دورویورلر ... بکا دوست کورونوب
یوزیمه کولیدیلر ! ! ! . اونلره کووۋندیم ... حالبوکه اونلر ،
« بالطه جی » یه قاپولاندیلر . جانمه دوشمان کیلیدیلر ... « سوقکین
صین » لر !!! « سوقکین صین » !!!

« چار ، صوک کلهلری سویله رکن ، « قاتهرینا » نک
کوزلری سوزوماش ، قاباریق کوکسنک اینوب قالماسی
صیقلاشمشدی ؛ صرف کفرلری تکرار ایتدیرمک ایچون ،
یاری ایشیدیلیر ، مهتر بر سسله :

« — اک صوک سوزلریکی آکلا یامادم ! — دیدی . — نه
دیدکسه بر داها سویله ! بر داها !

« « دهلی پترو » ، دهمینکی سوزلرینی تکرارلادی :

« — ... بکا دوست کورونوب یوزیمه کولیدیلر ... اونلره
کووۋندیم .. حالبوکه اونلر بالطه جی یه قاپولاندیلر . جانمه دوشمان

کسيلايلر .. «سوقڪين صين» لر !! «سوقڪين صين» لر !!
 «ايسوه جلي» ڦاٽه رينا «نڪ ڪوڪ ڪوزلر نده شيمشڪلر چاقدى .
 — ديمڪ ڪه بن ده ، اولاحلر وداها اوتہ ڪيلر ڪي سکا
 دوست ڪورونوب يوزيڪه ڪوله رسه م ، سنى ڪنديته ڪوودن ڀرد ڪدن
 صوڪره بالطه جي يه ڦاپولانير سه م بوتون حياتڪجه خاطرده
 ڦارشى بويله ڪين ونفرتله ، غيظواحتراصله ديش غيجير داتاجق ؛
 وڪنز ڪدن خوموردانا خوموردانا ابدىاً بکا : «سوقڪين صين» !!
 ديه ڪفر ايدہ جڪسڪ ، اويله مى «پتروشقا جغم» ... اويله مى
 جى جى م ؟ اويله مى بنم ڪوزهل ڪو ڪر جيئم ؟
 «ايشلر صارپه صارپيوردي .

«دهلى پترو» برحيله يه باش ووردى :

« — خير ! — ديدى . — خير ، اويله دڪل ... سڪابن ، آنجاق
 سهويشديڪمزاڻنده نازيمى ڪچيره بيلير ، ڪفر ايدہ بيليرم ؛ — سنى
 عشق و محبت ساعتريمنزده خير پالايا بيليرم ... حالو ڪه ، شايد بکا
 اهانت ايدہ رسه ڪ ، بنى اوقسطمونيلي يه صاتارسه ڪ ، — آه اوزمان
 — اويله اوزولور ، اويله اوزولورم ڪه .. بڪزم ڪليسالرده ڪى صارى
 موملر ڪي صولار ، بونم انڪسارايه بو ڪولور ؛ و حزين حزين
 آغلارم «ڦاٽه رينا» ... بياض زانباڦلرڪ تويجلىرى قادار لڪه سز ،
 مانوليلر قادار رايجه دار تنكى دوشونورم ، — سوسام چيچڪى
 ساقندن داهاموزون اندامكى خيالمده جانالانديريرم واميدسزلڪ ،

بجه ريكسزلك ايچنده سسس سز صدا سز كوزياشلىرى دو كهرم...
 «آه! ديه تفكراته دالارم - بنم كوزهل ، بنم نازنين «قاتهرينا» م ،
 بنم «قاتوشقا» م ، - بنم ديشى كو كر جينم بنى آلدادى ؛
 حالبو كه اونده با كر ياسمنلر ك صفوت وصميميتى واردى .

ايسوه جلى مازو خيست قادينك توپلىرى ديكن ديكن اولدى :

« — خ خ خ خ ! — ديدى . — صوص !

» « پترو » شاشار كې كوروندى :

« — نهك وار ، نه اولويورسك «قاتهرينا» ... نه اولو -

يورسك با كر ياسمنم ، بياض زانباغم ، صوصام چيچكم ،
 نيشى كو كر جينم ...

» « قاتهرينا » قولاقلىرىنى طيقادى :

« — صوص ! الله عشقنه صوص .. — ديدى . — بكابويله

ايكره نچ شيلر سويلهده .

» « دهلى پترو » ايشى ووردم دويمازاغه ووردى :

« — فناى ؟ سنى بويله سه ودرسه فناى ؟ خاطره كى بويله

ياد ايله رسه فناى ؟ او بر قادينلره ، عاشقلىرى كوزهل صفتلر

ويرير : — « چيچك ! » دير ؛ « كله بك ! » دير ؛ « بك »

دير ... حالبو كدن سكا ، برلكده بولونديغمز زمان مع لاشف

دائما فنا شيلر سويلهدهم ... اى شيلر سويلهدهدم : — « چيچك »

دييهدهدم ؛ « كله بك » ديهدهدم ؛ « بك » ديهدهدم .. بارى

سن بي پيراقوب ڪيتڏکن صوڪرا سهوئيلى خاطره ڪي بويله
اينجه وظيف سوزلرله ياد ايليهيم ..

« — صاقين » پترو ، صاقين .. حقمده اويله سوزلر
صرف ايتمه .. يوقسه ، پڪ معذب اولورم . « چيچڪ » ، « بېڪ » ،
« ڪله بڪ » نوزندن نانه منلا توصيفلر سٽ تام معاسيله ارڪٽ
آغزنيڪه ، « باسو » سسڪه ياقيشمايور . او بر قاديناره عاشقلىرى
ڪفر ايدينجه اونلر بو ڪفرلىرى ناصل حيثيتشڪن بولورلر سبه ،
بن ده سنك بكا « چيچڪ » ، « ڪله بڪ » ، « بېڪ » ديمه ڪي
اوقادار مستڪره بولويورم . . . حياتمه يكانه سهوديكم ادامت
آغزندن حقمده بويله شيلر صرف ايديله جڪنى دوشونمات بيله
نجه اولومدر ... نه مستڪره سوزلر بوللر ...

« — مستڪره مى؟ .. نيچون مستڪره اولسون « قاتهرينا »؟ ...
بالعكس ... بيلويورم : بكا سرزنشده بولونويورسٽ ... برلڪده
ياشاديغمز زمانلر سنى پڪ قيردم ... سنى سودن بهانه لرله دو ڪدم ،
اولماق یرده آزارلادم ... حالبو ڪه يانمدن ڪيده رسهك جنايت
ايشله دڪلىرى صيراده يوردهك اوزونتوسى دويمايوب ده حبس خانه ده
ياپا يالڪز قالدقن صوڪرا وجدان عذابى ايچنده قيورانان
حيدودلر ڪي سكا ياپدقلمدن ، سكا ايتدڪلرمدن ڪوپكلر مثالى
نادم اولاجغم ... « آه بنم جي جى م ... آه بنم ڪم ... آه بنم ميني
ميني م ... آه « قاتوشماجغم » ... « ديهه دوشونه جكم ...

« --- « پترو » ... بو ایشی یایما بکا ... بن سندن هیچ
آریلایم ... فقط سن ده بکا او یله سنبیل بیک تخمی س. وزلر
سویله ده .. ینه اسکیزی کی « سوقکین صین » دی ... واللہی
سندن آرینام ... واللہی سکا خیانت ایتهم ... فقط بکا
« سوقکین صین » دی ...

« --- « سوقکین صین » !

« --- بر داها سویله ... بر داها ... فقط داها خیزی ...

« --- « سوقکین صین » !!

« --- بر داها ، بر داها ...

« --- « سوقکین صین » !!!!

« « دهلی پترو » ، صوک کفری کوک کورولده تیر کی

صاوورمشدی .

داغ باشنده بم دبه بالفیر بالفیر باغیر ما !

مالی دینبره آدام بولونور !

« چار ، آرتق روس اردوگاهندن خیلی آچیلمش اولدقلری
واورتالقدده هیچ کیسه کورونمہ دیکی ایچین بویله باغیر منی محذور سز
بولمشدی . لا کن بردنبره بر چالی دینندن کوسته بک کی بر آدام
صیچرادی . اللرینی یوقاری قالدیرارق :

« --- تسلیم !- دیدی .- واللہی تسلیم ، باللہی تسلیم حشمتاً ب !

مادمکہ ہم بورادہ بولندیغمی کوردک . بکا « سوقکین سین
 دیہ باغیر مقده حقلیسک ! لا کن واللہی تسلیم ! باللہی تسلیم !
 » پترو ، « قاتہرینا » نک رجاسی اوزرینہ ، کلیشی کوزدل
 کفر ایتشدی ؛ - یوقسہ ، بر مقصد مخصوصہ دکل ، - چالی
 دیندہ کی کوستہک قلیقلی آدمی کوردیکی ایچون دکل ...
 » فقط ، اوولو اورتا صاورولان « سوقکین سین » سوزینی ،
 چالی دیندہ صاقلی دوران قابورومسی ، قیصا بویلی ، سیرہک
 صاقلالی ، حقیق الماجق کیکل و تاتار تاکیہ لی آدم ، کند
 اوزہرینہ آلینمش ؛ یاقای اہویر مشدی ... حالادہ ، اہریوقاردہ :
 « — واللہی تسلیم ... باللہی تسلیم ... — دیہ یالواریوردی -
 بکا قیما حشمتائم ... بکا قیما « آقای » م [۱] ... بکا قیما ...
 ایستہرسہک برداھا « کیریشہن » [۲] اولایم ... برداھا وافتیز
 ایدیلہیم ... حتی ، کندیم وافتیز ایدیلدکن ماعدا ، سکا ،
 کوکل رضا سیلہ « اورتودوقس » اولاجق اون دانہدہ صو
 قاتیامامش مسلمان تاتار بولایم ... یالکیز سن ، بکا قیما ،
 « آقای » م ... بن ایتدم ، سن ایتہ ...

[۱] « آقای » ، تاتارجہ « آغا » ، « افندی » ، « افندیمز »
 دینکدر .

[۲] روسار طرفندن ارتدادہ سوق ایدیش تاتارلردرکہ . -
 بونلر ، کندی کندیلرینی « مکرمہ » ، یعنی ، اکراہ ایلہ مسلمانلقدن
 چیقارلش عد ایلرلر .

« تاتار تا کیہلی ، سیرہک صاقلالی آدامک ہم شیوہ سندن ،
ہم قیافتندن ، ہم دہ سویلہ دیکی سوزلردن اصلاً تاتار اولدیغی
آ کلاشیلیوردی .

« دہلی پترو » اونی طانییدی : کندی اوردوسنہ منسوب
تاتارلردن « منصوروف » ایدی بو ...

« — بو چالی دینبندہ نہ آرایوردک « منصوروف » ؟ ہم سن ،
محاصرہ دن اول اورتادن سیلیندیکک کی ، محاصرہ اٹناسندہ دہ ،
— بو صوک یکر می دورت ساعت ظرفندہ دہ — کوزدن غیب
اولدک ..

« — جانمی بکا باغیشلا « آقای » م .. جانمی بکا باغیشلا -
رسہک سکا ہرشیئی اولوب بیتدیکی کی آ کلاتاجم ... ہرشیئی ،
ہرشیئی آ کلاتاجم ، « آقای » م ... آ کلاتیرسہمی اولدور -
مز میسک « آقای » م ؟
« — اولدورم ، آ کلات !

« — سز روسلر بنی زورلہ « اورتودوقس » یایدیکزدی ،
« آقای » م ... حالبوکہ بن ، مسلمان تربیہ سی آلمش اولدیغ
ایچون حساً مسلمان قالدیم .

« پترو » ، دہشتلہ کوزلرینی آچدی :

« — ہاااا!؟ — دیدی . — دیمک « عثمانلو » یہ نرہ دہ بولو -
نیدیغمیزی جاسوسلایوب دہ اوزہریمزہ باصقین ویردیتہن سندک ،

ایله می ؟...

« — قیما بکا « آقایی » م ... اولدی اولانلار بر کره ...
اولدی اولانلار ... دینداشلر مه قارشنی حرب ایتماک ایسته مه دم ...
دینداشلر مه بر لک اولمق سوداسنه قاپلدم ... اونلره یاردیم ایدیم
دیدم ... فقط شیمدی ، بواشی ایشله دیکم ایچون اینسان کییی ...
« — آغیز یایما ، تهرهس !

« — واللهی آغیز یایما یورم « آقایی » م ... واللهی آغیز
یایما یورم ... دینداشلر م اولان « عثمانلو » لر نی بو طرز ده حر کتیه
نادم ایده جک بویوک بر انکساره او غرات دیلر ...
« — نه کییی ؟

« — نه کییی اولاجق « آقایی » م ... بن اونلره قلا غوزاق
ایتدم : — اوردو کک یر نی و وضعیتی کوسته ردیم ... بو قلا غوزاق
حساً مسلمان اولدیم ایچون ، مسلمانلق غیرتیه و بر چوق
تهلکه لری کوزه آلار ق یایدیم ... حالو که اونلر نی هر قلا غوزاق
یاپاجق بر قلا غوزا ندیلر ... مسلمانلق ده بو اولماز « آقایی » م ...
الله اونلری اصلاح ایتسین !

« « دهلی پترو » تاتار « منصوروف » ک سوزلر نی صمیمی

بولدی . حتی موضوعه علاقه دار اولدی :

« — نه ده ده ... تفصیلاتیه آ کلات باقالم ! — دییه مسئله نی

قورجالادی . — عسکری قلا غوزا قدن غیر نی نه قلا غوزاق یایدیر مق

ايسته ديگر سکا؟

« تانار کوزلريني يره ايکدي . کيجه نك قارا کلغنه رغماً
قيپ قيرمزي کسيلديکي بلليدي .

« --- حضور يکزرده - باخاصه غوسپوژا » قاتهرينا نك
حضورنده بوني سويله مکه حجاب ايده رم - ديدى .
« --- بنم حضور مده حجاب ايمه که حاجت يوق ! غوسپوژادن
اوتانيورسه ک سويله جککي قولاغنه سويله .

« « دهلى پترو » ايکيلدي . تانار « منصوروف » صرتمده کي
قانبوريني دوغرولتمغه چاليشارق آياقلىرينك اوجنه باصدي وبويني
يوكسه لتدى . چارك قولاغنه ديدى که :

« --- آقاي » م ! « بالطه جي محمد پاشا » ، بکا ، عسکرى قلا -
غوزلقدن ماعدا ، قادين قلاغوزلغى ده ياپدير مق ايسته دي .
« - پکي ، سن اولمازمى ديدک ؟ نه ديدک ؟

« --- الهى » آقاي » م ... برونيزه اولماز ديمک قابلى ؟ ..
« الامر فوق الادب - ديدم . - هاي هاي پاشام ! سکا روس
اوردوسنده کي قادينلرک اک کوزه لني کتيريرم ! .. » « بو ايشي
باشار ابيلىر ميسک ؟ » - ديهه صوردى . « باشار ابيلىمک دهنه ديمک ؟
سکا آلتش بيک کيشيلک قوص قوجا بر دوشمان اوردوسى
بولوب تسليم ايدهن « منصور اوغلى » [۱] بر تک قادين آرارده
[۱] « منصور اوغلى » اسمى ، روسجه ده « منصوروف » شکانه کاشدر .

ٻولا مازي؟ ... آلبته بولور، ڪٿير ڀرم » جوابي وڃي ڏيڻ ۾ ...
 وٺي لڪه اورادن صيويشدم. بورايه ڪليوردم. روس اور دوسنده
 سس سز سداسز او طوروب انجائي بڪيه جڪدم. اوزا قدن
 سز لري ڪوردم، شو چالي دينه صاقلاندم. لا ڪن هيها!
 ڪوزيڪزه ايليشمشم. سز بکا: «سوق ڪين صين!» دينه حايقيرنجه
 ميدانه چيقمق مجبوريتنده قالد م. «آقاي» م!
 «بويوك پترو»، تاتار «منصوروف» ڪ سوزينه آدام
 عقللي اينامشدي. برآن دوشوندي؛ ڪو ڪده آرادينغي ڀرڊه
 بولمشدي.

«— دوش او ڪمهه! نزي «بالطه جي» يه ڪوتور!— ڏيڏي.—
 ڪنڊيسيلاه ڪوروشه جڪلرمز وار.

«— يعني ذات حشمتپناهيڪزي مي ڪوتورديم «آقاي» م؟..
 هاي هاي... پڪ موافق.. تبديل قيافت ايتمشڪن... سزي
 وجهاً طانماديني اچون ڪيم اولديغڪزي آ ڪلاياماز؛ بسيط بر
 ايلچي صانيرلر! لا ڪن غوسپوڙا «قاتهرينا» يي نه ياپاجغز؛ اوني
 اردو ڪاهمزه تسليم ايددمده «عثمانلو» يه اويله ڪيدهرز.

«— خاير! اوده بزملاه ڪلاه جڪ.

«— آمان ديمه پڪ «آقاي» م...»

«— سن بنم ڏيڏيڪمي حرفياً ياپ!

«— پڪي، فقط قاريشام... «بالطه جي» نڪ چاڊرينه

قدين كیره جك اولورسه ، مسئله نك آلتی جیلق چیقار .
 « — نه ده ح ... آماده اوزاتیورسك ها ... نه كه كرك سنك
 به ؟ .. بو ایشك سكا بر كیردیسی چیقدیسی وارمی ؟ .. سن
 بزى « بالطه جی محمد پاشا » یه کوتور . « قادين ایسته مشدیكیز ، —
 کتیردم ! یانده برده ایچی وار . سزكاه کوروشه جك ! » دیرسك ؛
 والسلام .

« تاتار ، یایق یایق کولدی :

« — مسئله یی چاقدم ! — دیدی . — برخدعه حرب یامغه
 قرار ویردك « آقاي » ! خدعه حربی یاپ وقورتول ؛ حقكدر!
 زیرا سن اونلردن ده ا دکرلیسك .. اونلر ، بنم کیبی برمسلمانی
 ده مین سنك قولاغكه سویله دیکم جنس بر آدام صاندیلر . نعوذ
 بالله .. نعوذ بالله ..

« — هایدی ! فضله کوه زه لك ایسته مز ... دوش او كه ..
 « — پکی « آقاي » م ...
 « برخیلی یورودیلر .
 « ایلریده ، برنوتجی کورونیوردی .

« عثمانلی » طرفنه ...

« بونوتجی یی آشنجه عثمانلو » نك حاکم یولوندیغی ساحه یه
 کیره جکلردی .

« بویوک پترو » :

« — حریفی اولدوروب ده او یله می کچه جگیز؟ — دییه صورتی .

« — خایر « آقاي » م ! اولدورور سهك هم كورو اتوجيتقار ؟

هم ده اوردونك بر نقطه سی ضعیف قالیر... سن او ایشی بكا بیراق . . بن سزی بر اصولتله قارشى جبهه یه کچیریم .

« « بویوک پترو » صورتی :

« — یعنی ناصل ؟ بر پلانك می وار ؟

« — اوجهتی بكا بیراق « آقاي » م . . نه ایده رسیم

ایده میم سزی جبهه نك اوته کی طرفه کچیریم !... »

« — لا کن شونی اونو تما : یالکیز بو نوتجی بی حکمك

کافی دکل ! بزم ایلری نوتجیلرله « عثمانلو » نك ایلری نوتجیلرینك

آراسنده کی ساحه ده اوته یه بهری یه سریشدیش وضعیتده بر طاقیم

قورت قاپانلری وارددر . محاصره داخلنه « عثمانلو » نك کیرمه سنه

مانع اولمق ایچون بالالتزام وضع ایتدیکنیز قاپانلره صاقین بز

یاقالانمایالم !

« — چارم ، « آقاي » م !.. اونو تما یك که بن ، نوتجیلری ده ،

قورت قاپانلری ده بر کره بو طرفدن او طرفه دوغرو ، بر کره ده

او طرفدن بو طرفه دوغرو کچمش بولونیورم . کورو یورسکیز :

بر قیلیمه ضرر کلش دکل ! بناء علیه کندییم جبهه یی ناصل مرور

ایله دمسه، سزه ده او یله جه مرور ایتدیر یرم . یالکیز ، نوبتجی یه
خیلی یاقلاش دق . سز بوراده، بوسکود آغا جنک دینده اوطور یکنز .
بن نوبتجی بی او یوتایم .

« دهلی پترو » ، حیرت ایتدی :

« — نوبتجی بی او یوتاجقمیسک؟ — دیه صورتی . — ناصل

او یوتاجقسک ؟

« — قانبور تاتار « منصوروف » ، یاری مستهزی بر طور له،

قوجامان اللرینی بری برینه سورتوشدیردی :

« — نیننی سویلیه رک !... — دیدی .

« بو ایشه « قاتهرینا » ده شاشدی ؛ اینجه ، اوزون

وحساس قاشلرینی مراقله هوایه قالدیرارق :

« — نیننی سویلیه رکمی ؟ — سؤالی صورتی .

« قانبور ، بر ره ودرانسله ایکیلوب برداها قانبورلاشدی :

« — ناصل او یوتدیغمی شیمدی کو ورسکیز ، « غوسپورا »

یالکیز ، شو آغاجک آلتدن بر یره قیمیلدانمایک .

« — پکی .

« چار و متره سی ، سکودک آلتنه اوطوروب « منصوروف » ک

کندیلرندن اوزاقلاشان طوس طوپارلاق ، یوص یو وارلاق

کولکهنی سیره دالایلر .

« منصوروف » ، روس نوبتجیسنه یاقلاشدی .

« بلای که ، نوبتجي ، اونی ، شکل و شمائلدن طانیوردی .
یا قلاشماسنه اعتراض ایتهدی .

« بویوک پترو ، دیشلری آراسندن :

« — کوپوغلولر !... — دییه میریلداندی . — » نوبتجیلر
یانلرینه کیمسه یی صوقمایاجق ! « دییه امریومی چیقارمیشدم ...
بو امریمه ناصل اطاعت ایدیورلر هله باق ... نه ایتسه شو
اردویی حقیقی بر آوروپا اردوسی حالنه صوقامایاجغ غالبا ...
موژیکک مایه سنده عسکرلک یوق !

« « قاهرینا » ، چاری دیرسکیله خفیفجه دورتدی :

« — کوروپورمیسک ! ؟ — دیدی — قارا کلقلرک ایچنده
آتش بوجکی کی بر شی ایشیلدادی و سوندی ، بو ایشیاتی
نوبتجي ايله قانبور تاتارک آراسندن کلیور .

« — اودت ! پیریلتی یی بن ده فرق ایتدم : « منصوروف »
نوبتجي یه توتون اکرام ایتدی و نوبتجینک پیوسنی یاقدی .
« تام او اثناده قارشى طرفدن ، — « عثمانلو » طرفندن ، —
برأل ؛ برأل دهها سلاح آتیلدی .

« بالطه جي » نك نوبتجیلری ، کوردکلری ایشیغه دوغرو
آتش ایتشلردی .

« اصابت واقع اولمامشدی .

« « پترو » ، اصابتک واقع اولمادیغنی ، نوبتجي ايله

تاتارک یره باغداش قوروب توتون فوورداتمغه دوام ایتمه لرندن
آکلادی .

« لاکن نوبتجی باغداش قورمقلده قانادی . بویلی بوینه
یره اوزاندی . وخورولداتمغه باشلادی .

» « پترو » ، « قاتهرینا » یه :

— بوقانبور حریف آدام عقللی ، پیشکین برجاسوس : —
دیدى . — مکملأً آدام قاندرماسنی بیلدیکی کیبی ، آفیونلی
توتونده قوللانیور . باقلم داها نه معرفتله کوستره جک ! الله
ویردهده بنم چار اولدیغمی « بالطه جی » یه خبر ویرمه سه . . .
خوش ، خبر ویرسه ده بن اوکانه یاپاجغمی بیلیرم آ . . . نه آتیجی
اولدیغمی برآن ایچنده اثبات ایله رم . . . زیرا اونی کندمدن
برسلاح منزلی اوزاقلاشدیرمایاجغم . . . شههلی بر حرکته
بولوندیمیدی ، جانی جهنمه یوللارم .

« بوسوزلری سویله مکده « پترو » نك خصوصی بر مقصدی
واردی . بر آزده « قیزم سکا سویله یورم ، کلیم سن آکلا ! »
اصولنی تعقیب ایله یوردی .

« او اشناده ، تاتار ، نوبتجینک یانندن قالمش ؛ چارله
مترمسنه ، — کندیسنه دوغرو ایله رله مه لری ایچون اشارت
ویرمشدی . بولوشدقلری زمان ، پترویه صورتی :

» — او آفیونلی توتونی زرده بولک « منصوروف » ؟

« تاتار » جواب ويردى :

« — اوزومى يى ده باغنى صورما ، « آقاي » م !

« برخيلى مدت ، سس ايمه دن ايلريله ديار .

« چار :

« — قورت قاپانلرينك بولونديغى منطقه يه كليورز ، ها . . —

ديدى . — بومنه منطقه نك شرق قندى ، غرب بندى مى — كچه جگىز !

« منصوروف » جواب ويردى :

« — نه شرق قندى ، نه غرب بندى ، حتى نه شمال بندى ، نه جنوب بندى !

« قاتهرينا » :

« — اويله ايسه قوش اولوب هوادى اوچاجغىز ! — ديه

آلاى ايتدى .

« — خاير ، « غوسپوژا » م ! خاير « آقاي » م ! بو

منطقه نك قارشى طرفه كچمك ايجون جهات اربعه سندن كچمه يه جگىز

كچي ، هواسندن ده اوچمايا جغىز ! آنجا ق ، تحت الارض بر يولى

تعقيب ايله كندىمىزى « عثمانو » طرفنده بولا جغىز !

« پترو » شاشدى :

« — تحت الارض بر يولى مى ؟ او تحت الارض يول

ديديك ده نه ؟

« تاتار ايضاحات ويردى :

« — « آقاي » م ! قارشى كى تپه نك اتكندى يعنى ، تام

« عثمانلو » نوجیلرینک بولوندیغی یرلرده ، اسکیدن بر « فالچی » قلعه سی واردی . اساساً بو اووایه ده اوقلعه نك اسمی ویریلشدر . لاکن بوقلعه ، فاتح سلطان محمد زماننده « عثمانلو » لر طرفندن خاک ایله یکسان ایدیلدی . یالکیز ، قلعه نك بر تحت الارض یولی واردی که ، اونی هدم ایله مه دیلر . ایشته بز ، قلعه نك تحت الارض یولنی تعقیباً قارشیه کچه جکیز . همده ، بوسایه ده ، قورت قاپانلرینه یاقالانمایا جغز ! چونکه قورت قاپانلری یوقاریمزده قالاجق ! » وقت خیلی ایله رله مشدی . بوکارغما ، « عثمانلو » اوردو - کاهنده کی بویوک شهر آیین آتشلری حالا سونمه مشدی . چنک وطرب دوام ایله یوردی . بلکه ده اکنجه نك ک حرارتلی یرنده ایدیلر ، کیجه نك سکونی ایچنده ، اوزاقدن اوزاغه کوچک زیللاری و آل شاقیرتیلری ، یکیچری مهتری ایشیدیل یوردی . « اوچ آرقاداش آدیملرینی صیقلاشدیردیلر . « تاتار ، اوکده یورو یوردی . « ایصیرغانلرله قاپلی بریقیق دیوار اوکنه کنجه دوردی . « — بو ایصیرغانلری آیروب آراسندن کچه جکیز ! — دیدی . — کیزلی مدخلک ده لیکی دیوارک دینده در . « ایصیرغانلری تماماً آیردیلر . تحت الزمین کچیک قپوسنه اولاشدیلر . یالکیز « قاتهرینا » ایصیرغانلری ازه جک یرده اتکلرینی قالدیردی ؛ جان یاقیجی نباتلری باجاقلرینه سورده رک

یورودی ؛ کوزلری سوزولدی .

« مدخل ، طاش کمرلی بر قاپو ایدی .

» « منصوروف » بورایه کلنجه ، چاقماغنی تکرار چاقدی

وال یوردامیله ایکی مشعله بولدی .

« — بونلری کچیددن چیقدیغم صیراده بوراده بیراقشدم .

» « آقای ! یاقایم ... — دیدی .

» قانبورتاتار مشعلهلری یاقدی ؛ — برینی صاغ آینه آلدی .

اوته کینی صول آینه آلدی . کوسه من کوسه من او که دوشدی .

» یورومکه باشلادیلر .

» ایچنده بولوندقلری تونلک تاوانی و دیوارلری قطنندن

کسیلهش براستوانه نك ایچی کبی ایدی و طاشدندی . زمین

ایسه ینه طاش و دوزدی .

» آیاق سسلری ، ایلریدن و کریدن مبالغه لی بر صورتده

عکس ایدیوردی .

» هله کولکه لری صورمايک ... کولکه لر نسبتسز ،

تناسبسز برردیوی آکدیریوردی ؛ — حتی او موزون اندامی

» قاتهرینا « نك سبو اندام کولکه سی بيله بر هیولا اوزونلغی

ایله کچدکلری یرلره سزیلیوردی .

» قونوشمادن برخیلی ایله رلردیلر .

» هپسنك ذهنی قورجالایان آیری آیری مسئله لر اولدیغی

بلايدى : « تاتار » منصوروف ، چارك ، متره سنى برابرندە
 كوتورمكده نه مقصد طاشيبايله جگنى ، بوزكى وغيور چارك
 هانكى نوع بر خدعه حرب تاصارلامش اوله بيله جگنى
 دوشونويوردى ؛ « بويوك پترو » ، اوردويى ، متره سنى ، « بالطه جي » ي
 عقلمدن كچيريور ، « يا بالطه جي بندن داها آزين برساديست
 ايسه ده بزمكينك فكرنى چله رسه ؟ » ديه اوزويولوردى ؛
 « قاتهرينا » ي مشغول ايدن جهت ده كذا « بالطه جي » ايدى .
 او ، نه بچيم آدامدى عجب ! روايته نظراً كوجلى قوتلى ايمش !
 سسى غايت كورمش ؛ وجودى غايت ياقيشيقل ايمش ؛ صاقالى غايت
 اوزون ، غايت سرتمش ، عقلى بر آز قىحطجه ايمش ...
 « بوتفكرات ايچنده ايله رله دكلرى صيراده يرده » منصوروف ؛
 آياقلى خداسنده بر دميرك بر طاشه چارماسندن متحصل
 بر چينغيرتى دويولدى .

قادره دمرك نامرس دمرك ؛ نامرس دمرك

قادره دمرك !

« بويوك پترو » صوردى :

« — نه دز او دوشه ن ؟ »

« تاتار ديدى كه :

« — هيچ ، « آقاي » م .. مطلقا يرده بر دمير پارچاسى

واردی ده آیغم طاقیلدی . زیرا چینغیرتی بر دهمیر چینغیرتییسی
ایدی .

« یرده هر نه چینغیردادی ایسه آرا مغه لزوم کورمه دن ایله رله دیلر .
» چار صورتی :

« — « منصوروف » ! دوغرو سویله ! « بالطه جی » ،
کندیسنه یول کوسته ردیکک ایچون سکا نه قادار آلتون
چینغیرداتدی ؟

« — بن دینک سلامتی ایچون چالیشدم ، « آقای » م ..
بر تک آلتون بیله آلمغه تنزل ایتمش دکلم ، وایتمه مده ...
الویریر که بکا قادین دلالغی تکلیف ایتمه سینلر ، ایش قارییه
یعنی ناموسه کلنجه مسئله ده کیشیر . اوزمان بوقنبور « منصوروف » ،
یله لری دیکن دیکن قاربارش بر آرسلان اولور ؟ — کوکره ر !
» بویوک پترو » ، تعجیله صورتی :

« — دیمک که اردونک ووطنک ناموسیله قاریکک ناموسی
بری بریله قیاس ایدیله جک اولورسه ، سنجه قاریکک ناموسی
اوردونک ناموسنه فائقدر اویله می ؟

» بوسؤاله ، تاتار متحیر کوروندی :

« — اوکا شبهه می وار « آقای » م ؟ قاری دیمک ناموس
دیمک ؟ ناموس دیمک ...

» چار جواب ویرمه دی . اونک فکری « منصوروف »

ککینه توافق ایتمه یوردی .

« هم » پترو ، بونلری دیکله میوردی بیله ؛ - زیرا تاتارک
مسلمان ذهنیتنه کوره سویله دیکی لاقیردیله ؛ اونک یاری یاری یه
آزوپائی، یاری یاری یه سادیست فکر یاتی ایله تطابق ایله میوردی .
« لاکن ، ایسوه جلی مازوخیست قادین بر بویوک علاقه ایله
کوزلرینی آچدی وقانبورک قانبورینی یاقالادی :

« — قاریک سنی آلداتیرسه نه یاپارسک ای مسلمان ؟ -
دییه صوردی . - یه لرك دیکن دیکن قاباردیغی زمان قاریکی
نیچه له رمیسک ؟

« پترو ، محاوره نك بونقطه سیله علاقه دار کوروندی :
« — شیمدی او جهتلری بیراقلده او کمزده صو وار ،
دقت ایدک ! باتمایلم .. - دیدی .

« حقیقه » ، - تونل دیوارینک بر قسم طاشلری ییقیلمش ؛
بو ییقیلان طاشلردن ایچری یه صو صیزارق اورتاده بر بریکینی
حاصل اولمشدی .
« تاتار :

« — صراقلا نمایک « آقای » م ، « غوسپوژام » - دیدی . -
شو کنار ی تعقیب ایله مک صورتیله اوتیه طرفه کچه بیلیرز .
لاکن دقت ایدیکزده آیاغکیز قایماسین .
کچیدک کنارنده صو بریکنیتسک سطحینده کورونن طاشلردن

ظيلايا ظيلايا يوروديلر .

« تاتار » منصوروف ، قابور اولديغي ايجون طاشدن طاشه سه كمكده كوچلك چكيوردى .

« بر آن اولدى كه وضعيتى بوسبوتون مشكله شدى : - زيرا ايكي آلتده ايكي مشعله واردى .. موازنه سنى تأمين ايدمه ميوردى .
« آنسرين ، آياغى قايدى . دوشمه مك ايجون ، هوايى قوللريته قولاجلار كى قوسلر چيزمك مجبوريتنده قالدى . ايسته بوسبيله آلارنده كى مشعله لر كچيدك اورتاسنده كى صو بريكينتيسى ايجنه دوشهرك سوندى .

« هر ير قاب قارا كلق كسيلى .

« بويوك پترو » :

« — آمان ديهه حايقيردى . — آمان شو مشعله لرى صودن چيقار وياق .

« تاتار ، بر مدت اوغراشدقن صو كرا جواب ويردى :

« — مشعله لرى صودن چيقاردم . فقط ياقه ميورم . زيرا

ده مين طاشلر اوزه رنده چينغيردايان شى چاقماغمك يره دوشن ده ميرى ايمش ... خوش ، چاقماغى چاقق ايجين باشقه ده ميرده بولمق قابل ... مثلاسزك خنچر يكزه چاقا بيليرز . « آقى » م ...
« لا كن آل يورداميله بر آز ايلرله يه لم ده صوي كچم ... مشعله يى او زمان ياقارز .

» — مناسب !

» قارا کلقدہ قیدن قیدن یورو دیلر .

» تام بو ائنادہ، دیوارده کی یقیق یردن دوغرو بر کورولتو ایشیتدیلر .

» «پترو» ده ، «قاتهرينا» ده ، «منصوروف» ده وجودلرینه قوتلی قوللرک صیم صیقی صاریلدیغنی حس ايله دیلر .
 «الداو کده کیدن تاتار» منصوروف ، وجودینه صاریلوب کندینی صیم صیقی یاقالایانک غوسپوژا «قاتهرينا» اولدیغنی صاندی ؛ وکناهه کیرمه مک ایچون یاری ایشیدیلیر بر سسله استغفار کتیردی . زیرا بوینی لاله لہین قوللر ، معطر وایپک تنلی ایدی . فقط چارک متره سی اوکا یالکیز قوللریله دکل ، عینی زمانده باجاقلریله ده صاریلیوردی . اوت ، محقق ، بوبویله اولاجقدی . چونکه بویننه ، قوللرینه و باجاقلرینه دولانان اعضای بدن ایکی دکل ، دورتدی . تاتار استغفاری تکرارلادی :
 » — استغفرالله... استغفرالله... استغفرالله العظیم الذی...

» اورتاده کیدن «قاتهرينا» ده ، «دهلی پترو» نک ، قارا کلقدن بالاستفاده ، اوکا صاریلیو یردیکنی صانمش ؛ و بو صاریلانک نوازشکار بر تماس حالنده اولمایوب قایا و خشین بر صاریلیش حالنده اولماسنی غایتله طبیعی بوتلشدی .

» وجودینه ییلان کی دولانان قوللرک کیمه عائد اولدیغنی

بر درلو کسديرمه ين برى وارسه اوده « پترو » ايدى: کنديسى،
 اوج کيشيلك قافله نك الك آرقاسنده اولديغنه كوره، متجاوزلن،
 آرقاداشلرندن غيرى برى اولماسى ايجاب ايلديكىنى قاورامتىدى.
 « — کيم او ؟ — ديه روسجه باغيردى .

« چاره صاريلان آدام ، « عثمانلوجه » جواب ويردى :
 « — جاسوسلغهمى کيتمکده سز ، اى نابکارلر ؟
 « بالطبع « پترو » ، بو سوزلردن بر شى آکلامادى .
 « — « منصوروف » نه لسان قونوشويور ؟ نه دييور بو
 آدام ؟ — ديه تاتاره سسلندى .
 « تاتار :

« — مسلمان ديلي [۱] قونوشويور ، « آقاى » م !
 باصقينه اوغرادق . فقط مراقلانمايك . بن وضعيتي حل ايدرم ! —
 ديدى .

« وضعيت آشكاردى :

« « بالبه جي محمد پاشا » ، کندينه ، قادين کتيرمه سى
 حقنده تاتار قلاغوزه امر ويرد کدن صو کرا ، قلاغوزك پيشنه
 بر طاقم کوزجیلر قويمش ؛ وبو کوزجیلر، کيزلى ير آلتى کچيدى
 کشف ايله رک بورايه کيرمشلردى . لا کن، تونلده ايله رله دکارى

[۱] روسيه ده خلق ، تورکجه يه وشعباتنه حالا « مسلمانسكى »
 يعنى « مسلمانجه » ديمکده در .

صیراده، قارشی طرفدن دوغرو آئندہ مشعلہ ایلہ اوچ کیشینک
کلدیکنی کورنجه، یر آلتی کچیدینک دیواری یقیق قسمنده
صاقلانمش؛ پوصو قورمش و بزمکیاری یا قلا مشاردی .

« قانبور تاتار کندینی کوز جیاره طانیتدی :

« — بزیا بانجی دکلز ! قولکیز «منصور اوغلی» یم ! وزیرک
اردوسنه قلاغوزلق ایدن مسلمانم ! یانمده کیلردن بری دولتونک
ایسته دیکی زنده در . او بری ایسه چارک خبر جیسیدر ! — دیدی
وصوردی : — مشعلہ یوقی آغالر ؛ کوز کوزی کورمه یور .
» بری بر چاقاق چاقدی .

« قارا کلنگ ایچنده بر ایشیق ، او یقودن او یانوبده کوز
قاپاغی آچیلان بر زنجی سحر بازک قیپ قیرمیزی کوزی کیی
یاندی . سانکه بو زنجی سحر بازک کوزی قارا کلقلار ایچنده بر
نقطه یه باقدی ، باقدی ده او نقطه ده آتش چیقاردی : — چاقاق ،
قاوی ؛ قاوده مشعلہ یی آیدینلا تمشدی .

« بر آن ، یانغین حالنده قارما قاریشیق بر ضیا اورتالقمده
چالقاندی .

« حدقلر آیدینلغه آلیشمنجه ، بزم اوچ کیشی کندیارینه
باسقین ویرنلرک درت یکچیچری ایلہ بر کنج ارکک اولدیننی
کور دیلر .

« ده لیقانی ، بر جیوه لکدی .

قانبورک بوینه اوصاریمشدی ؛ - ایشته بونک ایچوندرکه ،
تاتار ، بوینه « قاتهرینا » نك صاریلدیغنی صانمشدی ... قانبورک
باجاقلرینه ده بر یکچیچری دولانمشدی .

« قاتهرینا » بی طوتان قولار ، عضله لری خللاط کیی قاپاران
بر یکچیچرینکدی .

« پتروی ایسه ایکی یکچیچری یاقلامشدی .

« درحال ، - آیق اوزه ری ، - چارک اوستنی باشنی معاینه ایتدیلر !
« کمرندن خروسل و چاقماقلی طابانجه سنی ، بلندن باروتلغنی
وقینندن خنچرینی آلدیلر .
« آیواد !

« « پترو » ، بونی دوشونمه مشدی ایشته : - حیاتنده بر
آن خنچریله طابانجه سندن آیریلادیغنی ایچون ، « عثمانلو » طرفنده
سلاحلرینک آلیناجنی عقلنه ککه مشدی ! حالبوکه کوودندیکی
یکانه شی سلاحلیدی ؛ سلاحلرینی ایسه اوندن آلمشلردی .
- شیمدی « پترو » نه یاپاجقدی ؟ - متره سیله قلاغوزینک
کندیسنه خیانت ایتمه لرینی نه صورتله تحت تأمینه آلاجقدی ؟
« یکچیچریلر ، چار ایله یاننده کیلری اکسه لرندن قاقارق
یوروتدیلر .

« هیچ بر شی قونوشمادن تونلک اوته کی اوجنه ، عثمانیلر

طرفه ايريشديلر .

« دوت يکيچري ايله بر شاب امرد طرفدن ايتيله قاقيلار
آلتی کچيدندن چيقاريلوبده « عثمانلو » لر جهته کچيريلنجه ،
- « بويوک پترو » ايله « قاته رينا » ، کنديلريني بام باشقه برعالمده
حس ايتديلر : - روسلرک بر مزار سکوئي اچنده بوغولان
اوردوگاهلرينه نظراً بام باشقه ، يپيکي برعالمده ؛ برچنک و طرب ،
جوش و خروش عالمده ...

« سانکه ، » بالطه جي محمد پاشا « نك محيطنده ، موسيقي
نغماتندن متشکل بويوک بر فورطنه اوغولدايوردی : - مظفر
وزيرک « کوزدل سسلي ، و ، اصوات علمنه هوسلي » اولديغني
بيلن معيتي ، اوني ، مهتر و باغلاما اهتزازلرندن متحصل بر ذوق
وصفا انکيننده ياشاتيوردی .

« حتی بو قارا کلق ير آلتی کچيدينک اوکنده بيله ، اوچ
بش بابايکيتک ديزلري دينده ، اوچ بش « جيودلک » اوطورمش ؛
نازين قوللريه آغلرينک بللرينه و بويونلرينه دولانارق ، و ، طره
طره قيوير جق زلفي ، « رخسار آل » ي ياپيشدير ما بنلي باشلريني
بابايکيتلرک سينه لرينه و يا قوجاقلرينه ياتيرارق ، اينجه و مهتر
سسلي به ، سمواته دوغرو بر فسقيه حالنده تيز پرده دن مقاملر
فيشقيرتيورلردی .

« لا کن ، بردن صوصديلر و باقديار . ير آلتی کچيدندن چيقانلري

کورونجه، اولاً سعه رؤیتلری سکیز کیشیلک قافله نك سکیز فردی
 بردن احاطه اید یویرمشکن، یاواش یاواش، سکیز فردك آراسنده کی
 یدی ارکک، - نظرلرده بولانیقلاشدی، - بولانیقلاشدی... -
 اشکاله قارشى، - حدندن فضله اوزاق طوتوش برتوسوزلره
 انعکاس ایدن منظرلر قادار سیسله ندی، - دومانلاندى، -
 بوغولاندى، - نهایت سیلندی.

» حاصلی، تونلک آغزنده بکله یں اوچ بش بابا یکیتله،
 بونلرک قوجاقلرند ناز ونعم ایچنده یاتان کنجیلر، بوتون دقتلری
 سکیز کیشیلک قافله نك بریجک قادین فردنده طوپلادقلری، -
 نظرلری « قاتهرینا » ده نهلشیدیر دکلی ایچون، یاننده کی
 ارککلری کوره مز اولدیلر.

» بابا یکیتلر، « قاتهرینا » یه، - « قاتهرینا » نك مفرط
 ده قولته سیمین کردنه، - « قاتهرینا » نك موزون اندامنه،
 - « قاتهرینا » نك ایجه بلالی « روقوقو » البسه لرندن مبالنه
 ایله طاشان حد ذاتنده کنیش قالچه لرینه، - قیصاجه :
 « قاتهرینا » نك، ارککلک مخیله سنده، - (بوی عار و حجاب،
 بو پراتیک مخیله ده) - برآن ایچنده چیریل چیپلاق عریانلا -
 شیویردن تمامیتنه، - شهوت احتراصله، - پارچالایاجق کی، -
 ییه جک کی، - یوتاجق کی باقدیلر، - باقدیلر، - باقدیلر.
 » ایسودچلی قادینه علاقه ایله باقن یالکیز بابا یکیتلر دکلدی؛

— «مارط قاتهرینا» یه بابا یکیترک جیوه لکلری ده، علاقه ایله، —
پارچالاپاجق کبی، — ییه جک کبی، — یوتاجق کبی، — حظ
وشهوت واحتراصدن زیاده غیظ ونفرتله، کین و قیصقانجقله
باقیورلردی .

«بوده کیم اولویوردی که ؟

«آغالرینی، بویله، منظره سی قارشیسنده، یرلرندن هوپلا-
تارق آیاغه قالدیران، — آیاغه قالدیرارق، قوجاقلرنده کی کندی
باشلرینی، لزومسز «آرزاتس» [۱] برشی حالنده یره یووارلاتان
مخلوق نه ایدی ؟

«قادین !

«جیوه لکلرک خصم جانی قادین ...

«بوتون بابا یکیترلر، تلاش ایچنده صوردیله :

« — بوزنه بی نریمه ایله تورسز ؟

«منصوروف» جواب ویردی :

« — وزیر اعظم دولتلو سردارک خیمه لرینه ایله تورز .

[۱] ersatz = حرب عمومیده آلمانلرک مختلف حوایجه تقابل

ایله مک اوزره تصنیع ایله دکاری ساخته مواددرکه (یالانجی قهوه ،
ساخته ایپک وسائر) ، مدلولی آلمانیا ایله صیق بر صورتده علاقه دار
اولدینی ایچون ، «آرزاتس» کلمه سی ده بوتون لسانلرده قوالانیلیر .
بین الملل بر کلمه حائنی آلمشدر

بن قولنى بوامره مأمور ايله مشايدى . وظيفه مى موفقيت برله
بالا كمال كلشم .

« -- يابو كاوور اركيشى نهك نه سيدر ؟

« -- بو كاوور اركيشى كافر قرالنىك خبر جيسيدر . كافر
قرالندن تسليم خبرىنى كتي مكدردر . الا بزي ير آلتى كچيدنده
آل آشاغى ايدن ارلر آنك سلاحرلرني آلديلر . وبزي اكسه
مزدن قاقديلر . بوكي معاملات نالا يقدر .

« بابا يكيترك ايچنده بيقلرى ياتاقلى ، شيشمان بر سپاهى
كومبوردهدى :

« -- دوغرو ديرسك ، چلبى !.. ايلچي به زوال يوقدر !
ايلچينك سلاحرلى كرى ويريلك وقوللرى قويويريلك كر كدر !..
اوولان « حمزه » ! قويوير شونك قوللرني !.. سلاحرلرني ده
وير ، طاقسين ...

« تونلده قافله به باصقين ويرهنلر ، اوچ آرقاداشك قوللرني

بيراقديلر .

« چاره ، سلاحرلى اعاده اولوندى .

« « پترو » نك يوره كي ياغ باغلادى :- ديمك كه ، كندىنى

مدافعه ، قاديبنى مدافعه ، اردوسنى مدافعه واسطه سنى حالا غيب
ايمه مشدى .

« اردو كاكه دوغرو يوروديلر .

« یاقیلان آتشلرک آلهولری ، بویوک شهرلرک الکتریق
ضیاسی کیی کوکلره ووریوردی .

« هر چادیرک اوکنده چالیر و اودونلر کومه ایدیلش
وبونلر طوتوشدورولوب حارلاندریلشدی . اطرافلرنده ، یکیچر-
یلرله سپاهییلر ، چنبر حالنده اوطورویورلردی :- بعضاً جیوه لکارینه
کوچک اویونی اویناتارق سیره دالیورلر ؛ بعضاً کلبانک ایله
تورکو چیغیریورلر ؛ وبعضاً ده مغیچهلرک صوندیغی بلور پیاله-
لردن رومانیانک الما شرابی نوش ایله یورلردی . کوک قبه نك
آلتی ، کسکین مسکرات قوقوسیله دواش کییدی .

« حاصلی ، هوای نسیمی ، ذوق و کیفک بوتون عناصریله :-
طرب و آهنگیله ، ضیا و رایحه سیله - باشند باشه مشبوعدی .

« بالطه جینک اردوگاهنده هر کس پر ذوق صفا ایدی ؛ -
یالکیز بر استئنا ایله :- « قاتهرینا » نك کچدیکی چادیرلرک
اوکنده اوطورانلر ، مصرده « یوسف » ی کوروبده اللرنده کی
ألما ایله برابر پارماقلرینی کسهن ، - پارماقلرینی کسوبده جان
آجیسی دویمایان مصری قادینلر کیی بر حاللره اوغرایورلر ؛ -
چالغی چالماسنی ، کوچک اویناتماسنی ، شراب ایچمه سنی
اونوتویورلر ؛ اوکلرنده بر رقص قیوراقلغی ایله بوکلوم بوکلوم
ییلانلاشان آلهولرد باقاییورلر ، - « قاتهرینا » یه باقیورلر ، -

«قاتهرينا» يه باقا قالورلردى؛ — «قاتهرينا» يه باقوبده طوكا
قالورلردى .

« قولاقدن قولاغه شو سسلر دولاشيوردى :

» — بوزنه نره دن كلدى ؟

» — بوزنه كيملك زنه سي ؟

» — بو او قادار تندرست ، اويله سولون بويلو برزنه كه ،

عادتا جوانلرى خاطرلاتيور . . . عورت دكل بو ، مغبيچه ،

مغبيچه . . .

» ديدى قوديلر ، « قاتهرينا » ايله توابعى « بالطه جي محمد

پاشا » نك چاديرى كورونجهيه دهك سوردى .

» ايشته دولتونك چاديرى كورونمشدى .

» « تبردار [۱] محمد پاشا » نك خيمه لرى ، چادير دكل ،

او دكل ، كوشك دكل ، قوناقدى : — وزير اعظمك بوتون

توابع و غلماتى ، محافظين و خدامنى فرح فرح قايلان بر

بر قوناق . . . — واقعا ، بر قوناغك اودالرى برى برينه بيتيشيك

اولور ؛ وزير اعظمك معيتنى احتوا ايدن چاديرلر ايسه ،

يكديكلرلرندن آيرى آيرى ايدى . فقط بونلر ، هيئت عموميه سيلاه

بر جامعه ، بر كل تشكيل ايله يورلردى؛ — واورتالرنده «بالطه جي» نك

قزيرل خيمه سي پر دبده وطننه ايدى .

« دوغرو... روماتاریخنده « پورپر » رنگی ناصل ساده جه
ایمپراطورلره عائدسه ، « عثمانلو » تاریخننده ده آل رنگ، ساده جه
پادشاهلره عائددی ... آما، وزیر اعظم « تبردار محمد پاشا » ،
بوسفرده « احمدخان ثالث » ی تمشیل ایله دیکی ایچون، چادیرینی
آل رنگده یاپدیرمشدی ؛ - چادیرک ایچی ده ، طیشی ده آلدی.
« وبو چادیر، اطرافنده کیلردن هم رنگ ، هم بویوکلک،
هم ده ایچنده قاینایان حیات اعتباریله آیریلیوردی .
« قاتهرینا » قافله سی، آل چادیره کیرمک اوزره ایدیلر.

ج - قا

« تهز » یمک اک انتهره سان یرینه کلشدم که ، صنفده بر
طاقیم سسلر ، حایقیریشمالر ، نعرملر یوکسلدی :

— انقلاب دوشمانی !!

— بولشه ویکلک خائی !!

— « منشه ویک » [۱] حریف ؟!

— خایر ! « منشه ویک » ده دکل « اس - آر » [۲] !

— « أس - آر » ده دکل « نارودنیک » [۳]

[۱] منشه ویک = بولشه ویکلره علیهدار اولان برنوع سوسیالیستلر

[۲] « أس - آر » = « سوسیالیست - ردوولوسیونر » فرقه سنک

باش حرفلری . بو فرقه ، بولشه ویکلره پک زیاده علیهداردی.

[۳] خلقجی .

— « قادت » [۱] !!

بوتون بو، — (بو « منشه ویک »، « اُس — نُهر »، « نارودینک »، « قادت » عتابلری) — مخالف فرقه لک اسملری اولدیغی ایچون بولشه ویکلکک حکم سوردیکی بر دورده ، روسیاده کفر مقامنه کچمکده ایدی .

درسخانه ده « بالطه جی ایله قاتهرینا » ماجراسنی آکلاتدیغ صیراده بونلری اوولو اورتا صاووران کیملردی ؟
بونلر کیمه قارشى صاورولا بیلرلردی ؟

حکایه مک هوای نسیمیسندن قورتولامادیغ ایچون ، بر آن صاندم که ، بنی دیکلینلر ، ایسوه جلی مازوخیست « قاتهرینا » یه قولاقدن کوکل ویردیلر ؛ قولاقدن کوکل ویردکلری ایچون اونى کندیلمینه جذب و بندایله مک مقصدیله بویله کفر ایدیورلر .
لاکن خایر !

مسئله بام باشقه ایدی .

کفرلر ، عتابلر ، نعره لر ، حایقیریشمالر ، « قاتهرینا » یه ، — « قاتهرینا » نك خاطره سنه قارشى صاورولما یوردی .

پروفسور « توغان توغانوفسکی » یه قارشى صاورولویوردی .
مشین جاکتلی ، مشین قاسکتلی ، آیاغی چیزمه لی بش آلتی سامع طلبه ، (اودت ! بونلر ، مکتبک طلبه اصلیه سندن

دکلدی ؛ - سامع صفتيله صنفه داخل اولشاردی !) یرلرندن
فیرلادیلر ؛ وپروفسور « توغان توغانوفسکی » نك اطرافنی
آلدیلر .

هپسـنـك ده آلرندە روولودرلر واردی ؛ بوروولودرلری
پروفسوره توجیه ايله مشلردی .

قاشلرینی چاتمشلردی ؛ کوز بېکلری فیر دونیوردی .
« توغان توغانوفسکی » یه مدهش نظرلرله باقیورلردی .
ایچلرندن بری ، ایلری یه دوغرو ، بر قاچ آدیم یورودی .
آغیر حرکتلرله مشین جا کتنک دوکمه لرینی چوزدی .
جا کتنک آلتندن ، قیرمیزی « تولستووقا » [۱] سی کوروندی .
بو قیرمیزی « تولستووقا » نك کوکسندە ، ایری بر خطله
شوایکی حرف یازیلشدی :

چه - قا

آمان یاربی !! « چه - قا » ها ؟! ..
دیـمـك كه « چه - قا » ، - (= بولشه ویکلرك بو تدهیش
تشکیلاتی) - بزم صنفمزه قادار کیرمشدی ؛ اویله می ؟

[۱] « تولستووقا » مشهور روس ادیبی « تولستوی » ك دائماً
کییدیکی بر نوع موژیک کوملکی در . یاقاسی دیکدر ؛ کناردن ایلیکله نیر ؛
باشدن کچمه در ؛ اتمکاری اوزوندیر ؛ بلی بر کمرله صیقیلیر .

« چه - قا » حرفلرینک آلتنده اینجه یازیله : « انقلاب

دوشمانلرینه اولوم !! » عبارته سی یازیلشدی .

وداها آلت طرفده ، بر اسکلت باشیله ایکی باجاک کمیکی ،

بری برینه کچمش بر حالده اولومی تمیل ایله یوردی .

وضعیتی درحال قاورادم :

« چه - قا » ، بولشه ویکلرک سیاست دوشمانی اولان « توغان

توغانوفسکی » پی تعقیب ایتمش ؛ شیمدی ده توقیف ایله یوردی .

فقط عجیباً نیچون ؟

ایشته بو جهتی هنوز قاورایا مامشدم .

لاکن مشین جا کتنی چوزدن ، و جا کتنک آلتنده کی

« تولستووقا » سنده « چه - قا » حرفلرینی طاش-یان آدام ،

مسئله پی ایضاح ایتدی :

— سزی توقیف ایدیورز ، پروفسور ! — دیدی . —

اساساً « پان سلاویست » نظریه لری کزله اورتالغه زهر صاچیوردیکز . .

بوکا ، علمکزه حرمة مساعده ایتمشک ... لاکن « بسارابیا »

مسئله سنی رومانیا ولهستان لهنه حل ایچون بزی دوشمانلریمزه

جاسوسلارما کزه اصلا کوز یوممایا جغز !

پروفسور « توغان توغانوفسکی » ، حیرتله دوشدی ؛ —

اوقادار حیرتله دوشدی که ، چاتال صاقلانک صاغ چاتالنی صاغ

ألیله ، صول چاتالنی ده صول ألیله قاورادی ؛ — و مسئله دن بر

شی آکلامایورمش کیی ، « چه قیدست » لره [۱] باقدی .
 ووردی :

— ناصل « بنه رابیا » ؟ ناصل رومانیا ؟ ناصل لهستان ؟

ناصل جاسوساق ؟

مشین قاسکتلی ، مشین جاکتلی ، چاتیق قاشلی وفیریلداق
 کوز بیکلی آداملر ، استخفافکارانه کولومسه دیلر :

— ناصل رومانیا می . . . ناصل جاسوسلق می ؟ . . . —

دیدیلر . . . باص بایاغی رومانیا ، باص بایاغی جاسوسلق . . . حتی ،
 محقق که لهستان . . . یاااا ، بویله غوسپودین پروفیسور ! . . .
 اودت . . . ذات عالیکنز ، حکومت مزه قارشی یالکنز مخالف اولمقاه
 قالمایورسکنز . . . عینی زمانده جاسوسسکنز . . . تلسز تلغرافله ،
 بوتون خبرلری صیجاغی صیجاغنه ممالک اجنبدیه یه یتیشدیر ییورسکنز .
 بز ، سزک تلسزیکیزی کشف ایتمشدک . ما کنه کزی کوزلریمزله
 کورمشدک . لاکن ، بوکونه قادار هانکی مملکته جاسوسلق
 ایتدیکیکیزی کسدیره میوردق . حالبوکه ایشته ، اوککیزده
 دوران رومانیا و لهستان خریطه لری ؛ — صوکره ، ما کنه کزک
 پلانی ، ونهایت ، خریطه نك و پلانك اوزرنده کی اسرار انکیز
 حرفلر نظرلریمزده هر شیئی آشکار قیلدی : دمیندن بهری سز
 دقت ایدیورز ، غوسپودین پروفیسور ! . . . سز ، تورک کنجنک

[۱] « چه قیدست » ، « چه - قا » منسوبینی دیمکدر .

سویله دکلرینی بیله دیکله میوردیکز . . دیمك که آرتق علمدن
اوزا قلاشمش وایشی تماماً سیاسته وورمشسکیز . زیرا، یانکیزده
علمی بر بحث قونوشولدانی صیراده بیله، ینه جاسو سلقه مشغولسکیز!
بوسوزلری، غایت آجی بر لسانله سویله دکلرین صوکر،
«چه قیست» علاوه ایتدی :

— بن «چه رژینسکی» [۱] نك معاوونی یم . هایدی باقالم...
دوشك اوکمه !!

مشین جا کتلی، مشین قاسکتلی، چاتیق قاشلی وفیریلداق
کوزبیکلی «چه قیست» لردن آلتیسی، روولوه لرینی بزله
دوغرو چه ویردیلر. «چه رژینسکی» نك معاوونی اولدیننی سویله ین
یدنجه «چه قیست» ایسه، غوسپودین پروفیسوره نشان آلمقه
بردوامدی :

— یوروییکز «قره ملین» ه [۲] ! — دیدی .

[۱] «چه رژینسکی»، «چه - قا» مؤسسسه نك مشهور رئیسیدر.

[۲] «قره ملین» چارلرک اسکی بر قلعه سیدر . موسقووا شهری

بو قلعه نك اطرافنده انکشاف ایتمش؛ وقلعه، کیت کیده بزم «طوپقیو»
سرائی حالی آلمشدر؛ سوویت انقلابندن صوکر ایسه، «قره ملین»،
بولشه ویزمک مرکز فعالیتی اولمشدر .

ایکینجی قسم

روس قیمرلہ اتفاق

نہ ؟

« قرہملین » ە می ؟

پروفیسور من مستشرق شہیر « توغان توغانوفسکی » یی
« قرہملین » ە کوتوروپورلردی ، اویلہ می ؟

ایشته ، چہ قیستلر ، خریطہ ایلہ ما کینہ پلاننی دە آلوب ،
قولتوقلرینک آلتندہ کی چانطہ یہ قویدیلر .

صنفک ایچندہ ، بر قیمیلدانیس اولدی .

لا کن روولودرلرک مینی مینی مدھش دەلیکلری ، عمومی
حرکتیمزلہ آلا ی ایدەن جین کوزلر کیبی ، یوزیمزہ باقدیلر ؛
وزلری اولدیغمز یرلردہ چیویلہ دیلر . ایچمزدہ مختلف و ضد
سیاسی قناعتلرہ صاحب بولونانلر واردی :- قومونیستلر واردی ،

مفرط و معتدل ملیتجیلر واردی ، آنارشیشترلر [۱] واردی .
 نیهیلیستلر [۲] واردی ، آنارخو - سندیقالیستلر [۳]
 واردی ، «أس - أر» لر واردی . حاصلی وار اوغلی واردی .
 أما ، «چه - قا» نك اراده سی هیمزك اراده سنه غالب کلدی .
 هیچ بریمز عصیان ایدمه دك . یدی کیشی ده ، بو حالمدن
 بالاستفاده ، پروفیسور «توغان توغانوفسکی» پی آلوب کوتوردی .
 ایشته اوزمان قیامت لر قویدی .

اوزون ویاغلی صاحلی ، - یاقا ده لیکی اولوم اشارتلی ، -
 اسمر ، و پوسکورمه سیویلیجه آلینلی برنیه لیست طلبه ، بر
 صیچراییشنده کرسینك اوزرینه جیقدی :
 — انسان قارده شلر !! - دییه حایقیردی . - قازاق قالدیقلی

[۱] آنارشیشترلر هر نوع حکومت طرزینه علیه داردرلر . حکو
 متلری احما مقصدیله حکومت باشنده بولونانلری بومبارله ، طابانجه لرله
 اولدوره رك اورتاغه دهشت سالارلر . غایه لری ، انسانلرده کی فردیتجیلکی
 نمالاندیرمق ؛ کوچوک کوچوک جمعیتلر اطرافنده ایش بولومی یاپوب
 مستقل صورتده یاشامقدر .

[۲] نیهیلیزم = حال حاضر نظام اجتماعیسنی هر تورلو واسطه لرله
 باش وورارق احما والغا ایله مك ایستین و اونك یرینه یکی بر نظام
 اجتماعی وضع ایتمکی تاصارلایان پك بدبین وابتدائی برنوع آنارشیزم
 [۳] آنارخو - سندیقالیزم = آنارشیزمی عمله سندیقالری اطرا
 فنده تحقق ایتدیرمك ایستین اك مترقی آنارشیزم شکل که ، بوفکر
 وحرکت فرانسه ده ولاتین مملکتلرنده بالخاصه رواجده در .

چار حڪومتيه مشين ڦاسڪتلي بولشهويڪ حڪومتڪ آراسنده
هيڇ برفرق موجود بولونمادينئي ڪوروپورسڪزيا ... حڪومتي
دوويرمڪ اڇون ، ڦلبريمزي برر بومبا ، دامارليمزي برر
فيتيل حالنه ڪتيرهلم ؛ وائلاڪ تمل طاشي آتيلاليدن بهري تحڪم
واستبداده ، جبر وشدته ، ظلم وجبروته يوا وظيفه سني ڪوردن
» ڦرهملين « سراينڪ آلتنده بر بومبا ڪيبي پاٽلايلم !..

هر ڪس غليانده ايدى .

نهيلىستي آلقيشيلاديلر .

سياه و ڪنيش بويون باغلى ، سياه و ڪنيش شابقهلى بر

آنارشيسٽ :

— يقلان ڦرهملين سراينڪ انقاضندن حر زمستقل جمعيت

مستقبله نڪ ...

دييه سوزه باشلامشدى ڪه ، بن ، نهيليستڪ سوزلرندن الهام

آلمش ڪيبي ، بر دوشونجهيه دالدم :

» — ... ڦرهملين سراينڪ آلتنده بومبا پاٽلاتيلير مى ؟ ...

دنياده ڪي بوتون نهيليستارڪ بوتون آنارشيسٽارڪ بومباريني بر

آرايه ڪتيردرڪ بر آنده پاٽلاتسهق ، » ڦرهملين « ڪ اوقاپ ڦالين ،

او قوص قوجامان سورلريني ييقيمق ينه ممڪن دڪلدر ... اويله

ايسه پروفيسوري بر ڦورنازلقله ڦورتارمالى !

ڀنجره نڪ او ڪنه ڪيتم .

آلنی صوغوق جامه دایا یارق طیشاری یه باقدم و دوشونمکده دوام ایتدم . واقعا دارالفنونک پنجره لری چفت جاملی ایدی اما ، طیشاریده لاپا لاپا قار یاغدیغی و احتمال درجه حرارت تحت الصفر اوتوزی بولدیغی ایچون ، ایچ جام ، بوز قدار صوغوقدی .

تام قارشیمزده ، بر پولیس ، جاده نك اور تاسنده کی بر تومسه کک اوزه رینه چیقمش ؛ بر طرفدن یانی باشنده آله و آله و یانان سوقاق مانغانده [۱] ایصینیور ؛ دیگر طرفدن ده ، کلوب کچنلرک بورونلرینه دقت ایدمرک ، بورونی تهله کده بولونانلری ، بوتهله کدن خبردار ایدیوردی [۲] .

«قره ملین» سرایی تام قارشیمزده ایدی : سورلرک صیریتان مازغاللری کورونیوردی .

سوقاقده ، ازیله ازیله توز حالنه کلن قارلری ایکی یانه صاچارق قیزاقلر کچیوردی . یایاقلدیریمنده یورویه نلرک اکثریسی

[۱] روسیاده سوقاقلری بکلین پولیسلرک یانلرنده برر قوجامان مانغال داخلنده آتش بولونور . صوغوقدن باشقه تورلو قورونمالری ممکن دکدر ..

[۲] تحت الصفر یکرمی - اوتوز درجه ده انسانلرک بورونلری طوکار . بورونی طوکان بوندن خبردار اولماز . بناء علیه ، روس پولیسنک وظیفه لرنده بری ، سوقاقلرده بورونلری طوکهغه باشلایانلری کیفیتدن خبردار ایتکدر .

دارالفنون طلبه سی ایدی . اودت ، پارسك « قارتیه لاتهن » ی نه ایسه ، - (ناصل طلبه محله سی ایسه ،) - موسقووانك « موخاویا » جاده سی ده ، - دارالفنون سمتی اولدیغی ایچون - اویله جه بر طلبه جاده سیدر : ایشته شوراده بر کتاجی دکانی ، ایشته اوتده بر طلبه قهوه سی ، ونهایت داها به ریده ، بر طلبه میخانه سی : « شراب طولومی » اسملی میخانه !

بنده ، هر آقشام ، بو « شراب طولومی » میخانه سنه کیده ردم . اوراده ، کورجیلرک شن شرقیلرینی دیکله مک ؛ داغستانلیرک « شیخ شامل » و « ۱۴ لر » دانسلرینی سیر ایتک ؛ حوراته ن ، غایدا چالان بالقان طلبه سی ایله عینی چاتی آلتنده بولونمق بکا شرقیلغمی خاطر لاتیردی . . . بو صوغوق شمال مملکتنده ، بندلکمی بو « شراب طولومی » میخانه سنده حس ایده ردم . بناء علیه ، آلمنی بوز کبی جامه دایایارق سوقاغه باقدیغم صیراده ، کوزلریمی ، غیراختیاری ، « شراب طولومی » میخانه سنه چویردم .

میخانه نك اوکنه ، - ایری قانادالر طرفندن چکیلن بر یوک قیزاغی یاناشمشدی . قیزاغك ایچی بویوک شراب فیچیلری ایله لبالبدی . حاملر ، دولو فیچیلری « شراب طولومی » میخانه سنه صوقویورلر ؛ اورادن ده بوش فیچیلری چیقارارق قیزا نه یوکله یورلردی .

صنفك ايجنده : « پروفيسورى ناصل قاجيرالم ؟؟ » ، « نه
ياپالم ده » توغان توغانوفسكى « يي چه قيسترك ائنده بيراقمايالم ؟؟ »
نوعندندن سسلسر حالا اوغولدايوردى .

آلتمك بوز كيبي جامه دايالى بولوندينى صيراده بينمى رى
قوغاغنه چويردن بو سؤالره جواب بولامايورم .

او اثناده صاغ وصول اوموزلر يمه ايكي آل دوقوندى .

صاغمه باقدم : بنمله عيني « تهز » ي ، - (« بالطه جي ايله
قاتهرينا » « تهز » ينى ،) - حاضر لاش اولان قيرميزى باش
اورتولو ، پنبه بياض تنلى ، ماوى كوزلو ، لپسقه صاحلى كنج
قىز ، - دارالفنونمىزك اك كوزهل قىزى باريشنيا « يه قاتهرينا پولوونا » !
صوله باقدم : رومانىالى « نهق » ! - طلبه جمعيتى اعضاسندن
و « شراب طولومى » ميخانهسى صاحبلرندن .

باريشنيا « يه قاتهرينا پولوونا » ديدى كه :

— درسك اورتاسنده سزه « خرسز ! » ديهه باغيرديغم
ايچون بنى عفو ايديكىز . بونى عصبيتيمه باغيشلاييكىز !
« يه قاتهرينا پولوونا » نك بندن عذر ديله ديكنه حيرت
ايتدم :

— استغفرالله افندم . - ديدم . - شيمدى برى برىمزه
داريلاجق زمان دكل ! مسئله صارپا صاردى . « توغان توغا -
نوفسكى » ي ياقلا ديلر . بويله متبحر برعالمك « چه - قا » ائنده

اسير قاناسي علم منتسبيني ايجون جدا موجب حجاتدر .

باريشينا « يه قاتهرينا پاولوونا » :

— بزم دده فكريمز اويله! — ديدى. — بزمده موسيو « نهق »

ايله برللكده بو بحثي قونوشمق ايجون سزه كلك ! « توغان

توغانوفسكى » يي « قره ملين » دن قورتارالم !

— قورتارماسنه قورتارالم ! فقط ناصل؟ — ديهه صوردم .

صنفك ايجنده كي اوغولتو دوام ايدوب دورويوردى .

نهيلىست، باغروب چاغيرمقده بردوامدى :

« — يوركلريمزى برر بومبا، دامارلريمزى برر فيتيل حالنه

كتيردم ! « قره ملين » ك آلتنه كيروب پاطلايارق ظلم واستبدادى

برهوا ايددم ... بويله لكهده استادم « توغان توغانوفسكى » يي

قورتارالم .

باريشينا « يه قاتهرينا پاولوونا » يه :

— شو نهيليست نه چوجو قجه ، نه خيالى شيلرسويله يورا —

ديددم .

كنج قيز :

— بكا قاليرسه پكده او قدار چوجو قجه و خيالى دكل ..

— جوانى ويردى .

شاشدم :

— ناصل ؟ چوجو قجه دكلى ؟ خيالى دكلى ؟ يوقسه سزده

نیهیلیستیمیسکیز؟ یوقسه سزده ، کیلومترولر مربعی مساحه
سطحیه سنده کی قوس قوجا و اطرافی سورلرله محاط «قردملین»
بربومبا ایله برهوا ایدیلایله جگنه قانعیسکیز؟

— خایر! نه بن ، نه ده دوستم موسیو «ئق» ، بوکا قائل
دکلز، تورک کنجی! پروفیسورک بکا توجیه ایتدیکی بو «تورک
کنجی» خطابی نه چابوق تعمیم ایتش! [«قردملین» ک برهوا
اولونماسی شبهه سزکه خیال خامدر. لا کن ، بوکا یاقین برتدیرله
«توغان توغانوفسکی» سورلرک ایچندن آشیریلایلیر !

حیرتله صوردم :

— آشیریلایلیرمی ؟

کنج قیزه صوردیغم بوسؤاله ، «شراب طولومی» اسملی
طلبه میخانه سنک صاحب لرندن وطلبه جمعیتی اعضا سندن رومانیاالی
موسیو «ئق» جواب ویردی :
— اودت ! آشیریلایلیر .

«ئق» ، ایری یازی ، میخانه سنک آدینی خاطر لاتاجق درجه ده
شیشمان و قیرمیزی یاناقلی بر آدمدی . میخانه صاحبی اولماسنه
رغمأ جدیتیه ووقاریله طانیندینی ایچون طلبة جمعیتنه بیله اعضا
سچیلمشدی . باریشنیانک سوزینی تصدیق ایتهمی بنی هم
شاشیرتدی ، همده سهویندیردی .

— سزک فیکریکیزجه ده پروفیسور «توغان توغانوفسکی»

« قره ملین » دن قاجیر یلا بیلیر می؟ — دییه صورد م . — واللهی بن ده، شیمادی پنجره نك جامنه باشمی دایامش؛ استاد ی قاجیر مئی دوشون یورد م . فقط قاجیر مانك ناصل ممکن اولاجنی فکرأ برتور لو حل ایدمه مشدم ... [ألمله کوستر درك:] باقسه کنز آ .. قلعه نك قاپوسنده قاج نو بجی بکله یور .. بونو تجیلر ك کیمی آتلی، کیمی پیاده، کیمی بیسیق تلی، کیمی ده موتوسیق تلی ... « قره ملین » ك « قیزیل میدان » ه [۱] معكوس جهتنه آچیلان ایکنجی قاپوسنده ده عینی ترتیبات واردر ... شاید دارالفنون طلبه سی، هپ برلك اولوب قلعیه هجومه دخی قالقیشسه ق قاپولر ك او کنده کی آسمه کو پروتری قلدیر دیلر میدی ایش تام ... اطراف یو کسك دیوارله محاط اولدینی ایچون، بو قلعیه باشقه طرفدن کیرمه نك ده امکان واحتمالی یوقدر ... بناءً علیه پروفسوری قاجیر مانك ناصل قابل اولاجنی تاسار لایما یورم ... واقعا بن، « توغان توغانوفسکی » یه قاووشمق اوزر دهر فدا کارلخی یا پمنه راضی یم؛ اونك ایچون، حتی ... باریش نیا « یه قاتهرینا پاولوونا » سوزیمی کسدی :

— بیلورز ... بیلورز ... دیدی . — پروفسوری قاجیر مق ایستیه جککزی بیلورز ... زیرا، سزده بنم کی « بالطه جی » ایله « قاتهرینا » موضوعك جاذبه سنه یا قالاتمش بولونیورسکیز !

[۱] قیزیل میدان — موسقروانك الك بویو الك واک مشهور میدانیدر .

کچید رسملری بومیدانده یاپیلیر .

بوسرڪ آناختاري ايسه «توغان توغانوفسڪي» نڪ الہددر ..
 دنيا دہ شرق قريب مسئلہ سني استاديمز درجہ سندہ تدقيق ايلہ مش
 کيمسہ يوقدر . ديمڪ کہ «تہز» يمزڪ حقيقي وجهہ سني اوندن
 او کر نمڪ اضطراري ايکيمز ايچون دہ موجود .. ايشته، پروفيسوري
 قاجير مق غايہ سي اطرافندہ بزي بري بريملہ آل الہ ويرد ردن جہت دہ
 اساساً بودر . يوقسہ «بالطه جي» ايلہ «ڦاٽهرينا» موضوعندہ، بن
 سز کلہ اصلا همفکر دکلہ ، تورڪ کنجی !! سويلہ دکلريکيزڪ
 ھپسي يالان !

— يالانمي ؟ — ديہ طوڪا قلدہ .

«يہ ڦاٽهرينا پاولوونا» فيل ديشي پارماقلي بياض ويوموق
 آلريني ايکي ميني ميني يومروق حالندہ صيقدی .. کوکرجين
 ياورولري قادار کوچوچوڪ آياقلريني حدتلہ يردہ ووردی :

— يالان ، يالان ، يالان !! .. افترا ... «ڦاٽهرينا» يہ افترا !! ..

آداسم اولان «ڦاٽهرينا» برعزيرہدر ... هر توبلو خطالردن ،
 شائبہ لردن منزهدر ... او ، مازوخيست فلان دکلدي ...
 بالعکس عبادت وطاعتلہ مشغولدي ... «پترو» دہ ساديست دکلدي .
 بوني هر تورلو تاريخي وثيقہ لرلہ اثباتہ حاضرم !

— اثباتہ حاضرميسکيز ؟ تاريخي وثيقہ لرلہ مي ؟ — ديہ

حيرتم دوبالا اولدي .

کنج روس قيزی :

— ألبته اثباته حاضر م... ألبته تاریخی وثیقه لرله... دیدی.

بن :

— بنده كزكده وثیقه لر م، دایلم لر م، برهان لر م، اثبات لر م وار!
— دیمك اوزره آغزیمی آچشدم كه ، باریشنیا « یه قاتهرینا
پاولوونا »، بكا، درسك اورتاسنده « خرسنز! خرسنز! » عتابی
حایقیردیغی عصی سسله ، بوسفرده :

— یالانجی !! یالانجی !! — دییه باغیردی .

آرتق جانمه طاق دیمشدی .

آ...

نه در بو ؟

دهمین « خرسنز » دق ، شیمدی ده « یالانجی » می اولدق !
یچاق کیمکه دایاندی .

مقابله ایتك اوزره حاضر لانیوردم. لا كن، رومانیا لی موسیو
« نهق » آرامزی بولدی .

— قاوغانك صیراسی دكل، « غوسپودا »! — دیدی. — وظیفه -

مزی اونو تمایلم ! پروفیسوری قورتارمق ایچون بوتون قوتلری
برلشدیرمك لازم ... هر شیئدن اول، دارالفنونك ۵۸ نومرولو
بناسنه کیمه لی یز. « توغان توغانوفسکی » نك ما کینه سی اوراده در.
کندیسیله اودا قومشوسی اولدینمز ایچون بونی بیلیورم ..
ما کینه یی آشیرالم كه « چه قیست » لرك أینه کچه سین! صوکراده

پروفيسوري ناصل قاچيرا جنمزي بن سزه آڪلاتيرم .
او آراق صنفده كي او غولتو ديندي . آنفي ته آترو درسيخانه مزده
اياق پاتيرديلري دويولدي : هر كس پنجره لرك او كنه اوشوشدي .
«توغان توغانوفسكي» ، يدي چه قيستك آراسنده واونلرك
طابانجه سنه هدف اولش بر وضعتده ، — چتاك صاقلالي باشي
او كنه ايكمش ، قالين چيزمه لريه قارلري پوفورداتا پوفورداتا ،
قارشى قابديرمه چكي ، و «قرءملين» ك اصما كوپروسندن يورويهرلك
قاپوده كي نوبتچيلر آراسنده غيب اولدي .

طلبه نك آراسنده قيزلر وقادينلر هيچقيرديلر :

— كيتدي يي يي ... پروفيسور من كيتدي يي يي .

قبر انچه يمنك ، قبرى قومها غمزه آلدو

اودت كيتمشدي ! پروفيسور «توغان توغانوفسكي» آرتق
«قرءملين» ه دوشمش بولونيوردي .

اوداسنده كي ما كينه ، هر نه ما كينه سي ايسه ، — (نه مه لازم !؟
ايسته رسه پروفيسورلك جاسوساق ياپديغي تلسز تليفراف اولسون !)
تهلكه ده قالمشدي . بوما كينه نك تهلكه ده بولونماسي ديمك عيني
زمانده پروفيسورده تهلكه ده بولونماسي ديمكدي . زيرا ، ما كينه
شايد جدا تلسز تليفرافسه استادك احوالى فنايه منجر اولماسي
متملدي .

« توغان توغانوفسکی، بورژوا دولتلری حسابنه سوویتلره خیانت جرمیله قورشونه دیزیله یلیردی .

واه اوزمان عرفانه ... واه اوزمان شرق قریب تاریخنه ..
واه اوزمان برم «بالطه جی-قاتهرینا» «تهز» ینک حقیقی وجهه سنه! ..
رومانیالی شیشمان «هق»، برألیله باریشنیانک قولنه کیردی ؛
اوبرألیله ده بنم! .. دیدی که :

— استادک پیشی صیرا باقمق فائده ویرمز! هایدی ،
چابوق ، ایش باشنه .

درحال صنف قاپوسنه دوغرو قوشدق .
ایچریده حالا، نییلیست، آنارشیزست، آنارخوسندیقالیست
خطیلر :

— .. بشریتک استخلاص مجادله سنده ..

دییه نطقلرینی حاقیرییورلردی . برینک نه سویله دیکنی
اوبری ایشیتمه یوردی .

اونلری صنفده کندی عاملرنده براقارق ، — «یه قاتهرینا
پاولوونا» ، «هق» ، برده بن ، — اوچ کیشی ، — علی العجابه ،
دارالفنونک غاردروبنه کیتدک . پوتینلریمزی چیقاردق .
آیاقلریمز ه واله نکیلر کییدک . «واله نکی» لر ، قالین عبادن
معمول و دوغرودن دوغرویه یوک چوراب اوزرینه کیلیر بر
نوع چیزمه شوصونلردر . شاید انسان ، بونلری کیمه دن

تحت الصفر ۲۰ - ۳۰ درجه صوغوغه چيقتسه آياقلىرى طوكار.
صيرتمزه « شوبا » لريمى [۱] ، باشلريمزه ده كنش قالياقلىرىمى
كچيردك ؛ قالياقلىرىمى قولاقلىرىمزه قادار چكدك .
دارالفنونك مرمر مردپوهنلرندن آشاغى سه كيرتهرك
« چينتيروفسكى » نك هيكللى او كندن كچدك . سوقاغه چيقدق .
بول الكتريق ضيالى آلتده ، « موخاوايا » جادهسى ،
كوندوز كييدى .

قاپومزك او كنده صيراصيرا قيزاقلر بكه يوردى . بونلر ،
تك آتارله چكىلن كوچوك قيزاقلردى . اساساً موسقووانك
قيزاقلرى ، - بو قيزاقلرى چكن ميني ميني فقط چهويك قازاق
بيكىرلى كىيى ، - عموميتله كوچومهن شيلردر : - داردرلر ،
سريع دونه بيلمه لرى ، ايچون عادتاً بر كيشيك كييدرلر . بونلر
اك جالب دقت جهتلرى بالذات صاحبلىدر : قيزاچيلردر !
حيوانله مشترى آراسنده كى محل مخصوصلرندە اوطوران قيزا-
چيلر ، بول ، نفتى و اوزون جبهه لرى ، - كوبكلىرینه قادار واران
صاقللرى ، - و اوطوراق يچيمنده كى شابقه ليله « دهلى پترو » نك
قىلىق قيافت اصلاحاتندن ياقايى صيرارق اسكى و تىپيك روس
شكل و شمائلنى محافظه ايتش يكانه مسلك اربابيدر . « پترو » ،
قيزاچيلره اولكى قىلقلرندە كزىمك رخصتنى ويرمكه قاواسلرینه

دره بکلك البسه لری کیدیرمکدن ذوق دویان آوروپالیلرک
فانتە زیسنه قاپیلمش اولاجق ...

شیشمان « ئەق » صاغه اوطوردی ؛ بن صوله .
قیزاقدە اوطوراجق یر قالمامشدی .

اینا نما یا جنکزی بیلورم ، قارئلر ! فقط بن سویلیه یمده
سز ایستر اینانک ایستر اینانمایک ؛ (خوش بونی روسیایه
کیدنلردن تحقیق ایدە بیلیرسکیزی . .) روسلرک و روسیانک
علی العجایب عادتلری آره سنده برده شو عادت واردر : ارککلر
آرابایه و یا قیزاغه بینه کاری زمان خانملره صاغ طرفی اکرام
ایتمزلر ؛ اوطوراجق یرلره کندیلری قورولور ؛ خانملری ده
قوجاقلرینه آلیر اوطورتورلر . اودت ! قوجاقلرینه ... ولوکه
اوخانم ، عائله قادینی اولسون ، بونده بر محذور یوقدر .

« ئەق » له بنده ، عادت بلده موجبنجه ، قیزاغه قورولدق .
« یه قاتهرینا پولونا » یی ایکی میزک دیزینه بردن اوطورتدق : (بونی
شرفی پایلا شمع ایچون یاپدق . .)
« ئەق » :

— چک « تودرسقایا » جاده سنه ، قیزاچقی ! — امرینی
ویردی .

قیزاچقی ، دیلیله برابر قامچیسنی ده شرررراقلا ندی .
قیزاق ، حرکته کلدی .

یان کوزله بر کره دونوب دارالفنونده کی پنجره مزه باقدم.
صنف آرقاداشلرم حالا پنجره نك اوکنده بیریکمش ،
« قره ملین » ی سیر ایدیورلردی .

جاده نك او بر طرفنده ایسه ، - « شراب طولومی » میخانه سنك
اوکنده ، - یوك قیزاغنك فیچیلری یوکنمکده بردوامدی .
بزم قازاق بیکیری سرعتله ندی .

اوافق یایی حیوان ، قیزاقلری او یله براوچوروش اوچو-
رویوردی که ... بزدن اول کچن قیزاقلر، جاده اوزدرینه یاغان
قارلری ازمش ، اینجه جك بوز ذره لری حاله کتیرمشدی .
شمال مملکتلرنده بولونماش اولانلر، قارک بو درجه اینجه لهرک
توز حاله کله بیله جگنی تخیل بیله ایده مزلر. قیزاغمز، « موخاوا » ده
قایوب اوچارکن ، - اطرافه - صوك فیلیسپید کیدن طوریدولرک
کوپوک صاحدینی کبی قارتوزی سرپیشدیریوردی .

بوقار توزی، جاده لرك ودکانلرک الکتریق ضیاسی آلتنده،
قوس قزح رنکهنده، - آچیلماش برطاووس قویرونی رنکهنده، -
ایشیلد یوردی. قیزاغك سرعتیه روز کار حالنی آلان تحت الصفر
یکرمی درجه هوا، - یوزلریمزی ، آله و آله و یانان براوجاغه
معروض بیراقیلماش قادار قووریوردی ... او یله که ، حتی ،
« یه قاتهرینا پاولوونا » نك یاریسنی قوجاغمك یاربسنده طاشیمق
ذوقنی بیله طادامادم .

« موخاوايا » دن « تودرسقايا » يه صايدق . دارالفنونك

۵۸ نجى اوى بوراده ايدى .

۵۸ نجى او، وقتيله ، بانكدرلردن برينك خصوصى قوناغى

ايمش . بولشهويكلر بورژواآلرك [۱] بوتون املاكى ايله برابر
بوقوناغى ده املاك مليه حالنه كتيرمشار؛ وبنايى دارالفنونه كى
پروفسورلرك وطلبه جمعى اعضاسنك اسكانه تخصيص ايله مشلر .

« توغان توغانوفسكى » نك ، دارالفنونه عائد يوزلرجه

اولردن ۵۸ نجيسنده او طوردينى بيلدوردم . لا كن ، دوغروسى يا،

رومانىالى « نطق » له قومشو اولديغندن خبرم يوقدى ..

قىزاغمز، بوتون سرعتيله « تودرسقايا » نى قطع ايددركن،

موسقووا سوويتنك ، - اختلاجليلر طرفندن قيريلوب يكيدين
اذابه ايديلهرك بولشهويك قنون اساسيسى لوحه سى حالنه كتير-

يلهن چاره عائد سابق هيكلك ، - « قومونيست بين المللى »

بناسنك او كندن كچدى ...

ايكنجى « تودرسقايا » جاده سنده كى قالابالنه دالدى . مشهور

« پراودا » و « ايزووستيا » غزته لرى اداره خانه لرينه بر كوز

آتدم . نهايت قيزاق ، ۵۸ نجى اولك او كنده دورمشدى .

[۱] بورژواآ = وسائط استحصاليله صاحب اولوب ده بو وسائطده

اجير كيمسه لرى چاليشديران صنف اجتماعينك افرادينه اطلاق اولنور .
بولشهويكلرك غايه سى بوسنك ملكيتنى عمومى ملكيت حالنه كتيرمكدور .

عجبا « چه قیست » لر پروفیسور « توغان توغانوفسکی » نك
ما کنه سنی اللرینه کچیرمشر میدی ؟
عجبا وقتنده یتیشه بیلشمی ایدک ؟
کندی کندیته صور دینم بو سؤاللرک جوابی ویره مه دیکم
ایچون هیجانده ایدم .

« یه - قا ، می دالها قورناز ، بزمی »

« نهق » ، طلبه میخانه سنک صاحبارندن اولمق اعتباریه
زنکیندی .

قیزاچینک پاراسنی ویرمک اوزره داورا ند مسه ده مانع اولدی .
پارایی او ویردی .

باریشینا « یه قاتهرینا پالونا » یی اورتامزه آلارک ۵۸ نجی
اوه کیردک .

مردیوه نلری چیققدق . برطاقیم صوفالردن ، آرالقلردن کچهرک
پروفیسوره عائد اودانک بولوندینی قوریدوره صایدق .

اورتالق خیلی تنها ایدی ، میدانده کیسه لر کورونمه یوردی .
« نهق » :

— هر کس یمکده !... — دیدی — تام مساعد زمانده
کلشنر .

اوچ آرقاداش ، برقاپونک اوکنده دوردق .

بو قاپونك اوزرندە «توغان توغانوفسكى» نك قارتى آصيلدى
 آلتندەدە اينجه خطله يازيش شو القاب كوزه چارپوردى :
 « موسقووا دارالفونى شرق قريب كرسيى مدرسى؛ لوندرة
 شريات انستيتوسى رئيس فخريسى ، نيويورك پوليتەقنيك [۱]
 جمعيتى اعضاسندن . »

توحاف شى !

بزم « توغان توغانوفسكى » نك ، شريات علمندن غىرى ،
 « پوليتەقنيك » ايلدهدى علاقەسى واردى ؟ - ايشته بونى
 بيلمە يوردم .

« ئەق » ، ألنى قاپونك طوقاغنه اوزاتدى . تام اواشاده ،
 باريشنيا « يەقاتهرينا پاولوونا » ، خفيف بر چيغلق قوپارارق
 رومانىالى آرقاداشمىزك قولنى طوتدى . كنج قيز ، كوزلىرى
 يووالرىدن اوغرامش برحالدە ، دهشتله ايكي آديم كريلەدى .
 عىنى زمانده ، صاغ ألينك شهادت پارماغيله قاپونك اوزەرنده بر
 نقطەيى كوستەردى . اونقطەيه باقدم : برى قاپونك قانادنده ،
 اوبرى چرچيوەسنده اولان و آرالرىنده براپ پارچەسىلە مربوط
 بولونان ايكي قيرمىزى بالمومى مەرى كوردم . « ئەق » لە برابر
 يكيلىك وبالموملرىنك اوزرندە « چە-قا » حرفلىرىنى اوقودق .
 فلاكت !!

ديمك اولويور كه « چه-قا » ، بزم تخمينمزدن داهاما آچيق
كوزلو ايش و بزدن او كجه بوتون تدابير به باش وورارق پروفيسور-
يمزك اوداسنى مهرله مش .

رومانىالى « نهق » باشنى قاشيدى .

— هايدى بنم اودايه كيردم ! — ديدى . — بوتون اميدلر
هنوز محو اولمش دكلدر . ما كنه يي ، بو مهرى بوزوب نظر
دقتى جلب ايتهدن ، يعنى بزم اودادن كهرلده اشيرايليرز .
ايكى آديم اوتهدده باشقه بر قابو داهاما واردى كه ، بونك
اوزرندهده « نهق » ك قارتى آصيلدى .

رومانىالى آرقاداشمز ، جيبندن چيقاردىغى بر آناختارله
بوراسنى آچدى . بزي بسيط صورتده مفروش بر طلبه اوداسنه
صوقدى . عيى زماندهده شو ايضاحاتى ويردى :

— معلوم آ.. بو ۵۸ نجى او، وقتيله، بانكه رلردن برينك
قوناغى ايدى . . الان « توغان توغانوفسكى » يه عائد اولان
اودانى ، اوبانكه ر ، مساعى قابينه سنك آتى شامبرى صورتنده
قوللانيرمش . باقىكز شو قابويه !

« نهق » ك كوسته رديكى قابويه باقدق . بو، اودايه كيرديكمز
قابو دكلدى . « نهق » ايضاحات ويردى :

— قاپونك « توغان توغانوفسكى » يه عائد اودايه آچيلديغى
اساساً وضعيتندن ده آكلاشيلور . بورانك آناختارى بنده دكلدر .

کلیدینی قیرمق ده ایشمه کلز . لا کن قاپونک اوزرندە منفس
حالنده آچیلیر قاپانیر کوچوک بر پنجره بولوندیغنی کورو یور -
سکزییا . . بن بومنفسی آچایلیرم . اما شیشمان اولدیغم ایچون
ایچری یه کیره م . هایدی تورک کنجی ! ایش سزه دوشدی .
منفسدن طیرمانوب « توغان توغانوفسکی » نك اوداسنه کریکیز
باقالم .

« نهق » ، برایپ چکهرک پنجره نی آچدی . بن ده قاپونک
طوقاغنه باصوب طیرماندم . پروفسورک اوداسنه کیردم .
بوراده نظرمه چاریان ایلمک خصوصیت بر قارماقاریشیقلاق
اولدی . هر طرفه برماقیم کاغدلر ، کتابلر ، دفترلر و ما کینه
اقسامی (ویدالر ، چرخلر ، زنبهره کلر و سائره) سرپیشدیر -
یلشدی . گوشه ده ، پورتاتیف غراموفون بویوکلکینده بر
ما کینه دورویوردی . شهه سز که پروفسور « توغان توغانوفسکی »
نك مشهور ما کینه سی بواولا جقدی . زیرا بو ، پلانده کوردیکم
ما کینه ایدی !

بونه عجائب ما کینه بویله ۱۹

ما کینه نك ، - اوجنه غراموفون ایکنه لری کچیریلش میقرو -
فونلر [۱] نوعندن ، - بعض غریب ترتیباتی واردی . بومیقرو -

[۱] کوچوک سساری بویوتهن آلت .

دیمك اولویور كه « چه-قا » ، بزم تخمینمزدن داهایا آچیق
كوزلو ایش و بزدن او كجه بوتون تدابیره باش وورارق پروفیسور-
یمزك اوداسنی مهرله مش .

رومانیالی « نهق » باشنی قاشیدی .

— هایدی بنم اودایه کیرهلم ! — دیدی . — بوتون امیدلر
هنوز محو اولمش دكلدر . ما كنهیی ، بو مهري بوزوب نظر
دقتی جلب ایتهدن ، یعنی بزم اودادن كچهرلده آشیراییلیرز .
ایکی آدیم اوتهده باشقه بر قاپو داهایا واردی كه ، بونك
اوزرندهده « نهق » ك قارتی آصیلدی .

رومانیالی آرقاداشمز ، جیندن چیقاردیغی بر آناختارله
بوراسنی آچدی . بزی بسیط صورتده مفروش برطلبه اوداسنه
صوقدی . عینی زماندهده شو ایضاحاتی ویردی :

— معلوم آ.. بو ۵۸ نجی او، وقتیه، بانكه رلردن برینك
قوناغی ایدی . . الان « توغان توغانوفسکی » یه عائد اولان
اودانی ، اوبانكه ر ، مساعی قایینه سنك آتی شامبری صورتنده
قوللانیرمش . باقیكز شو قاپویه !

« نهق » ك كوسته ردیكی قاپویه باقدق . بو، اودایه كیردیكمز
قاپو دكلدی . « نهق » ایضاحات ویردی :

— قاپونك « توغان توغانوفسکی » یه عائد اودایه آچیلدیغی
أساساً وضعیتندن ده آكلاشیلیور . بورانك آناختاری بنده دكلدر .

کلیدینی قیرمق ده ایشمه کلز . لا کن قاپونک اوزرندە منفس
حالندە آچیلیر قاپانیر کوچوک بر پنجره بولوندیغنی کوروپور -
سکزییا . . بن بومنفسی آچابیلیرم . اما شیشمان اولدیغ ایچون
ایچری یه کیردم . هایدی تورک کنجی ! ایش سزه دوشدی .
منفسدن طیرمانوب « توغان توغانوفسکی » نک اوداسنه کیریکنز
باقالم .

« نُق » ، برایپ چکەرک پنجره نی آچدی . بن ده قاپونک
طوقاغنه باصوب طیرماندم . پروفسورک اوداسنه کیردم .
بوراده نظرمه چارپان ایلت خصوصیت بر قارماقاریشیتماق
اولدی . هر طرفه برماقیم کاغدلر ، کتابلر ، دفترلر وما کینه
اقسامی (ویدالر ، چرخلر ، زنبهره کلر وسائر) سرپیشدیر -
یشدی . گوشه ده ، پورتاتیف غراموفون بویوکلکندە بر
ما کینه دورویوردی . شبهه سزکد پروفسور « توغان توغانوفسکی »
نک مشهور ما کینه سی بواولا جقدی . زیرا بو ، پلانده کوردیکم
ما کینه ایدی !

بونه عجائب ما کینه بویلر ۱۹

ما کینه نک ، - اوجنه غراموفون ایکنه لری کچیریش میقرو -
فونلر [۱] نوعندن ، - بعض غریب ترتیباتی واردی . بومیقرو -

[۱] کوچوک سساری بویوتهن آلت .

ما كينه يي آلمق اوزره قوللریمی اوزاتدم . لا كن يه نيم
ما كينه نك برمانيوه لاسنه طاقيلوب بومانيوه لايي اويناتدی . ما كينه
جيزير دامنه باشلادی . جيزير تي يي كيدر تيمك ايچون يه نيمك
طاقيلدیغی قولى اسكى حاله كتي ره جكدم . فقط قوللا غمه دهريندن
دهرينه بر قادين و بر اركل سسي چالينديغی ايچون اير كيدم
وديكله مكه باشلادم :

» — یا مایکز ... الله عشقنه ، براقکز ! ... بن سزك
نه كز اولویورمه بنی اویمكه قالدیشیورسكز ؟
» اركك سسی :

» — جانم افندم ... بن بورایه سز بنی اوپه سکز دیه
کله دم که ... هم بنم نشانلیمه نه حتمله آبدال حریف دیور سکز؟
— باریش نیا . . باریش نیا . . پپ پوپ [براو پوجو ک
[سی]

— آ آ ی ی ی ح !

یوووق ... رذالتك بوقادارینه کله مردم... بنی پروفسورك
اوداسنه صاوارق، « ئهق » ك، باریشنیا «یه قاتهرینا پاولوونا» یی
اوپمکه قالدیشاسی، کپازهلکك صوك پردهسی ایدی. لا کن
غریب شی! عجباً کنج روس قیزی بدن نیچون « نشانیم »
دیه بحث ایدیوردی، .. رومانیا لینگ اوداسنه دوغرو :
— « ئهق » !! تربیه کی طویلا !

صورتنده حایقیرمق اوزره ایدم که اورادن بکا دوغرو :
— هایدی چابوق اولسهك آ، تورك کنجی ! — دیه بر
سس کلدی .

اوزمان آکلادم که، دهمین دویدیغم محاوره، مکر ایچریکی
اودادن عکس ایتیهورمش. زیرا « ئهق » ك سسی دویولدیغی
صیراده، اونکه برابر، دهمینکی محاورده حالا ایشیدیلوردی:

« — باغیرمایک باریشنیا ... نیچون باغیریورسکیز ؟ .
سزی اوپیورسه م قباحث کیمنده ؟ قباحث سزده ... سز کوزده-
لسکیز .. کوزدلاکیزله بنی تحریک ایدیورسکیز.. بنده سزی
بالجبوریه اوپیورم ... فقط، آ. . آمان چابوق ! صاحکیزی
باشکیزی دوزهلتيکیز ! نشانلیکیز کلیور .. کل عزیزم، کل...
بوراده، دهمیندن بهری نشانلیک باریشنیا ایله برلکده ذکر
جیلکده بولونیوردق ... کل، اوطور ...

« دىكر بر ارکك سسى (ظاهر باريشنيانك نشانليسنك سسى) : »

« — نشانليمه قاواليلهك ايتديككدن طولاي سكامتشكرم، دوستم .. سنكه ، چوجوقلغمنزدن بهرى كچيرديكمز خوش زمانلر ... »

مخاوره كيم بيلير داها نه قادار دوام ايدوب دوراچقدى. فقط بن ، ما كينهك ، دممين يهنه طاقيلارق آچيلان مانيوه لاسنى اسكى حاله كتىردم. ومخاوره بردنبره كسيلويردى. ايشته اوزمان آكلادم كه ، سسس ، ما كينهك دن كليور . غريب شى ! بونه بچيم جاسوسلق آلتى ايدى ؟ شايدبو، برتلسز تلغراف اولسه ايدى طيقيرداماسى ؛ — تلسز تلفون اولسه ايدى باشقه تورلوچالماسى لازمدى ؛ مهغالوفونندن سياسى سوزلر چيقماسى ايجاب ايدمردى ؛ — يوقسه بويله قادين ارکك محاو- رهسى دكل !... »

هم بن ، تلسز تلفونلرك ، راديولرك تأسيساتنى مكمللا بيليوردم . بونك راديو اولمادىنى محققدى . « نهق » ، ايجريدن سسلهندى :

« — اويودكمى ، تورك كنجى ؟ چابوق اولسهك آ ... ما كينهى قاوردام . براسكملهيه باصوب اونى منفسدن

ایچری کچیردم . « ئەق » ە تسلیم ایتدم . صوکر اسکمله یینه
اسکی یرینه قویوب قاپونک طوقاغنه باصمق صورتیله پنجره یه
طیرماندم . ده مین ناصل ایچری یه کیردمسه ، بوسفرده اویله جه
طیشاری یه چیقدم .

باریشنیا « یه قاتهرینا پاولوونا » :

— ایچریده اینجه لی قالینلی قونوشو یورمیدیکز ، نه یاپیوردیکز
قوزوم ؟ — دیه سوردی .

پروفسورک ما کینه سندن ناصل سسلر کلدیکنی و بنم بو
سسلری نه صاندیغمی کندیله رینه بر تفصیل آکلاتدم .
« ئەق » :

— صاقین بو ، عادی بر غراموفون اولماسین !؟ — فکرینی
اورتایه آتدی .
بن :

— امکانی یوق — مقابله سنده بولندم . — غراموفون
بویله میدر ؟

کنج قیز ، مراقدن چاتلایوردی :

— آمان شونک مانیود لاسنی تکرار قیمیلاتک ده ناصل
چالاجق باقالم ! — دیهرک چیرپینیوردی .

« ئەق » ، باریشنیا « یه قاتهرینا پاولوونا » یه دیدی که :

— خانم افندی ! ما کهنه یی ایشله توب معرفتی دیکله مکی

و کورمکی بنده مراق ایدیورم آما، شیمدی حیراسی دکل..
آلتی « شراب طولومی » میخانه سنه آشیرالم . اوراده ایدن
آیییه کوزدن کچیررز !

رومانیالی دوستمز، بویه سویلیه رک، بر قونیاق قاصاسی
چیقاردی . بو قاصانک ایچنده بر سوروشیشه واردی . هپ
برلکده قونیاقلری بوشالتدق . یرلرینه ما کینه یی یرلشدیردک.
صوکره، قاصانک براوجندن بن طوتم، او بر اوچندن او؛-
دهمین کلدیکمز قوریدورلری کیمسه یه راست کله دن کچدک .
آشاغیییه ایندک .

« نهق »، قاپوچی یه :

— هانی بنم قونیاقلر واردی یا.. دیدی.. اونلره بریاغلی
مشتری بولدم ! آل سکا بر روبله بخشش ! هایدی قوش بزه
بر قیزاق بول !

قاپوچی بر قیزاق کتیردی . قاصایی قیزاچینک اوکنه ؛ -
باریشنیا « یه قارینا پاولوونا » یی ده قوجاقلریمزه یرلشدیردک .
« توه رسقایا » دن چالا قامچی، دارالمنونک اوکنه، « شراب
طولومی » میخانه سنه دوغرو قایمغه باشلادق .

بولده، « نهق » ه :

-- « چه - قا » بزی کشف ایتمه سین ؟ ! - دیدم .
— کشف ایده مز، تورک کنجی ! ... قاپونک مهری

بوزولمادیغنی کوره رک ما کینه یی ایچرده صانیر . مهری ایسه ،
مدعی عمومینک قرارینی آلمقسزین کندیله بیله بوزاماز .
مدعی عمومینک قرار ویرمه سنه کلنجه ، بواش ، برخیلی اوزار...
زیرا حکومتده کی قرطاسیه جیلک معلوم !
میخانه یه کلک .

اسرار انکیب فوجیهلر !

دهمینکی فوجی دولو یوک قیزاغی ، بوشالتاجغنی بوشالتمشدی ؛
همالر صوک فوچیلری یوکه مکله مشغولدیله .
بر جهت نظر دقتمی جلب ایتدی :

شراب فوچیلری ، میخانه دن چیقاریلدقلى صیراده بوش ،
بناءً علیه خفیف اولمالری ایجاب ایتدیکی ایچون قولایلقله نقل
ایدیلرلی لازم کلیردی . حالبوکه همالر ، فوچیلری میخانه دن
چیقاروبده یوک قیزاغنه یوکه تیرلرکنده بر خیلی مشکلاته
معروض قالیور ؛ قان تر ایچنده بوکالیورلردی .

میخانه صاحبیلرندن اولان رومانیاالی « نهق » ه بونک سببینی
صوردم .

— آفرین تورک کنجی ! — دیدی . — سن آچیق کوز
بر آدمه بکزه یورسک . پولیسک برهاقتادر برتورلو چاقامادیغنی
بر اینجه لکی هان فرق ایدیوردرک ... مراقک شیمدی تطمین

ایدیلیر ، قورقما !

«ئەق» ، ینە قیزاچینک پاراسنی ویردی .

او آراق جزدانى كوردىم . ایچی بیك روبله لکلرله دولو
ایدی . اولاییلیردی یا : قوص قوجا «شراب طولومی» میخانه سنک
صاحبلى میانده بولونمق قولایمی ؟
میخانه یه کیردک .

قافقاسیالی وبالقانی طلبه نك اکثریسی اوراده ایدیلر . بر
قسمی آل چیرپارق «شیخ شامل» اویونی اوینایور ؛ او بر
قسمی ده غایدا چالوب حورا تیپوردی .
بز ، ماصارک او کندن کچهرک میخانه نك آرقاسنه کچدک .
اداره اوداسنه کیردک .

ایچنده ما کینه بولونان قاصایی برکوشه یه بیراقدایغمز زمان ،
«ئەق» آلارینی اوغوشدوردی . یوزیمه کولومسه یهرک دیدی که :
— مسئله تمام ! بو کیجه دن تیزی یوق ، «توغان توغانو-
فسکی» یی قاچیریورز !

شاشدم :

— قاچیریورمی یز ؟ نزهیه ؟ ناصل ؟ — دییه صوردم .
— «نزهیه» نك جوابی قولای : رومانیا یه ! «ناصل» ک
جوابنه کلنجه ، او ، برآز اوزوندیر . آکلاتایمی ؟
— آمانی آکلاتیکیز ! — دیدم . — مراقدن چاتلاپورم .

— پڪي ! آڪلاتيرم . هله شو شرابلري اچڪ ده ...
رومانيا لي « تهق » ، دولابندن بر شيشه اما شرابيله اوچ
قدح چيقاردي . اما شرابي قدحله قويدی .
— نه غريب ، عزيزم ! — ديدم . — صنفده آڪلاتديغم « تهز »
ياري قالدی . فقط بن ، حالا او « تهز » ي ياشايور کي يم :
ايشته ، يانده « قاتهرينا » نك آدashi و شكل و شمائلجه طبقی
بکزه ردي باريشينا « يه قاتهرينا » ؛ صو کرا ، « پترو » نك اصلاحتی
خاطرلاتان او طوراق شاپقه لی قيزاجقی ؛ نهايت ايشته ، يکيچريلرك
« فالچی » اوواسنده اچدکلي رومانيا الماسی شرابي ! وروما-
نيانك ممثلي ، سر !!

« تهق » ايله « يه قاتهرينا پاولوونا » ، اما شرابي بر نفسده
ديکد کدن صو کرا ، قهقهه لرله کولوشديلر ، رومانيا لي ارقاداشمز :
— مشابهت بوقادارله قالسهينه آي !! — ديدی . — داهاسی ده
وار ، تورک کنجی ... بونی سکا سويله نيجه حيرت ایده جکسک .
هانی سنک « تهز » کده برتونل واردی ؛ اوده بوراده در ! ...
اساساً بز باريشنيانك « بالطه جي ايله قاتهرينا » « تهز » يني
برلکده حاضر لادق . « پروت » محاربه سی اثناسنده بويله بر
تونلدن استفاده ايدلديکني تاريخ کتابلرنده او قوم مشدق . . .
بونی او کړه نمه مز اوزرينه عقلمه برشی کلدی : « چه — قا » نك
« قره ملين » حبس خانه سنده موقوف بولونان رومانيا لي دوستلريمي

بر تونلڊن قاجير مق ...

— تونلڊن قاجير مقمى؟ — ديهه آغزم بر قارش آچيلا قلدى.

« نهق » گولدى :

— اودت ! تونلڊن قاجير مق ...

— پكى آما ، بويله بر تونل موجودمى ؟

— موجود دكل ... قازيورز !

— يا طوپراقلىرى نه ياپيورسكىز ؟

— ده مينكى فوچيلر سنك ده نظر دقتنى جلب ايتمشدى !

ايشته او فيچيلره دولدوروب باشقه طرفه نقل ايديورز .

— مكممل .. مكممل ... — ديهه رك رومانىالى دوستمك بو

ذكاسنه حيرت ايتدم .

تقديراتم « نهق » ك خوشنه كيتدى .

— البته مكممل ! — ديدى واللىرى منونيتله سور توشدورمكه

دوام ايتدى . — البته مكممل ! .. بو ايش اويله مكملاً دوام

ايديوركه حضرياتك صوكنه واردق . « توغان توغانوفسكى » نك

توقيف ايديلديكى كون — يعنى بو كون — اوتوز آلتى ساعتك

ايشمزداهها واردى . لا كن پروفسورك توقيفى اوزدهرينه ، بزم اوبر

آرقاداشلر اونك طرفدارلرى ده سفر بر ايتدى . شمدى امينم كه

صنفك ايجنده باغيرب چاغيران نيهيليستلر ، انارشيستلر ، انارخو

سنديقاليستلر هپ اشاغىكى مخزنده در . اللرنده قزما ، هابره

قازييورلردر ... بويله-كله اوتوز آلتى ساعتلك ايشى اون ايكي
ساعتده باشاراييله جگىز!.. فقط هايدي تورك كنجى ، شو
شرابى يووارلاده قوللرى ، پاچالرى صيوا باقالم !
أما شرابنى سينه يه چكدم .

آتتهش كى ، باررروت كى كسكىن بر شرابدى بو !
« نُهق » ، طيشارى يه چيقدى وصو كرا ، ألدن اوچ قازما
ايله دوندى .

— برى بنم ، برى باريشنيانك ، اوبرى ده تورك كنجنك!
— ديدى . — هايدي ايش باشنه !
اعتراض ايتدم :

— آمان افندم ، استغفرالله ! باريشنيانك نازنين ألتنه قوص
قوجه قازمايى ويرمك اولورمى ؟

قىزه ده نه لولوبور ؟

بونى ، رومانىالى دوستمىزك قابالغنه قارشى كنج قىزه بر
قوميايمان اولسون ديه سويله مشدم . فقط هر نه دنسه « يه قاتهرينا
پاولوونا » بوسوزلرمدن خوشلانمادى .

— سز نه بچيم ار ككسكىز قوزم؟ — ديه رك صومورتدى . —
« خرسىز ! » دىرم ، آديرمازسكىز ، « يالانجى ! » دىرم
آديرمازسكىز ! پروفىسورك اوداسنده ايكن سزى آتلاتديغمىزه

ذاهب اولورسكيز، ينه حشمالانماز، جلالله نمرسكيز؛ شيمدي ده
يوق بيلمم » باريشنيانك نازنين آلري ... « واللاهي آرتق بني
قيزدير يورسكيز ! نانه منالغى ، سنبل بىك تخماغنى صوك
پرديه وارديرديكيز ! ويرك شو قازماي !! باقيكيز موسيو
» نهق « ه . . . هم آليه قازماي صوقوشدور يور ؛ هم ده بني
تهلكلى ، مشكلاتلى ايشلره يوللايور ! آفرين اوکا !!

باريشنيانك سوزلريني بر معنايه حمل ايدمه دم . نيم ديدكار مده
حدتله جك نه واردى كه ؛ سوزلر يمي فنا مقصدله دكل ، صرف
اونك قادينلغنى نظر اعتباره آلارق سويله مشدم .

اوچمزدده قازمالري آلدق .

بر آن دوشونجه يه دالدم :

بو قازمالر ، بزي « توغان توغانوفسكى » يه ياقلاشدير اجقدي ؛ —

بونلر سايه سنده « بالطه جي ايله قاتهرينا » « تهر » ينك حقيقتنه
اولاشاجقدق .

مخزنك مدخله دوغرو يورودك .

لاكن كنيج روس قيزى :

— امان شو ما كنه يه بر كره باقالم ! آزا داها اونوت يوردق —

ديه كرى دوندى .

قونياق قاصاسنى آچدق .

اچندن ما كينه يي چيقاروب اودانك اورتاسنه قويدق .

«توغان توغانوفسکی» نك اوداسنده ايكن يه نمك دوقونديغي
قوله ينه دوقوندم . مانيوه لايي اويناتدم .
فقط حيرت !!

جيزيرتي وار ؛ محاوره يوق ، سس يوق ...
الرملة قافامي ياقالادم .

— ايواااه ، پروفسورك ما كينه سني بوزدقي نه ؟
آرقاداشلرم ده تلاشه دوشديلر :

— آمان ! — ديهرك مانيوه لالري فلان فضله قارشديرمامه
مانع اولديلر . — آمان دوقونما .. بوسبوتون بوزارسك !
ما كنه يي ينه قونياق قوطوسنه يرلشديرهرك شراب مخزنه
دوغرو يورودك . مخزنه اينهن مرديودن ، سورلرك تمانه
ملاصقدي .

« نهق » :

— بوقلين ديوارك اوتة طرفي «چه-قا» نك توقيفخانه سيدر!
— ديدى .

ياري يولده ، طوپراق دولو بر فيچي يوقاري چيقاران
دورت حماله راستلادق .

باريشنيا «يه قاتهرينا پاولوونا» بنم قولمده وعادتا بنم حمايه مده
ايدى . شيشمان « نهق » ، ايرى ياري وجوديله او كمز صيرا
اينيوردى . حماليله قارشياشنيجه هيمن بردن دوردق . ناصل

اولدی بیلمم ، - (« یه قاتهرینا پاولوونا » نی آدام عقلای حمایه
ایده مه دمی نه ؟) - فیچیلردن بری زاواللی کنج روس قیزینک
اوموزینه چارپدی .

بن ، - کوچوک دیلمی یوتاجق کبی - نفسی هیجانله ایچمه
چکهرک :

— هی یی ح... - دیدم . - بریریکزه برشی اولمادی یا ،
باریشنیا ؟

« نهق » ایسه :

— ضرر یوق ، ضرر یوق ! - دیوب بول بر قهقهه
آتدی . - وارسین کوچوک خانمک اوموزباشی بر آز صارارسین ،
مورارسین ؟ بوندن نه چیقار ؟

حیرتله شونک فرقنه واردم که ، کنج قیز ، حمالار چکیلوب
کیتدکن صوکرانم قولمدن چیقدی و « نهق » ک قولنه کیردی .
« ظاهر - دییه دوشوندیم - بن کندیسنی ای محافظه

ایده مه دمده اوندن اولاجق ... »
مخزنه ایندک .

تونلک ایچنمه

تاوان ، دیره کلر و طاشلر کهرچله قاپلیدی . بوده رطوبتک
نه درجه فضله اولدیننی کوسته ریوردی ؛ فی الحقیقه « موسقووا
نهری » نه پک یاقین بر موقعده بولونیوردق .

مخزن ، بويوك بر مخزن دكلدي . صنف آرقاداشلر مدن بر
آنارشيسيله بر آنارخو - سنيقاليست ، قازمالرينه داياشمش ؛
« بشريتاك استخلاصي ايجون » نقراتيله بر مناقشه يه طو توشمشلردى .
اوتهدده ، طانيماديغم اوچ كيشى بغدادش قوروب او طور و يوردى .
بونلرك قىلق قياقتلرندن وتيپلرندن روسلقله علاقه دار بولونمادقلى
آكلاشيلووردى . بغدادش قورا بيلدكلرينى كورديكيم ايجون ايسه
شرقى ويا بالقانلى اولدقلىرينه حكم ايتدم . اغلب احتمال رومانىالى
ايديلر . حضر ايديلن تونلك آغزنده ايكي « ئهس - ار » طلبه
دورمش بوش فيچيلرى ايجرى يوللايورلر ، دولو فيچيلرى
طيشارى چيقارييورلردى .

اوچ كيشيلك قافله مزله قارشىلاشنيجه ، آنارشيستلرده ،
رومانىاليلرده آياغه قالقدى . فيچيلرى دولدورانلر هكدا ...
هپسى بردن ، « ئهق » ايله « باريشنيا » يى :

— « دوبره ي زداروويه » ! - سوزيله سلاملاديلر .

بنى كوسترهرك :

— تورك كنجى ده آرامزه التحاق ايتدى ، اويله مى ؟

— ديهه صورديلر .

« ئهق » :

— اوته ، - جوانى ويردى .

رومانىاليلردن برى :

— هایدی، نوبت د کیشدیرک! بز ده لیکن بر بوچوق
ساعت اول چیققدق! بز دن سوکرا نوبته کیره نلرده یورولمشردرا!
— نیدی.

ده لیک ده ده لیکنی هانی ...

ایچنده ایکی بوکلوم یورومک آنجاق ممکندی .

باشمزی ایکوب ایچری دالدق. «نهق»، اک اوکده؛ باریشیا،
اونک آرقاسنده؛ اک کزیده ده بن یورویوردق . تازه طوپراق
ورطوبت قوقوسیله قاریشیق، روس قیزینک خفیف پارفونلی
کنج قیزلق رایحه سنی واضح بر صورتده دویدم . تونلک سقنی
وجدارلری — آکلاشیلان چوکه سین دییه — پایاندالره
طوتدورولمشدی . اون اون بش متروده بر، بر آدام نوبت
دورویوردی . تاوانده، نوبتچیلرک باشلری اوزرنده، بر رفقار
آویلیمشدی . آداملردن اکثریسی طانیوردم : دارالفنونمزدده
طلبه ایدیلر .

«نهق» ه :

— آرقاداشلر نه دن بوراده دورویور؟ — دییه صوردم .

— بوش فیچیلری ایلری یوللایارق طوپراق دولواولانلری

طیشاری چیقارمق ایچون !

— پکی آما فیچیلر یولده بری برلرینه چارپمازلرمی ؟

— نوبتده دورانلرک یانلرنده کی اویوقلری کورمه یورمیسک؟

فيچيلرى اونك ايچنه صاقلايورلر . سن بزم تشكياتمىزى باشدن
صاوما بر تشكياتمى صاندك ؟

باقدم : صاحيدن ، تونلده اويوقلر آچيلمىشدى . اويوقلاردن
هر برينك ايچنده برر ايكيشرفيجي ، - ايلرى ياخود كرى سوق
ايدىلك اوزره ، - نوبت بلكه يوردى .

ينه صوردم :

— حفرياتى كيم اداره ايدىيور ؟

— سوويتلره مخالف بر مهندس !

بو منوال اوزره ، كاه قونوشوب كاه صوصارق ، برخىلى
دوز كيتسهك . ايكي بوكلوم يوروديكىمزدن مشكلاتلر ايلرله يوردق .
صوكر ا بر يوقوش ايندك . دير كن بر يوقوش چيقدق .
يوقوشلرك برنده باريش-نيانك قولنه كيرمك ، اوكا يارديم
ايمك ايسته دم .

— ايسته مز ! - ديهرك بندن قولنى چكدى .

اينيشلرك برنده ، - (شاقا اولسون ديه مى نه ؟) - « نهق » ،
كنج قىزى ايتدى . « يه قاتهرينا پاولوونا » ، سنده ليهرك سه وكيلى
وسه ويملى باشنى بر پاياندايه چارپدى .

« نهق » ، نه ده اولسه رومانىاليدى ، بالقانليدى .

نه اولاجق ؟ ! سابق چوبان !!

بوكونه بوكون دارالضونلى ده اولسه ، ينه : « اول ديارك

آدمی نازكده اولسه نازنین اولماز .

ایشته نته کیم ، یاپدیغی بوقا شاقا اوزدرینه ، - نتیجه یی
کوروب متأسف اولاجغنه بالعکس بر قهقهه صاووردی .

بنسه استانبوللی یم ، - بابام بویوک مأمورلردندی : - الله
رحمت ایله سین شورای دولت رئیسکی ، از میر و بیروت والی کی
ایتدی ایدی ، - چوجوقلغمده قوناق تربیه سی کوردم . بر کنج
قیزک (بالخاصه کوزمل و دارالفنونلی بر قیز آرقاداشمک) قبا
وشیشان بر بالقانلی ، بر میخانه صاحبی طرفندن ، بودوروم
قاتلر نده دکل ده یر آلتلرنده - ولو که شاقا صورتند - ایتلوب
سوموله سنه راضی اولامازدم . بناءً علیه ، باریش نیا باشنی پایاندایه
چار پنجه :

— آمان ، آمان ، آمان ! - دیه رک امدادینه قوشدم .

تاوانلره آسیلی دوران فنارلردن برینه یاقین بر یرده ایدک .
کنج قیزک یوزینی کوردم : آلتندن شرید کی قن صیزیوردی .
فقط حیرت ! صدهزار حیرت ! یوزی کولویوردی ... « نهق » ه ،
— شیشقو « نهق » ه ، - کنج قیزلرک علی العموم هیچ خوشلاشما دقلری
بو شراب طولومی ، بو یاغ فیجیسی شکلی بالقانلی یه ، - شاقادن
خوشلانمش کی متبسمانه باقدی . صو کرا ، کوزلرینی بکا
چو یردی ؛ - طیش وایچ قابوقلرندن صویولمش خارق العاده
نفیس ، نادیده و ناشنیده بر ممالک حاره یمیشنی آکدیران مینی

مینی برر یومروق حالنده صیقدی ؟ - حدتله :
 — سزه ده نه اولویور ، قوزوم ؟ - دیدی .
 طوکا قالدیم .

سز بنم یرمده اولک ده طوکا قالمایک باقیم .

کنج روسی قیزی اوزه رنده برنجبه

تونلاک یوقوش قسمنی ده طیرمانجه حفریاتک صوکنه
 وارمشدق . اساساً بو ، دهریندن دهرینه دویدینگمز قازما
 سسارندن ده آکلاشیلیوردی .

« نهق » باریشنیا ایله بکا :

— صیوانک باقالم ! - دیدی . - قازمق نوبتی سزه کلدی .
 وباغیردی :

— هه دهی ... قازماجیلر ! .. نوبتی دولدوردیکز ...

چیقک طیشاری !

حفریات منتهاسندن قارا کلک یوزلی ایکی قازماجی چیقدی .
 بونلردن برینی طانیدم : صنفده ایضاحات ویردیکم صیراده
 « تهز » یمه اعتراض ایدن ؛ [« بویوک پترو » نك بییق بوردیغنی
 نره دن آکلادیکنز ؟ سویله دیکنز تاریخی بر حقیقت دکلدو !]
 دیهن قارا صاقللی طلبه ایدی بو ...

بر بوجوق ساعتدر ير آلتنده قازما ساللاديني ايجون، قان تر ايجنده بوكالمشدي .

بويله اولمقله برابر، بني كورنجه دوردي . كيرلي و طوپراقلي
ألني اوزاتدي ؛ كوله ر يوزله :

— تبريك ايدرم ، تورك كنجي ! — ديدى . — « بالطه جي ايله قاتهرينا » موضوعنه دائر ويرديكـكـز ايضاحاتده جدآمـكـمل و جدآ انتهره سان جهتلر وار! مثلاً « قاتهرينا » نك مازوخيست ، « پترو » نك ساديست اولديغنى ؛ — صوكرآ ، « بالطه جي » نك چاديرينه ، عاشقنه معشوقه نك كيزليجه برابر كيتدكلرينى ؛ — ويانلرنده « منصوروف » آدى قانبور بر تاتار بولونديغنى بيلمه . يوردم . بوتون بونقطه لر حقنده بني تنوير ايله ديـكـكـز دن طولايي جدآ منتدار كـزـم . لا كن اللهـدن بولاسـيـجه « چه — قا » ، وقعهي تام طاتلي يرنده كسدى . نه اولور ، تورك كنجي ، بكا قيصاجه نتيجه يي خلاصه ايدويورسه كـزـئـه .. « عثمانلو » وزيرى ايله روس چارينك متره سي و تختك مستقبل چاريچه سي ، چاديرده يالكـكـز قالنجه نه ياپديلر ؟ « بالطه جي » ، ايسوه جلي قادينـه نه تورلو معاملـهـده بولوندى ؟ « پترو » نك ، بو حال قارشيسنده ، وضعيتي نه يه واردى ؟ متعصب و اوزينه قادار مسلمان تاتار « منصوروف » ك (= قادين ايله وطن يان يانه قونولنجه قادين طرفنى التزام ايدمن ؛ — و « قادين ديمك ناموس ديمك ؛ ناموس

ديمك قادين ديمك! » ملا حظه سنده بولونان بو غريب دوشونجه لي
آدامك (منطقه بوتون بو ايشار ناصل صيغدي ؟
بن :

— افندم ، « قاته رينا » ، « پترو » و « منصوروف » چاديرك
قاپوسنه ...

ديه سوزه باشلامشدم كه ، ايكي سي اعتراض بري قيدواشعار
اولق اوزره ، اوچ سس بردن يوكسلي .
اعتراض ايده نلردن برنجيسي باريشنيا « يه قاته رينا پاولوونا »
ايدني . كنچ قيز ، معتاد عصبيتله :

— « قاته رينا » نك چاديره ماديره كيرديكي فلان يوق ! —
ديه حايقيردي . — بو نقطه ، هيچ بر جدى تاريخ كتابنده
يازيلي دكلدر ! حتى والدهم كينيا غينيا [۱] « مارييا فالچي —
پرودووا » ، اون بطن اولكي بويوك آنه مز كينيا غينيا « مارغاره تا
فالچي — پرودووا » نك و ثائقه استناداً يازديغي رساله ده ،
« قاته رينا » نك اصلاً و قطعاً « بالطه جي » يي كورمه ديكني ، اوكا
آنجاق برهيئت واسطه سيله هديه لر — (يعنى رشوت) — يوللا يارق
محاصره نك رفعي حقنده مساعده سني استحصا ايله ديكني
مصر ابيان ايدييور . تورك كنجنك « تهز » يي باشدن آشاغي يه

[۱] « كينياز » ، روسجه پرنس ديمكدر ؛ بونك مؤثي
« كينيا غينيا » دركه پرنسس مقابلنده در .

قادار سفسطه در !!

ايڪنڄي اعتراض « تهق » ڪه اعتراضيدى ؛ و تماميله باشقه
بر نقطه نظر دن وارد اولويوردى :

— عشق اولسون سزه!! مناقشه ايدده چك ڀري تام بولديڪز،
چو جوقلر... بزم موقوف رومانيايلر سزدن يارديم بڪله سين ؛
« توغان توغانوفسكى » ايله ما كينه سى تهلڪده بولونسون ؛ —
حالبو كه سز ، قازما صالالا يا جغڪزه فضولى ڀره چكه چالڪ ...
يوووق ، باق !... بويله اولماز... بن سزى بورايه چاليشاسڪز
دييه ڪتيردم... هله پروفيسور « توغان تونوفسكى » ڀي قورتارڪ ؛ —
« بالطه جي » ايله « قاتهرينا » نك اسرارينى ايشته اوزمان بالذات
استادك آغزندن ديكله رسڪز .

اوچنڄي سس ، ديڪر قازماجينك سسيدي . بو ذات ،
« توغان توغانوفسكى » يتيشدير مه لرندن وپر ستشڪار لرنندى ، —
« شرق قريب تاريخى » ڪرسييسى « آسيستان » لغى [۱]
وظيفه سنده چاليشيوردى . ديدى كه :

— هاهاهاه... « بالطه جي » ايله « قاتهرينا » نك اسرارينى
استادك آغزندن مى ديكله مكي اوميورسڪز ..؟

امينم كه استاد « توغان توغانوفسكى » ، « بالطه ايله قاتهرينا »
مسئله سى حقنده برتڪ كله بيله سويله ميه جڪدر .

[۱] « آسيستان » ، پروفيسورڪ معاونيدر .

حيرتله :

— سويله ميه جگمي ؟ — ديهه صوردم . — سويله ميه جگده نه ياياجق ؟ معمانك حقيقي وجهه سي بزجه ابدىا برسر حالنده مى قالا جق ؟

بن بوسؤالى ايراد ايتديكم صيراده « نهق » ، سياه صاقاللى طلبه ايله آسيستانك قولنه كيرمش ، اونلرى تونلك مخرجنه دوغرو اوزاقلاشدير يوردى .
آسيستان باغيردى :

— « توغان توغانوفسكى » نك تاريخ متخصصانى ، ياننده ما كينه سي يوقكن ، برپول ايتمز... استادك بوتون مظهرى ، بوتون موفيقى ما كينه سنده در... « بالطه جي ايله قاتهرينا » موضوعنك اسرارى ده ما كينه سنده در !
مراقدن چيلدير يوردم .

شبهه سزكه ، آسيستانك بحث ايتديكى ما كينه ، ده مين بزم قاچيرديغمز ما كينه ايدى ... فقط بوما كينه نك تاريخ ايله ، — شرق قريب تاريخى ايله ، — « بالطه جي ايله قاتهرينا » موضوعى ايله نه كيبي بر علاقه سي موجود بولونا بيليردى ؟ ... اساساً بن ، اونى ، تصادفاً ايشله تهرك ديكلمه مشى ايدم ؟ .. شكل اعتباريله بكنزده مه سه بيله ، چيقاردىغى سسلر اعتباريله برغراموفونه بكنزده ميوزميدى بو ؟ .. ايچندن ، — معاصر مىز اولديغى سوزلرندن

بلای اولان بر کینج قیزله نشانلیسنک و عاشقنک محاوره سی
دویولماشمی ایدی ؟
او حالده ؟؟

فضله دوشونمه یه امکان قالمادی .

چونکه « نهق » ك صیحه سی ، تونلدن دوغرو :

— ایش باشنه !! — دییه رك بزده صوك و قطعی امری ویردی .

« یه قاتهرینا پولولونا » ایله ، — ألمزده قزمالر ، — بوسبوتون

ایکی بوکلوم اولوب تونلک یکی حفر ایدیلدن قسمنه دالدق .

برمدت یورودکن صوگرا، یوزی قویون یاتدق. سوروگانه رك

ایله رله دك .

آلم طوپراق، اوستم طوپراق، یانلرم طوپراقدی. مزاره

کیرمش کییدم .

فقط مزاره کیرمه نك بر تورلوسی دوستلر باشنه : — زیرا

دارالفنونم زده کی اك كوزهل قیزك صیجاقلغنی و قوقوسنی یانی

باشمده دویویوردم .

أولور أولمه زقبرده ملك طرفندن قارشیلانمش بر مؤمن حظ

وخشوعیله صارصیلدم .

برقازیق اوزرینه اوطورتولان فنارك « رامبراند » کاری [۱]

[۱] « رامبراند » هوللاندالی مشهور بررسامدر . خصوصیتی ،

تا بولونده ، قویورنکار آراسنده ضیادار بر گوشه یی کوسترمه سنده در .

اثرینه باقدم : فناردن سوزولن ایشیق، طوپراغك قويو قهوه
رنکیلاکی ایچنده یالکز بریری (== « یه قاتهرینا پاولوونا » نك
یوزینی) آیدینلا تیوردی .

بو یوزده کی ایکی ماوی و ایشیلاق کوز ، — صاحبلی
طوپراق آلتنده قالدقلى ایچون، كوك یوزینك حسرتی چکیور
کییدی .

کنج روس قیزی :

— بکا باقا جنمکزه ایشکزی کورسه کزئه ، طوپراغی
قازسه کز آ ، تورك کینجی ! — دیدی .

— قازایم ، باریشنیا ! اشته قازیورم . فقط ، مساعد کزله
هم طوپراغی قازیایم ، هم آراد یوزیکزه باقیم ، هم ده سزه
برشی صورایم ...

— بکا برشیئمی صورمق ایسته یورسکز ؟

— آوهت ، باریشنیا !

— صورابیلیرسکز . فقط عینی زمانده طوپراق قازما کز
شرطیه .

— طوپراغی قازدیغمی کورو یورسکز .

— صورو کز او یله ایسه .

— ده مین والده کزك اسمنی سویله مشدی کز . بو اسمی

لطفاً برداها تکرارلار میسکز ؟

— کينيا غينيا « مارييا فالجي — پروودوا » .
 — اون بطن اولڪي بويوك والده كزك آدي ؟
 — كينا غينيا « مارغاره تا فالجي — پروودوا » !
 — پڪي ، باريشنيا ، سزده كينيا غينيا « فالجي — پروودا » سڪز
 اويله ايسه ... حالبوڪه بن ، سزك پرنسس اولديغڪزي
 بيلمه يوردم .

— بواصالتى غيب ايتدم .
 — كنج قيزلر ، اصالتلرني آنجاق اصيل اولمايان ارڪكلرله
 اولمك وبواصيل اولمايان ارڪكلك عائله اسمنى آلق صورتيله غيب
 ايده رلر . سزده اصالتڪزي غيب ايتديككزه كوره ديمك كه
 سزه باريشنيا دكلده « غوسپوڙا » [۱] ديمه من لازم كليور .
 حالبوڪه بن سزك اولي ، ياخود اولمش اولديغڪزدن معلوماتدار
 دكل .

— بن ، اولي اولديغ اچون اصالتى غيب ايتدم . اصالتى
 بوتون اوڀر اصالتلر كيجي ، بولشه ويڪلر لغو ايله دي . اڪر
 قالدير مامش اولسه لردى هر كيمكه اولنسه م كينيا غينيا لىغى ينه
 غيب ايتدم . چونكه منسوب بولنديغ « فالجي — پروودوا »
 عائله سنده كى اصالت مؤنث اصالتدر .
 شاشدم .

[۱] باريشينا = مادموازهل . غوسپوڙا = مادام .

— مؤنث اصالتی؟ اصالتک ده مؤنثی، مذکری اولور دیمک که؟
— اولور البت . داها دوغروسی بو خصوصیت یالکیز
بزم عائله مزده وار . یعنی عائله مزدن برقادین ، هر هانکی بر
ارککله اوله نیرسه اوکا کینیا «فالچی - پروودا» اصالتی ویرر.
بوکا مقابل ، عائله مزدن برارکک دیکر بر عائله دن قیز آلدیمی
ایدی عنوانمزی غیب ایدر . اصالتک ناصل مؤنث بر اصالت
اولدیغنی کورویورسکیزیا ... بونی، - اسمی لازم دکل، - چارلردن
بری « مارغاره تا فالچی - پروودوا » یه بخش ایله مش .

على العجله بر حساب ذهنی یایدم: اون بر بطن، وسطی اون
یدیشر یاشنده ایکن اولنک شرطیه، ایکی عصر اوله راجعدر که ،
«بویوک پترو» ده ایشته بوتاریخلرده یاشایوردی . اوت، اون بر
بطن اولکی چار، «بویوک پترو» ایدی! ذهنه بردنبره بر شبهه
کیردی .

المدہ کی قازمایی طوپراغه بیرا قدم .

جییمدن مخطرہ دفتریمی چیقاردم .

ودفتریمه شوسطرلری یازدم :

[« بویوک پترو » دورند « مارغاره تا » اسمنده کیم ایدوکی
بلیرسز بر قیزه «فالچی - پروودوا» عنوانی توجیه اولمشدر . و بو
اصالت « مؤنث بر اصالت » در . « مارغاره تا » شبهه سز « پترو » یه
متره سلت ایتیش اولاجق که « کینیاغینیا » اصالتیه تاطیف قیلنمش .

بونقطه نك «قاتهرینا - پترو» علاقه سنده اهمیتتی موجود بولونایلیر.
 «تهز» می اکیال ایدمرکن «فالچی - پرودووا» یی «قاتهرینا» نك
 قیصقانوب قیصقانمادیغنی ، - قیصقاندیغنی تقدیرده ، ایسوده جلی
 قادینك نه کیبی مازوخیست تظاهرات عرض ایله دیکنی تثبیت
 ایتمه لییم. «مارغاره تا»، «بویوك پترو» یه ، نوعی شخصه مخصوص
 براصالت (برانت براصالت) احداث ایتدیردیکی ایچون بو
 کیم ایدوکی بلیرسزقادین پك فتان ، پك یامان برشی اولاجق !
 بونقطه یی نظر اعتباره آلماسه یدم ، جدا فنا بر تاریخچی
 صایامام لازم کلیردی ، کشفدن منون ، دفتریمی قاپایوب
 جیمه قویوردیم که برشینك فرقه واردیم: مکر بن، بوسطاری
 قامه آلدیغم آراق ، «یه قاتهرینا بولونوا» ده آنده کی قازماي
 بیراقش ، اوموزیمك اوزرندن صارقارق باقیورمش.
 — سز ، بنم بویوك آنه می کیم ایدوکی بلیرسز، وقتانغی
 ایله اصالت قازانمش بر فاحشه می صاندیکز ؟!

— استغفرالله باریشیا ! — دییه شاشالایارق اوکا دوغرو
 دوندیم. — استغفرالله ... سزك کیبی اصالتی کوز ن بلای
 برکنج قیزك بویوك آنه سی حقنده فاحشه فلام ...
 دفتریمه بویله برشی یازمادم ... قید ایتدیکم نوطلر، سزی تحقیر
 مقصدیله دکل، آنجاق تاریخشناسلق اندیشه سیله در . یوقسه ،
 خانم افندی، یوزیکزه باقنجه ، یاسمن توچلرندن نسج اولونمش

اصیل برتن قارشیسنده بولوندیغنی انسان آکلایویورر. آلریکز، کووهرجین یاورولرینک بیاض قانادلری کی لکه سز ... سزی ایلك کوردیکم زماندن بهری ...

صوصدم. زیرا، «یه قاتهرینا پاولوونا» نك کوزلرنده ایلك اوجکه سهوینج وارکن، امید وارکن، شیمدی یأس بلیردی. نفرت بلیردی.. اودت بن، اوکا» بویوک آنه کز حقنده فاحشه فالان دیمه دم! تر یه سیله، «تنکیز یاسمن تویجلرندن نسج اولونمشه بکزه یور!» و «آلریکز کووهرجین یاورولرینک قانادلری کی بیاض» قومپایمانلرینی رشوت کلامیه قیلندن صرف ایدنجه، باریشنیانک یوزنده حدت ویأسدن متولدا فاده لر پیدالاندی. ایشه بن ده بونک ایچون، «سزی ایلك کوردیکم زماندن بهری ..» جمله سنی یاری یرنده کسدم؛ وصوصدم. پنمده بر شمشك چاقشدی : مازوخیزم !!

بوکنج قیزده، «قاتهرینا» کیی مازوخیزست می ایدی یوقسه؟.. بن که، بوروحی خسته لغی - (تاریخی تدقیقاتله علاقه دار اولماسی اعتباریله) - آسانندن تدقیق ایتش بولونیوردم، - نیچون بو آنه قدار «یه قاتهرینا پاولوونا» نك مازوخیزستلک-نی آکلایامادم؟. کنج قیز، ده مین، میخانه نك آرقا اوداسنده ایکن، - مخزن مردیوه نلرنده ایکن (= حاملرله چاریشدیغنی زمان)، - ونهایت، «هق» له شاقالا شیرکن، - بوروحی خسته لغی کوستر مه مشمی ایدی؟

اونك بوضهفندن استفاده ایتمه لیدم .

بردنبره طوریمی و سسمی د کیشدیره رك :

— بوتون بونلر ایشك ایتیکت جهتلری ... بونلری برای

نزاكت صرف ایتدکن صو کرا سزه شو حقیقتی سویله یدیم ،
باریشنیا ! سز، کیم ایدوکی بلیرسز براوروسپونك سلاله سندن
اینیورسکیز ! — دییه حایقیردم .

— کیم ایدوکی بلیرسز براوروسپونك می ؟

باریشنیا «یه قاتهرینا پاولوونا» نك کوزلرنده کی نفرت و کین
علامتلری سیلیندی .

اوزمان ، تخمینده یا کیلماش اولدینمك فرقنه واردم .
ایشی داها قورجالامالی ایدم .

کنج روس قیزینك مازوخیست حسلرینی غیجیقلامق
ایچون دوداقلرمده ابلیسانه برتبسم رسم ایدهرك دیدم که :

— اوهت ، باریشنیا «یه قاتهرینا پاولوونا» ! . سز ، بنت
زناسکیز ! .. برفاحشه نك نسلدنسکیز : — همده اوزرنده ذوق
وشهوت تجربه لرینك اُك قاباسی ، اُك قودورمشی تطبیق اولونان
برفاحشه نك نسلدن ... آنالریکیز ، ارککلر حضورنده چیریل
چیپلاق صویونور و کندیلرینی قیرباجلاتیردی ...

بوسوزلری سویله دیکم صیراده وضوح ایله کوردیم : کنج
روس قیزینك ماوی کوزلرنده کی حدقه لر مختلف و یکدیگرینه

ضد هیجانلرله، - نشئه، کدر واحتراس هیجانلریله، - بویودی کوچولدی، کنیشه دی دارالدی .

«یه قاتهرینا پاولوونا» ، سسی بوغازنده پوروزلنهرک :

— نره دن ... دییه بیلدی ... بونی ... نره دن .. او کره -

ندیکیز؟ ... سز ... هر شیئی ... هر شیئی ... بیلورسکیز!

تجربه مک مثبت نتیجه سندن جسارت آلم؛ بوش آتوب دولو طوتمق اوزره استکشافاتمه دوام ایتدم :

— آلبته هر شیئی بیلیم ! آلبته ... : « مارغاره تا فالچی

- پرودووا » ، « دهلی پترو » نک « قاتهرینا » دن صو کرا کی

متره سی ایدی؛ واو ، « قاتهرینا » دن داهایمان مازوخیستدی .

او یله سنه مازوخیست که ، وجودی پنجه پنجه قیزاروب موراردینی،

صاچلری لیمه لیمه قوپاریلوب یولوندیغی حالده اصلایلیغینلق علائمی

کوسته رمز ؛ روس چارینه : (بنی قیرباجلا « پتروشقا » !!

بنی قنودلا کوه رجیم !! صاچلری می چاططیر چاططیر دیبلرندن

سوک ، کو کره مش آرسالانم !) دیردی . چار ، اونک

مازوخیستدکنی « قاتهرینا » نککنندن داهای اوستون بولدیغی

ایچون « پروت » نه ری کنارنده کی « فالچی » محاصره سندن

قورتولنجه ایسوه جلی قالدیندن یوز چویردی . « مارغاره تا » یه

روی التفات کوسته روب ، اوکا ، آله ایتدیکی صوک مظفریتک

اسمنه عطفاً ، « فالچی - پرودووا » اصلتنی ویردی .

باریشنیا، شاشیریر کبی، — یکی باشدن انکاره دوشهر کبی
اولدی :

— بن ده سزی ایشک فرقه واردیکز صانمشدم! — دییه
دوداق بو کدی. — مکر سز، اون بر بطن اولکی بویوک آنه مک
سیرینی آکلایامامشسکیز!!
ایلاک سوزلریمی موفقیتله اداره ایتمشکن. — دیمک اولویورکه،
— صوک سوزلرمده بر خطایه قایلشمش بولونیوردم. تصدیحه،
تأویله یلته ندیم :

— باردون، باردون! — دیدم. — « مارغاره تا»، « پترو» نك
« قاتهرینا » دن اولکی متره سی ایدی .
— دین قارده شی دکلز ؛ لا کن، ینه آتمایک تورک کنجی!
یالانجقدن قیزدم :

— کینیاغینیا اولدیغکزی سویله یورسکیز اما ، بن، سزک
ماهیتکزی او کره ندیم یا! — دییه حایقیردم. — سز ، نه ده اولسه،
اُک قابا ، اُک قودورمش ، اُک چیغرنندن چیقمش مناسبتلرک بو
دنیا یوزینه فیرلاتدیغی بر پچسکیز !

بن « پیچ » دیر کن ، « یه قاتهرینا » نك پنبه کوز قاپاقلری،
کونشک آله و دیلی ایله یالانان ، یالانوبده صولان چیچک
تویجملری کبی قاپاندی .

اونی ، بو حالده ، — بو مرضی ذوق وشهوت حالده ، —

کورنجه جوشدم وصنعی بر حدتله تکرارلادم :

— پیچ!!.. کینیاغینیایم دییه او کونهن پیچ!.. اوروسپونک
قیزی!!.. سز، جمعیت بشریه نك اسفل السافلینه منسوبسکیز.
وجودیکزه ذلت ورذیلت دامغاسی باصیلمشدر. او قادر
آشاغیلقسکیز که مکانکیز یرک دییدر : بو حفریات ایچنه . بو
مزاری آ کدیران طوپراق قوغوغنه ، بو کوسته بک اویوغنه،
بیلسه کز ، نه یاقیشیورسکیز ..

یوتقوندم .

مزارلردن وقورقولو یرلردن بحث ایدن محررلرک وشاعر-
لرک - : « ادغار آلان پو » نك ، « شارل بودلر » ك .. روحنه
صیغینارق آچدم آغزیمی یومدم کوزیمی :
— بو طوپراق کومه لری ایچنده وجودیکز جسده بکزه یور...
بنسه یانی باشکزده نباشلری (= اولو صویجیلرینی) آ کدیریورم..
باقك شو تیتردك ضیالی فنار، برتر به مومی حالنده یانمایورمی؟..
المزده کی قازمالر ، مزار جیلره عائد دینسه جائزدر البته .. نه
یازیق که مزاریکزده وجودیکزه صاریلان قاپ قالین وقاپ قارا
ییلانلر یوق ... نه یازیق که اوته کزده وبه ریکزده ییلانمش ،
ویاغلامش عقربلردولاشمایور. او حالده ، بن ، - بن که یانکزده
نباشه ، اولو صویجیسنه بکزه یورم، - اوییلانلرک، او عقربلرک
یرینی طوتایم... کفنکیزی صویمق وظیفه می باشاریرکن اسمر

قوللاریمی وجودیکیزه قارا ییلان مثالی دولادقدن صو کرا ،
تیترهك پارماقلى اللریمی اوته کزده بهریکیزده ییالانمش ویاغلانمش
قبرستان عقربلری کبی دولاشدیرایم ...

بو سوزلرم باشقه بری طرفندن دیکلهنسه ایدی شهه سز که
غیر طبیعی عد اولونوردی ... لا کن «یه قاتهرینا» ، دیدکلریمی
پک خوش وپک روحه یاقین بولویوردی . دیکر کنج قیزلره :
« سز ، بر چیچک دهمه تی کیبیسکیز ، کوچوک خانم ! » دیندیکی
زمان ، او کنج قیزلر ، بلکه هیچ ده چیچک دهمه تنه بکیزه .
مه مکله برابر ، - حقلرنده صرف اولنان التفاتی ناصل طبیعی
و ناصل « روحنواز » بولورلرسه ، مازوخیست کنج قیزده ،
سویله دیکم عجائباتی اویله جه بر قومیلیمان تاقی ایدیوردی .
کنج قیزی ، مانیه تیزه ایتک ایسته رجه سنه ، هائله انکیز بر
سهله قونوشیوردم .

« یه قاتهرینا پولوونا » ، بنی دیکلرکن ، قورقاجق وچینلق
قوپاروب آواز آواز باغیراجق یرده ، باشقه تورلو ، بام باشقه تورلو
برحر کتده بولوندی : عمر خیامک شادروانی باغچه لرنده ،
اسرار نار کیله لریله باشلرینی دو مانلادقدن صو کرا ، مارپو جلری
نارین آلارندن قویویرم من متردی دلبرلره خاص بر طورله - اصیل
الترینه بر تضاد تام تشکیل ایدمن قازمانک صاپنی یره بیر اقدی ؟ -
کوکسی احتراصله اینوب قالقارق ، کندینی بو یکی قزیش

یوموشاق طوپراقلرک اوزرینه آتدی؛- یوموشاق طوپراقلرده
یوزی قویون ، صرت اوستی ، یان بوکری ، قیوریلدی ،
قیورانندی ، دهبهله شدی ؛- کنزیمه تازہ طوپراق قوقوسیلہ
قاریشیق بر قادین رایحه سی دولدی ؛- « یه قاتہرینا پاولوونا »
ایکله دی ، طوپراقلر فیصیردادی ؛- قولاق زارلیمی قادین
اینیلتییسی ایله طوپراق فیصیرتییسی غیجیقلا دی؛- بوسسی بینمک
ایچنه داها زیاده نفوذ ایتدیرمک ایچون صوصدم و دیکلہ دم ؛-
وباقدم : « یه قاتہرینا پاولوونا » نک بیک بر مینی مینی قوم ییلانی کیی
لوله لوله قیویرجق لیسقه صاحلرینه باقدم؛- کیرپیکلری سوزمه
بالله یاپیشمشه بکزه یین کوزلرینه باقدم ،- دهمینکی اختلاجلر
آراسنده برتلا یوب قوپارق آچیلویورن بلوزینک آراسنه باقدم۔
بر طرفی بوروشان ، فقط اوتہ کی طرفی عنادینہ کریلن ؛
کریلوب ده قالچہ لرینک و باجقلرینک بوتون مدوریتنی کوستہ رن
اتکلکنہ باقدم ،- اُتکلکنک افشا کار [۱] قیوریملرینه
باقدم ،- باجقلرینه و آجقلرینه باقدم .

روس قیزی ، حالا قیورانیوردی ؛ حالا ایکیلده یوردی .

ایکیتییسی کیت کیده واضح بر شکل آلدی :

— نیچون... صوصدک... تورک... کنجی؟

[۱] پواویدورما کلمہ معذور کورواستون .

قولا قلم؛ ايکيلتي آراسنده بوکله لري آيرد ايدنجه، آزداها،
شاشيروب ده اوکا :

— خانم افندی! کوزلککیز قارشيسينده ...

ديه فالصولی برجه ايله قوميلمانه باشلاياقدم. برکت که،
بوپوطی قيرمادم. درله نوب طوپلاندم. «یه قاته زينا پاولوونا» نك
مازوخيستلکني تحريك ايله اونی کندیمه بند ایتک وبوصورتله
بونفیس و خارق العاده قیزک هم کندینه هم اسرارینه صاحب
اولق ایچون :

— قالتاغک قیزی !!... يرك ديبنده کی اويوقلره آتيلمش
مستکره جسدلرک کفنلرینی صویان نباشار کیي سنک قوینکه
صوقولا جغم !!... سنی صویاجغم ... قوللریمی قارا ییلانلر مثالی
سکا دولایاجغم ... واللریمی ییلاغمش ویاغلاغمش عقربلر حالنده
وجود کده دولاشدیراجغم ...

دیدم و دیدکلر مک تطیقاتنه کیریشدم :

دیزلریمی یوموشاق طوپراق کومه سنه دایادم : کنج قیزک
اوکنده دیز چوکدم .

شیمدی ، طوپراق قوقوسیله قادین قوقوسی داها یاقیندن
کلیور ؛ — کنزیمی داها فضله دولدوریوردی .

وجودیمه دورت آياقلى بر حیوان ، — بر آصا کوپروانحناسی
ویردم . قوللریمی ، «یه قاته زينا پاولوونا» نك اوزرندن کچیره رک

نچه حالنده آچیلیمش آووجلرمله طوپراقلره باصدم و باشمی
ایکدم .. کنج روس قیزینه ایکیلدم .

باریشنیا ، حالا یاری باغین حالده ایدی .

— مزار .. جسد .. قارا ییلان .. ییلاشمش عقرب ...—

دییه صولوق صولوغه گلرلر میریلدانیوردی .

برآن، قویو کیرپیکلرینی بری برندن آیردی: کوک کوزلرینی

کورددم . اوده بنی ، بنم یوزیمی ، بنم کوزلریمی کوردی .

— بویله کوزهل شیلر سویله مه سنی بیلیوردیکزده نیچون

میخانه نك آرقا اوراسنده ایکن ، — و مردیوه نده حامللر بکا

چارپدیغی زمان ، — صو کرا « نهق » ، بنی ایتوب باشمی قاناتجه

اویله محترز و اویله نانه موللا سوزلر سویله دیکز ؟ — دیدی .—

بن ، منزك سادیست اولدیغکیزی ، « دهلی پترو » یی آکلاتدیغکیز

زمان حس ایتشدم ، تورک کنجی !!... « پترو » نك « قاتهرینا »

ناصل قامچیلادیغنی اودرجه جوشقونقله آکلاتان برار ککک

برقادینه قارشى « رقیق » حرکتلرده بولونماسنه ، — وبویله لکله

اوقادینك قادینلغنی تحقیرایتمه سنه امکان یوقدر دییه دوشونمشدم .

حالبو که سز ، میخانه ، مردیوه نلرده وتونلده بر لحظه بنی انکساره

اوغراتدیگیز . شیمدی ایسه ، سزی ایلاک تخمین ایتدیکم شکلده

کوردرک مسعودم ... فقط هانی قارا ییلان کی قوللریگیز ؟ ..

هانی ییلاشمش ویاغلانمش قبرستان عقربلرینی آکدیران آللریگیز ؟

هانی نباشلغىگز (= اولو صويغىلغىگز) ؟ .. چارك چايرده
« قاتهرينا » يى « قنود » لادىغى كى سزده يى « قنود » لاسه كز آ..
لا كن زده « قنود » ؟ ... آخ خ خ .

— « قنود » يوق . فقط ...

ديهرك ائى بله كوتوردم .

بلده ، دارالفنون طلبه لرسنه مخصوص قايش كمر واردى .
اوى چيقاردم .

— « قنود » يوق ، فقط — ديه تكرر لادم . —

قايش كمر ، « قنود » وظيفه سنى كوره بيلير .

اوينامغه باشلا دىغم سادىست رولى صوكنه قدار موفقيته
انتاج ايده جك اولور سه م روله مقابل موسقووا دارالفنونك
اك كوزمل واك شايان دقت قيزىنى اله كچيرد كدن ماعدا « بالطه جي
قاتهرينا » « تهز » ينه عائد اوزمانه قدار بيلمه ديكم برچوق يكى
وثيقه لره صاحب اولاجمده شبه م قالما مشدى .

روس قيزينك پنه تويجلى چيچكلرى آ كديران كوز قياقلىرى
ينه حظ ايله قاپاندى ؛ — باريشنيا ميريلداني رجه سنه ايكي لده دى :

— قايش كمر ؟ .. مكمل ... مكمل ... قارا ييلان كى

قوللر .. ييلانمش ويا غلامش قبرستان عقربلرينه بگزه ين اللر ..

نه ديمك ايسته ديكنى آ كلادم .

بلوزينك ، اتمك كنك قوپچهلرينى پتير داتارق چوزدم .

أللریمی ، بو شمال قیزیئک « فجر دائمیلردن تکشیف ایدیلوب
تقطیر اولونمش قادار مصفا » تنه دوقوندوردم .

صوغوق دوسه

او ، حالا :
— قایش کمر .. قایش کمر .. — دیوردی .
قایش کمرمک طوقاسندن قارادیغم صیراده ایدی که ،
آرقامده برکومبورتو ایشیتدم .
طاشلری ، طوپراقلری سیلوب سوپوره رک بزه دوغرو
بوغوق عکس صدرله یووارلانان برکومبورتو !
باشمی دوندوردم :
اوش برفیچی ایدی یو !
فیچینک کومبورتوسی ایله قاریشیق برده سس دویدم :
— قازدیغکز طوپراقلری شوکا دولدوریکز ، چوجوقلر !
طوپراقلری دولدورک وسزده تونلدن آرتق چیقک !... نوبت
ده کیشدیرمه کر صیراسی کلدی .
سس « نهق » ک سسی ایدی .
توه !
باشمزدن آشاغی صوغوق دوش یمشه دوندک .
طوپراقلرک اوزرندن قالدق ،

بزدن اول تونلده چالیشانلرک کتیروب اورایه بیراقدقاری
کوره کلری قاورادق و چالا کورهک بوش فیچی پی آغیز آغیزه
طوپراقله دولدوردق .

«ئەق»، عجباً بزی دیکله دیمی، کوردیمی دپیه اوزولیوردق.
ایکیمزکده آغزینی ییچاق آچمایوردی .

هیچ برشی قونوشمادن، عصبیت ایچنده، ایشمزی بیتیردک.
«یه قاته رینا پاولوونا» دده، بنده ده آجیقوب ده صوفرا باشنه
اوطوران، فقط بر عکسک نتیجه سی قارینلرینی دویورمادن
قالقان اوبور آداملرک صوموتقانلغی واردی .

دولو فیچی پی یووارلادق .

فیچی، بزی تونل دیواری اویوقلرنده بکله یین نوتجیلرک
یاردیمیه تونلی باشدن باشه قطع ایتدی . طوپراق حموله سی
اوکده، بز آرقاده، - حفریاته کیره رکن نهیلیستلرله ورومانیا-
لیلرله قارشیلادیغمز شراب مخزنه واردق .

«ئەق»، کنج قیزک قولنه کیردی .

اونی مردیوه نلردن چیقاروب یوقاری یه کوتورورکن، بکا:
— بن، «یه قاته رینا پاولوونا» یه بر کره ووت حاضرلادم.
سن بوراده، شو پوسته کی اوستنده بر آزدیکله ن، تورک کنجی!
— دیدی . - وقت، کیجه یاریسنی آشقیندر . بر آز اویوما -
لیسک که صباحه وارمادن یوله چیقاجغز . بز، رومانیاالی

موقوفلرله « توغان توغانوفسكى » نك قورتولماسنه اون اون ايكي ساعت قالدى صانيوردق . حالبوكه مهندسلر ، يكي جمع ايديلن قوتلر سايه سنده بو ايشك صباحه دوغرو حل ايديله جكي بيلديرديلر ... استاد قاچيريلنجه سني خبردار ايدهرز . اوزمان قرار يكي ويريرسك : ايستهر بزميله برلكده رومانيايه قاچار ؛ ايستهر بولشه ويكلر ديارنده قاليرسك . . . اكر پروفسوردن آريلمايه جقسهك شيمدى اويوكه وجودك دينج اولسون . . . قوميتنه سنكده فراريلر غروپيله برلكده قاچاكي موافق كورييور . . . چونكه مسلحاً فرار ضرورتى وار، مسلحاً فرارلرده ايسه، چتهيه التحاق ايدن فضله بر آدم بويوك براهيتى حائزدر . بر آن ايچنده دوشوندم و قرار يمي ويردم :

استادم « توغان توغانوفسكى » روسيا حدودى خارجه قاچاجق اولدقدن سوكره بنم بوراده فضله قالمامه لزوم يوقدى ! بونجه بيلدر حاضر لاديغم « تهز » ك استادى او ايدى . موضوعمك آناختارى واسرارى اونك النده ايدى . اونسر دارالفنون ، نظرمد دارالفنون دكلدى . بالخاصه ، « يه قاتهرينا پاولوونا » نكده چته ايله برلكده قاچاجغنى آكلامشدم .

— آنجا برابر ، قانجا برابر — ديهه حايقيردم . — اولدى اولاجق ، قيريلدى ناجاق ، سز نرده ايسه كز بنده اوراده يم ! — اويله ايسه يات شو پوسته كينك اوستنده ديكهن !

بكا تخصیص ایدیلن پوسته کینک یاننده بر چوق پوسته کیلر
داها سر یلمشدی . بونلرک اوزرندده آنارشیهستلر و نیهیلیستلر
داخل اولاق شرطیه بر چوق آرقاداشلرم اویویوردی .
« نهق » وباریشنیا طاش مردیومندن چیقوب غیب اولدقدن
صوکرایریمه قیوریلدم .

ذهنمی بیک بر استفهام بورغولایوردی :

« بالطه جى - قاتهرينا » ؟ چادیرک یاننده بکلهین « پترو »
ایله تاتار « منصوروف » ؟ « توغان توغانوفسکی » نك تاریخی
اسراری محتوی ما کینهسی ؟ مؤنث اصالتی حائز کینیاغینیا
« مارغاره تا فالچی - پرودووا » ؟ واونک اون بر بطن صوکرایکی
قیزی « یه قاتهرينا پاولوونا » ؟ « یه قاتهرينا پاولوونا » نك اسراری ؟
وجودینک ال ده که دیک یرلری ؟ ... ؟ ... ؟ ... ؟
... ؟ ... ؟ ... ؟ ... ؟ ... ؟ ... ؟ ... ؟ ... ؟

تاریخ غراموفونی

دالمشم .

اویومشم :

بری اوموزیمه ذوقونارق بنی اویاندیردی :

— قالق ، قالق ... پروفیسور ، « چه - قا » توقیفخانه سندن

قاچیریلدی .

یرمدن فیرلادم .

— « توغان توغانوفسکی » قاچیرلیدی ؟ — دییه صوردم .

— قاچیریلدی !! شیمدی رومانیا لیلرله برلکده کلیورلر !!

نی اویاندران وبکا بو مژده یی ویره ن ، قارا صقاللی طلبه

ایدی .

او ائزاده ، حفریاتک ایچندن دوغرو ، اولوق اولوق صو

بوشالیر کی . — سیل یورور کی ، — درده طاشار کی بر

سس ایشیدلدی . تونلک آغزندن بر قالا بالق پیدالاندی و بزه

ایله رله دی .

ایلک اوکجه ، نهیلیستلرک و آنارشیتلرک اورتاسنده بر قاج

کیشی کورددم . بونلر تخمینجه رومانیا لیلر دی . آرالرنده چاتال

صاقالی ، « تولستو و قا » ییچیمی مینتانی ، کولوت پانطالونی و قالین

خیزمه لر یله استاد ی فرق ایله دیکم زمان سه وینجمدن چیلدیر اچقدم

آز داها . .

پوسته کینک اوزهرینه یاتارکن اوزهریمه سردیکم « شوبا » یی

قاورادم ؛ علی العجله کیدم . توقیفخانه فراریلرینک پیشی صیرا

مردیوهندن طیرمانوب میخانه نک آرقا اوداسنه چیقدم . اودا ،

چته اعضاسیله ذاتاً دولو ایمش ؛ فراریلرده کلنجه بوسبوتون

قالا بالیقلاشدی . پروفیسورک ما کینه سنی کوزلرمله آرادم . ما کینه ،

قونیاق صاندیغنک یاننده ، — اورتا یرده دورویوردی . کنج

روس قیزی کرده تندن قالقمش ؛ حاضر لائمشدی . « نهق »
تلاش ایچنده ، شیشمان کوبکینی صاللا یارقدن طیشاری ایچری
قوشویور ؛ - کاه رومانیا لیلر د رومنجه سهوینجلی وتلاشلی برشیلر
سویله یور ؛ کاه ، پروفسور ک النی صیقارق :

— تبریک ایدهرم ... ورطه یی بر کیجه ده آتلا دیغکز ایچون
سزی تبریک ایدهرم ! - دیوردی .

پروفسور ، شاشقین بر حالد ایدی .
چاتال صاقلنک صاغ چاتالنی صاغ ایلله ، صول چاتالنی ده
صول ایلله قاشییوب دورویوردی . نروده بولوندیغنی ، کیم
طرفندن ونه صورتله قاچیریلدیغنی آکلامایوردی غالبا .
بنی فرق ایدنجه کولومسه دی ویانمه یاقلاشدی .

— رؤیا کورمه یورم یا، تورک کنجی ؟ - دیدی - بو کون،
سز « بالطه جی - قاتهرینا » موضوعنی آکلاتدیغکز صیراده
« چه - قا » نک بر دنبره باصغین ویردیکی ؛ بنی « قره ملین » ه
طیقه - دیغنی ؛ نهایت ، کیجه یاریسی آپ آنسز اویاندیریلارق
قاچیریلدیغ رؤیامی ، حقیقت می ؟
بالمقابله ، بن ده کولومسه دم .

— حقیقت ، غوسپودین پروفسور ! عین حقیقت ! - دیدم .
بوصیرالرده « نهق » اودادن خارجه چیقمشدی . ایچری
کیرنجه تلاشله آل چیرپوب :

— میخانه دن غروپ غروپ قاچا جغز ؛ شهر خارجنده
براشه جگیز ! — دیدی — ایلاک فراری پوسته سی رومانیا لیلردن
اولا جق !

وبویله سویله یهرك اوج بش رومانیا لی ایله چته اعضا سندن
اوج بش کیشی یی آیردی . طیشاری یوللادی . صو کرا ،
پروفسوره یاقلاشدی . جیندن چیقاردیغی بر اوسترای اوکا
اوزاتدی . اوتلاش ایچنده ، جته سندن وبالقانیلغندن اومولما یا جق
برجتمنلکله :

— واقعا چاتال صاقالکیز سزه پک یاراشیور ، استاد ! — دیدی —
لا کن هیات که ، « چه قا » جه طانیما ما کز ایچون تبدیل
قیافت ایتک لازم کلیور . لطفاً شو چاتال صاقالکیزک بر ایجابنه
باقک :

« توغان توغانوفسکی » ، حالارویا کوردیکنه قائلدی صانیرم ...
زیرا ألك ترسیله کوزلرینی اوغوشدوردی :
— پکی آما — دییه صوردی . — صاقالمی کسه جگم ده نه
اولا جق ؟

— سزی قاجیرا جغز ، استاد !

— قاجیرا جقمیسکیز ؟؟ نره یه ! ؟

— سوویت حدودلری خارجنه !! رومانیا یه ..

— دیه پک !!

استاد، بر لحظه، شيمشکله ووروش کي دوردي، - ييلديرمه
چارپيلمش کي دوردي، - پوط کي دوردي : عقلنه مدهش
برشي کليکي بلليدي . بوغوق سسله :

— ما کينه ۹۹ - ديهه بيلدي . - بن ما کينه سز بريرلره
کيدهم !!
اوزمان ، بن اورتايه آتيلدم .

— ما کينه کز بوراده ، استاد ! اوني ده قاچيردق . فقط
نه يازيق که ما کينه بر آز بوزولدي غالبا .
— ! ۹۹

« توغان توغانوفسکي » ، حالا کنديني طوپارلاياماشدي .
بوتون بو دونهن ايشلردن برشيلر آکلامايورمشجه سنه يوزيمزه
باقوردی .

سر سملکني کچيرمک ، اوني وضعيتدن امين قيلمق ايچون
قولندن طوتدم ، اسرار انکيز آلتک يانه کتيردم . معهود
مانيوه لايي قيلمدا تدم .

— ايشته استاد ! - ديدم . - آلت بورده ! جيزديردايور؛
فقط سس چيقارمايور .

اوزمان ، « توغان توغانوفسکي » ، ايکي ألني بردن ، - صوغوق
صو ايله يوز ييقار کي ، - صوراته ووروب کوزلريني قاپادي .
بن ، بو حرکتي ، اولاه ، ما کينه نك بوزولماسندن متولد بر

اميد سزڪ ڙهستي صاندم . لا ڪن صوڪرا آڪلا دم ڪه مڪرايش
بر عڪس مش . شريقيات عالمي :

-- چوق شڪر !! -- ديهه ميريلداندي .. ما ڪينهه
قورتولش ... ما ڪينهه مله برابر سوويت حدودلري خارجنه
قاپاغی آتابيله جڪم و اوراده « پاته نته » مي آلا جغم .. شڪر بو
ڪونلري ڪورد يڪمه ..

استاد ڪنه مقصده « پاته نته » دن بحث ايتديڪني آڪلا يامامشدم .
-- فقط غوسپو دين پروفيسور ! -- ديهه رڪ ڪندي سنه وضعيتي
بر ڪرهداها اخطاره لزوم حس ايتدم . ما ڪينهه ڪزي مع الاسف
بوزدق . باقسه ڪز آ ! جيزيردايور ؛ چالمايور !
استاد ، اللريني يوزندن چڪدي .
آرتق ڪندي نه ڪلشدي .

نشئه بي پرينه ڪلشدي .
-- ما ڪينهه اودانك اورتاسنده چالارمي هيچ ؟ -- ديهه بر
قهقهه آتدي . -- هاهه اوئي شو ديواره دايالڪ ده ناصل چالديغني
اوزمان ڪورورسڪنز ... نه ديواري بو ديوار ؟

-- « قره ملين » ڪ سوري .
-- پڪ اعلايا ، ايشته ... ما ڪينهه ڪ ايڪنه لي طرفني ديواره
دايايارق مانيوه لاسني اويناتڪ !
« بهق » ، عجله ايديورددي :

استاد، بر لحظه، شيمشکله ووروش کي دوردي، - ييلد يرمله
چارپيلمش کي دوردي، - پوط کي دوردي : عقلنه مدهش
برشي کلدیکی بللیدی . بوغوق سسله :

— ما کينه م ؟؟ - ديهه بيلدی . - بن ما کينه سز بر يرله
کيدهم !! .
اوزمان ، بن اورتايه آتيلدم .

— ما کينه کز بوراده ، استاد ! اوئي ده قاچيردق . فقط
نه يازيق که ما کينه بر آز بوزولدی غالبا .
— ! ؟

« توغان توغانوفسکی » ، حالا کنديني طوپارلا يامامشدي .
بوتون بو دونهن ايشلردن برشيلر آکلامايورمشجه سنه يوزيمزه
باقوردی .

سر سملکنی کچيرمک ، اوئي وضعيتدن امين قيلمق ايچون
قولندن طوتدم ، اسرار انکيز آلتک يانه کتيردم . معهود
مانيوه لايي قيملدا تدم .

— ايشته استاد ! - ديدم . - آلت بورده ! جيز ديزدا يوز ؛
فقط سس چيقارمايور .

اوزمان ، « توغان توغانوفسکی » ، ايکي ألني بردن ، - صوغوق
صو ايله يوز ييقار کي ، - صوراته ووروب کوزلريني قاپادی .
بن ، بو حرکتی ، اولاً ، ما کينه نك بوزولماسندن متولد بر

امیدسنزلك زهستی صاندم . لا كن صو كرا آكلادم كه مكر ایش
بر عكس مش . شریقات عالمی :

-- چوق شکر !! -- دیه میریلداندی .. ما کینه
قورتولش ... ما کینه مله برابر سوویت حدودلری خارجه
قاپاغی آتابیله جکم و اوراده « پاته نته » می آلا جغم .. شکر بو
کونلری کوردیکمه ..

استادك نه مقصدله « پاته نته » دن بحث ایتدیكنی آکلایاماشدم .
-- فقط غوسپودین پروفیسور ! -- دیه رك کندیسنه وضعیتی
بر کره داها اخطاره لزوم حس ایتدم . ما کینه کزی مع الأسف
بوزدق . باقیه کز آ ! چیز دایور ؛ چالما یور !

استاد ، اللری یوزندن چکدی .
آرتق کندینه کلشدی .
نشئه سی پرینه کلشدی .

-- ما کینه اودانك اورتاسنده چالارمی هیچ ؟ -- دیه بر
قهقهه آتدی .. هله اونى شو دیواره دایایك ده ناصل چالدیغنی
اوزمان کورورسکز ... نه دیواری بو دیوار ؟

-- « قره ملین » ك سوری .
-- يك اعلايا ، ايشته ... ما کینه نك ایکنه لی طرفنی دیواره
دایایارق مانیوه لاسنی اویناتك !

« نهق » ، عجله ایدیوردی :

— پروفیسور! شیمدی اولنك زمانی دكل! قاچاجغز!...
چابوق اولنك!!.. قاریشام... یاقانی آله ویریرز... هایدی،
تراش اولسه كز آ... ایشته سزه صیجاق صو، ایشته سزه
مافاص، ایشته صابون!

قاپو، ینه آچیلدی.

ایچرییه بر باش اوزانوب رومنجه بر شیلر سویلهدی.
ایکنجی فراری غروپی ده حرکت ایتدی.

پروفیسور تراش اولمغه باشلامشدی.

«یه قاتهرینا پاولووینا»، بیاض کوکرجین یاورولرینی
آکدیران مینی مینی آلریله اوکا خدمت ایدیوردی. تراش
چاناغنه صیجاق صو بوشالتیور؛ حاولو طوتویوردی.
پروفیسور، بر آراق :

— ما کنه نك بوزولدیغنی سویلایوب ایچمه قورت دوشو.
ردیکز! دیدی — هله شو ایکنه لری «قرملین» ك دیوارینه
دایایارق مانیوه لای چه ویرسه كز نه... باقلم ایشله یورمی،
ایشله مه یورمی؟..

«نهق»، بكا دوندی؛ وشو رجاده بولوندی :

— پروفیسور ك امرینی یرینه کتیر، تورك کنجی! استادك
ایچی راحت ایتسین. بز ناصل اولسه صوك پوسته ایله حرکت
ایده جکز. میخانه دن چیقما مزه بر چیره ك وار... ها! —

هيمز ، پرلر مزدن صيچرادق .

یا یلیم آتش بر کره دها ایشیلدی :

بن :

«چه - قا» ینه باصقین ویردی .

« نُهَق » ، اولدینگی یرده صاپیر صاپیر تیتره یوردی .

قالمشدى .

آرتق ، جاتال صاقالانك صول چاتالى تماماً كسيلمش اولديغى

وصول الیہ دیزلرینہ وورا وورا قالین برقیہ قہہ قوپاردی :

سسنی بو کونه عائد می صانديکيز؟ .. حوح، حوح ، حوح!...

طاشارينه منقوش قالديغنى سويلييم!

پروفیسور، برطرفدن صاقلانی کسمکهدوام ایتدیکی صیراده،

دیگر طرفدن ده سور دینده کی ما کینه یاقلاشدی . بنده آرقا-
سندن کیتدم .

جیزرتی حالا دوام اییدیوردی . پروفور ما کینه تمامتندن
بر دوکمه یه باصدی . بر قاپاق آچیلدی . ساعت کی بر شیدی
بو ! ... ساعتک محورنده ابره و قادرانده [۱] بر طاقیم
تقسیمات واردی . « توغان توغانوفسکی » ، آله بر کوز آتقدن
صوگرا :

— ۱۹۰۵ ! — دیدی .

صورددم :

— نه « ۱۹۰۵ » ی ؟

صاقالی کسمکده دوام ایدهرک ایضاحات ویردی :

— « چه — قا » نک باصیقنی صاندیغکز یاایلم آتش صداسی

۱۹۰۵ سنه سنه عاؤددر . ظاهر ، بودیوارک بوراسنده انقلا بچیلری
قورشونه دیزمشلر . شیمدی بز ، او یاایلم آتش سنی ایشیتدک .

شاشدم :

— نه دیورسکز الله عشقنه ؟ ...

پروفور ، کوزلریله ، دیوارک انسان بوی یو کسکلکنده کی
یرلرینی آراشیدردی . نهایت ، آرادیغنی بولمش کی :

[۱] قادران = ساعتک ، اوزهرنده رقلرینی احتوا ایله یین

داثروی الشکل پلاقیدر .

— ناه ، ايشته ... — ديوب اوزون و کيڪلي پارماغني

اوزاتدي .

کوستردیکی یره باقدق . فی الحقیقه « قره ملین » کُشیمدی
میخانه دیواری وظیفه سنی کورن سورنده زمانه توزلاشم
قورشون یرلری واردی .

پروفسور ، بر ویدا قیمیلاتدی .

ما کینه نك چیزرتی ته مپوسی سرعت پیدا ایله دی . قالین ،
یکنسق واینجیل او قور کبی برسس دیولدی . بر پاپاس سسی
ایدی بو ؛ — آلتک ایچنده دیوردی که :

— ربه یالوارک ... مغفرت آنده در ... ملک و دولت هانتک زک
جزاسنی بدنأ چکمکده سکیز ... بدنی جزا کوردیک کز ایچون
بلکه رب ، روحی جزا کزی عفو ایله ر؛ و بویله جه اعدام کز
حق کزده خیرلیدر ... توبه کار اولک ...

بر ده لیقانی سسی ، ینه ما کینه دن حایقیردی :

— یقیل قارشیمدن ، قارا کشیش ! ... سنی کوزم کورمه .

سین !! ... ربک ده سنک اولسون مغفرتی ده ... هایدی !! ...
عسکر لر ... نشانگاه کز قلبمدر !! ... بوشالتک قوشونلری کزی ...

بر مه قانیزمه طاقیرتییی ... صو کرا ، تکرار :

تررررررر ... باوو !! ...

پروفسور ، چاتال صاقالنک او بر چاتالنی ده ماصاقله

کشمشیدی . یوزی ، جاس جاولاق میدانه چیقمشیدی . آرتق
طانیما یاجق محالده ایدی . « توغان توغانوفسکی » اولدیغنه بیک
شاهد ایستهردی . تراش فیرچه سنی صابونلایوب پرداخ ایچون
یوزینه سورهرکن دیدی که :

— ما کینه مک نه اولدیغنی شیمیدی کورو یورسکزیآ ...
بو ما کینه نک آدی « تاریخ غراموفونی » در ... نظریه سنی سزه
قیصاجه آکلایم ، « غوسپودا » ! .. جمله کزک معلومیدر که
سس ، هوای نسیمیده اهتزازلر میدانه کتیریر ... بونی ، محله
مکتبنده کی چوجوقلر بیه بیلیر . شاید ، بر دیکتافون [۱]
بوروسی اوکنده قونوشاجق ، چالغی چالاجق ، یاخود هر
هانکی بر کورولتو چیقاراجق اولورسه کز حصوله کتیره جککز
هوای نسیمی اهتزازلری عینیه پلاقه انتقال ایلهر ... فقط شو
جهت محقق و مسلمدر که ، « غوسپودا » ، ألمزده دیکتافون
ما کینه سی دخی بولونماسه ، ینه هوای نسیمی تیتزمکده ، —
و بو تیتزیشلر ، جوارده کی اجسام اوزهرنده ، خرده بینی
(= میقروسقوپیک) ایزلر بیراقمده در . ایشته بنم ما کینه م،
سرت اجسام اوزهرنده ، (= طاشلرده ، معدنلرده وسائرده)
محکوک قالان هوای نسیمی اهتزازاتی ایزلرینی ، — (طبقی بر
غراموفون ایکنه سنک پلاقده کی چیز کیلری دولاشارق سسس
[۲] سسی پلاقلره ضبط ایتدیرهن آلت .

چيقارديغي کيبي،) - چالمقده در .

بن ، اعتراض ايتدم :

— فقط هواي نسيمي اهتزازلري نوعدن خفيف اهتزازلر،

سرت قايالر ، طاشلر ، دميرلر اوزرنده ناصل انطباع بيراقا -

بيلير؟ في الواقع، غراموفون پلاقي نسبةً يوموشاق اولديغدن ،

سس ، بو يوموشاق سطح اوزرنده ايزلر بيراقير ؛ لا كن هوا

تيترمه سنك قايالي چيزه بيلمه سي قابلي هيچ ؟!

« توغان توغانوفسكي » ، جهلمدن حدتله ندى . حدتله نه رك

صاغ اليه چاتال صاقلانك صاغ چاتالني ، صول اليه ده صول

چاتالني ياقالامق ايسته دي . فقط هيئات ! اوجانم صاقلالي خائن

بر اوسطوره يالا يوب سوپورم شدي . پروفيسور ، چيفته عصبيتله ،

— هم اعتراضه معروض قالمق ، هم ده صاقلالي ياقالايم دير كن

ألني بوشه صاللامق عصبيتيله ، — بوسبوتون كوپوردى :

— بيلمه يورميسك ، تورك كنجي ؟ — ديهه حايقيردى —

صدانك دكل ، حتى ضيانك بيله جوارده كي اجسام اوزرنده ده رين

ايزلر بيراقديغي بيلمه يورميسك ؟ يمن طاشلرندن خبرك يوقى؟

يمن طاشلري اوزرنده بعضاً بر كرتنكهله ، بعضاً بر قيز ، بعضاً

بر آغاج وسائره محكوكاتنه تصادف اولونيور . فقط بو محكوكاتي

اويمن طاشلري اوزرينه هيچ بر نقاش نقش ايله مه مشدر . يمن

طاشلرنده فوطوغرافيك خاصه واردر . فوطوغرافيك خاصه

سايه سنده ، اوطاشلر خطاستوا كونشك عكس ايتديرديكى ضيا پروژە كسيونندن متأثر اولارق جوارلرنده دوران كرتنكەله ي قيزى ، ياخود آغاچى سينه لرينه نقش ايدويور يرلر . . . ايشته ، فوطوغرافچيلنك سادەجه انسانلره خاص بر صنعت اولماديغنى كورويورسكز . . . طبيعت ده فوطوغرافچيلق ياقمقده ! . . . - او حالده نه دن غراموفونچيلق ياقماسين ؟ . . . نته كيم اونى ده ياپيور !! هر قايا ، هر طاش بر غراموفون پلاقيدر . هر قايدە و هر طاشده ، عصرلردن بهرى اوقايانك واو طاشك ياننده قونوشولان سسلر محكوكدر . . . سائر معادن كى دميرلرده ده سس انطباعلرى وار . . . لاكن دمير ، پاصلانديغى ايچون ، اوانطباعلرى اوزون زمان محافظه ايدەميور . حالبوكه عمر مرلر ده وبوكا مماثل سرت احجارده كى سس انطباعلرى ابد پايداردر .

« توغان توغانوفسكى » ، بو سوزلرى سويلەديكى صيراده تراشنى بيتيرمش ، « يەقاته رينا پاولوونا » نك اوزاتديغى حاولو ايله قورولانيوردى .

اواشناده ينه قاپو آچيلدى .

رومانيا ليلرك اوچنچى - وصو كدن اولكى - غروپى طيشارى چيقدى . اوداده « ئەق » ، پروفسور « توغان توغانوفسكى » ، باريشنيا « يەقاته رينا پاولوونا » ، برده بن قالدق .

استاد ، تراشدن صو كرا يكرمى ياش كنجلەشمش كىيى

ایدی . دولابی کندینه سپر آلدی . رومانیاالی دوستمیزک
ویردیکی موژیک البسه لرنی کییدی .

فرصتدن بالاستفاده ، کنج روس قیزینه صوردم :
— سزده بزمه برلکده رومانیایه کلیورمیسکیز ؟
باریشنیا ، طبیعتدن قیرمزی دیداقلری آراسندن برسورو
« پ » حرفلری فیشقیرتیر کیی کولدی ؛ — صو کرا :

— وای ح!! — دیدی . — « بزمه برلکده » می بیوردیکیز ؟!
آبول سز چته مزه داها بو کون اشتراک ایتدیکیز ! حالبوکه
کندیکی بندن قدملی صایورسکیز! ... رومانیایه البته قاجاغم!
بالخاصه « توغان توغانوفسکی » وما کینه سی ده رومانیایه کوتورو-
له جک اولدقدن صو کرا ...

— دیمک « توغان توغانوفسکی » نك ما کینه سیله « پروت »
نهری کنارنده کی « فالچی » اوواسنه کیدرک « بالطه جی —
قاتهرینا » « تهز » ینک حقیقی ماهیتنی او کره نه بیله جکیز ؟

کنج روس قیزی ، رومانیا ایله « بالطه جی — قاتهرینا »
« تهز » ی آراسنده مناسبت بولوندیغنی داها یکی کشف ایتمشدی
غالبا که بردنبره بوزولوویردی ، — رنگدن رنگه کیردی ، —
حالدن حاله اوغراددی ، — ما کینه نك اوزرینه دوغرو یورویه رک :
— آخ خ ... — دیدی . — « بالطه جی » نك او سینیر ،
اونانه موللا سینی می دویاجغم ؟ .. چارچمه « قاتهرینا » نك تزنیف

وتحقير ايدلديکني مي ايشيده جکم ؟. هم، خاير، خاير!.. آرزوم شو که هرشي يالان اولسون .. بوتون او وثائق يالان سويله مش بولونسون! فقط، - (عقلنه برشي کلش کيبي ميريلداندی:)- بوکا مقابل، « بويوك پترو » نك قنوديني ناصل شررراقلا تديغني « قاتهرينا » يه ناصل کفرلر صاووروب اوني ناصل دو کديکني، نه اشکنجه آلتده براقديغني ايشيده جکم . تمني ايدهرم که بو جهتلر دوغرو اولسون ...

« تمني ايدهرم ! » ديدیکی صيراده، « يه قاتهرينا پاولوونا » نك حالنده ؛ - کيجهلري ياتاغه کيرهرکن دعا ايدن بر چوجوق صافيتي واردی ؛ - فقط روحاً مريض بر چوجوق حالي .. - ارثي برخسته لقله معلول بر حال ...
کنديسنه تأمينات ويردم :

— ايکنجی شق محقق .. - ديهرك او مزيني صيوازلادم -
« پترو » نك ساديست ، متره سي « قاتهرينا » نك مازوخيست اولديغني محقق !!

بزبويله قونوشديغمز صيراده، - مکر، غوسپودين پروفيسور،
تام بر موژيك قيليغنه کيرمش ده يانمزه کلش بيله .. صوك جمله مي دويمش اولاجق که :

— خاير، خاير!... - ديدی .. - نه او محقق، نه بو محقق!
وحقيقتي آرايورسه کز حقيقت ما کينه دهر . ما کينه نك ميقر و-

فونلرینی « فالچی » اوواسنده کی طاشلره ، قایالره ، معدنلره
تطبیق ایدر ، و بو صورتله ، « بالطه جی - قاتهرینا - پترو -
منصوروف » حادثه سنک ناصل باشلایوب ناصل بیتدیکنی
اوکرنیز .

« نهق » ، بکا :

— قوی شومبارک ما کینه یی قونیاق صاندیغنه ده چیویله! —
رجای آمرانه سنده بولوندی .

تام چیویلری یرینه قویوب کسری صاللام که ، قاپو ،
دردنجی سفر اولارق آردینه دایاندی :

— هایدی ، « غوسپودا » .. نوبت بزم ! . یولمز اوغور
اولا .. استقامت رومانیا !!

اوچنجی قسم

رومانیا به قایاغی آندو

بوصوک آیلر ایچنده باشمزدن نه لر کچمه دی ، نه لر ..

اوچ آتلی و « ترویتقا » اسملی قیزاقلرله داغ طاش آشارق
کونلرله یول می آلامدق ...

نهایتسز و آووج ایچی کیبی دوز سته پلرده قورتلرک هجومه می
معروض قالمادق ...

«چه - قا» نک آدمیری ایله چارپیشارق، - «قره ملیں» دن
دیپ دیری قاجیردیغمز آلتی رومانیاالی آرقاداشمزی می حدود
بویلرنده شهید ویرمه دک ..

حرکتمزک ایکنجی کونی، ألمزده ما کینه ایله، «نهق»
و بن بر طرفده، - پروفسورله باریشینیا و بو طرفده قالارق
یکدیگرمزی غیب می اتمه دک ..

فقط چوق شکر که نه پروفسور «توغان توغانوفسکی» یه
وباریشینیا «یه قاتهرینا پاولوونا» یه، نه ده «نهق» و بکا برشیجکلر
اوا دی ... - دوردیمزده بکرشده بولوشدق .

غریب دکلی ؟

بوتون بوفرار ترتیباتی اصل رومانیا لیلر ایچون یاپیلمشدی .
فقط بالنتیجه، - اونلرک شبکه سندن استفاده ایله سوویت حدود-
لری خارجه اونلر چیقامادی ده بزچیققدق .

شیمدی، هرشیئمز مؤمن ... پروفسور زنکین! - منسوب
بولوندیغی «نیورق پولیته قنیک مؤسسسه سی» ندن، ایجاد ایله دیکی
ما کینه یه مقابل، مهم بر آوانس آلدی: الی بیک انکلیراسی
مقدارنده بر آوانس !! آلنده بویله مهم بر یگون وارکن،
«یه قاتهرینا پاولوونا» ایله بنم اوتهمزه بهریمزه باقمق بالطبع اونجه

ايش بيله دكل! (»نهق«، رومانپاده ثروت وسامان صاحبي) ...
پروفيسور، بزه متشكر :

— سرك عزمكنر سايه سنده »چه-قا« نك اَلدن قورتولدم! —
دييور . — اكر بنى »قره ملين« دن و »تاريخ غراموفون« نى
اودامدن قاچيرماسه ايدىكنر ، — ايجاد كرده اولان ما كينه نى
جاسوسلق آلتى صانمادقلى تقديرده بيله ، املاك ميليه دن عد
ايدىجكلر ؛ — بنم سعى و ذكامك محصولنى ملكيت شخصيه م
صورتنده قبوله ايديله ميه جكلردى . ايشته ، »پاته نتا« آلاماق
قورقوسيله دركه »تاريخ غراموفونى« نى تا ۱۱۱۱ »۱۹۱۸« ده
ايجاد ايتديكم حالده ميدانه چيقارماشدم شيمدى ، حاضر
رومانپاده ايكى ، هله شو »بالطه جي — قاتهرينا« موضوعنى
بيتيره لم ؛ صوكرابن آمريقا يه حر كته ما كينه مى عالم مدنيت هاعلان
ايدىجكم . هم ، اورده ما كينه مى بعضى جهتلردن تكمل
ايتديره جكم .

— تكمل مى ايتديره جكسكز ؟

— اوهت .

غوسپودين پروفيسور ، آوانسى آلاينى كون ، بكر شده
بوتون نقصانلر يمزى بالا كمال »فالچى« يه كلك بر ايزجى
غروپنه نه لازمه يانمزده واردى . اوسته ليك ، تاريخ غرامو-
فونى « ده ، — بوسفر ، قونياق صانديغنده دكل ، ايجى پاموقله

بسله نمش فني بر قوطوده ایدی .

« فالچی » قصبه سنه واردیغمز زمان ، کیجه یاریسی ایدی .
بوراسی تماماً رومنرله مسکون .. رومنجه ، اسمنه « فالچیقونی » =
Faltchiconie « دیورلر . « فالچیقونی » ، رومانیا نك
بغدانده واقع « سوچاره » ایالتنده ویا شک ۱۰۵ کیلومتر و غرب
شمالیسنده .. نفوسی ۱۵۰۰۰- قصبه ده اسکیدن بهری هرتموز
آینده برپنایر قورولورمش که ، بو عادت حالا دوام ایتمکده در ..
یوقاریکی تفصیلاتی ، قصبه یه واردیغمز کیجه ، اوتل صاحبندن
آدم ودفتریمه قید ایلهدم .

کیجه یی عادتاً اویقوسنر کچیردم .

یوزمش یوزمش صوکنه گلشدک .

« بالطه جي - قاتهرينا - پترو - منصوروف » معماسنی ایرته سی

کون حل ایده جکمز ایچون ایچم ایچمه صیغما یوردی .

یاتدم . کوزیمه اویقو کیرمه دی . « نهق » له قارشى قارشى یه

کچدک ، ألما شرابی ایچدک ؛ - سطرنج اوینادق .

ینه ماشا الله پروف سورله باریشنیایه ! .. بری اوتلک براوداسنه ،

- اوبری اوبر اوداسنه چکیلدی ومکملأً اویودیله .

صباحلین ، ایرکندن اویاندیلر .

اساساً هر شیئمز حاضر دی .

کونش دوغارکن ، « پروت » نه رینه دوغرو پوله دوزملدک .

« پروت » ، اولدوچه کنیش بر نهر ...
 « فالچیقونی » نك یاقینلرندن آقیور ، -- وقصبه جوارنده
 باتاقلقلر بیرا قیور... « فالچیقونی » ، ایکی عصر اولده رومانیا لیلر
 عائد اولدینی ، -- ورومانیا لیلر « عثمانلو - روس » محاربه سنده
 « عثمانلو » یه ظهیر چیقدیغی ایچون ؛ -- « ددلی پترو » ، قصبه یی
 هدم مقصدیله ، اوردوسنی « فالچی » اوواسنه ایندیرمش ؛ --
 « فالچیقونی » یی ، طاش طاش اوستنده بیرا قمامق شرطیله ییقمش ،
 یاقش ؛ -- اهالی یی سکیزندن سکسانه قیلیجدن کچیرمش ؛ --
 صوکراده ، سادیست بر میل واحتراصه ، قرارگاهنی ، قسماً
 قتل عام محله ، قسماً جوار باطاقلرینک آراسنده کی قورو ساحه ره
 قورمشدی ، -- و بونده وحشی برذوق دویمشدی ! -- ایشته بو
 صیراده ایدی که ، مکره تاتار « منصوروف » ، -- برتقریب --
 نهرک قارشى ساحلنده بولونان « بالطه جی » نك قرارگاهنه قپاغی
 آتابیلدیکی وروسلری جاسوسلادیغی ایچون -- « بالطه جی » ، بر
 کیجه ظرفنده ، دورت کوپروقورارق « فالچیقونی » نك بولوندیغی
 قی یه کچمش ؛ -- « پترو » نککنه عدداً فائق عسکريله قارشى
 داغلری طوتوب روسلری برچنبر آلتنه آلمشدی .

اوزون تدقیقاته ابتنا ایدن « تهز » یمک ایلك نقطه سی بوایدی .
 فکرجه ، اول امرده بونی تثبیت ایله مک لازم کلیوردی .
 فقط ، -- آرقامزده چانطه لر ، -- اوعول اوعول آقان « پروت »

نهرینه یاقلاشدیغمز صیراده ، «توغان توغانوفسکی» :
 — غوسپودا! — دیدی . — ایشه مبدأندن باشلامق ضرورتندە یز!
 — بکا قالیرسه ، مبدأ نقطه سی ، تورک کنجک «تهز» نده ذکر
 اولونان بیاض قیادر ...

«یه قاتهرینا پولوونا» :

— هانکی بیاض قایا ؟ — دییه صوردی .
 — اونوتدیک-زمی جانم ؟ — دیدم . — هانی باشنده «ایوان
 ایوانوویچ» نوبت بکله یوردی ده ، «قاتهرینا» ، کیجه چادیردن
 چیقارق اوکا یاقلاشمش ؛ وبرقورنازلقله البسه لرینی آلمق ایچون
 زواللیجینی آیارتمش ؛ یاتاغنه کوتورمشدی ...
 «ئەق» له کنج روس قیزی ، مسئله یی خاطر لادیلر :
 — اوهت ، اوهت ! — دیدیلر . — «بویوک پترو» طرفندن
 برقیلیج ضربه سیله قافاسی کسپله رک کله سی اوموزلری اوزرنده
 قالان «ایوان ایوانوویچ» .

پروفسور :

— تمام !! او «ایوان ایوانوویچ» !! — دییه رک تصدیق ایتدی . —
 «ایوان ایوانوویچ» ک کنارنده نوبت بکله دیکی بیاض قایا ، «پترو»
 ایله «قاتهرینا» نك چادیرلرینه یاقین اولدیغی ایچون ، بوبیاض قایا
 سایه سنده حکمدار خیمه سنک یرینی کشف ایده جک-ز ...
 اوواده ایسه ، بیاض قایالر پک محدود .. دون «فالچقونی» یه

غرب طرفندن کیرمشدك... بوتون كون، كوزلرمله، جوارده
 بیاض قایالر آرادم؟— بردانه سنه بیله تصادف ایدمه دم... حالبو که
 شیمدی شرقه دوغرو ایله رله یورز... او کمزده تاااا ایلریاره
 دوغرو برقاق بیاضلق کورونیور... فرقنده میسکیز؟
 «توغان توغانوفسکی» بزه بوسؤالی صوردینی زمان برته نك
 اوستنده ایدك.

استادك اوژون و کیمکلی پارماغیله کوسته ردیکی استقامته
 باقدم. ایلری طرفلرده جداً بیاض بیاض برقایا کورونیوردی.
 فقط بوکا کیتمك ایچون، نهر قیسنی تعقیب ضرورتی واردی.
 زیرا، نهر قیسنده کی اراضی، برشرید حالنده، صوسویه سندن
 یوکسکدی. بوشریدك نهر جهتنه معکوس طرفی ایسه نهره
 نسبتله منحنط (= نهر صوبی سویه سندن آچاق) اولدینی ایچون—
 «پروت» طاشدینی زمانلر بورایه صو دولارمش ظاهر که—
 باتاقلقدی، سازلقدی.

بناءً علیه بیاض قایالره وارمق اوزره نهر قیسنی تعقیب ضرورتی
 دویدق. او طرفه دوغرو ولدق.

برخیلی یورودکن صو کرا، «هق» :

— عوف، عوف، عوف!— دیهرک دوردی.

صوردق :

— نه اولدی، نه وار.

— پوتينلريمه طاش طوپراق قاچدي، آياغمي آجيتور ...
هم، رجا ايدرم ؛ بر آز شوراجنه اوطوروب صولوق آلام ...
معلوم يا : بنده كز شيشمانم .. فضله يوله كله مم .. پوتينلريكم
ايچني سيلكديكم صيراده حاضر ديكه نيرزده ...

او ائنده ، «يه قاتهرينا پاولوونا» نك علائم وجهيه سي نظر
دقتمى جلب ايتدى : «ئەق» — «آياغم آجور!» سوزيني ذوق
و حظ ايله دكل ده ألم واضطرابله سويله ديكي ايچون كنج روس
قيزى ، اوكا ، تزيفكار بر نظرله باقيوردى ؛ — طبقى ، طلبه
ميخانه سنده كنديسنة نازكانه سوزلر سويله ديكم زمان بنم يوزيمه
باقديغى كيبي ...

قوروجه بريره اوطوردق .

« ئەق » ، آياق قابلريني چيقاردىغى صيراده ، « توغان
توغانوفسكى » ، همان اورا جقده ، يومروق بويوكلكنده برطاش
بولدى .

بر طائلك ماهر اسي

— بر تجربه ياپالم ! — ديدى .

— نه تجربه سي ؟

— باقالم شو طاشدن برشي كشف ايدى جكمي يز؟ استاد،
ما كينه نك فنى و پاموقلى قوطوسنى آچدى . بولديغى طاشى

ميگرو فونلر آراسنده کي محل مخصوصه صيقيشدي ردي؛ ومانيوه لايي
اويناتدي .

معهود جزيرتي ينه ايشيديلدي .

فقط جزيرتي يه برده غجيرتي علاوه اولدي :

«غيجيرررر ... غيجيرررر ... غيجير ...» [= برقاني

[سسي

صوڪرا :

« — داههاايي ... عووووح ... » [= قاني ي سوردهنك

[سسي

[ديركن بر تڪرلڪك برطاشي ازمه سندن متولد صدا. —

برمدت سكوت .. — برقوش جيويليتيسي .. — ينه سكوت ...

[اوزون بر سكوت ...]

ما كينه آراسنه صيقيشدي رديغمز طاشدن باشقه سس

چيقيمايوردي . پروفور، — قادرانده زمان اشارتلي بولونان

ساعت ابره سني اويناتدي .

طاشدن ينه سسار چيقيمه باشلادي .

بوسفر چيقيان سسار ، چوجوق سسار يدي . رومنجه

قونوشيورلردي . « نهق » ، بزده قونوشدقلىرني ترجمه ايتدي :

« — اوولان، «ژان» ! شيمدي قافا كه شوطاشي آتارسم

بينكي طوزله بوز ايدرم ...

» — [قورقودن متولد بر آغلاما :] یاپما . . . ئوههو

ئوههو . . . یاپما به ، یاپما . . .

» — آغلاما آبدال . . . قورقودم ، سنی اوولان ! . . .

طاشی سکا آتاجق دکم . . . نهرده سه کدیره جکم . . . باق ،
ناصل سه کیور . . .

[طاشك هواده اوچماسندن متولد بر حیشیرتی . . . سه کمکدن

متحصل بر فیشیرتی . . . و جوپ پپ . . . سکوت . . . اوزون
برسکوت]

پروفسور :

— طاش ، نهرك دینه کیتدی ! — دیدکن صوکره یینه

ابره بی چویردی ، چهویردی . . .

[طاشلری ، طوپراقلری سوروکلهر کیبی برغیریلتی ، دیرکن

رومنجه برسس :]

» — ها طوتولدی ، ها . . . بوسفر اوققالی بالق طوتدق . . .

آغلر بالق دولو . . . ناه ، ناه . . .

[رومنجه ، باشقه برسس :]

» — نه بالخی به ؟ . . . بالق دییه ، نهرك دینده کی طاشلری

طوپراقلری چکوب سوروکلهر مشز !! . . . بوشالت شو آغلری . . .

[طاشك یره دوشمه سندن متحصل بر طاقیرتی .]

پروفسور ، ابره بی معاینه ایتدکن سوکرا :

— غوسپودا ! طاشى صويه ۱۵۰ سنه اول آتمشلىر ..
طاش نهر ك دىبنده تام بر بوچوق عصر قلقدن صوكر اچن
آي ظرفنده بالقجىلك اغنه طاقيلوب خارجه چيقمش .. ديدى .
نه مكمل آلتدى بو! — بويوك ، كوچوك هرتورلو طاشلك
سسنى آليوردى .

پروفسور « توغان توغانوفسكى » ، ما كينهك ابره سنى داها
يكي زمانلره دوغرو چه وىردى . بر طاقم بالقجى تور كولى ،
يه دهك نعره لرى دويدق .

نهايت ، ما كينهك اچىندن :

« — عوف ، عوف ، عوف! » ديهن آرقاداشمىز « نطق »
سسنى يوكسلىدى .

ديمك اولويور كه ده مين قونوشديغمىز سوزلرده طاشه نقش
اولمشدى ، ها ؟ !

رومانىالى « نطق » دوستمىز « عوف » لرىنى متعاقب بر آن
اول سويله ديكىمىز لافلى عينا ايشيتدك :

« — نه اولدى ، نه وار ؟ [= بزم سسىمىز .]

« — پوتىنلر يمه طاش طوپراق قاچدى . آياغمى آجيتيور ...
هم ، رجا ايدهرم ؛ شورا جغه او طوروب بر آز صولوق آلام ...
معلوم يا : بنده كىز شيشمانم .. فضله يوله كله مم .. پوتىنلر يمك

ایچنی سیلکدیکم صیراده حاضر دیکله نیرزده ... [= «ئەق»ك
سسی .]

« -- بر تجربه یاپالم ! [= «توغان توغانوفسکی» نك
سسی .]

« -- نه تجربه سی ؟ [= بنم سسم .]
« -- بافالم شو طاشدن برشی کشف ایده جگمی یز ؟ [=
«توغان توغانوفسکی» نك سسی]

دیرکن، ما کینه نك ایچنده کی معتاد چیزیرتی چیفتله شدی .
بو چیزیرتیلردن بری داها قوتلی ، اوبری داها ضعیفدی .
ایکنجیسی ، برنجینک کولکه سی کیی ایدی . ایکنجی چیزیرتی
برنجی ایله برلکده دوام ایتمکه برابر ، ما کینه دن برده غیجیرتی
دو یولدی : - قاغنی غیجیرتییی ! صو کرا ، قاغنی یی سوردهن
آدامك «داههاای... عووووح !» ی ؛ - صو کرا ، تکرلکک
طاشی ازمه سندن متولد صدا ؛ - صو کره ، «اوولان ژان !
قافا که شو طاشی آتار سه م بینکی طوزله بوز ایده رم !» تهیدی .
ایچ ...

اوزمان آکلا دق که ، مکر طاش ، ده مین کسندن چیقان
سسلی تکرار ضبط ایتمش ...

فقط بو ایکنجی چالیش ، برنجی یه نسبتله ضعیف ایدی .
پروفیسور «توغان توغانوفسکی» ، ابردی چو یردی ،

چویردی ؛ - ساعتدرده اون ایکیه دلالت ایدن یره قادار
چویردی . ابره آرتق داها ایلری کیتمه یوردی .
تام بو آراق ، هیمز ، ما کینه ده کندی قونوشدقلریمزی
ایشیتدیکمز ایچون ، قهقهه ایله کولویوردق . ما کینه نك ایچندن ،
قهقهه لریمزده عکس ایتدی . « تاریخ غراموفونی » بوسورتله ،
تاریخ غراموفونی اولمقدن چیقمش ؛ « سس ایناسی » حاله
کلشدی .

بن :

-- استاد! - دیدم - کشفکنز جداً خارق العاده برشی ..
دیسه کزئه : دنیا یوزنده ، بوندن صو کرا ، تاریخه و حال حاضره
عائد تک سر بیله قالما یاجق .. صانیرم که ، بوما کینه تاریخجیلردن
ماعدابر چوق کیمسه لک داها ایشنه یارایاجقدر ... مثلاً ،
عدلیه جیلرک! - اویله یا : برجنایت اولدیمی ایدی ، آرتق پولیس
تحقیقاتنه ، مستنطق استجواباتنه فلان لزوم یوق ! ما کینه مدعی
عمومی یه هر شیئی خبر ویره جک ... غراموفونکنز ، بالخاصه ،
بری برینک صداقتسنزلکنی ، خیانتنی اثبات ایتک ایسته یین
قاری قوجالرک ایشنه پک ألویره جک .. آمان یاربی ! کیمک
فویاسی وارسه بوسایه ده میدانه چیقاجق ، اویله می ؟ .. شو حال
تصور ایدک : فرضاً آلتکنز ، عادی غراموفونلر ، یا خود
رادیولرکی تعمیم ایدیویردی ؛ هر کس اوجوز اوجوز ، کندی

اوينه بونلردن برر دانه آلابيلور.. او زمان اشنك دوستنك،
قاريسنك قوجاسنك، آناسنك باباسنك، قونوسنك قومشوسنك
يوزينه قيزارمادن باقابيله جك قاج بابا يكييت قالاچق عجبا؟..
باري، بوندن بويله آياغمي دنك آلايم: برقباحت ايشليه جكمي يم،
جواردن معدن، طاش نوعندن برتك شي بولوندورماييم.

پروفسور صوردي:

— نيچون؟

— زيرا، ديديكزدی كه، سسلر، معدنلرله احجار اوزه رينه
منقوش قاليورمش. باشقه اجسامك ياننده قونوشمازده محذور
يوق!

— بنم ديديكيم، تاريخه عائد مكالمه لري ديكه مك ايچوندر!
احجار ومعادندن غيري اجسام مرور زمانله داغيدق لرندن، بونلرك
اوزه رنده اسكي سس قالماز؛ حالبوكه، يكي قونوشولان لافلر، هر
يرده آز چوق انطباع بيراقير: تاحتاده، كيره ج ديوارده
وشكلي بوزولماش طوپراقده، حتي كر كين قوماشلرده يكي
مكالمه لري ديكه مكه امكان واردر. هم، اونوتديكمي؟ بنم
اودامك ديواري كيره جدي؛ بوكا رغماً، اوراده اوچ كيشيك
محاوره بي ديكه مشسكز!

— ايواااه — ديدم. — اويله ايسه اول و آخر كيمسه نك

ديكه مه سني آرزو ايمه ديكيمز برلافي قونوشمق ايچون نه يامالي يز؟

دنیا بوزمده نمر قاتایا ایه

پروفسور دوشوندی :

— صویه کیرمه لی !! — دییه جواب ویردی . — ما کینه م
یا لکیز صوی چالما یور! آنادن دوغما صویونارق ، ده کیزلره ،
ده رهلره یا خود کوللره آچیلما لی . . اوراده قولاق قولاغه
قونوشمالی .

باریشنیا کولدی :

— ما کینه نك تعممندن صو کرا کیزی معاھدہ لری تحت
قراره آلمق ایچون دیپلوماتلر ده کیزه آچیلماق دیسه کیز نه . .
» نهق « ده بر فکر علاوه ایتدی :

— صو قیسندہ اوطوران کناھکار عاشقلرک ایشی قولای!
وندیکلیلر ، استانبوللیلر ، آمسترداملیلر ینه یاشادی !! لاکن
بیچاره قاهره لیلر ، آنقره لیلر ! علی العموم طاتلی کناھه پک
دوشکون اولان روسیالیلر نه یا پاچق ؟

... اونلر ده بانیولره کیره لر و بانیولره کیروب ، او پوشه جکلری
زمان ، اوردهک کبی قافالرینی صویه صوقارلر !!
— هاه هاه هاه ...

» نهق « ده لاقیردی یه قاریشیدیغی ایچون ، اونک آرتق
دیگله ندیکنی آکلادق . شیشقو دوستمز ، بوتون بوتجر به لر

و محاوره لر جریان ایتدیکی صیراده، آیق قانی چیقارتمش و ایچنده کی
طاش و طوپراقلری بوشالتمشدی .

پروفسور :

— نه ، آرتق قالمالی ! — دیهرک داوراندی .

بزده قالدق .

هکبه لریمزی یوکلندک .

تا ۱۱۱۱ اوزاقده، شرق طرفنده، بر سورو بالقجیلر، آولانیوردی .

ینه شرق طرفنده بررومن قاراغولی واردی . ظاهر بوقاراغول،

هم رسومسز بالق آوجیلغنه مانع اولق ، همده علی العموم تنها

اولان بو حدود بوینه یاقین ساحه یی محافظه ایله مک ایچون

بورایه بنا ایدلمشدی . قاراغول، اون کیلو مترو قادارایلریمزده

ایدی .

نهر کنارنده کی اینجه شریدکیبی یولی تعقیباً ، — بریامزده

« پروت » ، اوبر یانمزده سازلی « فالچی » باتاقلقلری ، —

قارشیک بیاض قایالره دوغرو ایله رله دک .

صوصویوردق .

بللی که بنم کیبی ، آرقاداشلرمده دوشونجه لیدی .

أوهت، جداذهنمی بیك تورلومنا سبتسز لکله طیرمالا یوردی :

یا بوما کینه جدا تعمم ایدهرده ایسته مه دیکم آداملرک آینه

کچرسه ؟ .. و بو ایسته مه دیکم آداملر بعضی ایسته مه دیکم یاتاق

اودالرينه ، سالون قولتوقلرينه ، « بودو آر » شزلونغلرينه ،
 قاپو آرقالرينه ، تاوان آرالرينه ، تاحتا پرده کنارلرينه ، آغاج
 ديبلرينه ، باغچه قانايله لرينه ، يازيخانه اسڪمليه لرينه ، قوطره
 قامارالرينه ، كزينتي صاندالالرينه ، خصوصي اوتوموبيللره ،
 سينه ما لوجه لرينه ، كيزلي راندهوو اولرينه وداها بيلمم نره لره
 كيدهرك بوخارق العاده آلتك ميقروفون ايكنه لريني اورالرده
 كديره جك اولورلرسه حالم نهيه واريردي ؟

تويلرم ديكن ديكن قباردي .

اوقادار كه ، آز داها ما كينه يي قالد يروب عوعول عوعول
 آقان « پروت » ك آزعين صولرينه آتاجقدم . وارسين اوزمان
 پروفيسور « توغان توغانوفسكي » نه رذالت چيقايرسه چيقايرسين !
 دوغروسى يا : انسانلرك پك چوغنه نسبة ناموسلو ، جدى ،
 آغيرباشلى اولمامه رغما ، اويله بعضى شخصى اسرارم واردى كه ،
 بونلرى ايل عالمه اوكره تمكدسه استادمله خرلاشمغى ترجيح
 ايدييوردم .

لا كن ، بر آز صوغوق قانديلقله دوشونجه ، ما كينه يي
 نه ره آتمق فكرندن فراغت لازم كلدى . زيرا نه يله رسكز كه
 تاريخچي ايدم . « بالطه - قاتهرينا » « تهز » ي اوزرنده ييللرجه
 كوز نوري دوكمشدم ، قافا پاتلاتمشدم . حقيقتك مكتوم
 قالماسنه قطعياً رضا كوستره مزدم .

نهر قیسنده کی شریدی برمدت داها تعقیدن صو کرا، صول
طرف باطقلقیری غیب اولدی . بزده ، ساحلدن آریلارق ،
بیاض قایالرك اك یاقینده اولاننه دوغرو ایله رله دك .

بیاض قایاه واصل اولدیغمز زمان ، پروفسور « توغان
توغانوفسکی » ، ما کینه سنك ابره سنی عیار ایتدی . قایاه دایادی .
دورت قولاق کسيلمش ، جیزیردایان غراموفوندن نه سس
چیقاجق دییه بکله یوردق .

نهایت شو سوزلری ایشیتدك :

« — ایوان ایوانوویچ !

« — أمر ایدك ، غوسپوژا !

« — نه یاپیورسك اوراده ؟

« — نوبت بکله یورم .

« — واه زواللی واه ... اوردو قطعی انهزامه اوغرا دی .

محاصره آلتنده قالدق ... حالامی نوبت بکله یورسك ، یاورو جاق ؟ ...

دوشونسه كه كه صوك کونلریمزی ، صوك ساعتلریمزی یا شایورز .

طوپمز بردن « عثمانلو » نك ألینه کچه جکمز ! « عثمانلو » بزى

کسه جك !

« — سزى کسمز « غوسپوژا » ؟

« — کسمزده نه یاپار ؟

» — بيلمم که ، شی ...

» — نهی ؟ ؟

» — هیچ ، یعنی ..

» — نه ديمك ايسته ديكی آكلایورم... لا كن دوشون...

.....

[بو محاوره ، باشندن صوكنه قادار، بنم، دارالفضونده کی
 «تهز» ده ذكر ايله ديكم وبو كتابك ۴۴ نجی صحیفه سنه کچیردیکم
 محاوره یه تطابق ايله یور وشویله بیتوردی :]

.....

» — بوراده اولماز ، کورورلر ، «ایوان ایوانوویچ» ،
 کورورلر .. بنی قوجاغنه آل ، چادیره کوتور ..
 «نوبتچینک سلاح دیجکی طاقیردادی . چیزمه لرینک آلتنده کی
 نعلچه لر قایالرده چینغردادی . فقط «قاتهرینا» نك اسقارپینی
 طیقیردامادیغی ایچون آکلادق که «ایوان ایوانوویچ» ، روس
 چارینک متره سنی قوجاغنه آلمش چارك چادیرینه کوتوریور !!

دردنجى قسم

«قانه رينا» ايله «پترو» نىڭ چادىرىنىڭ مواصلات

مساعى پلانمىز، ھەر ھالدا، شويلا اولماسى ايجاب ايدىيوردى:
«قانه رينا» نىڭ ايزىنى غىبايتمەك؟ - بو ايزى «پترو» نىڭ
چادىرىنىڭ قادار تەقىب ايلەمەك؟ - «بالطەجى» نىڭ چادىرىنىڭ اولوب
يىتەنلىرى كوزمىزگە كۆرۈنمەسەك بىلە قوللاغمىزلا ايشىتمەك؟ -
«عثمانلو» وزىرىنىڭ ايسودجىلى قادىنىڭ نە ايتدىكىنى، و بو ھال
قارشىسىندە روس چارىنىڭ نە كېيىن بىر ھالدا تاقىندىغىنى او كۆرۈنمەك..
غايەت مەھىر مواصلات اچچون، ايشىتمەك مەھىر بىر اىپ اوچى
ياقلا مشدق:- «قانه رينا»، كىندىنى، نوبىتى «ايوان ايوانوويچ» ك
قوجاڭغە ويرمىش، چار چادىرىنىڭ كىدىيوردى؟ - اونى تەقىب
كۆرگى!

بىنا ئۈستىگە، يانى باشتىدا اوتۇردىغىمىز بىياض قايدە داھا نە
كېيىن سىسلار منقوش بولۇندىغىنى تەقىقە لزوم قالماشتى. چار

چاڊيريني بولارق وقعه نك متباق اقسامني اورادن ديكله مك ايسه
 قولايدي. زيرا، چار چاڊيرينك شمال غربيده كي شو يوكسك
 نقطه يه قورولش اولاجني محققي. شمال غربيده كي يوكسك
 تپه، بياض قايدان كورونيوردي. ديمك كه ايلك اوكله چار
 چاڊيري محانه؛ - صوكر، چار چاڊيرندن توله، - داهما
 صوكر، تونلندن ده «بالطه جي» نك چاڊيرينه كيدجكدك.
 فق. صباحلين تا ۱۱ يكي «فالچقوني» ن قارقار «پروت»
 نهري قيسني تعقيباً بياض قاياه قادار يوروديكمز و بر خيلي
 چالشدنغمز اچون ايجه يورولمشدق.
 پروفيسور:

— ساعت اون ايكي ي كچور! - ديدى. - قارنمزي
 دويورالم.

هكبه لريمزدن نواله لريمزي چيقاردق. يول آرقاداشلرم
 دوموز صوجوغى ييديلر. لاكن ب، دوموز صوجوغى
 ييمدم. دوه پاصديرماسى اكل ايتدم: - مبارك حيواندر،
 لمي مباحدر.

قارنمزي دويورنجه، استاد:

— هايدى چوجوقلر! - ديدى - وقت غيب ايتيمم.
 يولجي يولنده كرك.
 ينه هكبه لري اوموزلادق.

برقاچ یوزمتر و قطع ایله شمال غربیده کی ال یوکسک تپه یه واردق. « پترو » نك چادیری بورایه قورولش اولسه کر کدی. لا کن عکسیدکه باقك : بوراده ده طاش ، یاخود قایا یوقدی . شاشالادم :

— نه یاپاجغز ؛ غوسپودین پروفسور ؟ — دیه صوردم . « توغان توغانوفسکی » :

— نه یاپاجغمز قولای ! — مقابله سنده بولوندی — ایزجی طاقلری میانده کی قازمالردن برینی صاپنه طاقك ! یری قازك . الله الله !

طوپراق قازمقده نه اولویوردی ؟ بونی آکلایامامقله برابر ، پروفسورك امرینی یرینه کتیردم . استاد ، ایضاحات ویردی : — برکولچه طوپراغی آلسه کزده صو ایچنه آتسه کز ، طوپراق صویه باتدقن صو کرا ، صویك سطحه هوا طومور جقلری چیقمازمی ، غوسپودا ؛ دیمك اولویور که طوپراغك آراسنده ده هوا موجود ! ایشته ، سس ، طوپراغك آراسنده موجود بو هوا واسطه سیله یر آلتنده کی طاشلرده انطباعلر براقیر . قازیك ! قازیدق . يك اوقادارده رینلره کیتمك لزومی حاصل اولمادی . برایکی قاریش عمق ارضده قارپوز قادار برطاش بولوب چیقاردق . بو طاشك اوزرینه « تاریخ غراموفونی » نك ابره لرینی ده کدیردك . قولاغمزه ایلك اوکجه « ایوان ایوانوویچ » ك چیزمه

طاقیرتسی کلدی. — (أوت ، ده مینکی بیاض قایادن دیکله دیکمز
طاقیرتی به مشابه بر چیزمه طاقیرتسی کلدی . زیرا ، ابره نك
ساحه انحرافنی اوصورتله تثیت ایتشدك) .

وقعه نك تسلسل زنجیرینی غیب ایتهدیکمز دکلې ؟ نوبتجی
« ایوان ایوانوویچ » ، بیاض قایاده ، ایسوه جلی قادینی قوجاغه
آلمش ، چادیره دوغرو کوتوریوردی .

ایشته شیمدی ، نوبتجی ایله ایسوه جلی قادین قوجاق قوجاغه
چادیره کیردیله ، بللی .

« ایوان ایوانوویچ » ، « قاتهرینا » یی یاتاغه قویدی .
کندی ده چیزمه لریله والسه لریله یاتاغه کیرمك ایسته دی .
« قاتهرینا » نك سسنی ایشیتدك :

« — خایر ، خایر ! او یله اولماز ! صویون !
« — اردو کا هده صویونمق یاسا قدر . » عسکرلر ! کیجه .
لری یاتارکن صویونماییکمز ! » دیه امر چیقدی .
« « قاتهرینا » نك قهقهه سی !

« — بوامرك برده ذیلی واردر آما ، یازمنه اونوتمشله :
(چارك متردسی « قاتهرینا » نك قوینه کیره جك اولانلر ایچ
چاماشیرلرینه قادار صویونابیلرلر . زیرا « قاتهرینا عاشقلرینی
عریان کورمکدن خوشلانیر . هایدی باقلم ، صویون ، « ایوان
ایوانوویچ » !)

« تهز ، مده نه یازدمسه هپسی برر برر تحقق ایدیور .
« قاتهرینا » ، نوبتجی « ایوان ایوانوویچ » ی یاتاغنه آلمق
بهانه سیله جداً صویدوردی . البسه لرك چیقاردیغی خیشیرتیدن
طوتو کزده ، عسکرک فورتلایا فورتلایا صولوماسنه قادار بوتون
تفرعات ایشیدیلوردی .

دیرکن ، ایسوه جلی قادینله موژیک یاتاغنه کیردیله . تفرقه مزك
باش طرفنده نقل ایله دیکم محاوره یی قونوشدقلری صیراده ایدی که
چادیرک پرده سی آچیلدی و « بویوک پترو » کوروندی .

« پترو » ، معلوم اولدیغی شکله « ایوان ایوانوویچ » ک
قفاسنی برقیلیج ضربه سیله کسیدی . زاواللی عسکرچک ، کسیک
قفاسیله ، یاتاغک کنارنده اوطورا قالدی . « پترو » ، نفرک
البسه لرینی کیددی و متره سیله برلکده چادیردن چیقوب کیتدیله .

« بالطه جی » به کیمده « قاتهرینا » نك ایزی ییشنمه

پروفسور بزه دونه رک :

— غوسپودا ! — دیدی . — شویله برتکلیفم وار . « پترو »
ایله « قاتهرینا » نك ایزی تعقیباً ایلری دوغرو کیده لم : — تونلی
کچه رک بالطه جینک چادیرینه وارالم . نه دیرسکیز غوسپودا ؟
تکلیفه جان و کوکلدن راضی ایدک .

هپ بردن :

— هاي هاااا ي ... — ديدك .

بن ما كينه ي آلدن . ويوله دوزولدم .

اونلرده آرقامدن يورومكه باشلاديلر . برخيلي كيتدك . او كمز
باطاقلقدى . مع هذا باطاقلغك شوراسنده بوراسنده كچه جك
يرلر بوليوردق . ايشته ، « بالطه جي » نك چاديرينه كيدرلر كن
« قاهرينا » ايله « پترو » ده بو باطاقلقدن كچمشلردى . احتمال كه
بزم باصديغمز يرلره اونلرده باصمشلردى .. مكره تاتار « منصو-
روف » ، « پترو » نك « قاهرينا » يه صاووردىغى كفرى كندينه
عائد صانارق احتمال كه شو چالى ديبندن : « تسليم ! » ديه
فيرلامشدى . بويوللرده آرتق اوچ كيشى يورودكلرى محققدى .
نهايت باطاقلق بيتدى . ايشته ايصيرغانلى بر ساحه كوروندى .
(امان ياربى ! ايصيرغانلر ايكي يوز سنه دنبرى بوراده بيته گلشلىر
ديمك !) ايصيرغانلى ساحه نك منتهاسنده ييقيق بر ديوار وار .
ديوار اوپ اوزوندى . ييقيق برسورى آ كدير يوردى .

عجبا تونلك مدخلى نروده ايدى كه ؟ ..

— آوجى خطنه ياييلارق آرايلم ، استاد ! — ديدم . —

زيرا بو ايصيرغانلر آراسنده مدخلى بولمق خيلى مشكلدر .
آوجى خطنه ياييلدق .

صرتمده ما كينه ، ديوار كناريني دولاشمغه باشلادم .

بردونه جی قیویر یلاغم صیراده بر ایکیلتی ایشیتدم که ، بو
پردوق و حظ اینیلتی یه ذاتاً آشنا ایدم .

سپر آلاق سیر ایتدم : « نهق » ، دال دال ایصیرغان
آزمانلرینی یاقلامش ؛ بونلرله « یه قاتهرینا پاولوونا » بی
قامچیلایوردی .

جانم صیقیلدی . کری دوندیکم ائناده آیاغم دیوار دیننده
برچوقوره قایدی .

ما کینه صرتمدن دوشدی .

و چوقورک ایچندن دوغرو شوسسلر کلدی :

ینه او باسه بهلری ا

« — ... اومت ، یولداش .

« — آما ایجه کوردکی ؟

« — اومت یولداش ! ... کوردم .

« — نه یاپیورلردی ؟

« — بیاض قیانک دینه او طورمش ؛ او جاسوسلق ما کینه سنی

قورمش ؛ روسیه ده کی آرقاداشلرینک تلسز تلغرافله ویردکلری
خبرلری آلیورلردی .

« — صو کرا نه یاپدیله ؟

« — صو کرا برتیه چیقدیله .

» — ٿه ههه ؟

» — اوراده ده ما ڪينه لريني ايشله تديلر ، يولداش .

» — آڪلات ، آڪلات !

» — دير ڪن آرالرنده : « تونله ڪيده لم » ديهه قونوشديلر .

» — ديمه ديمدي ؟ اير ڪچ بورايه ڪله جڪلريني خبرويرمه .

ديمدي يولداشلر ؟ بزده ، تونلك ايچنده ڪنديلرينه پوصو

قورارز... و تام يقيق يرده اوزهرلرينه چوللانديدي ايشلري

تمامدر ! «

دوشديڪم يردن قالقنجه اطرافه باقيندم .

ڪيمسهلر يوقدي .

بوروسجه محاوره نك زردن ڪلديڪني آڪلايامادم . دوشهن

ما ڪينه يي قالد يرمق اوزره يره ايكيلمشدم كه قوطوقاڀاغنك آچيلديغني

وايڪنه لرك برطاشه ياپيشديغني ڪوردم . ابره اوينامش ، قول

قيميلدامش ، و آلت ايشله مکه باشلامشدي . سس غراموفوندن

ڪليوردي .

ابره نك هانكي تاريخده دورديغنه برڪوز آتم : ابره ،

صدمه نك تاثيريله حد اعظمي يه داينامشدي . ديمك كه ، برآن

اول قونوشولش سوزلري ديڪله يوردم .

سسلردن بريني طانيمشدم .

پروفيسور «توغان توغانوفسكى» يى موسقووا دارالفنونى
شرق قريپ تاريخى صنفنده توقيف ايدن ادامك سسيدي بو! -
«چه - قا» رئيسى معاونى نك سسى!
ايواه!

ديمك كه حريفار بزي حالا تعقيب ايديورلر؟
يوقسه «بالطه جي» نك چاديرينه وارمادني نه اكسه لنه جكمي يز؟
اواشاده كوزيمه تونلك مدخلى ايليشدى . مكر مدخل ،
چوقورك ايچنده ايمش .

تويلرم ديكن ديكن ديكيلى .
اوهت تويلرم ديكن ديكن ديكيلى .
تويلرم ناصل ديكن ديكن ديكيلىمه سين كه ، «چه - قا» ، پيشمزدده
ايدى . پروفيسور «توغان توغانوفسكى» يى چالا پاچاياقالا يارق ،
سوويت حدودى داخلنه قاچيرمالرى قابلىدى ؛ (چونكه معلوم آ ،
رومانيا - سوويت حدودينه پك ياقين برموقعده بولونويوردق .)
«تاريخ غراموفونى» نى ده برابرلنده كوتورمه لرى ، كذا
ممكندى ؛ - بو صورتله ، «تهز» يمك اك مهم قسمنى ينه
اوكره نه ميه جكدم .

صاغه قوشدم ؛ غوسپودين پروفيسورى بولدم .
صوله قوشدم ؛ باريشنيا «يه قاتهرينا پاولوونا» ايله «تهق» ي
بولدم .

هپسني ده تونلڪ مدخلي اولان چوقوره ڪٿيره رڪما ڪنهي
ايشله تدم وده مينڪي محاوره بي ڪنديلرينه ديڪله تدم .
« نهق » ده داخل اولق اوزره، اوچنده ده بت بڪز بال
مومي ڪسيلي .

— ايواه ! — ديديلر — نه ياپاجغز ؟ نه ياپاجغز ؟
بن ، صوغوق قانليغمي محافظه ايديوردن .
— نه ياپاجغمز غايت بسيط، غوسپودا ! — جوابي ويردم .
— « چه قيسٽ » لري اوله دن مزاره صوقاجغز ؛ بوغاجغز .
— ناصل ؟

— ڪورمه يورميسڪز ؟ شو طرفده ڪوچش ديوارڪ طاشلري
ڪومه ڪومه ! . قوللري پاچارلري صيوايڪ ! بو طاشلري تونلڪ
مدخلنه يينارق جانمزه صوصايان « چه — قا » منسوبيني حبس
ايدلم .

« نهق » ، شاشقينقله :

— پڪي آما، — ديمش بولوندي . — « پترو » ، « ڦاٽه رينا »
وتاتار « منصوروف » ، چار چا ديرندن « بالطه جي » نڪ چا ديرينه
ڪيتمڪ ايچون اوله دمين بزم ڪچديڪمز سازلي باطاقلغني قطع
ايتشلر ؛ صوڪرا بو تونله دالارق « عثمانلو » اردوڪاهنه اوله .
شمشلردى . بز شيمدى بومدخلي طيقاياجق اولورسهق اونلرڪ
ايزيني ناصل تعقيب ايدم بيليرز ؟

— «پترو» ایله «قاتهرینا» نك بوتونله نه ایچون دالدقلرینی اونوتدیکرمی ؟ — دیدم . — تونلك اوزرنده کی ساحده چارله متره سنه تهله که تشکیل ایدن قورت قاپانلری موجوددی . حالبوکه شیمدی بزم ایچون تهله که یرك آلتنده ! بناءً علیه برچویرمه حرکتی ایله تونلك اوته باشنه تپه دن واریر وبو مدخل کبی اوبرینی ده صیم صیقی طیقادقیدی کیریمی سلامتدر غیری . . . هم فضله لافی بیراقالمده فعلیاته کیریشه لم ؛ هایدی ، طاش طاشیمغه ! .. مدخلی ، برچه یرك ایچنده اوروویردك . صوکرآ ، ینه باطاققلر آراسنده کی یولی طوتدوردق . نه ایسه افندم ، اوزا- تمایلم ، اور مدخله واردق واونی ده قاپاتدق .

اوخ آرتق ایچم فرحدی ؟ — « بالطه جی » ایله « قاتهرینا » نك بولوشدقلری یره یاقلاشدیغمز ایچون یوره کم هیجانله دولوایدی . ایش چادیر موقعنك بولونماسنه قالیوردی که بونده ده مشکلات چکمه دک . یرده کی طاشلری بربرر دیکله مک صورتیه یکیچریلرله سپاهیلرک محاوره لرندن اوتاغک یرینی کشف ایتدم . دقت ایدیورمیسکز ؟ « کشف ایتدك » دیمه یورم « کشف ایتدم » دیورم . زیرا یکیچریلر تورکجه قونوشویورلردی . آرتق مترجم بن اولشدم . وزیرك چادیری یوکسک ومنظره دار بریره قورولمش . زمین طاشدی . بناءً علیه محاوره لری داها قولایلقله دیکله یه بیه جکدك . پروفور « توغان توغانوفسکی » ،

گراموفون ابره سنی ۱۷۱۱ سنه سی یاز موسمنه دوندوردی
(چوقور باشنده ما کینه المدن دوشدیکي ایچون ابره صوک
زمانلری کوستریوردی .) چادیره ایلک اوکجه بر طاقم
مناسبتسز ، او یغونسز ویوز قیزار تیجی سوزلر جریان ایله دی که
بونلر « قاتهرینا » نك چادیره کیرمه سندن اوله راجع اولدیغی
و هیچ بر قیمت تاریخیه یی حائز بولونمادیغی ایچون روسجه یه
ترجه لرینی زائد و مغایر عار و حیا بولدم .

قانبور تاتارک قمرغوزلفی

دیرکن ، مغایر عار و حیا محاوره لردن و ملاطفه لردن صوکرا ،
« بالطه جی محمد پاشا » آلارینی شاق شاق ووردی . ایچری یه
کیردن برینه :

« — قانبور تاتار بونده میدر! آنی حضوریمه ایله ته سوز!

— دیدی .

« — بونده در دولتلو ، فرمانک باشم اوزره .

« — هایدی سزده اوتاغ دولتمدن کیده سوز ، بن جمله -
کزدن بیقمشم . [پاشانک بو صورتله جیوه لکلرک خطاب
ایتدیکنی قید ایله مکله برابر جیوه لکلرک نه جواب ویردکلرینی
مسکوت کچه حکم . زیرا بو جهتلرده موجب عار و حیادر .]
« چادیره تاتار » منصوروف » کپردی . مکره تاتارک

چيغیرتقان وچاتلاق سسني دويدق :

« — امر ايت « آقاي » م !

« — آغا ! سنك قلاغوزلغك موجب تحسیندر ، غیرتك مشكورد . حقكي ویره جكم . الا ، وظیفهك تمامه ایرمه مشدر . سندن دیگر قلاغوزلق خدمتترینه طالبز . بیلورسك كه اردوگاهمزه زنه کیرمك عادت و تعاملدن دكلدر . آما بن جیوه لکلره فضله رغبت ایدهن دكل . آنلری سنك اوککچك خیمه مدن طرد ايله مشم . کوکلم خاتون چكر ، قصدم بودر كه قلاغوزلق وظیفهكي بحق اتمام ايله خیمه مه زنه کتیره سك ! آنجق بیله مم زنه یی زه دن کتیرمك ممکندر . « پترو » بوتون کویلری خك ايله یکسان ايله مشدر . رومانیاك بو حوالیسند اهاالی بی جمله قتل عام ایتمشدر . برطرفده برعورت بولونامیور . سنك قلاغوزلغك ایسه مجربدر . اولور كه بو ایشك دخی اوسته سندن کله سك .

« « منصوروف » ك خومور خومور خوموردانديغنی

دويدق . « بالطه جي » کومبورده دی :

« — نه دییورسك آغا ؟ ککز کدن قونوشورسك ؟

دیدکلریکی آکلادم .

« — باش اوستنه « آقاي » م دییورم ، فرمانك باش

اوزره ،

» — الا دييه سڪ ؛ زنه بي زرده آرايوب بولا جقـك ؟
 » — روس اردوگاهنده زنه چوقدر « آقاي » م. اونلردن
 بريني سكا كتوره يم .

» — هايدى تز آلدن بوڪارى كور !

» تاتار « منصوروف » ك چاڊيردن چيقوب ڪيتديڪنى
 دويدق . بوندن صوڪرا « بالطه جي محمد پاشا »، ينه اللرينى،
 شاقلا تدى ؛ ينه ايجرى يه دمينكى آدام ڪيردى . « بالطه جي » شو
 امرى ويردى :

» — آغا! بوكيجه قونوغم واردر. آنڪيچون عيش ونوش
 طاقنى آكا كوره تنظيم ايت ! بيلورسك كه بن چيچڪدن خوشلانيرم .
 ايج اوغلانلرينه دى كه مشعله ياقوب قيرلردن چيچك درسيدلر،
 آنلرله اوتاغمى ويا تاغمى سوسله سه م كر كدر .

» « بالطه جي » نك چاڊيرنده اوزون بر مدت فعاليت
 دوام ايتدى .

» بللى كه ، صوفرا حاضر لانيور ؛ اورتالغه چيچكلر
 سرپشديريليور ؛ شخصى مجهول ، فقط جنسى معلوم سه وكيلى
 بڪه نيوردي .

» طيشايدن موسيقى صداسى ايشديليوردي : يكيچريلرله
 سپاهيلر جوش و خروش ايجنده ايديلر . نهايت ، چاڊيرك
 قايسنده برسس دويولدي :

« — منصوروف » قولکنز کلکده در. یاننده ده قوینکزه
 لایق برزنه واردر دولتوم ... اوپله برزنه که پادشاهلره بیله
 نصیب اولما مشدر ... لاکن دشمن اردوگاهندن کلنلر ایکی کیشی
 دکل، — اوچ کیشی ...

« — اوچنجیسی کیم ؟

« — اوچنجیسی چارک ایلچیسیدر ... چار، اردوسنده کی
 اک خوبرو و خوبیدن زنهی دولتومه کونده رمشدر ... زنه
 ایله برده ایلچی واردر ... جمله سنی خیمه کزه آلامی ؟
 « — جمله سنی خیمه مزه آلاسک .

اروروزف ، ارف ۱۱

سزده بر اعترافده بولونایم ، قدرئلر ...

بن ، اولجه ، — بوما کینه ایله « بالطه جی » نک چادیرنده
 اولوب بیتهلر دیکلنه جک اولورسه اطلاعاتمک داهانته ره سان
 بردرجه یه وارا جغنی اومشدم .. حالبوکه ما کینه دن کلن سسلر
 پک انقطاعلی شکلده جریان ایدیوردی .

بوکا جانم صقیلدی : بر !

« یه قاته رینا پاولوونا » نک « نهق » ه انتقال ایله ده سینه ،

اونکله ایصیرغانلی چوقور باشنده اویناشماسنه جانم صقیلدی :

ایکی !

» چه-قا « نڪ پيشمزي حالا بيراقاماسنه جانم صيقلدي :

اوچ ...

اوهت ، ايتدي اوچ صيقتي !

بو اوچ صيقتي نڪ يوره كه بريكد يرد يكي متكائف نه نه رڙي

ايله او كمده جيز يرداين ما كينه يه شدتلي بر يومروق ايند يردم ؛
وحايقيردم :

— اووووف ... اوف !!

ايشته اوزمان ، حيا تمده اصلا اونو تاما يا جغم برخارق العاده لڪله

قارشيلاشدم .

اڪر ، ماصالرده اولديغي كبي ، طاش ياريلوب ده ايچندن

بردوداغ يرده ، بر دوداغ كوكده « اوف لالا » چيقتسه و :

— ديله بندين نه ديله رسك ؟ — ديهرك قارشيمه ديكيلىسه

ايدى بوقادار شاشالامازدم .

سزده حق ويرك ناصل شاشالاماييم ؟؟

ايشته : بولونديغمز قايلق ساحه اوزرنده هوا كشيقله شدى ،

كشيقله شدى ، كشيقله شدى ... اورتالقه بردومان چالقانير كبي

برشيلر اولدى .. — ديركن دومان مايعله شدى .. — مايعله موجهلر

ايچنده بوغولا جغم صاندم — طيقتي ده كيزه كيرمش كبي

ايدم ... — لا كن اويله برده كيزكه ، بنى بوغمايوردى —

نفس آلامه امكان ويريوردى — بودالغالى ده كيزك رنكي

بللی دکلادی ... - رنکترینک آراسنده ماوی التماعلر ، قهوه
 رنکی التماعلر ، پنبه التماعلر ، صاری التماعلر ؛ - حاصلی هر
 رنکده هر آچیقلاق و قویولقده اولدیغی کبی قیزیل ، قیپ قیزیل
 التماعلرده واردی ... - وقیزیل التماعلر پک چوقدی ... -
 صانکه ، اوزهرنده غروب اولان و بوغروبک رنکلیری تا
 دهرینلکلرینه قادار نفوذ ایده بیلن برصو کثافتی ایچنه کیرمشدکده
 یوزویوردق ... - داها دوغروسى: بوتصویر ایدیلن عجائبکده کی
 مایعک دیننده دورویوردق ... - رنکا رنک مایع ، تپه مزده
 چالقالاندی ، چالقالاندی ، چالقالاندی ... - دیرکن ، دورولور
 کبی اولدی ... - قویولاشدی ، - دیننه طور تو قویویردی ... -
 بو طور تولرده رنکا رنک طور تولردی ... - کیت کیده بری
 برلرینک ایچنه کیریور؛ شکل و حرکت پیدا ایدیورلردی ... -
 قیزیل ، قیپ قیزیل طور تولر ، هاله و قبه حالنده چپه چهوره
 اطرافنزه دولاندی ... - بزى بر قیزیل قایاق ایچنه آلدی ... -
 دورت یانمدن یانغین چیقمش ده بن بویانغینک تام اورتاسنده قالمشم
 صاندم ... - تلاشه دوشدم ، قورقویه قاپلدم ... - قاحق
 ایستهدم ... - «یه قاتهرینا پاولوونا» ده قاحق ایستهدی ... -
 «نهق» ده قاحق ایستهدی ... - لاکن پروفیسور «توغان توغانوفسکی»
 هیچده تلاشده دکل ، بالعکس سهوینجدن چیلدیراجق کبی
 ایدی؛ اوزون کمیکلی پارماغنی اوزاتمش ، دوردیرینی پرده ظیپ ظیپ

صیچرایور، بزی چه ویره ن قیرمزیلغی کوسته ریوردی .
 — ایشته ... ایشته ... — دیوردی .. وزیر چادیرینک
 قیزیلغی ... «بالطه جي» نك چادیری اطرافزده تشکل ایدیور...
 عجا پروفیسور ده لیرمشی ایدی ؟...
 حقیقه ده ده لیره بیلیردی . زیرا اطرافزده کی منظره بزی
 ده لیرتمیه جك کیی دکلدی .
 دیرکن پروفیسور ، بوسبوتون چیلهدن چیقدی ؛ — بونیه
 صاریلدی . بنی ایکی یاناغمدن اوپدی :
 — یکر می سنه در اوغراشوب ، اوغراشوبده میدانه
 کتیردیکم ما کینه مک برتورلو ایشله تمکه موفق اولامادیغ «تاریخ
 دوربینی» قسمنی ده بریومرو قدده سن ایشله تدك تورك کنجی ! —
 دیدی . — بنی عفو ایت ! ده مین سسن ، ما کینه یه یومروغی
 ایندیردیکک زمان بویله علوی بر مقصدك اولدیغنی بیلمه یوردمده
 سکا بردنبره قیزمشدم ! بنی عفو ایت ! باق ، باق ... چادیرك
 قاپوسنده ، هنوز غیرمتشکل بر حالده «قاتهرینا» یی ، «پترو» یی ،
 قانبور تاتار «منصوروف» ی کورو یورمیسك ؟ ... هاه هاه
 هاه ... قانبور تاتار «منصوروف» ك قانبورینه ده باق !...
 حقیقه ده ، تپه مزدن اعتباراً بزی قبه کیی قاپاقلایان
 قیزیلغك بر طرفنده اوچ کولکه واردی واوچ کولکدنک بری
 قانبوردی .

چاڊيرڪ اور تاسنه دو غرو باقدم: بوراده ده برخيالت قيميلدادى.
باشنده بياض بر بولوط دولاشيور كيي ايدى. چكه سنك
آلته ده بر بولوط موجوددى :- وزير اعظم « بالبه جي محمد »
پاشاي طانيدم .

فقط بوتون بو خيالتلر هنوز طبعي جسامته دكلديلر .
ديوارلره عكس ايدن كولكلر قادار بويوكديلر؛ ما كينه
ايشله دجه كيت كیده کوچولويور، کوچوليور، کوچوليورلردى.
آرتق، اطرافمزده چالقانان مايعدن اثر قالماشدى. هررنك،
باشقه بر رنكه التحاق ايتدى؛ بر طرفه چكىلدى و « صلب »
اولدى .

بوتون اشكال ، طبعي جسامتلىرى اكتساب ايله ديلىر .
چاڊيرك ايچنى سيره باشلادم :

« بالبه جي محمد پاشا » نك صيرتنده ، سمور وزربف
واردى. دستار كيمشدى. ديزلرنده چاقشير و آياقلرنده قيرمزي
چديك پاپوچلرى كورونويوردى . صاقالى كوبكنه قادار
كله جك درجه ده اوزوندى . پارماقلى نادیده مجوهر يوزوكلرله
سوسلو ايدى . بونلرى بوتون وضوحيله كوردم . حتى وزير
اعظمك آرتق ياواش ياواش علائم وجهيه سنى ده تفرقه باشلامشدم .
« دورت آرقاداش ، - متحير ، - باشمزي ، وزير اعظمدن
« قاتهرينا » يه ، « پترو » يه وقانبورتاتار « منصوروف » ه چوپردك .

آل چاديرك ايجنده بونلر كده اشكالى آرتق بوس-بوتون تيلر ايتمشدى . « قاتهرينا » نك ، - بو مستشنا قادينك ، - مبالغه ايله آچيق ده قولته سي آره سنده كوزه چارپان « او شمال مملكتلرينك فجر دائميرندن خلق اولونمش قادار صاف وشفاف وجودينه » حيران حيران باقديغم صيراده روس چارينك متره سي ده چاديرك داخلنده كي بوتون اثرى موجوديتلر كي تماماً مادي بروضوح كسب ايتدى و « يه قاتهرينا پاولوونا » يه دوغرى يورودى . حقيقت حالده ، « قاتهرينا » ، « يه قاتهرينا پاولوونا » يه دكل ده « بالطه جي محمد پاشا » يه دوغرى كيديووردى . فقط بز، چاديرك تام اورتاسنده . - يعنى ، پاشا ايله « قاتهرينا » نك آراسنده بولونديغمزدن ، - اسوه چلى قادينك وزير اعظمه كيتمه سي ايجون بزم دورديغمز نقطه دن كچمسي لازم كليوردى . چارك متره سي داها ياقينمزه كلنجه دوبالالاشان بر حيرتله كوردم كه « قاتهرينا » ، « يه قاتهرينا پاولوونا » نك قوپياسى ، طبيقيسى ، طبياطيبي ! آرالرنده كي مشابيهت ايكي داملا صويك يكدىكرينه بكمزه مه سي درجه سنده ايدى . اسوه چلى قادين ، صانكه بز آراده يوقشز كيبي ، - صانكه ماده دن متشكل دكلشز كي وجوديمزك ايجندن ، - صورتا صلب حالنده كي فقط حقيقتده اثرى وجوديله كچدى - رونتكن شعاعى كي كچدى - جامدن كچن ضيا كي كچدى . « پترو » ايله قانبور تاتار « منصوروف »

آرقاده قالدیلر . روس چارینک مترهسی وزیر اعظمک اوکنده
روقوقو اتکلکینی مراسمیور بر ظرافتله قالدیرارق وجودینه
نازنین بر ره وهرانس انحناسی ویردی . وزیر اعظم :
« — صفالر کلشسر ! — دیدی . »

پروفیسور « توغان توغانوفسکی » نک قولندن یاقالادم :
— رؤیامی کوروپورم استاد ؟ — دیدم . — بو خارق العا-
ده لکلر نه در ؟ سز ، بزه « تاریخ غراموفونی » کزدن بحث
ایدرکن ، بو غراموفونک قاتی اجسام اوزرنده منقوش قالان
سس ایزلرینی دولاشوب چالیدیغنی سویله مشدیکز ، حالبوکه
شیمدی « تاریخ غراموفونی » عینی زمانده ، تعیریکز وجهله
« تاریخ دوربینی » وظیفه سنی کوروپور . غراموفونک نظریه سنی
بزه آکلاتدیکز و تجربه لرینی کوستردیکز . فقط تاریخ دوربینک
ماهیتی حقنده اک ابتدائی بر معلوماته بیله صاحب دکلز .
پروفیسور :

— ناصیل ؟ — دییه دوداق بوکدی — بن سزه قایالرده
فوطوغرافیک بر خاصه موجود بولونیدیغنی ، حتی بوسایه ده
خط استواده کی اشکالک یمن طاشلرینه کوزله کوروله جک ،
الله طوتولابیله جک جسماتلرده منقوش قالدیغنی خبر ویرمه مشمی
ایدم ؟ دنیا یوزنده کی بوتون طاشلر ، خرده بینی شکلده دخی
اولسه ، جوارلرنده جریان ایدهن حادثه لری سینهلرنده ضبط

ايدر لر. بنم ما كينه، ايشته بو خرده بيني كوچوك فوطوغرافلري
 بويوتن بر ميقر و سقوب كيبيدر. يا خود ته الله سقوب كيبي. هاني
 پناير يرلرنده چوجوقلره بش اون پارا مقابلنده، چيفت
 اوژه كتيفلرله سير ايتديريلن رسملر اولور... ايشته « تاريخ
 دور بيني» ده، او كا بكزه ر. قايلار ك سطحلرنده منقوش مضبوطاتي
 مجسم ومهيكل بر طرزده كوزاو كنده جانلانديرير. يعني قيصاجه،
 طبيعتك ياراتديغي سربلردن بريني ياراتير. صانكه قايلار بر فيلم،
 - ما كينه مده برسينه ما آلتيدر. لا كن، سينه ما ايله « تاريخ
 دور بيني»، آراسنده فرق شو كه، سينه ما، پروژه كسيوتني مسطح
 بر « نه قران» اوزه رينه عكس ايتديرير. حالبو كه « تاريخ
 دور بيني» نك پروژه كتوري، اجسامده منقوش اشكالي
 هواي نسيمي ايجنده جانلانديرير. بن بو « تاريخ دور بيني» ني
 نظريه موافق بر طرزده وجوده كتيرمش؛ فقط اوني بر
 تورلو ايشله ته مه مشدم، تورك كنجي! ما كينه مك دور بين قسمي
 طبق بوزولمش بر ساعته بكزه يوردي :- احتمال سركده باشكزه
 كلشدر؛ جيب ساعتكيزك هيچ بر چرخي، هيچ برويداسي
 اكسيك اولماديني حالده بعضاً طيقيرتيسي دورو ويرير. آرقاسنه
 تيق تيق وورديكز ميدي، ساعت ينه طيقير طيقير ايشله ر.
 ايشته، تورك كنجي، سرك ايكي يومروغكز، ما كينه مه اويله
 تيق تيق وظيفه سني كوردي.

پروفیسور بزه بو ایضاحاتی ویردیکی اثناده چادیرك ایچنده کی
مراسم حالا دوام ایدیوردی .

« « بویوئ پترو » ایله تاتار « منصوروف » قاپونك اوکنده
یدی کره سجده یه قاپانوب یری اویدیلر . صو کرا آیاقده دیوان
دوردیلر . وزیر اعظم ، قانبور تاتاره :

« — چارك ایلچیسی یانکده کی کیشیمی؟ — دیه صورتی .

« — اوت ، دولتوم ، یانمده دوران کیشیدر .

« — آکا کاوورجه صوراسك که نیچون کلشدر ؟

« « منصوروف » ، « بالطه جی » نك دیدکلرینی « پترو » یه ترجمه

ایتدی ، « پترو » ده جواباً :

« — چار ، دولتو ایله قونوشوب کوروشمك ومصالحه یه

زمین حاضر لامق اوزره متره سی « قاتهرینا » یی کوندرمشدر .

بنده کز آکا آنجق رفاقت ایتمکده ایم ! — دیدی .

« بو سوز اوزهرینه ، — « بالطه جی » ، یرندن قالقارق

ایسوه جلی قادینه سدیرده یر کوسته ردی . ارککلرده ده :

« — هاه سز ، چادیرك کنارنده انتظار قیلک ! — دیدی .

« بوجله یی سویله دیکی زمان ، « بالطه جی » نك یوزنده کی

تبسمه ، آل حرکتنده کی اینجه لکه باقدمده حیرت ایتدم . نه غریب !

بالطه جیلر اوجاغندن تیشمه اولان بوقسطمونیلی وزیر — طور

وحرکتلری اعتباریله مکمل برجتلمندی . قابا صاقالنه رغماً ،

یوزنده چیزیلهن تبسم ناز کدی . ایری یاری قالب قیافتی خلافتنه
بر اندرون چاپیلکی ایله قونوشماسنی بیلوردی . کنجلیکنده
مؤذن صفتیله سرایه آلینماسنه سببیت ویرهن سسی ، حالا غایت
کوزهل و غایت آهنگداردی .

« ارککلر چادیردن طیشاری چیقوب کورونمز اولدقدن
صوکر « قاته رینا » یه آلنی اوزاتدی . اونی ، پارماق لرینک اوجندن
طوتدی و داربللی ، پنبه یاناقلی « آفه مینه » [۱] فرانسز شووالیه
لرینه غبطه ویره جک بر ادا ایله ، « عثمانلوجه » :

بـ نور لو آکلر شامابور لر !

« — صفالر کلشسز ! — دییه تکرار لادی .

« « قاته رینا » بالطه جی یه جواب ویرمه دی . حیرت و قورقو
ایچنده باقیوردی . بر آن آکلایامادم : — وضعیتده حیرت ایده جک ،
قورقاجق نه واردی که ؟ ایسوه جلی قادین ، بوراده ، — بو چادیرده
یابانجی برار ککله یاپا یالکیز قالا جغنی اوکجه دن بیلمه یورمیدی ده
شمدی بویله تلاش و قورقو علامتلی کوستریوردی ؟ بوتلاقی بی
حاضر لایان کندی دکلیدی ؟ . . . او حالده « بالطه جی » دن
قورقیورمش ، چکینیورمش کیبی بر طور طاقینماسنده نه معنا
واردی ؟ . . . بالخاصه ، « قاته رینا » نک نه سجیه ده بر قادین
اولدیغندن وجودینی یابانجی ارککلر دن ناصل اسیر که مه دیکندن

معلوماتدارم ... « قاتهرينا » نڪ ، ذوق اڇون ، ڪنديني
اوتھ ڪينه بهريڪنه تسليم ايتديڪني يقيناً بيليردم . بر غايه
اوغرنده ، « عثمانلو » وزيرينهده تسليم اولماسي اونجه محذوري
اولا بيليرميدى ؟

« دوغروسى يا : ڪنج قادينڪ » بالطه جي محمدپاشا « ڪي چلبى ،
جنتلمن بر وزيره قارشى ميرين قيرين ايمه سنده ڪي سبب
آكلاشيلامايوردى ؟

« احمد ثالث » ڪ وزيرى ، يرلردن طوپلاديغى چيچڪرله
بربوكت ياپدى وبوبوكتي متبسم وملفت برطورله « قاتهرينا » يه
اوزاتيركن ، برأليهده ، بركره بوكتي وصوكراده ايسوه جلى قادينى
كوستروب « سز چيچك قادار كوزلسيكنز » ديمك معناسنه
كتيردى .

« آه ، ايسته اوزمان « قاتهرينا » نڪ يوزنده ڪي استخفاف
ونفرت علامتلىرىنى كورمه ليدىكنز ، قارئلر ! « قاتهرينا » ، « بالطه جي » نڪ
بو « غالان » طورينه قارشى بر دوداق بو كوش بوكدى كه ،
بو حالى ايله بكا « يه قاتهرينا پاولوونا » نڪ مختلف فرصتله ، مختلف
يرلرده ، نازك معامله لرم سبيله شخصى تحقير ايمه سنى خاطر لاتدى .
« ڪنج قادينله وزير اعظم آراسنده ، برآنده بر آكلاشا .
مامازلحق حاصل اولمشدى . « بالطه جي » ، بوصوغوقاغى كيده رتمك
اڇون ، تبسمنى داهها زياده ظريفله شديره رك بيزانس سرايلرينك

اك انجه ، اك متبصبص ، اك معیندار ، و اك چلی طورلرینی
طاقیندی .

« — سز سلطانم نیم دیلی ؛ بنده سز سلطانمك دیلنی
آکلاماز . أما لسان حال ایله آکلاشورز ! — دیهرک سدیرك
اوزرینه کندی ده اوطوردی ؛ ایسوه جلی پی ده اوطورتدی .
» بو کتده کی چیچکلری تکرار داغیتارق « قاتهرینا » نك
آیاقلرینه سرپدی . صو کرا ، کنج قادینك فیل دیشی بیاضلغنده کی
اصیل آللرینی طوتوب قوللرینی اوپدی . ده قولته کردتی ، ایپك
برقوماشی طلا ایدرجه سنه ، نازك برحر کتله صیوازلادی .
« قاتهرینا » پی اینجیتمه مکه غیرت ایدهرک ، یاناغندن ده خفیفجه
اوپدی . و :

« — رخسار آلك کلر قادار خشبو ! — دیدی .
» قاتهرینا « ، اوقادار ایر کیلیور ، اوپله فنا لاشیوردی که
الریله یوزینی قاپاتمغه مجبور اولدی . روسجه اولارق :
« — آمان نه سینیر . . . آمان نه سینیر . . . — دیه
ابکله دی .

دوت آرقاداش ، چادیرده کیلره ایجه یاقلاشمش ، اونلری
یاقیندن تدقیق ایدیوردق .
طبیعی جسمتمده ایدیلر .

صانڪڙ، کيزليجه چاڊيره کيرمش نامرئي انسانلردقده،
 - روحلر ايدكده - اونلر، موجوديتمزدن بي خبر، ڪندي
 عالملرنده ياشايورلردى. اڪر بودنياده کي حياتدن صوڪرا ديڪر
 بر حيات موعود ايسه، واکر بو مابعدالطبيعى حيات،
 - اسپر تيزمه نك وعد ايله ديكي ڪبي، - جسدلردن معرا ارواحك
 حال حياتده کي انسانلر آراسنده دولاشماسى صورتنده تجلى
 ايدجڪسه؟ - ايشته بز، داها شيمديدن اوزوقى طاديورديق.
 يالڪنز برفرقله: اولوممزي متعاقب، بزدن صوڪرا کي انسال
 آره سنده دولاشاجنز؛ حالبوڪه پروفيسور «توغان توغانوفسكى» نك
 ما ڪينه سى سايه سنده اجدادك مجلسلرينه اشتراك ايله يورز.
 بومهم ڪشفندن دولايى استادى تبريك اچون، يانمهدونديكم

زمان، اونى، غريب بر مشغلهده بولدم:

هواده اوچان برسینكى اولامق ايسته يورمش ڪبي، ألى
 صاللايور؛ و«بالطه جي» ايله «قاتهرينا» نك وجودندن ڪچيريوردي.
 بنده اونى تقليد ايتدم.

آزدها ڪولمڪدن قيريلاجقدم... اويلهيا: قارشىڪزده
 دوران، وسزك اوراده بولونما ڪزدن بي خبر اولارق، اكصمى
 اكخصوصى مناسباته ڪيريشهن انسانلره دوغرو طوقات آتارجه سنه
 آل صاللايورسڪنز، - وبو قارشىڪزده ڪيلر، قونوشدقلىرى،
 صاريلوب اوپوشدقلىرى، ڪولوشدقلىرى حالده؛ - حاصلى نام

و بر حيات برر انسان منظره سي عرض ايله مه لرينه رغماً ، -
الکزه کچمه يورلر؛ - قابل لمس دکلر؛ - الکز اونلرک وجوديني
برباشدن بر باشه قادار طی ايدم بيلور ...

بوايشک غرابتنی آرقاداشلر يمه ده سويله مک اوزره «يه قاتهرينا
پاولوونا» يه دونديکم زمان برده نه کورهم ؟
کنج روس قیزی، ايکی أيله يوزینی قاپاتمش ؛ قارشيسنده کی
انتهرسان منظره يه باقايوردی .
طبقی « قاتهرينا » نك حالي آلمشدی .

« ديرکن » بالطه جي » ، « قاتهرينا » يه بر قدح ايچکی ویردی .
بللی که ، بويله لکله ، ايسوه جلی قادينک « حجابنی » داغيتمق
ايسته يوردی . غالباً ، قادينک بوتون بو احترازلرينی چرکس
خلايقلرده کوردیکی « بکر و صفوت » ه حمل ايله مشدی .
« بيچاره آدام ، « قاتهرينا » نك مازوخيست اولديغنی
نه بيلسين ..؟

« کنديسنه :

« — او اويله ناز و نعمله يوله کلز ! قامچيلا ! .. قامچيلا ! ..

— ديهه باغیرمق ايسته دم .

« و بر آن ، غفلته قاپيلارق و کوزمک اوکنده کی صحنه يی
حال حاضرده جريان ایدن بر صحنه صانارق بوتور کجه سوزی حايقيردم .

لا کن صوڪرا ڪنديه ڪلدم .

» زيرا « بالطه جي » ، بنم بوسوزلر يني نظر اعتباره آلمادي .
 « قاتهرينا » يه ، ينه اسڪيسي ڪي سه وه اوقشايه ، اوپه صيوازلايه
 معامله ايتدي . چيچڪلري ياتاغه سرپيشدي ردي . حتي ، « قاتهرينا » نڪ
 او ڪنده ، - صاحنه صاقلنه باقادن - ديز چو ڪدي ، آغلادي .
 آغلادي . وبن ، آڪلادم ڪه ، بوصورتله ، « استحقار نفسدن »
 ذوق دويدي .

» في الحقيقه « بالطه جي » بوطرز حر ڪتنده معذوردي . زيرا ،
 - « قاتهرينا » نڪ اڪ طاش يوره ڪلي ار ڪڪلري حضورنده
 ديزه ڪتيره جڪ كوزه لالڪندن صرف نظر ، - « بالطه جي » ايري
 ياپيلي بر آدامدي . ديو آسا ايدى . او بر ار ڪڪلر ڪر بر بوچوغي ،
 حتي ايڪيسي قادار قوجامان بر جته يه صاحبدي . قابا صاقلليدي .
 » بوشكل وشمائله ار ڪڪلر ، عاشقانه حياتلرنده ، اڪثريا
 ڪندي شكل وشمائللرين ڪ تماميله ضدي بر طور وحر ڪت طاقيئرلر ؛
 سه وڪيلير ينه قارشى لطف وعاطفته دورانيئرلر . اونلري اوزمزلر ،
 خير پالامازلر . قوجامان وجودلري آلتنده قادينلريني اور سه له مڪدن
 چڪينئرلر . جنس لطيفه قارشى عادتا پڪ نارين بر اويونجاق
 معامله سنده بولونورلر ...

» ايشته « بالطه جي » ده ، ديو آسا بر آدام اولديغي اچون ،
 جته سيله تضاد تشڪيل ايله يه جڪ طينته ايدى . - بو سبيله

« قاتهرينا » يه نازكانه معاملهده بولونيوردي . — بو حال ايسه مازوخيست ايسوه جلي قادين چيله دن چيقارييور ؛ اوني عصبيت وانكساردن نه ياپاجغني بيلمز برحاله صوقويوردي .

« قاتهرينا » نك ، غير طبيعي برسسله :

« — اللهم !.. بونه يحيم اركك ؟ ... بونه يحيم اركك ؟.. »

بن اوني بويله مي صانمشدم ؟.. چادير قاپوسندن اچري يه كيرديكم زمان ، « بالطه جي » نك قابا صاقلنه ، قالين قاشلرينه ، اورمان آيلري قادار قوجامان وجودينه باقمشدمده ، بو وجود آلتنده اُك قابا صابا معامله لرله ازيله جكمي دوشونديكم اچون سه وينمشدم.. حالبوكه ...

« ديه اينيم اينيم اينله ديكني ، شيرشپر آغلاديغني كورنجه ، « بالطه جي » ، برقصورايتدم صانوب بوسبوتون نازكله شيوردي . « قاتهرينا » ، اچندن چيقيلماز بر وضعيته قالمش ، فلا . كترده انسانره خاص بر طورله ماوي كوزلرني سمايه دوغرو چويرهرك :

« — آمان ياربي ! آمان ياربي ! — ديه فوق الطبيعي بر قوتدن استمدادده بولندي — بومزعج ، بو سينير آدامك آلتدن قورتولمق امكانسز ... كيم ديردي كه وزيرك ديو آسا و حقيقي اركك قالي آلتنده بر نانه منلا روح كيزلي بولونسون ؟ « بالطه جي » ، كننج قادينك ، آكلاماديغي برلسانده ، بر

شیلر سویله دیکنی کوره رک تلاشه دوشدی :

« — نه دیلهر سز ، نه امر ایدرسز سلطانم ؟ — دییه رک
 « قاتهرینا » نك لپسقه صاحیلرینی ، تماس ایله بوزولماسندن
 قورقولان اینجه ایپک برلاهور شالی اوقشار کبی صیوازلادی .
 — نه دیلرسز ، نه امر ایدرسز ؟ اوزون یولدن گلشسز ، اولور که
 تابکیز توانکیز کیلمشدر ، کرک که صویوناسز ، دو کونه سز ؟
 کرک که راحتلانه سز ... »

« بویله سویلیه رک ، چارک متره سنی صویمغه باشلادی . ایلاک
 اوجکه ده قولته أنتاریسنک قوپچه لرینی چوزدی . هر قوپچه چوزو-
 لدجکه اوزون صاقالیه ا یکیلیور ؛ و صانکه صاقالک قابالغی
 کیده رتمک ایسترجه سنه خفیف و نازک بر بوسه ایله « قاتهرینا » یی
 اویوردی . »

« یه قاتهرینا پاولوونا » :

— امکانی یوق بن بولوحه یی سیره دایانامایاجغم ! — دییه
 ایکله دی . — امکان و احتمالی یوق . . رجا ایدهرم ؛ بنی طیشاری یه
 چیقاریکیز ! . . فقط چادیرک قاپوسنی صیم صیقی اورتمشلر . نره دن
 چیقاجغمی کس دیره میورم . هر طرف قیپ قیزیل چادیر .
 پروفیسور ، « نهق » و بن ، کنج روس قیزی نه متانت توصیه
 ایتدک . تاریخی حادثه لر مواجهه سنده بی طرف و صوغوق قانلی

داورامق ضرورتی اوکا آکلاتدق . لا کن بیچاره یه ایسپاموزلر
کلیوردی . سویله دکلریمزی قبول ایده مه دی .

— اصلتو «ماتوشقا» مه قارشی روا کورولن بویله تحقیر آمیز
معامله لری سیر اتمکه کوزمده ، کوکلمده قائل اولمایور! — دییه
اصرار ایدیوردی . قالدین بویله می اویولور ؟ قالدین بویله می
صویولور ؟... بنی چادیردن طیشاری چیقارک . رجا ایده رم .
سینیرمه دوقوندی . دایانامایاجم ! فقط قاپوی بولامایورم ،
چادیر قاپوسی نرده ده ؟

پروفسور :

— مادامکه مطلقا بورادن اوزاقلاشمق ایسته یورسکنز ،
چادیر قاپوسنی آرامغه لزوم یوق ! — دیدی — چادیرک پرده سنه
دوغرو یورورسکنز ؛ بو پرده پی لامسه کزله اصلا دویمادن ،
و اصلا اوکا ده کمه دن او بر طرفه کچرسکنز .

پروفسور ، ما کینه پی اولدینی یردن قالدیردی ؛ قایلرک
باشقه بریرینه کوتوردی ، قویدی . بو ائنده سسلر تمامیه
دیندی ایسه ده اشکال ، بردنبره داغیلما دی . یالکیز برآن ،
«نهت» لکنی غیب ایتدی . صوکرآ ، ما کینه یکی یرینه قونجه
«نهت» لک ینه حاصل اولدی . سسلر ینه باشلادی . بویکی یر ،
تام چادیرک اؤتکلرینک آلتی ایدی . ابره لردن بر قسمی چادیرک
داخل زمیننده کی ، او بر قسمی خارجنده کی قایلره تماس ایله یوردی .

باریشنیانك قولنه كیردك. چادیر پرده سنه دوغرو یورودك.
حقیقه ده، صلب حالنده ایمش کبی کورونن چادیرك پرده سنی
لامسه مزله حس ایتمه دن، — طبیقی بر بولوط آراسندن کچه رجه-
سنه، — اوته طرفنه کچیو یردك.

بردنبه اودیمر پاطلادی.

طیشاریده اورتالق کیجه ایدی.

ایکی ایزباندود مثالی حریفله قارشى قارشى به گلشده. بونلردن
برینك آنده یالین برقیلیج واردی. قافاسی تراشلی و بورکلیدی.
صاقالی هر نه قادار تماماً تراشلی ايسه ده بیقلىری یاتاقلى و پالا
ایدی. قوللری صیوالی، وقیللی کوکسی آچیقدی. باجاغنده
شالوار، آیاقلرنده چدیک پاپوج موجوددی. او بر آدامده
آشاغی یوقاری بونك کبی علی العجائب حریفك بریدی!
قورقدم:

— سز کیمسکیز؟ بوراده نه ایشکیز وار؟ — دییه صوردم..

— هم شیمدی کیجه می یا؟ کوندوز...

پروفسور، بنمله آلاى ایتدی:

— تورك کنجی! بو کیجه یی شیمدیکی زمانه راجع می ظن

ایدیورسك؟ بونلری ده حال حاضرده یاشایان آداملردنمی
صاندك؟ کوردکلرك لاقل برچق، ایکی عصر اول دارجنانی
بویلا دقلری ایچون کندیلرندن قورقما که حاجت یوقدر.

آکلادھکی ؟ بونلر ، « بالتھجی » نك چادیر نوبتھیلری !
استاد ، بویله سویلیهرك ، دیدیكنی اثبات ایچون ، ألی
صاووردی . ألی ، « پترو » نك « ایوان ایوانوویچ » هصاللا-
دیغی پالا کبی ، نوبتھیلرك وجودلرینی بر طرفدن بر طرفه قطع
ایلهدی . او زمان بنده قارشیللاشدیغمز ایکی کیشینك اثری
وجودلر اولدقلرینه قناعت کتیردم .

اطرافه برکوز آتدم: چادیرلر ، چادیرلر، برچوق چادیرلر
کورونیوردی . لاکن چادیرلرك یاقینمزدہ بولونانلری واضحدی؛
او برلری ایسه ، دومانلی برحالدہ کورونیوردی . حاصلی ، -
مرکزی تاریخ ما کینه سنك بولندیغی موقعده اولق اوزره ،
دائروی الشکل برسراب خلق اولمشدی . و بز بو سرابك تام
مرکزنده بولونویوردق . اورتاسی کیجه ، اوتہ طرفلر کونلك
کونشلكدی .

چادیرلرك اوکلرنده عسکرلر اوطورمشلردی . کیسی
ساز چالیور ؛ کیمی جیوه لکلرینی سینہ سنہ چکمش تورکو ،
چیغیریوردی . اوتہده بهریده آتشلر یاقشیلردی . نوبتھیلر
دورویوردی .

فقط بن ، اطراف ایله فضله مشغول اولغی بی معنا بولدیغم
ایچون ، هله بروزیر چادیرینك جوارینه کوز آتایمده یکی باشدن
« بالتھجی » ایله « قاتھرینا » نك یانہ کیرهیم ، دیدم . اساساً،

« یه قاتهرینا پاولوونا » یی قولزدن براقش ، بر چنلک اوزرینه اوطورتمشدق. تکرار چادیره دالمق اوزره ایدم که ، ایکی آدیم اوتوده ، چادیرک تام بیتیشکنده کولکه حالنده ایکی آدامک وجودینی حس ایتدم. بونلردن بری قانبورتاتار « منصوروف » ، اوبری « دهلی پترو » ایدی .

دقت ایدنجه برده نه کوریم ؟ ! « دهلی پترو » ، چادیرک بر دهلکنه کوزینی اویدورمش ؛ ایچری یه باقمايورمی ؟ وقت کیجه اولدیغی ایچون ، « پترو » ایله « منصوروف » ، قارا کلقدن بالاستفاده چادیرکنارینه صوقولملشلردی . کیجه لری جریان ایله یین حادثاتی بیله ضبط ایله یین بوما کینه ، هر حالده فوطوغرا-فلردن ده مکملدی . « پترو » ایله « منصوروف » ک یانسه یاقلاشدم .

چادیرک ایچینی کوزه نلر بورلر!

قولا ق قولاغه قونوش-یورلردی . نه دیدکلرینی دیکله دم . « پترو » ، « منصوروف » اوصوللاجق :

« — سنده پرده یه بر دهلیک آچ ! ایچریده اولوب بیتنلری سیر ایتسه کئه ! — دیوردی .

« — مسلمانلقده کوز زناسی ده زنادر ؛ حرامدر ! سیر

ایده مم ...

» «پترو»، حظ ايله :

» — اوووح ، اوووح ... اعلا ، اعلا ، اعلا... تمام.

» — نه اولدي ؟

» — ايشلر تام ايسته ديكم شكلنه کيرپيور .

— «يك اعلا يا ، « آقاي » م... حقيقه ده اويله .. ايسته،

سلاحلريكنز يانكزده ! دوشمان وزيرى ايكي آديم اوته كزده.

آتش ايتديكنز ميدى « بالطه جي » يي همان وورابيلرسكنز ...

» — خير ، « بالطه جي » يي وورمايا جغم ! بنم « ايشلر تام

ايسته ديكم شكله کيرپيور ! « ديمكده كي مقصدم تماميله باشقه .

» — آكلا يامايورم ، « آقاي » م !

» — بونده آكلاما يا جق برشى يوق .. كوزيكي ده ليكه

ياناشدير . اوزمان كورورسك .

» قانبور تاتار « منصوروف » ، « بالطه جي » نك چاديرينه

ده ليكدن باقامقده اصرار ايديوردى . مع مافيه ينه موردى :

— ايجريده نه لر اولويور ، « آقاي » م ؟ نه دن « ايشلر

تام ايسته ديكم شكله كيردى . دييورسكنز ؟

» — نه دن اولاجق ؟ . . « بالطه جي » ، « قاتهرينا » يي

صويويور .. همده بيك تورلو التفاتلر بذل ايدهرك ، چيچكلر

تقديم ايديوب اوني نازكانه بوسه لرله اوپهرك ...

» بو تفصيلات وتعريفات ، تاتارك فنا حالده مسلمانلق ،

عصبيتنه دوقوندى؛ — آدامجىز ، عادتا ، قابورىنى دوزه لتي رجه .
سنه دوغرو لى :

« — نه ؟... » اوپهرك « مى ؟.. نه ديورسك « آقاى » م
ناموسك الكدن كيديور... هانى خدعه حرب ياپيوردك...
بن بويله خدعه حربدن كچدم اول ديدى . . . چك
پيشتووى [۱]؛ وور ايكيسنى ده ...

« پترو »، هيچ ده پيشتووى چكوب متره سيله « بالطه جي » ي
وور مق نيتنه دكلدى . بالعكس ، ذوق و حظ ايچنده ايدى .
كوزمل بررؤيا كوروب ده ، بورؤيايى ، — مست ، — صايقلان
انسانلر كي دوشوندكلرينى و كوردكلرينى جهراً سويله يوردى :
« — بالطه جي » نك عشق و احتراصده بير تيجى و پارالا ييقلده
بنى كچه جكندن قورقويوردم . . بو صورتله ، « قاتهرينا » ي
كندينه بند ايدى چك ديه ، اودم پاطلايوردى حالبوكه
شمدي ممنونيتله كورويورم كه ..

« — ممنونيتله نه يي كورويورسك ؛ « آقاى » م ؟
« — نه يي مى كورويورم ؟... اولاي سوهج قرالى « ده مير
باش شارل » ك ايلك او كچه صانديغم كبي « عثمانلو » قرار كاهنده
بولونماديغنى ؛ وثانياً ...

[۱] پيشتوو ، آرناوود قاواصلرك حالا قولاندقلى خوروسلى
ابتدائى بونوع طابانجه .

» — أولا سني آكلادق ... نه ... وٽانيا؟ ...

» — وٽانيا ، « بالطه جي » نڪ ، متره سمي اوقشايا اوقشايا

صويديغني كورويورم .

» — آمان بره !.. بوني كورويورسك ده حالامي دورو-

يورسك ؟... حتي بوني كوروب سهوينيورسك اويله مي ؟..

» — البته .. البته سهوينيورم ..

» — نه دن آقاي « م ؟ .. عقم فكرم سكا امانت ، ياربي ؟..

نه دن ؟ نه دن ؟... اوردوي قورتارايم دير كن قاري بي ده ، -

اصل ناموسي ده ، - الدن قاچيردم ديه رك چيلديردكي يوقسه ؟

واه زواللي « آقاي » م واه ...

» — صوص به ... صوص ... صوص ده سير ايده يم...

باق ، باق ، باق ... « بالطه جي » ، « قاتهرينا » نڪ انتاريسي ،

« غالان » ومراسم پرور جنتلمنلرك ، ضيافت صوفرالرنده موز

صويديقلى كبي ، مهارتله ، اورسه له مه دن چيقاردى... چيقاروب ،

متره سمي ، يارى چيلاق بر حالده ديزلري اوزرينه اوطورتدى ..

اوح .. مسعودم ..

» — « آقاي » م !.. سن حقيقه چيلديردك . بارى

پشتووكي ويرده شونلري بن كبرته يم !.. چونكه بوينوزليلق

سندن بكاده سرايته باشلايور ..

» « پترو » ، « دور ، مانع اولما ! » معنا سنده تاتارى ايتدى .

کوزى حالا ده ليکده ، دوام ايتدى :

« — قادين بويله مى صويولور ؟ ... هاي آبدال هاي ...
قادين صويولديغي زمان ، البسه سي و ايچ چاماشيرلري ليه ليه
ايديلير ... قادين بويله ، محلينك طادينه باقار كيبي مى اوپولور ؟ ..
قادينى اوپهن اركك ، شكارينه آتلايان صرتلان حالنده ، بوتون
تويلريله ديم ديك قابارمالى ، دورت چچه سنك يكرمى طيرناغيله
ار ككله شهر ك قادينك وجودينه كومومله لى و قادينك وجودينى
قان روان ايچنده بيراقاليدر !!

« — آقاي » م !

« — باقسه ك آ ! ايشته سكا بر ده ليك آچيورم ... ايجرى يه
باقسه ك آ ... » بالطه جي « قاتهرينا » نك اسقارپينلرني چيقاردى .
شيمدى ده چورابلرينى صيريور ... آ ، آ ، آ ...

« — آقاي » م ! ... سن حالامى تحمل ايديورسك ؟

« بيله م : « پترو » ايله « منصوروف » چاديرك بهرى طرفنده
فضله تحمل ايتديلرمى ؟ ايمه ديلرمى ؟ فقط بزده صبر و طاقت
توكنديكى ايجون ، ده مين چاديرك بو طرفنه ناصل اثيرى بر جسم
كيبي كچد كسه ، شيمدى ده هم چارله تاتارى ، هم ده پرده يي ينه
اويله جه مرور ايله چاديرك ايچنه دالدق .

« فى الحقيقه ، « پترو » نك ديديكى دوغرو ايدى :

« « بالطه جي » سدير ك اوزهرنده اوطورويوردى . باشنده كى

قاوونچی چیقاروب یانه براقشداق . قیرصاچلری قیسه کیلمشدی .
باشی چوق منتظم برباشدی . صرتندن سمور کورکنی آتمش
اولدینی ایچون بورومجک کوملکه وشالوارله ایدی . چدیک
پاوجلرینی ده سدیرك برکوشه سنه آتیورمشدی .

«قاهرینا» یی ایچ چاماشیرلرینه قدار صویمشدی . ایسوه جلی
قادینک روقوقو اتکلکی ، « بالطه جی » نک سمور کورکی ایله ،
— صاحبزندن داها اول صارماش دولاش اولویرمشلردی .
شیمدی « بالطه جی » ، ایسوه جلی قادینک جنس و بیاض قیصر اقلری
آکدیران ایری یاییلی فقط چالاک وجودینی ، — حالا یاری
یاری یه قوجاغنده طوتمقله برابر ، قسماً سدیر یاصدقلری اوزرینه
بوشالتمشدی . هانی ، مهتابی قاپاتان بولوط ، بدرتامک اوزه رندن
چکیلیر چکیلمز ، مهتابک صولرده کی سر و سیمینی بردنبره
ناصل آیدینلانیورر ، ایشیلدارسه ؛ ایشته ، « بالطه جی » ده
« قاهرینا » نک موزون باجاقلرنده کی اینجه چورابلری ماهر
برأل حرکتیه چیقاریویرنجه ، کوزلرمده اوילה برایشیلدایش
اولدی . . . مع مافیه ، « ایشیلدایش » یالکنز بنم کوزلرمده
دکلدی غالباً . . . غالباً ، بیاض بولوط ، صاقلالی سردارک کوزلرنده ده
شیمشکلر چاقدیردی که ، وزیر ، کنج قادینک بیاض آیقلرینه
برییلدیریم کی قاپاندی ، و مینی مینی وان کدیسی یاورولرینی
آکدیران بو آیقلری اوپدی ، بونلری اوپهرك آغلادی . .

« قاته رینا » نك آياقلىرىنى و بر حجر مقدسى اوپر جه سنه ، يوزينه كوزينه ، صاقلانه سوردى . « بالطه جى » يى آكلايوردى :

« او تااا قسطمونيندن چيقوب ده ، « خوب نفسلى ، كوزل سسلى و علم موسيقي يه هوسلى » بر شاب امرد اولارق سراي هايونه آلينديغى تاريخدن اعتباراً ايشته هر كسى بويله آياقلىرينه قاپانديرمشدى . كيت كيده جمله جهان اوكا طاپينير اولمشدى . وبوصوك مظفريتدن ، - « پروت » مظفريتندن صوكر اخليفه روى زمين « احمد ثالث » ك ياننده برسردار روى زمين « تبردار محمد پاشا » اولارق يوكسه له جكدى ؛ - جهان اوكا سرفرو ايده جك ، اونك آياقلىرينه آبرولر دو كه جكدى .

« بو مستثنا وضعيت ، ديوجته لى وزيرك روحنده بر عكس . العمل ياراتوب ، اونى ، اعصار ايچنده نادر يتيشير « قاته رينا » نوعندن بر دلبر حضورنده ديزه كتيرسه ؛ - اوكا ، « قاته رينا » نك آياقلىرنده كوز ياشلىرى دو كدورسه ىرى دكلىدى ؟

« او آراق كوزم ، ايسوه جلى قادينك يوزينه ايليشدى . « قاته رينا » نك حيرتى ، چادير خارجنده دوران تاتار « منصوروف » ك حيرتندن داها فضله ايدى بلكه . . . تاتار « منصوروف » ، مسلمان و متعصب منطقى ايله چارك مرضى و مادى تجبى طرز محاكمه و تحسنى ناصل احاطه ايدمه ميورسه ، - ايسوه جلى مازوخيست كنيج قادينده ، وزيرك سرفرو و تظلمنى بر تورلو

آڪلاما يوردي. کوزلري يووالرندن اوغرامشجه سنه، هم قورقو
هم نفرت، هم ده حيرتله باقيوردي. ايسوه جده كي پروتستان
راهبندن باشلامق شرطيله، شيمدي يه دهك بش ار ككك سوره كلي
متره سلكني يامش؛ ونجه نجه كيمسه لك كچر آياق عاشقداشاغنده
بولونمشدي. فقط هيچ برار كك اونى قير باجلا ياجق يرده بويله
ديزلرينه قاپانماش، آياقلىرى اوپمه مشدي.

« قاته رينا »، « بالطه جي » نك آرتق تماميله صويدىنى
وجوديله، - بياض ومدور قالچهلري، منتظم ومرمر قارنى،
طاشقين كوكسى، حاصلى بوتون موجوديتيله - قباحتى فقط
مطيع بر اهلى حيوان حالنده سدير ك كوشه سنه طوپارلانوب
سينمش؛ قارشوسنده غضوب ودهلى دولوبر صاحب بكه يوردي! -..
حالبو كه « بالطه جي »؟

« اويوشاما يورلردى، آكلاشاما يورلردى.

باصفيق!

تام او آراق، چاديرك ديشاري سندن دوغرو بر كورولتو
ايشيدىلدى:

روسجه بر طاقيم سسلر دويولدى:

— كيرهلمى؟

— كيرهلم اما نره دن!

— قاپوسی کورونمه یورکه . .

— هله شو پرده یی آرالا . .

ایلك اوکجه اويله صاندم که تاتار «منصوروف» ایله «دهلی پترو»، انکهایت جوشدیلر؛ چادیرک ایچنه باصغین ویره جکلر!
دورت قولاق کسیدم .

عجبا چادیرک طیشنده کیلر، — یعنی چارله تاتار، — پرده یی
قالدیروب سلمه السلام ایچری یه کیرمک جسارتی کوستره بیله جکمی
ایدیلر؟

هم، هانکی جسارتله باغیرا باغیرا قونوشیورلردی؟
اورایه خرسزلاما صوقولمش دکلر میدی؟
اونلرک بویله: «کیرم می؟»، «کیرم آما نره دن؟»، یوق
بیلیم «شو پرده یی آرالا!» فلان دییه رکدن یوکسک سسله
قونوشمالری اوزرینه وزیر اعظمه کنج قادینک نه وضعیت
طاقیندقلرینی تدقیق ایتمک ایسته دم .

حیرت !!

بهریکیلر هیچده اورالی اولمامشلردی .

طیشاریده کی سسلره اصلا آلدیریش ایتیه یورلردی :
وزیر اعظم، آرتق «قاتهرینا» یی بوسبوتون صویمش؛
کندی ده ایری، ایلغازلی وجودیله عریان برحاله کلشیدی .
ایسوه جلی قادینی، حالا، ایپکلی قوماشلرک نسجه باقار کی

اوصول اوصول طلاده بردوامدى .

سسسلر ، نهايت ڪيت ڪيده چوڌالدى :

— چاديرك ڦاپوسنى بولامايورم ياهو !

— ڦالدير شو پرده پي .

— آ . . .

— نه او ؟

— بوراده ايڪي عجائب آدام داها وار ..

— بونلردن بريني طانيدڪي ؟

— يوووق ...

— ناصبل طانيمادڪ ؟ .. باقسه ڪ آ : «بويوك پترو» ڦيليغنه

ڪيرمش برى !.. بلڪه بزمڪيلردر .. «نيقولا» !. ياقالا شوني !..

ههههه !! همشهري .. اللر يوقارى !. واي ! اللريني يوقارى يه

ڦالديرمايور ، بزي ڪورمه منزلڪدن ڪلوب حالاچادير دهليڪندن

ايچرى يه باقيورسڪ اويله مى ؟ . آتيلڪ شو حريفڪ اوستنه !

چادير خارجندن ڪلن بومحاوره اوزرينه ڪوزلريمزى دورت

آچدق . دورت قولاق ڪسيلوب اوطرفه دوغرو باقغه باشلادق .

طيشاڙيده بر ايتشمه اولدى . ده مينڪيلردن برى :

— حريف ياقالا نمايور ! بويولوميدر نه در؟ — ديهه باغيردى .

ايتشمه پي متعاقب ، پرده پي صانڪه دهلوب ده ايچرى يه ڪيرمش

بر باش اوزاندي .

ایشته او زمان ، محو اولدیغمیزی آکلادم .

زیرا باش ، « چه - قا » اعضاسندن برینک باشی ایدی :-
 « چه رژیسیکی » نك معاوتنی طانیدم !! مدافعه وضعیتی المامزه
 میدان قالمادی ؛ بری برلرینی یووارلایارق ، دورت بش کیشی
 بردن ایچری یه دالیدلر . بلای که ، تونله حبس ایتدیگمز وأولمه دن
 مزاره صو قدق صاندیغمز بلالی حریفلر بر قولایینی بولوب اورادن
 چیقمش ، پیشمز صیرا بورایه قادار گلشلردی . شیمدی ده ،
 چادیرك خارجنده ، کوزینی پرده ده لیکنه اوی دورارق دوران
 « پترو » نك خیالنی یاقالا یالم دیرکن ، یکدیگرلرینه طاقیلمشلر ؛
 وایشته بویله ، پالاص پاندراس « بالطه جی » نك چادیرینه
 تکرلنمشلردی .

ایچلرندن برینک چیزمه سی ما کینه نك قوطوسنه شدتله
 چاریدی .

ما کینه ، زمین قایالری اوزه رنده فنا حالدده سورچه رک بر
 باشند او بر باشه قادار یووارلانندی ؛ دیرکن ، بر یرده دوردی .
 بر معتادینه چیزیردامقده دوام ایله دی .

ایشته او زمان اطرافمزده کی آل چادیر ، روزکاره طوتولمش
 کیبی چالقاندی ، چالقاندی . . . سدید اوزرینه ، یان یانه
 وتمامیله عریان دینه جك بروضعیتده اوزانان وزیر اعظمه « قاتهرینا » ،
 ما کینه نك سورچوب چادیری بر باشند بر باشه طی ایله مه سی

وبو سببیه اثری چادیرك قیرمیزیلغی فورطنه یه طوتولش کیی
 آلاق بوللاق اولماسی اثناسنده ، - معتاد حرکت ته مپوسندن
 بر خیلی مقدار داها متزاید بر سرعتله ، - عادتا قاصیرغایه
 طوتولش بر حالده، یکدیگرلرینه کندلنهرك فیر دوندیلر ؛ -
 آلاق بوللاق اولدیلر . ظیرده لی بر ما کنیستك انه کچمش
 بر سینه ما فیلمنده کی انسانلر کی یاقلاشوب اوزاقلاشدیلر ،
 اوزاقلاشوب یاقلاشدیلر . - دونوب یاتدیلر، یاتوب دوندیلر ؛
 قیزغین طاوایه قومش بالقر حالنده، اولدقلری یرده صیچرادیلر...
 دیرکن خیزله قالدیلر... یینه خیزله کیتدیلر . - اوپوشدیلر . -
 وهجالی بر برینه گرفت برشیلر قونوشدیلر ...

لاکن بوتون بو آکلاتدقلم ، - بر آن ایچنده ، - یعنی
 « چه - قا » اعضاسندن برینك ما کینه یه تکمه ایندیردیکندن
 ما کینه نك قایالر اوزرنده کی دیگر بر نقطه ده دورماسنه قادار
 سوردیکی ایچون ، - نه صویونان « قاتهرینا » ایله « بالطه جی » نك
 اثری منظره لر قاصیرغالاشدیغی اثناده یابدقلرینی وضوح ایله کورد
 بیلدک ؛ نه ده قونوشدقلرینی آکلایا بیلدک .

« تاریخ غراموفونی » نام دیگر « تاریخ دوربینی » توقف
 ایتدیکی زمان ، شویله بر منظره قارشیسنده ایدک :

« تهردار محمد پاشا » ، سدیرنده باغداش قورمش اوطورو -

یوردی . چادیرك ایچنده ، قاپوده ، یاتاقلی پالا بیقلى و تراش
 قافالی معهود یاری عریان حریف ایله آرقاداشی ، آلرنده یالین
 قلیجلر ، نوبت بکله یورلردی . « قاتهرینا » ، « بویوک پترو » ،
 قانبور تاتار « منصورف » ، وزیرك اوکنده آل پنجه دیوان
 دورویورلردی .

« وزیر، تاتار ترجمان واسطه سیله ، چارك ایلچیسی صاندیغی
 « پترو » یه دییوردی که :

« — کندوسنه بیلدره سک ، « منصور اوغلی » ! ذات
 دولتم مادامایله عریض و عمیق ، دور و دراز قونوشارق مطابق
 قاشم : مصالحه عقد ایلیه جکیز . الا ، آنلر بکا یارین علی الصباح
 بر هیئت رسمیه ایله بعض هدایا و بهایا »

« بالطه جی » نك داها فضله سویله مه سنه امکان قالمادی .
 زیرا ، « چه-قا » رئیس ، رووه لودرینی بزه توجیه ایلیه رك :
 — پروفیسور « توغان توغانوفسکی » !! — دییه حایقیردی . —
 سزی ، رئیسمز « چه رترینسکی » نامنه توقیف ایدیورم !! آلر
 یوقاری !!

دورت آرقاداش بربریمزه باقیشدق .
 جواریمزده ینه فوق العاده لکلر اولویوردی .

« تاریخ غراموفونی » نه دن صوصدی دییه باشمی چه ویره رک
باقدم .

« چه-قا » اعضاسندن بری ، آلتی یاقالامش ، قایالردن
قالدیرارق آلنه آلمشدی . « بالطه جی » نك سویله دیکی سوزلرکده
بوسبیدن انقطاعه اوغرا دیغنده شبهه ایدیله مزدی . نته کیم ایشته
چادیرک قیزیللغنده بر غیر طییعیلک حصوله کلدی .

« بالطه جی محمد پاشا » ده ، « قاتهرینا » ده « پترو » و
« منصوروف » ده ، قاپوده کی نوبتچیلرده ، اولدقاری یرده بلا
حرکت طوکا قالدیلر .

چادیرک ایچی ، - کویا « نته » لکی کیت کیده بوزولان
بردوربینله سیرایدیلیورمش کیی - طوکوکلاشدی ، طوکوکلاشدی ،
طوکوکلاشدی ... رنگلر ، اوچوش-دیلمر ؛ مشعله لرک ایشینی
زائل اولدی ؛ اثری اشکال ، سیسینمش حالنده بیله قالامادی .
اطرافزده نه وار ، نه یوقسه هرشی داغیلدی ... بوصورتله ، وزیر
اعظم چادیرینک وقتیه قورولمش اولدیغی قایا اوزرنده ، « چه-قا »
اعضاسیله قارشی قارشی یه قالدق .

حالا روولوه لرینی پروفسور « توغان توغانوفسکی » یه
دوغرو توجیه ایله مکده ایدیلر .

بزلی آدم یرینه بیله قویما یورلردی .

« چه - قا » رئیس معاونی شوپله دیدی :

— کوروپورسکیز که اختلال حکومتک الی حدود خارجلر-
ینه قادار اوزانیور . سز ، روسیاده جاسوسلق ایتدیکیز ؛
« چه - قا » حبسخانه سندن قاچدیکیز ! نهههه ، هایدی باقالم،
یولداش ! کریسین کری سوویت مملکتلرینه ...
پروفسور :

— افندم بن جاسوسلق ماسوسلق یامادم ! - جوانی
ویردی .

— ناصل جاسوسلق ماسوسلق ایتدیکیز ؛ ایشته ما کینه کیز .
— بوما کینه جاسوسلق ما کینه سی دکل .
— یانه ما کینه سی ؟

— « تاریخ غراموفونی » ، عینی زمانده « تاریخ دوربینی » .
— « تاریخ غراموفونی » ، « تاریخ دوربینی » ده ناصل شی ؟
پروفسور ، « چه - قا » اعضاسنک کندینه توجه ایدهن
روولوه رلری قارشیسنده ، حالا اللریوقاری قالمش بروضعیتده ،
ایضاحات ویردی ؛ « تاریخ غراموفونی » نك نه اولدیغنی آکلاتدی .
هوای نسیمی اهتزازلرینک احجارده براقدیغنی تأثیراتدن بحث
ایله دی . کذا ، « تاریخ دوربینی نظریه سی » حقنده ده ، - قایالرده کی
فوطوغرافیک خاصه حقنده ده ، - دورودراز تفصیلات ویردی .
ما کنه سنک جاسوسلق غایه سیله دکل ؛ بلکه تاریخی تتبعات
اندیشه سیله ایجاد اولندیغنی سوپله دی .

لا کن « چه - قا » منسوبینی بوتون بو ایضاحاته اینامق
طرفداری دکلردی .

ایچلرندن بری :

— واقعا دهمین اوتته بهری کوردك آما، بونلر قارماقاریشیق،
آلت آلت، اوست اوسته برشیلردی . - دیدی - بزه واضح
بر لوحه کوسته رکده ما کینهك علمی بر آلت اولدیغنه دائر
قناعت کتیرهلم...

پروفسور :

— پکی ! - دیدی و کولدی .

صو کرا ، ینه کولومسیهرك علاوه ایتدی :

— دهمین کوردکلریکنز البته قارماقاریشیق اولور! زیرا
آلت ته تکمه ووردیکنز واونی قیالر اوزرنده سورچدیردیکنز !
بوتون منظره لری اُك جان آلاق نقطه سنده آلاق بوالاق
برحاله صوقدیکنز . فقط شمدی، مادمکه ما کینهك یکی باشند
ایشله مه سنی ایسته یورسکنز ؛ های های ! ایشله ته یم ..
« توغان توغانوفسکی »، ما کینه یی تکرار قایلرک اوزه رینه
انطباق ایتدیردی .

« چه - قا » اعضاسی ، دورت کوز و دورت قولاق
کسیلمش ؛ پروفسورک نه یاپاغنه باقیورلردی . ایشک ایچنده
برحین اوغلی حینلک اولماسین دیه صوک درجه تیقظده ایدیلر .

استاد ، مانيوه لايي قيميلدا تدي .

مانيوه لا قيميلدار قيميلداماز ، هم معهود چيزيرتي باشلادي ؛
 - هم ده ، تپه مزده ؛ بن ، ده مين ، جانم صيقيلوب ده «اووف»
 اوف ! «ديهرڪ ما كينه يه يومروق اينديرديكم زمان حاصل
 اولان ، رنكارنك - آلي ، يشيللي ، ماويللي ، بياضلي ، مورلي ،
 پنبه لي - پيريلتيلر واوچوشمارل قيميلدامغه باشلادي . بونلر ايلك
 اوڭجه صورتا دومان كي ايكن ، كافي السابق مايعله شديلر ؛
 اوزه ريمزه دوغرو طور تو پيراقديلر .

طورتولرڪ رنكلرينه دقت ايديوردم .

بورنكلر ، ا كثریت اعتباريله قيرميزي ايدي . وقيرميزيلق ،
 قبه حالنده اوزه ريمزه اينوردی !

اوزمان ايچم سه ويخمدن هوپ ايتدي : - ديمك كه ده مين
 ده ليرمش برسینه ما ما كينيستنك آينه كچهرڪ دورت نعله دونمك
 صورتيله بر فيلم منظره سي عرض ايدهن سراب تاريخي يي ، بو
 سفر ، طبعي بطائتده سير ايده جكدك ! چونكه ، تپه مزده كي
 طورتولر دورولدقچه ينه بر معتادوزير اعظم چاديرينك اورتاسنده
 قالدیغمزی فرق ایتدم .

ايشته چاديرڪ قاپوسي !

ايشته سردار اكرمك سديري .

ايشته سديرڪ اوزرنده كللي فल्ली «تبردار» !!

لا کن هیهات که ... یوز کره، بیک کره، اون بیک کره،
یوز بیک کره هیهات که، وزیر اعظمک یاننده « قاتهرینا » اوطور-
مایوردی . « قاتهرینا »، چیریل چیپلاق و سیمین وجودیله
« بالطه جی » نک یاننده یاتمایوردی .

مصاد

« وزیر اعظم، سدیرك اوزرنده یالکزدی .
« قارشیسنده بر رحله، رحله نك یاننده برتورك، بر روس
کاتب، برده قنبور تاتار « منصوروف » اوطوریوردی . بس
بللی، تاتار، بر معتاد، ترجمانلق وظیفه سنی ایفا ایله مکده ایدی.
وزیر اعظمک قارشى طرفنده بر طاقیم صاریقلى صاریقلى آداملر
وبونلردن ماعدا روس جنراللری واردی . روس جنراللرینک
کیم اولدقلى نى تشخیص ایدمه دم . بونلر، اوطورمایورلر،
وزیر اعظمک قارشیسنده ال پنجه دیوان دورویورلردی .

« ما کینه نك چیزرتیسی دوام ایدیورذی .
« کاتبلر آیاغه قالدیلر . ایلك اوجکه « عثمانلو » لرك کاتبی،
صوکر ا روسلرك کاتبی عینی مألده بر عباره اوقودیلر . نتیجه ده
قانبور تاتار « منصوروف » دین وایمانی اوزرینه یمین ایدهرک
ایکی لسانده کی مآلك عینی اولدیغنی تأمین ایله دی . بو صورتله
ابتدائی برکاتب عدل وظیفه سنی کورمش اولدی .

مع مافیه ، آرادن ایکی عصر کچمکه برابر ، ایکی لسانده
اوقونان عباره لرك مألجه بری برینك عینی اولدیغنی بنده تصدیق
ایدهرم .

کاتبرك اوقودینی و چادیرك ایچنده کیلرك دوت قولاق
کسیلهرك دیکله دکلی شو ایدی :

» [حالا بتوفیق الله الملك لعلام عسا کر نصرت انجم نهر
پروت کنارنده مسقو چارینی بالجمله مسقو عسکر یله محاصره
ومقابله ومقاتله ایله تصدیق ایلدکلرنده بلطفه الکریم وفضله العمیم
چار مرقوم مصالحه یه مراجعت ایدوب و طرفندن صلحه طالب
اولدکلرنده صلح وصلاح ک قیود وشروطی بووجه اوزره مقصود
ومربوط اولمشدرکه :

» (آزاق) قلعه سی نیجه آلمش ایسه کالاول اراضی وسائر
تماتیله طرف دولت علیه یه تسلیم اولنه و (طفیان) و (قمانکه)
و (صمار) و (ماغده) و (یکی قلعه) کلیت ایله هدم اولنه و (قمانکه) نک
ایچنده طوپ وجهه خانه سی بالکلیه دولت علیه طرفه تسلیم اولنه
و فیما بعد محل مرقومده طرفیندن قلعه بنا اولونماق اوزره
(لهلوین) و آکا تابع اولان (یوتقالو) یه وقریم خانی اولان
سعادتلو دولتکرای خان حضر تلی طرفه تابع اولان قزاقلره
من بعد مداخله اولنمیوب اوته دن برو نیجه ایسه بتون اول یردن
ال چکوب و بعد الیوم قره دن ممالک محروسه یه تجارت ایله کلوب

و کيدن بازو ڪانڊن ماعدا استانبولده ايلچي نامنه طرفلرنده
 ڪمسنه اقامت ايمه يوب بوندين اقدام و حالا اولان مسلمان اسيرلري
 هر نه مقدار ايسه ڪيرو دولت عليه طرفنه تسليم اولنمق اوزره
 اسوج قرالى دولت عليه نك زير جناح عنايتنه التجا ايمڪله
 بعداليوم اسوج قرالنك ڪنار و مملڪتنه امن و سلامت ايله ڪيتمسنه
 قطعاً طرفلرندين ممانعت و تعرض اولنم يوب مابينلرنده توفيق اتحاد
 بولنور ايسه مصالحه ايلنه لر . [»

« ڇه - ڦا » اعضا سندن باشقه برى :

— بونه ؟ - ديهه حايقيردى .

براوچنچيسى :

— شيمدى ڪورد ڪلريمز و ايشيتد ڪلريمز اصلا دهمينڪنه

بڪزمه يور ! - ديدى .

دوردنخى بر « ڇه قيسٽ » :

— بونه بچيم « ڦاٽه رينا » موضوعى ؟ - ديوب چيقيشدى .

بوتون بوتعريضلر د مقابل ، پروفيسور « توغان توغانوفسكى »

ايضاحات ويرمك مجبوريتنده قالدى .

— غوسپودا ! .. سز دهمين ماڪينه يي يردن قالد يردنغڪز

صيراده ابردىي اوينا تمشسڪز . وقايع تاريخيه ايلري يه صيچرادى .

يعنى ، شيمدى « ڦاٽه رينا » « بالطه جي » يه وداع ايتمش ، « پترو »

ایله برلکده روس اوردو کاهنه عودت ایله مش بولونیور .
 بو کوردیککنز تابلو ایسه روسلرک عثمانلو وزیرینه بر هیئت
 کوندره رک مصالحه امضالا ماسنه عائددر . فقط قونوشما یالم ده مسئله نك
 آرقاسنی دیکله یه لم .

کاتب متنی او قومقده بردوامدی :

«... مصالحه ایلیه لرو فیما بعد دوات علیه طرفندن مسقولویه
 و آنک طرفندن دخی ممالک محروسه یه منسوب اولان رعایا
 و برایا و سائر لرینه بر درلو تعدی و تجاوز اولونماغنی شروط و عهدی
 ایله سبقت ایدن کستاخانه حرکترلرندن اغماض عین بیورملق
 اوزره شوکتلو عظمتلو عنایتلو پادشاهمزک کمال فضل و کرم
 ملوکانه لرندن رجا و نیاز اولنوب منوال مشروع اوزره آستانه
 سعادتده انشاالله تعالی عهد و میثاقی بغلنمق و طرفینه صورت
 ویرمک اوزره وکالت مطلقه من حسبیه تمسک تحریر اولنوب
 طرفلرینه ویرلمشدر و چار مرقوم درون تمسکده مذکور اولان
 شروط و قیود اجرایی ایچون رهنلر و طرفیندن تمسکر آلنوب
 ویرلدکن صوکره عسکرلرک دوغرو یوللریله مملکته کیمه سنه
 کرک عسا کر منصوره و کرک طوایف تاتار و سائر لرندن بر فرد
 ممانعت و مداخله ایلیوب و ذکر اولونان ماده لر تسلیم اولنوب
 طرفندن عهد نامه لر او قونوب ویرلدکن صوکره چار مزبور

طرفندن مأموراً رهن اولمق اوزره اوردوی هایون نصرتمقرونه
كلوب چارك محرم اسرارى قدوة اعيان الله المسيحه بارون قانچلادو
شافرو و شرميت اوغلنك اوغلى جنرال ميخائل ولد پتروس
ختمت وعواقبهم ماباخير اتمام خدمت ايلد كده بلاتأخير ملكتارينه
كيتمه لرينه دولت عليه طرفندن اذن و رخصت ويرملك اوزره
اشبو محله شرح ويرلدى . تحريراً فى اليوم السادس من شهر
جمادى الاخر سنه ثلث وعشرين ومائه والف .]

عفو ، ظفرك زكاييد

« كاتب بوسطرلرى اوقودى و صوصدى .

« مصالحه نامه نك توركجه و روسجه قسمى اوقوندقن صوكر
وزير اعظم متنك روس مرخصلرى طرفندن امضاسى ايچون
تاتار «منصوروف» واسطه سيلاه امر ويردى :

« — منصور اوغلى ! — ديدى . — كفارايله چيلرينه

ديه سك : مهرلرينى باصالر !

« — ...

« — امرىمى دويمادكى ، « منصور اوغلو » .. سكاديرم :

كفار ايله چيلرينه ديه سك . مهرلرينى باصالر آنلر زير
مصالحه يي تمهير ايله ينده بن دخى تمهير ايله جكم .

«روحاً بحق مسلمان اولان و بونی بوتون تدقیقاتمز
اثاسنده اثبات ایله مش بولونان قانبور، آلرینی اوغوشدوریور؛
- وزیر اعظمك آمرینی یرینه کثیرمه یوردی .

«کوزلرینی، دهشتله، فال طاشی کبی آچش، سردارا کر مه

باقیوردی .

«تاتار، دوردی، دوردی ده، نهایت :

« — وزیرم ! — دیدی . — وزیرم ! اهل اسلامك باشنه
آچا بوایشی . . سن بنی عورت دلالی یرینه قویدك . آما بن
ینه سنك انجامکی دوشونورم . یاما بوایشی پاشام . . «قاتهرینا» نك
برکیجه لك اوستون کوری معاشقه سی اوغرینه اسلامك صوك
امیدینی قیرما . مسقوف چارینی محاصره ایتدك . بن او جانبدن
کلیورم . بیلورم که عسا کر منصوره که یورودیسه ك کفارك
جمله سنی نهره دو که جکسك . مقصدك مسقوف قلعه لرینی هدم
ایسه، بوقلعه لرك ایچنده کی جبه خانہ یی [۱] آلمقسه، بونك ایچون
مصالحه یه لزوم یوق . دوشمانکی نهره دو کدن صوکرا آرزو کی
یرینه کتیریرسك . شاید آرزو ك مسقوفلرك قازاقلره ایلیشمه مه سی
ایسه، سن، چارلریله برلکده مسقوفلری صویه دو کد کدن صوکره
قازاقلره کیم ایلیشه جك ؟ درعلیه ده ایلچی ایسته میورسه ك محو
اولش بر دولتک ایلچی کونده رمه سی اساساً ممکن دکل ! اسیرلریکی

کری المقمی مرادک؟ روسیانک ایچریلرینه دوغرو اوردوکی
سوردر؛ مسلمان اسیرلری کندک دهوشیریرسک! دمیر باش
شارل ایله برلشهرک اسوه جه قادار طپیش طپیش کیده بیلیرسک!
ا کر کوکلک دیلهرسه ممالک اسلامیه ده کی رعایای عفو عمومی به
نائل ایت. فقط بونلر ایچون مسقوفلرله بویله عجائب شکلده
مصالحه به حاجت یوق، وزیرم!.. عسا کر نصرت انجامکه یورو
دیمهک کافی!... الله سکا بو ظفری ویردی... قطعی صورتده
مظفرسک، سردارم... ظفر کدن استفاده ایت!

« بالطه جی صاقلانی قاشیدی. اندرون چلبیلکی ایله:

» — الله بن قولنه ظفر احسان ایله دی. — دیدی. —

الا، ظفرک زکاتی ویرمک کر کدر... حدیث شریف وار:
العفو زکاة الظفر!

» — وزیرم! دولتلوم! سردارم! یاپما بواشی! کافری
صاغ قویما... از «پترو» نک قافاسنی! از... «پترو»، ییلان
کیدر. اکر او، سنی آینه کچیرسه ایدی ظفرینک زکاتی
ویرمیه جکدی... «پترو»، شخصی میللری اعتباریله پک عجائب
برآدام اولابیلیر. لاکن او، اسکی مسقوفلری بام باشقه برحاله
صوقدی. مملکتی داخلدن قوتله نیدردی. قارا کشیشلرک
حکمرانلغنی بالطالادی؛ روسلری خرستیان تعصبندن قورتاردی:
— تستری النغا ایله عورتلری ده انسان درجه سنه یوکسه لتدی؛

بویله لکله روسیه نك نفوسی ایکی مثلی آرتدی دینسه سزادر !
 - صنایعی تشویق ایله دی . علوم و فنونه دائر آثاری لسانه
 ترجمه ایتدیردی . حاصلی ، وزیرم ، مسقوفلر آرتق سزك بیلدیككیز
 مسقوفلر دکلدر . بن ، آنلرك ایچلرندن کلیورم ، آنلری بیلیرم .
 اگر سز شیمدی بوفرصت الیکزده ایکن چارله اوردوسنی
 احما ایتمزسه کز الکزده باشقه فرصت کچمیه جکدر . . زیرا
 داخلندن قوتله نن روسلر نظرلرینی آرتق خارجه چویرمشلردر .
 ممالک محروسه اسلامییه یی استیلایه باشلایاجقلردر . نته کیم بونک
 تجربیه سنی برقچ کره یاپدیلر : (آزاق - آزوف) سفرینی
 اونوتدکمی سردارم ؟ واقعا بو (آزاق - آزوف) سفرنده
 طالع حرب «عثمانلو» یه یار اولدی ؛ لا کن « پترو » ، بوندنده
 ییلمادی ؛ برسنه صو کرا (آزاق) ی فتح ایتدی . اوزمان او ،
 سزه آجیدیمی ایدی ؟ ظفرینک زکاتنی ویردیمی ؟ سن ده اوکا
 آجیا ... از « پترو » یی .

«منصوروف» بوسوزلری سویلدیکی صیراده وزیر، دوشوندی،
 دوشوندی ده ، نهایت :

« — دیدکلرك دوغرودر . آما بن چاری اسیر ایلرایسه م
 مسقو ممالکن کیم اداره ایدر ؟ — دییه صوردی .
 « قانبورتاتار ، قرق بش زاویه داها قانبورلاشدی . »

«الني، ايڪنجي برقولاق حالنده قولانغي اوزهرينه قويارق

پر حيرت :

» -- ليڪ ؟ -- ديهه صوردي .

» «بالطه جي» ، -- ذڪا و تجرب به سنڪ فائيتندن امين، هجهرلي

آغير آغير تلفظ ايليههرك ده مينسكي جملهي تڪرار لادي :

» -- ديرم كه ، آغا، ديدكلرك بر باقيمه دوغرودر. آما،

بن چاري اسير ايلهينده مسقو ممالڪن كيم اداره ايدر ؟

» «منصوروف :

» -- مسقوف ممالڪني كيمڪ اداره ايدر جي سنڪ اوزريكه

وظيفه مي ، « آقاي » م ؟

» -- نه دهه ح... آرتق بونلرك ديردير لائماسي جان صيقدى به !..

نه ديدكلرندن برشي آكلامايورم ...

بوصوك سوزي سويلهين، «چه-قا» منسوبينندن برى ايدى.

» -- قاپاتك شو باش بلاسنى ! -- ديهه حايقيردى . -- داها

دوغروسى قاپاتمايك ده ده مين بز چاديره كيرديكمز زمانكي لوحه يي

تڪرار لاتك !

صوردم :

» -- «قاتهرينا» ايله «بالطه جي» نك سدير اوزهرنده

ياتدقلىرينه دائر لوحه يي مي ؟

« چه - قا » لی :

— أوهت !! — دیدی . — فقط ما کینه یه سز آل دکدیر .
 مه یك !! بوما کینه یی بن قوللانق ایسته یورم ... سویله یك ،
 ده مینکی لوحه یی تکرار جانلاندرمق و کوکلزك دبله دیکی قادار
 سیر ایتمک ایچون نه یامالی ؟
 پروفیسور « توغان توغانوفسکی »، ابره یی کوستره درك استعمالنه
 دائر ایضاحات ویردی .

لا کن « چه - قا » لی ، — اونك ایضاحاتنه توفیقآ ،
 — ابره یی صاغ طرفه دوغرو چویره جك یرده خیزله صوله
 چویردی . صوك حدینه یاقین بردرجه یه کتیردی .
 ایشته اوزمان ینه یپیک برخارقه ایله قارشیلانلاق :

« سدرک قارشیسنده دوران رحله لرله اورحله لرک باشنده
 اوطوران کاتبلر وقاووقلی آداملرله روس ایلیچیلری، چادیرک
 ایچندن سر اولوویردیلر .

« سدر اوزرنده ، ینه یاری صویونش « بالطه جی » ایله
 تپه دن طیرناغه دهك عریان « قاتهرینا » به لیردی .
 « ده مینکی وضعیتده قوجاق قوجاغه ایدیلر .

« منظره یی بوسفر داها یاقیندن کورمک اوزره، ایکی آدم
 آتوب تا یانلرینه قادار صیچرادم .

« قاتهرینا » نك اوزون لېسقه صاحپلری ، « بالطه جی » نك بوینته دولانمشدی . بالطه جی ده قوتلی قوللرینی ، صانكه . . . باجاقلریله باجاقلرینی . . . دوداقلرینی . . . ایلرییه . . . تیتره شدیلر . داها قوتلی صاریلیدیلر . . . « قاتهرینا » سدیرده آرقاسی اوستی یاتارکن بو سفر « بالطه جی » آرقاسی اوستی یاتیویردی ! « بالطه جی » . . . آرالرنده گرفت اولدیلر . . . اوقادار سرعتله دوندیلر که آرتق کوزه کورونمه یورلردی . . . هانی بروانتیلاتورک قانادلری دوردیغی زمان فرق ایدیلیرده دوندیکی زمان فرق ایدیلر . . . اولرده شیمدی ، بویله ، فیر دونهرک طانیماز برحاله کلشلردی .

بن ، بوتون حرکتلرینی تعقیب ایده بیلیمک مقصدیله کوزلریمی دورت آچشدم .

فقط بونده موفق اولامادم .

چونکه ، حرکتلری ، یوقاری سطرلرده یازدیغم کی ، قارما قاریشیق وانقطاعلی ایدی ؛ معتادته مپودن فوق العاده خیزلی ایدی ! یاربی !

بونه طالعسنزلکدی ؟

« تهز » ك اك اساسلی یرینی نه دن بویله بولانیق ، بویله

قارما قاریشیق کورو یوردم ؟

يوقسه ما كينه بوزولشمى ايدى؟ ينه سورچشمى ايدى؟
 بونى پروفسوردن صورمق ايچون كرى يه دونديكم زمان
 قارشىلاشديغم منظره بنى فوق العاده شاشيرتدى .
 ناصل شاشيرمايه يم كه كندى كنديله يوز يوزه گلشدم .

همده ناصل ؟

آينالرده اولديغى كى دكل ...

يعنى ، آينايه باقديغكم زمان ، نه وضعيته ايسه كز كنديكزى ده
 او وضعيته كورورسكز : ايكزى قالديرديكمزى ، خيالكزده
 آلنى قالديرير ؛ - باشكزى چه ويرديكمزى ، خيالكزده باشنى
 چه ويرير .

حالبو كه بوراده وضعيت اودكلدى !

بن ، شيمدى دورمقده اولديغم طوره نسبتله پك باشقه بر
 طور طاقينمش ، اويلهجه دورويور ، قيميلدانيوردم . برطرفه
 دوغرو دهشتله باقيوردم .

« خيال بن » ك باقديغى طرفه دوغرو باقدم .

« خيال بن » ك باقديغى طرفه ، چه قىستلر واردى ؛
 و طابانجه لرني پروفسورله باريشينايه چويرمشلردى . فقط
 چه قىستلرله آرقاداشلرمده ، چاديرك ايچنده برر دانه دكللردى .
 اونلركده ، بنم كى ، نسخه ثانيه لرى موجوددى .

چه قىستلرك برر نسخه سى ، رووه لوه لرني پروفسورك

برنسخه سنك آلنه توجيه ايتشکن ، — او بر نسخه لری ده بنم
حیرتمی برقچ مثلی آشان بر حیرت ایچنده پروفسورک نسخه
ثانیه سنه :

— بونه ؟ — دییه صوردی . — بو کوردکاریمز نه در ،
پروفسور ؟

پروفسور ایضاحات ویردی :

— غوسپودا ! ... کوردیککنز بو منظره ده شاشیلاجق
برشی یوق ... غوسپودین چه قیست ، ما کینه ابره سنی بالذات
چه ویرمک آرزوسنی کوسته ردی . . بنده کندیسنه آلتی
ناصیل قوللانا جغنی تعریف ایتدم . . . لا کن چه قیست ،
تعریفتمی ای دیکله مه مش اولاجق که ، ابره یی یا کلش طرفه
دوندوردی ! ما کینه ده ، تاریخی بر حادثه یی کوستره جک یرده ،
ده مین « چه — قا » منسوبینک چادیره کیردکلری زمان قایالرک
ضبط ايله مش اولدیغی منظره یی تکرارلادی : شیمدی بزده ،
کندی کندیمری ، برسینه ما فیلمنده سیر ایدهرکی سیرایتدک .
« جهرژینسکی » نک معاونی صوردی :

— پکی ، « قاتهرینا » ايله « بالطه جی » یی ده سدیدر اوزه رنده
کورویورز ! بونه دن ؟

— نه دن اولاجق ! ؟ قایالر ، ما کینه نک میدانه کتیردیکی
سرایی ده تثبیت ایتمش ! ایشته شیمدی اوسرایی ده کوسته ردی :

— طبقی ، قارشى قارشى به دوران آينالرك برى برلرينه عائد
انعكاساتى كوسته ردكلرى كيبي . . .

« جه رزينسكى » نك كاتبي ، پروفيسور « توغان توغانوفسكى »
طرفندن ويريلن بر ايضاحاتله فوق العاده علاقهدار كوروندى :
— ديمك كه ما كينه كز حال حاضرده جريان ايدن حادثاتي ده

نقل ايدىور ، اويله مى ؟ — ديهه صوردي .

آه ، پروفيسور نه ايتدى ده صميمى داوراندى ؛ و :

— اومت ! — جوانى ويردى ؛ !

نه ايتدى ده ما كينه نك كوسته رديكى صوك منظره لرى
حسن تاويله قالقشمادى ؟ ..

نه ايتدى ده « چه-قا » منسوبينته « تاريخ دوربيني »
و « تاريخ غراموفونى » نك بوتون اسرارينى بيلديردى ؟

چه قيسرلر ، ما كينه ايكنجى دفعه ايشله مكه باشلادينى زمان
رووه لوهرلرينى اينديرمشلر كن پروفيسورك بوش بولونوبده
بوتون بو ايضاحاتى ويرمه سى اوزه رينه سلاخلرينى تكرار
استاده توجه ايتديلر . اچلرندن برى :

— آزداها بزي قاندير يوردى كنز ، پروفيسور ! — ديدى . —
آزداها ، آلتك جاسوسلق آلتى اولما دىغنه آرقاداشلر مى اقناع
ايدى جكدى كنز . حالبوكه ما كينه نك موجوديتنى موسقو واده ايكى
ايلك او كجه كشف ايله بن ايم . بو خصوصده « چه-قا » به

بر جورنال ویرمشم . « چه - قا » ده بىم ویردیکم جورنال
اوزه رینه علیک زده تعقیباته کچمشدی .

عینی چه قیست ، آرقاداشلرینه دوندی .

— یولداشلر ! — دیه رک سوزنده دوام ایتدی . — آلتی
کندی کوزلریک زله کوردیک ز ، کندی قولاقلریک زله دیکله -
دیک ز !! پروفیسورک ما کینه سی سایه سنده روسیاده کی بوتون
سیاسی ارتجاع وعکس انقلاب جمعیتلرینک ایزلرینی تعقیب ایده
بیلیر ز . بو ما کینه یی ایشله تدمیدی ، علیهم زده بر تشکل میدانه
کله مز . حالبوکه ما کینه شاید بزم دوشمانلریمزک أینه کچه جک
اولورسه حالز جداً فجیعدر . زیرا ، أول أمرده بولشه ویکلرک
یرچوق اسراری وار . بونلرک دوشمان طرفندن او کره نیلمه سنی
ایسته مه ز . — صو کرا ، چارک قتلی و چاریچه نک أولومدن اولکی
وضعیتی حقنده بعض مهم جهتلر موجودکه کذا بونلرک ده
اجنبیلر طرفندن آکلاشیلما سنی آرزو ایتمه ز . ایش بونکله ده
قالما یور . پروفیسورک ما کینه سی ، بولشه ویکلرک أینه کچه جک
اولورسه ، مثلاً (راسپوتین) ک ، ایکنجی « قاتهرینا » نک وداها
بر چوق مهم شخصیتلرک طرز حیاتلرینی کوروب اکلنه بیله جکز .
« جهر ژینسکی » نک کاتبی بو سوزلری سویله یه نه جواباً :

— اوه ت ، یولداش حقلیسک ! — دیدی . — « تاریخ
غراموفونی » و « تاریخ دوربینی » نی بولشه ویکلره انحصار

ایتدیرمک ضرورتی وار. بوما کینه یالکز بزم المزده بولونمالی!
دنیا یوزنده بزدن باشقه هیچ کیمسه بوندن استفاده ایدمه مه لیدار!

— هایدی ! قالدیرک او یله ایسه ما کینه یی . حاضر روس
حدودی بورایه یاقین ، رومان یادن آتلا سیوره لم .
هیجانمدن تیریل تیریل تیره یوردم .

چه قیستلر ، ما کینه یی آلوب کوتورمک اوزره ایدیلر .
فقط کاشکه ما کینه یی آلوب کوتورمکه اکتفا ایتسه لردی .
« چه - قا » منسوبینی ، هیهات که ، بونکله ده اکتفا ایتمه دی .
— شاید یالکز ما کینه یی آلوب کوتورورسه ک ، آلتک
موجدی بوراده ایکن مقصد حاصل اولماز . زیرا عینی موده ل
اوزره ایکنجی بر ما کینه یاپار !- دیدیلر .

صو کرا ، پروفیسور « توغان توغانوفسکی » یه :
— هایدی استاد ! آنا وطنه .- امرینی ویردیلر .
استاد ، عمرنده ایلك دفعه اولارق هیجان قاپیلدی : آغلایوب
باغیردی ، یولونوب حایقیردی .

بزی قیطیر قیطیر کسک !

لاکن « چه - قا » لیلر ، بو علم آدامنه قارشیی پک درشت
داوران دیلر . اونی توقاتلادیلر ؛ - اللرینی آرقاسنه باغلایوب
آغزینی طیقادیلر ؛ - یرلرده سورو کله دیلر .

اچلرندن اوچی بشی « توغان توغانوفسکی » یه بویله نالایق
معامله ده بولوندیغی صیراده ایدی که دیگر بر طاقیمی بزلرک یانمزه
یاقلاشارق هویتلریمزی تحقیقه باشلادی . جیبلریمزی معاینه
ایله وثیقه لریمزه باقوب بنم تورک تابعیتده بولوندیغی ، -
کندیلریله بر آلیش ویریشم اولمادیغی آکلادیلر . لاکن
رومانیالی « نهق » ک نفوس جزؤداتی کورونجه :

— سنی کیدی سنی ... سن ها ؟ ... او حریف سندنک
ها ؟ ... دیهرک زواللی شیشمان دوستمزی یره ییقدیلر
وپا تاقلامغه باشلادیلر . - سنی روسیایه کوتورده لمده کونکی
کور ...

بویله س-ویله دکلی صیراده اونکده اللرینی باغلادیلر
اونی ده یرلرده سوروکله یرله تکمه له مکّه قویولدیلر .
بو ائنده ، اوته کی غروپ ، باغلرندن قور تولق و آغزنده کی
طیقاچی توکورمک ایسته یین « توغان توغانوفسکی » پی دوکمکه
مشغولدی .

حاصلی ، دوستلرمزدن ایکسی ده فنا حالده دایاق ییورلردی .
باریشینا « یه قاتهرینا پاولوونا » بو منظره یه ایمره ندیمی ،
نه اولدی ، بیله مم :

— بنی ده ... بنی ده ... دییه حایقیردی . - بنی ده روسیه یه ...
کوتوروکز ... بنی ده ...

« جه رژینسکی » نك معاونی :

— سزی ده می ؟ — دییه صورتی . — سزی ده می ! ...
 سزده می روسیه یه کیتماک ایسته یورسکیز ؟ ... سبب ! ... خم م م م ...
 دیمک که خفی بر مقصدیکیز وار ... خایر ، باریشیا ... سزی
 روسیایه کوتورمیه جکیز . . زیرا ، ایلاک اوکجه بولشه ویک
 ممالکنندن خارجه قاچمشکن شمدی اورایه عودته قالقیشما کز ؛
 — بالخاصه بو افندیلر روسیه یه کیتمکدن بو درجه توحش
 ایدرلرکن سزک اورایه عودت ایچون چیرپینما کز ، — بزم حسابمزه
 برفال خیر دکدر !

بر دیکری اونی تصدیق ایتدی :

— حقکیز وار ، یولداش ... پروفسورله ما کینه سنی
 و « نهق » ی روسیایه کوتورملم ... تورک کنجی ایله باریشنیایی
 ایسه بوراده بیراقالم .

— فقط یابزی خبر ویریرلرده حدودی کچمه دن اول
 یا قالاتیرلرسه ؟

— بوکا مانع اولالم ..

— نه صورتله ؟

« چه قا » اعضای آراسنده دیشلهک ، یاریق دوداقلی
 و باطلاق کوزلو بری واردی . بو آدام ، او آنه قادار هیچ
 بر لاف سویله مه مشدی . ایلاک دفعه اولارق آغزینی آچدی

و « نه صورتله ؟ » سؤالنه جواب ویردی :

— مادمکه تورک کنجی ایله باریشنیانک بوراده قالماسنه
و بزم حرکاتمه مانع اوله ماماسنه قرار ویردک، بونک الکولای
یولی ایکیسنی دهه مان شوراجغه یاتوروب قیطیر قیطیر کسمکدر!
— دیدی .

قیطیر قیطیر کسمک می ؟

بزی قیطیر قیطیر کسه جکلردی ، اوله می ؟

بونى ، یاپارلر میدی ، یاپارلردی باللهی .. اوله یا : « توغان
توغانوفسکی » کیی بر پروفسوره آل قالدیردقدن صو کرا ، بزم
کیی آدی صانی بلیرسزلرک حسابی می صورولوردی ؟ ایشته
نته کیم « نهق » ی ناصل یره ییقمشلسه پروفسوری ده اوله جه
ده ویرمشر ، دوکیورلردی .

و پاتلاق کوزلو ، یاریق دوداقلی ، دیشلک چه قیست :

— اک ای اصول تورک کنجی ایله باریشنیایی قیطیر قیطیر

کسمکدر ! — دیوردی .

یاریق دوداقلی چه قیستک بوتکلیفی ، « یه قاتهرینا پولوونا » یی
صوک درجه تحریک ایتدی ؛ — فی الحقیقه منظره ، مازوخیست
طینتده اولان بر کنج قادینی تحریک ایتیه جک نوعدن دکلدی :
آغزلری طیقالی ، قوللری و باجاقلری صیم صیقی باغلی اولان
آرقاداشلر مز ، « چه — قا » لیلرک آلدن قورتولمق ، روسیایه

دونه مك ايچون بوتون وجودلریله بالق کیمی چیرپینیورلر ؛
«چه-قا» لیلرده ، کندیلرینه بوصورتله مقاومتده بولونداقلرندن
اونلری ، قایش کمرلریله چالا کمر دوکیورلردی ...

باریش-نیا «یه قاته رینا پاولوونا» ، غالبا «شراب طولومی»
میخانه سی حفریاتنده ، بنم ، کندیسنی دو مک اوزدره ، کمریمی
چیقاردیغمی خاطر لامش اولاجق که ، ینه او معهود اینیلتیلریله
اینله دی . بللی : قارشیسنده کوردیکی بومنظره ، ذهنتده اویانان
او خاطره ، ونهایت پاتلاق کوزلو چه قنستک بزلی «قیطیر
قیطیر کسمک» تکلیفی ، اونک مرضی حسلرینی صوک حدینه
قادر غلیانه کتیرمشدی .

اینیلتیلری آراسنده :

— اوهت . . . اوهت . . . بزلی . . . بوراده . . . قیطیر
قیطیر . . . کسک . . . قیطیر قیطیر !! . . . بوغوسپودین . . .
حقلی ! . . . بزم . . . حرکاتکزه . . . مانع اولامامز . . . ایچون . . .
بزلی قیطیر قیطیر . . . کسمه لیسکز . . . — دیدیکنی ایشیتدم .
آز داها :

— آمان ایتمه یك ! ایله مه یك . . . کنج قیزک سویله دکلرینه
اهمیت ویرمه یك ! . . . زیرا او ، طبیعی برحاله دکلدر . نه دیدیکنی
بیلمه یور . . . — دیه رک مداخله ده بولونا جقدم .

مکر اوزمان بوتون ایشلری آلت اوست ایده جکمشم !

زيرا، باريشنيا «يه قاتهرينا پاولوونا» نك سوزلري «جهر-
ژينسكي» نك معاوني اوزرنده غايتله غريب برتأثير بيراقدي .
معاون، كولومسه يهرك :

— سز اولدجه قورنازمشسكز، باريشنيا! — ديدى . —
سزى بوراده فجييع بر صورتده اولدورهلمده بولشهويك مفكو-
ره سيله طابان طابانه ضد برمفكوره اولان آنارشيستكه خدمته
بولونالم، اويله مى؟ .. يغمايوق كوچوك خانم! .. بز اوايشلري
بيليرز . . . او يوللردن سز كليركن بز دونيورديق، قوزوم . . .
بزي پروپاگاندا دن آكلاماز صانمايك . . . سزلري بوراده اولدورهلم،
بزم اسممز «ظلم ايتدى» ديه، سزك اسمكز «ظلم كوردى»
ديه چيقيسين ديمك؟ .. پششششت!! .. افكار عموميه نك، سزك
لهكزه، بزم عليهمزه برشكل آلماسى امليله نفسكزى آنارشيستك
اوغرينه فدا ايتديككزى آكلايورم، كوچوك خانم! . . .
لاكن، بوقهرمانلغى ايلك اوچه ياپان سزدكلسكز . . . برچوق
مجادله قهرمانلري سزك يولكزده يورومشلردر . . . حتى بو،
يالكز روسيايه عائد بر پروپاگاندا واسطه سى دكلدر . . . ممالك
اجنبیه ده ده عینی واسطه یه باش وورولور . مثلاً «دوبان» بلدییه
رئیسیده، افکار عمومیه یی کندی فرقه سی لهنه تحریک ایچون آجلق
غره وی یامیشدی! حاصلی آکلايورسكز كه، باريشنيا، مقصديكزك
فرقنده يز . . . بوسيله سزى اولدوره يه چكز . . .

«یہ قاتہ رینا پاولوونا» آرقاداشاریمزہ دایاق آتیلدیغنی کوردجکھ
حالا وجد حالندہ :

— اولدورک . . اولدورک . . اللہ . . عشقنہ . . قیطیر . .
قیطیر . . کسک . . — دیمکدہ بردوامدی . — اونلری دو کوپورسکیز . .
اونلرک . . آغیزلرینی . . طیقایورسکیز . . اونلرہ . . عذاب . .
ایدیورسکیزدہ . . نیچون . . بزہ . . عذاب ایتہ یورسکیز ؟
چہ قیستلر، بو آرالق پروف سورلہ «ئہق» ی قیص قیوراق
بند وضبط ایتشلردی .
صیرا بزہ کلشدی .

بنی دہ ، کنج قیزی دہ ، قوللریمزدن بر آغاچہ باغلادیلر .
دیشلاک حریف ، معاونہ :

— آغیزلرینی دہ طیقایاجقمی یز ؟ — دیہہ صوردی .
«جہرژینسکی» نک معاونی جواب ویردی :
— خایر! جوارده این جین نامنہ کیمسہلر کورونمہ دیکی
ایچون بوکا حاجت یوق . . . ایستہ دکلری قادار باغیرسینلر !
سسارینی «پروت» کنارندہ کی قاراقولہ ایشیتدیرہ مزلر .
«چہ — قا» لیلردن بر اوچنجیسی بزى آغاچلرہ باغلایان
ایپلریمزى معاینہ ایتدی :

— آفرین ! — دیدی . — کشفلنہ چیقیورز دیہہ برابر .
لرنده صاغلام ایپ آملشلر ! بوایپلری قطعاً قوپارامازلر . فقط

باغلري بر آز كه وشهك!... داها صيقشديرالم .
 برى ، بر طرفه ، او برى ده او بر طرفه كچدى . آياقلىرى
 آغاجه دايايارق ايلرى اويله چكديلر ، اويله چكديلر كه آزالدى
 وجودمدن قان آقيتاجقلىردى . اضطراب ايچنده قيوارندم .
 نته كيم قارشيمده كي آغاجده باغلى دوران « يه قاتهرينا
 پاولوونا » نك باغلرينى صيقشدير دقلىرى صيراده ، كنج قيزك
 وجوندن قان فيشقىردىغنى كوردم . آكلاشيلان ، اونى - آنارشىست
 ديه - داها صيقى صيقى يه باغلايورلردى . بويله باغلانما ، باغلانير كن
 اورسه له نمه و خير پالانما ، كنج قيزك فوق العاده ذوقنى
 او قشايوردى :

— داها . . . صيفيك . . . داها . . . داها . . .
 — ديه ايكلهدى .

و وجودى باغلان ايلرك تنده ميدانه كتيردىكى بره لرى
 داها زياده درينله شديرمك ايچون صاغه صوله ، ايلرى كرى ،
 يوقارى آشاغى قيميلداندى ، تپره ندى ، ده به الله شدى .
 چه قيسستلر ، اونك بو حر كترلرني ، ايلردن قورتولمق
 ايچون صانديلر غالبا كه باطلاق كوزلو ، ياريق دوداقلى و ديشلك
 حريف ، كنج قيزه :

— قيميلد انمادن دور ! — امرينى ويردى .
 لا كن باريشنيانك حالا قيميلد انمقده دوام ايله ديكنى كورنجه ،

هواده بردائره حالنده صاووردیغی قوتلی برشامارله، کنبجروس
قیزینک اوپولمکه بیله قیلمایا جق قادار کوزهل یوزینی طوقاتلادی:
شرر رراق !

باریشیتا ایکله مکده بردوامدی :

— بر داهایا . . . بر داهایا ووور . . . الله عشقنه . . .

الله عشقنه . . .

« جه رژینسکی » نك كاتبی :

— بو قیز مدهش قیز ! — دیدی . — ایی که بونی روسیایه
کوتورمه یورز ! یوقسه ، معاذالله ، او، یالکیز باشنه براختلال
حرکتی میدانله کتیره بیلیمک اقتدارینی حائز ... فقط بوراده
فضله دورمایلم آرقداشلر . . . هایدی . . .

چه قیستلردن بری، پروفسورک ما کینه سنی اوموزینه آلدی.
او برلری ده ، « توغان توغانوفسکی » ایله « نهق » ی ،
ایته سومه ، سورکله یه یووارلایه ایله رله تدیلر . یانمزدن
اوزاقلاشمغه باشلادیلر .

بوایتیلوب سومولمه، سوروکله نوب یووارلانما، سینیرلری ،
دهمین ییدیکی طوقاتله ، آغاجک سرت قابوقاریله و ایپلرک
برله ییجی قابالغی ایله زدهله نن کنبج روس قیزی اوزهرنده ذوق
وصفانک صوک حدینه وارمش انسانلرده کی اشکالی رسم ایدیوردی .
« یه قاتهرینا پولوونا » نك ماوی کوزلری سوزولمشدی . یوزینه

بر آله و دال حالنده قیزیلاق وورمشدی . کو کسی هیجانله
اینوب قالقیوردی .

و ایکله مکده بردوامدی :

— آه . . . اونلری . . . یرلرده . . . نه کوزمل . . .
سوروکله یورلرده . . . بکا . . . بر توقات . . . داها . . .
وورمادیلر . . . آه . . . بر توقات . . . داها . . . وورسه
ایدیلر . . . آه . . . شو ایپلری . . . داها زیاده . . . صیقارق . . .
عضله لریمی . . . سینیرلریمی . . . دامارلریمی . . . کسسه لر . . .
کمیکلریمه . . . قادار . . . دایانسه ایدیلر . . .

ایپلر ، وجودیمی آجیتیوردی .

کیده نلر ، — کیت کیده ، — کوزدن اوزاقلاشیورلردی .
باریشنیا « یه قاته رینا پاولوونا » اونلرک آردی صیرا باقارق :

— کمیکلریمه قادار . . . — دییه اینیله مکده بردوامدی . . .
کمیکلریمه . . . حتی ایلیکلریمه قادار . . . جانمک تااا ایچنه قادار . . .
صوقولسه ، صوقولسه . . . ایپلر وجودیمی ییلانلر کبی ییسه . . .
کنج قیز ، عاشقنک قوجاغنده کی پر احتراض قادینلر
حالنده ایدی .

قیزنک . . . قیزنک . . . قیزنک . . .

« چه — قا » اعضاسیله ایکی دوستمز ، بر پوقوشدن اینوب

بر داغ دونه مجنی صایدیلر و کوزدن غیب اولدیلر .
کورونورده ، « یه قاتهرینا پاولوونا » ایله بندن باشقه
ذی روح قلمادی .

کنج قیز ، کندندن کچیوردی :

— بنی سورو کله یك!! تکمه له یك!! برداها طوقا تلایك!!—
دییه اینیلده دکن صو کرا ، صوصدی .
وجودینی آغاجه باغلایان ایپلرک اوزرنده آصیلی قالدی ؛—
داله دایانان اولمش بر میوه کیی بونلره آبانارق کدوشه دی ،
صارقدی .

لیسقه صاحلی ، پنبه بیاض تنلی ، موزون وجودلی روس
قیزی ، — بو وضعیتیه ، — طانید قلمدن برینی آ کدیریوردی .
فقط بن ، — صو ک آیلر ، بالخاصه صو ک ساعتلر ظرفنده ،
دقت خاصه می تمرکز ایتدیرمک یوزندن ، فوق العاده یورولان
دماغمه ، — دوشوندم ، دوشوندم ده بوبکزه یشی و بوبکزه یشک
معناسنی بر تورلو قاورایامادم .

« یه قاتهرینا پاولوونا » یی ایلک اوکجه ، شهوت دالغالینی
آ کدیران یالین آتش دیللی آره سنده کی ژان دارقه [۱] ، —

[۱] « ژان دارق » ، فرانسز تاریخنده بر قادین قهرماندر .
انکلیزلری مغلوب ایتمش ، بالاخره اونلرک آلینه کچهرک دیری دیری
یا قیلمشدر .

صوڪرا، عيساڻڪ چارميڻي دڀنده ڪندڻن ڪڇن با ڪره آنايه
 [۱] - و نهايت ما ڪينهڪ ڦايلر اوزرنده سورچديڪي زمان
 «البه جي» نڪ حريمنده ڦيوريم ڦيوريم ڦيوراناڻ، ڦيوراندڦدن
 صوڪرا، اويوشوب ڦالان «ڦاٽه زينا» يه بڪزه تدم.
 ڪوزم، بو بڪزه تيش اوزهرينه، ڪنج روس ڦيزنده
 ڦالا ڦالدي.

هاني ڦيرطينالردن، بورالردن صوڪرا، بر سڪون دوره سي
 اولور؛ - ايشته باريشنياده، ده مينڪي مرضي شهوت واحتراس
 ڦاصيرغاسي اوزرينه، بويله سا ڪن بر اويوشوڦلق اويڦوسنه
 دالمش ڪييدي. حالا برشيلر سويله نيوردي.

سسي، ڦويودن ڪلير ڪيبي، ده ريندن ده رينه ڪليوردي:
 - ابي ڪه صاڦلامشم... ابي ڪه... اونانه موللا آدمڪ...
 احڦادنڊن اولديغمي... بيلديرمه مشم... ابي ڪه چار «پترو»...
 «ڦالچي- پرودووا» عائله سنه مؤنث براصالت ويرمش... مؤنث
 براصالت ويرمش ده اونانه موللا آدمڪ آديني طاشيامشم...
 «ڦالچي- پرودووا» مي؟...

بو اسمه آشنا ايدم...

«ڦره ملين» ڪ دڀنده ڪي حڦرياتده چاليشديغمز صيراده،
 باريشنيا «يه ڦاٽه زينا پاولوونا»، ڪنديسنڪ ڪينيا غينيا «ڦالچي-

پرودووا « عائله سنه منسوب بولونديغنی ، وبوعائله ده کی اصالتک
مؤنث (یعنی بابادن اوغله دکل ده ، آنادن قیزه انتقال ایله یین)
براصالت اولدیغنی بکا بیلدیرمه مشمی ایدی ؟

فقط بواویوشوقلق زماننده صایقلادیغنی شی نه ایدی ؟ ..
« او نانه موللا آدام » کیمدی ؟ .. « یه قاتهرینا پاولوونا » کیمک
احفادنشمس ؟ ... هرکسدن نه بی صاقلامش ایمش ؟ ... هانکی
« حریفک » عائله آدینی طاشیماقله افتخار ایدیورمش ؟

مراقده قالدیغم ایچون سسله ندم :

— باریشنیا !! ... باریشنیا !! ...

کنج روس قیزی ، اویقوده ایکن یاتاغننده بر یاندن او بر
یانه دونهر کیی قیمیلداندی .

فقط اویانمامشدی .

اویقوسنک بخاری ایچنده ، بولوتلر آراسنده کورون
مهتابه بکزه یوردی .

تکرار سسلندم :

— باریشنیا !! . . . باریشنیا !! . . . « فالچی — پرودووا »

مسئله سی نه در ؟

حالا صایقلار جاسنه :

— « فالچی — پرودووا » ... مسئله می ؟ ... بو مسئله ...

معمادر ! ... اونی سویله مم ... اونی کیمسه یه ... سویله مم ! ..

كىنياغىنيا ... « فالچى - پرودووا » ... چار « بويوك پترو » نك
 مترەسى « قاتەرىنا » نك ... « بالتەجى » دن اولما ... پىچىدر ...
 پىچىدر ... پىچىدر ... پىچ قىزىدر ! ... چادىردە بولوشمارىنك
 نتيجهسى ... دوقوز آي اون كون صو كرا ... برىچ دوغدى ! ...
 چار، پىچە ... « فالچى » اوواسندن و « پروت » نەردن كىنايە ...
 « فالچى - پرودووا » اصالتى وىردى ... فقط بو بر سردر ..
 بن بوسرى كىمسە يە .. سويلەيم ! چار « پترو » ... « فالچى -
 پرودووا » يە بالالتزام .. مؤنت اصالت وىردى ... زىرا ..
 باباسنك اصالتى طانمايوردى ... « بالتەجى » نك اصالتى
 طانمايوردى ... بن ، ايشتە او پىچك قىزىنك ... قىزىنك ...
 قىزىنك ... قىزىنك ... قىزىنك ... قىزىنك ... قىزىنك ...
 قىزىنك ... قىزىنك ... قىزىنك قىزىم ! اون برنجى بطندهكى
 قىزىم ... فقط بونى ... بوسرى ... كىمسە يە ... آچامغە
 عەھدىم وار .. بوسرى او كەرنەلە اولنەجكم ! ... زىرا بوسرى
 او كەرنەنك ... ألدە ... اويونچاق اولغە محكوم ... بوسرى
 سويلەيم ... سويلەيم ... سويلەيم ... سويلەيم ...
 — بارىشنىا !! .. بارىشنىا !! ..

فقط بارىشنىا دالغىنلغندن آيىلمايوردى . شىمدى ، مرضى
 دالغىنلغى باشقە تورلوتظاھرات كوستريوردى . اىپىرلە باغلى بولوندىغى
 آغاچدە چىرىنىيوردى ، باغلرندن قورتولغە اوغراشيوردى .

باغلامچی قویاردم

وېن اوکا باقیورددم .

اوکا باقارق آرتق بوتون وضوحیله کوروپور و آکلایور-
دم که ، بوکنج قیز ، جداً « قاتهرینا » نك احفادنندر !

أومت ! - اوغوللر ، بویوک بابالرینه بکزمه یه بیلیر ...
چونکه ، آرایه قضارا بر حیله لی بابانك قاریشمش اولماسنه ،
سلاله نك بوزولماسنه احتمال واردر . لاکن آنادن قیزه منتقل
عنوانی طاشیدیان عائله افرادنده بهمه حال محسوس بر شکل
و سجه مشابعتی بولونور . چونکه بابانك حقیقی بابا اولدیغی
شبهه لی ایسه ده آنانك حقیقی آنا اولدیغی محققدر .

نته کیم « قاتهرینا » دن « یه قاتهرینا پاولوونا » یه قادار اون
بر بطنلق بر مرحله اولدیغی حالد مشابعت حالا محافظه
اولونیوردی :

ایشته عینی سس ، عینی شکل و شمائل ، عینی مرضیت !!
بر آن ، ایچمدن بر سهوینج قوپدی یوره کم هوپ ایتدی .
دیمك که ، داها ده مین قارشیمده بر سراب حالنده جانلانان
وصوکراینه بر سراب حالنده سونوویره ن « قاتهرینا » نك - ،
سینی دویدیغم ، وجودینك چیپلاقلی ، قیوراقلی سیر ایتدیکم
و بویله اکلله حواس خمسهمك - (خایر ، حواس خمسهمك

دکل، حواس سته مک [۱] - ایکسیس-یله تماسده بولوندیغم بو
خارق العاده تاریخی قادینک - لامسه مله، ذائقه مله، شاده مله ده
حتی، حاسه عضلیه مله کنهنه وارمق اختیارنده ایدم...
فقط، قوللریمی آغاجه صیم صیتی باغلایان بویاپلر اولماسه.
اولدیغم یرده کریندم.

ایپلریمی قوپارمغه اوغراشدم.

فقط ایپلر، اوتهمی بریمی اویله زده له دیلر، برده له دیلر که...
أومت: ایپلر، اوتهمی بهریمی پک فنا حالد بهرله دیلر.
بو باغلانیدیغم یردن قوپوب قورتولمق ایچون، کریندم،
کریندم؛ - فقط هیئات که، کرینمک ده فائده ویرمه دی. بنی
آغاجه باغلایان ایپلر، قوللریمی و باجقلریمی، - چیلاق تنه
اینهن قیرباج صیریملری کیی کیردی.

«یه قاتهرینا پاولونا» آرتق اویوش-وقلق اویقوسندن
اویانمشدی. پر احتراض، بکا باقیوردی. ایپلردن قورتولمق
ایچون چابالانان وجودیمک احتیلاجلرینی سیر ایدیوردی. بنی،
باغلم ایچنده چیرپینیرکن کورنجه، اوده، باغلرینی قوپارمق

[۱] مکتبلرده، بزه، انسانک حسلرینی بشدر دییه اوکرمه تملردی:
سامعه، باصره، شامه، ذائقه، لامسه... حالبوکه انسانک برده
آلتینجی حسی واردرکه، بو، چوق اهمیتلی بر حسدر: حاسه عضلیه
یعنی، برشیدمک طارتیسینی اولچمک حسی که، بو حسک عشق و احتراضده
بویوک بررول اوینادینی درکاردر.

مقصديله قيوراندي، قيوراندي . داغ باشنده اشقيالرك قوجاغنه
دوشهرڪ عصمت وعفتني قورتارمق اوزره چابالانان باكره لره
بكره يوردى . وجوديني « بالطه جي » يه ويرمه مك ايسته ين
« قاتهرينا » يه بكره يوردى . لا كن ، قورتولامادى ، چوزو-
له مه دى ، ايلرى قوپارامادى . داغ باشلرنده كي مجادله لرده غلبه
ناصيل قيز طرفنده قالمازده ، دائما ، دائما اشقيا طرفنده قاليرسه ؛
- اشقيا ، ناصل ، ايركچ ، اللرينه كچن باكر قيزلرى صويارسه ؛
- « بالطه جي » ، نهايه النهايه « قاتهرينا » يي ناصل كندينه رام
ايتديسه ؛ - ايلرله « يه قاتهرينا پاولوونا » آراسنده جريان ايله ين
مجادله دده كنج روس قيزى اويله جه مغلوب اولدى ؛ وايلرك
صيم صيقى صيقيلمش آغوشنده چيرپينوب ده به لاه شير كن ، البسه سى
ليمه ليمه پارچالانارق اوزرندن دو كولى ؛ - و « يه قاتهرينا پاولوونا » ،
قان صيزينتيلرى آراسنده قيزارمش اولان آساسنده بياض وجوديله
چيريل چيپلاق اورتايه چيقدى .

ايسته بن ، اوزمان ، دامارلرمدى قانك تماميله باشقه
تورلو دونمكه باشلادينى حس ايتدم . « يه قاتهرينا پاولوونا » نك
ايلرله بره لشمش وجوديني ، - « يه قاتهرينا پاولوونا » نك وجودنده
شريدلنه ن قان قيزيللغنى ، - « يه قاتهرينا پاولوونا » ايله ايلر
آراسنده كي قوجاق قوجاغه جانله باشله مبارزه يي كورنجه ، حياتمه
ايلك دفعه اولارق برقاديني اوپمك دكل ده دوكمك ، بويله لكه

قالقینان اعصابی یاتیشدیرمق آرزوسنی دویدم . صانکه کنج
روس قیزی ، قارشیمده بر قوش قانادی حالنده چیرپینوب
دورورکن ، بوقانادک چیقاردیغی روزکار ، بنم ایچمده صاقلی
دوران اوزه ری کولله نمش آتشی اوفله مشدی ده ، هویتم قیپ
قیزیل بر سادیست اولارق ، پر احتراص ، میدانه چیقممشدی .
بر یامیام وحشتیه ، بنی باغلایان ایپلردن برینی دیشلریمله
قاوردام . آغزم ، قان و کوپوک ایچنده ، ایپی کمیردم ، - قاضمه لر
کیی کمیردم ... وای قوپاردم ! - ایپ ، وجودمدن ، پس دیهن
بر پهلوانک کهوشهین قوللری حالنده چوزولدی .

باغلاندیغم آغاجدن ، - یایندن فیرلایان اوق کیی ، ایپنی
قوپاران بوغا کیی ، غضبه صاللانان بر قولک منتهاسنده کی طوقات
کیی فیرلادم .

ذوقه بر آله ارجک قاروشم ایچره غایبه هیانت

اوآن ظرفنده ، اوغولایان قولاقلمده ده ریندن ده رینه
برسس چینلادی :

— وقت غیب ایتمدن ... وقت غیب ایتمدن ... « پروت »
نهری کنارنده کی قاراغوله قوش ... « چه - قا » نک آدام
قاجیردیغنی سویله ! ... علمی قورتار ... « تاریخ غراموفونی »
ایله « تاریخ دوربینی » نی قورتار ...

بیله مه م : بوسس ، آغزندن طيقاجی آتان « توغان توغا-
نوفسکی » نك اوزاقدن اوزاغه عكس ایدن سسی می ایدی ؟
یوقسه بنم وجدانمك سسی می ایدی ؟

بن ، بوسسه قولاقلریمی طيقادم . طبقی بالطه جینك یاپدیغی
کبی ، ذوق و احتراصه بر آن اوجکه قاووشمق ایچون ، غایه مه
خیانت ایتدم . حاضر ایپلرمدن قورتولمشکن « پروت » نه ری
کنارنده کی رومن قاراغولنه قوشاجق و پروفسورک قاجیریلدیغی
بیلدیره جک یرده « یه قاتهرینا پاولوونا » یه قوشدم :

بنی آغاجه باغلایان ایی بر حمله ده چکدم و « یه قاتهرینا پاولو-
ونا » یی - قلبمده اویانان ، داها دوغروسی قلبمده بالذات اونك
طرفدن اویاندریلان سادیست حس ایله قامچیلام . . . -
قامچیلارکن « یه قاتهرینا پاولوونا » یی دکل ده ، اونك آناسنك
آناسنك آناسنك آناسنك آناسنك آناسنك آناسنك آناسنك
آناسنك آناسنی - (اون بر بطن اولکی بویوک آناسنی) -
اومستثنا و اعصار ایچنده نادر یتیشیر « قاتهرینا » یی قامچیلار
کیبی ، وصو کرا ... اوپهر کیبی اولدم ...

« کیبی » دکل !

« کیبی » سی فضله ...

قامچیلام و اوپدم !! بالذات « قاتهرینا » یی ساعتلرجه ،
ساعتلرجه قامچیلام و اوپدم ...

و بورومان ، بو « نوقه برآيه او کج ڦاروشمن ايجره غايه
ضمانت روماني » بوراده بيتدي .

خاتمه

بن ، بوروماني « بالطه جي » نك مدفون بولونديغي « قطب-
العارفين وعمدةالواصلين الشيخ محمد مصري نيازي قدس سره-
السامي حضرتلري نك آسوده اولدقلى خطيره ده » نهايتله نديرمه دم .
آثري اولومله دكل ، باشلاديغي كيبي احتراصله بيتيردم . چونكه
قارئلمك « عمومي رغبت » ي چادير مسئله سنه ايدي . بن ده چاديرده
جريان ايدن روماني يازدم . ايلري وارمادم . فقط ديه جكسكز كه ،
- نته كيم برچوقلري كز مکتوب يازارق صور بكز : - « توغان
توغانوفسكي » نك ما كينه سي نه دن اك آنته ره سان يرلرده دوردي ؟
نه دن ما كينه يه تكمه لر ، يومروقلر ايندي ؟ نه دن ابره يا كلش
طرفلره دوندي ؟ نه دن فيجي حفریات ايچنده اويله مناسبتر
برزمانده يووارلاندي ؟ نه دن رومان ، آغا جده كي ايپ قوپار
قوپماز « خاتمه » لوحه سيله قارشيلاشدي ؟ نه-ن بوتون بونلر
اولدي ده احتراص وشهوت لوحه لرني صوكنه قادار سيرايدمه دك ؟
بوني بندين دكل ، جزا قانوننامه سنك آداب عموميه تعلق
ايدن ۴۲۶ نجبي ماده سندن صوريكز !

- صوك -

**TO RENEW CALL
422-3900**

HIGHSMITH	15-000		

HIGHSMITH 45-220

